

*image
not
available*

983

EX LIBRIS
A. TRENDELENBURG.

7511983

83/1

107

Georgia Augusta.
Anno MDCCCLXX.
C. A. Holsche

**INSTITUTIONES
JURIS NATURÆ
ET
GENTIUM**

**IN QUIBUS
EX IPSA HOMINIS NATURA
CONTINUO NEXU
OMNES OBLIGATIONES
ET JURA OMNIA
DEDUCUNTUR.**

**AUTORE
CHRISTIANO L. B. DE WOLFF
POTENTISSIMI BORUSSIÆ REGIS
CONSILIARIO INTIMO ET UNIVERSITATIS
HALENSIS CANCELLARIO ET
SENIORE.**

CUM PRIVILEGIIS.

**HALÆ MAGDEBURGICÆ
PROSTAT IN OFFICINA RENGIERIANA.
MDCCLIV.**

CHIEF OF POLICE
CITY OF NEW YORK

TO THE
ATTORNEY GENERAL
STATE OF NEW YORK
FROM THE
CHIEF OF POLICE
CITY OF NEW YORK

RECEIVED
JAN 22 1908
CITY OF NEW YORK
OFFICE OF THE
CHIEF OF POLICE

RECEIVED
JAN 22 1908

RECEIVED
JAN 22 1908
OFFICE OF THE
CHIEF OF POLICE

SERENISSIMO
CELSISSIMOQUE
PRINCIPI AC DOMINO
DOMINO
AUGUSTO
WILHELMO
BORVSSIÆ PRINCIPI
ET REL.

DOMINO

LONGE CLEMENTISSIMO.

56020

SERENISSIME
CELSISSIMEQVE
PRINCEPS,



Veritas & justitia
fulcimenta Reipu-
blicæ sunt, qui-
bus deserta in ruinam labitur.

Veri-

Veritas a justitia separari nequit, nisi mores, quos communis opinio probat, speciem ejus fallacem induere debeant. Consistit justitia in voluntate constante ac perpetua jus suum cuique tribuendi, ideoque neminem lædendi, seu injuriam faciendi. Jus intime non perspicitur, nisi simul cognoscatur, quid bonum, æquum atque rectum sit. Justus igitur nil facit, nisi cum sensu officii,

nec sine studio recte agendi,
ac ita demum solidam veram-
que gloriam acquirit, invidiæ
obtreptione non lacerandam.
Actionum humanarum boni-
tatem, æquitatem & rectitudi-
nem non facit hominum opi-
nio, quæ stabilis non permanet,
nec sibi in omnibus consentit,
sed ut sint bonæ, ut æquæ, ut
rectæ, id ab ipsa hominum na-
tura venit & in rerum essentia
atque natura rationem suffi-
cien-

cientem habet. Differt igitur ab
opinione veritas, quæ æterni-
tatem & sempiternitatem ab
ipsa hominum atque rerum ef-
fentia & natura immutabili tra-
hit. Neque etiam opinio, assen-
sum firmum atque immotum
parere nescia, voluntatem effi-
cit constantem & perpetuam;
sed haud raro in re maxime ar-
dua animus incertus fluctuatur,
& in præceptis pervenitur. So-
la veritas, quæ unica & immu-

tabilis est, nec ulli unquam im-
ponit, constantiæ ac perpetui-
tatis mater est. Hæc ratio me
permovet, ut castum illud &
sanctum ius, quod ipsa natura
inter homines singulos atque
gentes constituit, inconcussum
felicitatis totius generis huma-
ni fundamentum, ex ipsa na-
tura humana continuo nexu,
concinna tamen brevitate, ut
prodessem plurimis, deductum
in systema quoddam breve,
sed

sed veri nominis redigerem, ea
solicitudine, ne brevitās de-
traheret perspicuitati. Quo-
niam abunde convictus sum,
**PRINCEPS CELSIS-
SIME, TIBI** veritas & iustitiæ
amanti non displicetum iri labo-
rem, quem exantlavi; libellum
hunc mole quidem, ast non utili-
tate parvum & ubertate rerum
gravem summa animi devotio-
ne **CELSITVDINI TUÆ
REGIÆ** offero, meque Cle-

(5

men-

mentiaē TUÆ commendo,
additis votis: Deus TE fer-
vet!

R E G I Æ
CELSITUDINIS TUÆ

humillimus & devotissimus Cultor,
CHRISTIANUS L. B. DE WOLFF.



P R Æ F A T I O.



ostquam opus arduum Juris naturæ & gentium absolvi & ad exitum perduxi, vt prodessem plurimis, ea, quæ in illo diffuse pertractata fuerunt, concinna

brevitate in compendium coëgi, & nunc sub titulo Institutionum Juris naturæ & gentium in publicum profero. Reddenda vero mihi est instituti huius ratio. Cum amor veritati mihi quasi natura sit insitus, ac ideo jam saepe monuerim, me non alio fine ad studium Matheseos animum appulisse, quam ut causam tantæ certitudinis in Geometria intime perspicerem; ea cognita nihil mihi antiquius fuit,

fuit, quam ut veritatem in aprico collocarem, nec assensum eidem præberem persuasus, sed convictus. Eodem animo ad jura enodanda accessi, & fontem omnis juris in natura humana deprehendi, quod dudum inculcatum a veteribus & a recentioribus repetitum, at minime demonstratum, non opinione mihi persuasi, sed ad veritatem convictus fui. Ita vero mihi non modo innotuit modus, quo ipsa natura obligamur ad certas actiones committendas, vel omitendas; verum etiam omnis amplitudo juris naturæ qua ad quaslibet actiones humanas, qualescunque tandem illæ fuerint, extenditur; tandemque intellexi, quomodo Jura positiva ex Jure naturæ fieri debeant, ut ab omni censura immunia a tribunali rationis minime vereantur, ne adversus se pronuntietur. Sequitur hinc, veluti sua sponte, ut etiam Juri positivo omni non minus, quam naturali insit veritas & ea via demonstrationis patefiat, sicque

P R Æ F A T I O.

que quod pro jure habetur, vel habendum ab eo, quod est, certo & accurate discernatur. Regit nimirum Jus naturæ sicut voluntatem omnium hominum in singulis actibus; ita etiam voluntatem legislatoris, cujus perinde libertas, ac singulorum hominum naturalis obligationem minime tollit. Ea igitur alio modo in lucem proferri non potuerunt, nisi vestigiis *Euclidis*, legum verioris Logicæ rigidi observatoris, insistendo singuli termini exacta definitione explicarentur, propositiones singulæ sufficienter determinarentur, & non minus definitiones ita ordinarerentur, ut sequentes per antecedentes penitus intelligantur, sed propositiones quoque ita, ut sequentium veritas per antecedentes pateat. Finem hunc mihi propositum ut assequerer, in opere vasto Jus naturæ & gentium demonstrare aggressus sum, & idem nuper ad umbilicum perduxi, neque ullus dubito (absit jactantia verbis!) me omni Juris-

P R Æ F A T I O.

risprudentiae lucem affudisse, & nunc demum intelligi, quod a *Cicerone* scite dictum non ex duodecim Tabulis, nec ex edicto prætorum, sed penitus ex intima philosophia Juris scientiam hauriendam esse. Neque enim solum leges naturæ ad omnia jura tam privata, quam publica atque gentium extensæ in concordiam reductæ sunt, verum etiam si leges positivæ in quibus a naturalibus abeunt, ad normam naturalium iuxta theoriam naturalem legum civilium, ieu positivarum, quae ipsa pars haud infima est Juris naturæ, etsi hætenus deserta & inculta, exigantur, inter Jurisprudentiam naturalem & positivam pulcherrimus nascitur concentus, ita ut omnium una sit concordia, una consonantia. Qui Jurisprudentiam colunt, imperiti plerumque sunt methodi, quæ sola ad scientiam ducit, nec amplitudinem Juris naturæ prospiciunt. Opus itaque nostrum non videtur esse adipforum palatum compositum: multo

P R Æ F A T I O .

to minus autem captui tyronum convenit, quibus etiam obstat prolixitas. Quamobrem cum munus docendi Jus naturæ & gentium mihi demandatum sit; opera quoque mihi danda erat, ut cupidam legum juventutem ad solidam certamque juris scientiam perducerem, veris autem justitiæ sacerdotibus ad penetralia Themidos viam planam sternerem, ne longius, quam par erat, amplius videatur iter, quod in opere Juris naturæ & gentium ingressus sum. Finem hunc mihi propositum ut consequerem, in his Institutionibus complexus sum omnes definitiones & propositiones in opere majore contentas, paucis quibusdam exceptis, quæ per illas facile intelliguntur, nec quicquam omitteretur, quod ad omne jus privatum, publicum universale & gentium proprium spectat. Præterea, quod palmarium est, curæ maxime id habui, ut singularum propositionum rationes sufficientes inspiciantur, nec in definitione-

P R Æ F A T I O.

tionibus quicquam sumatur, quod obscuritatem quandam adhuc in mente relinquat, quo minus penitus intelligatur. Ac propterea omnia in eum ordinem redegi, ut sequentia cum antecedentibus continuo cohæreant, & hæc per illa continuam lucem fundant. Equidem fieri non potuit, ut rationes evolvendo, quantum rigor demonstrandi exigit, & quod in opere majore præstiti, demonstrationes darem completas, quas præsens institutum non fert; id tamen non obstat, quo minus singulorum pateant rationes genuinae, abunde satisfaciennes iis, quorum aciei lux clarissima adhuc officit: neque enim omnibus, ac nemini statim ipsum solem instar aquilarum intueri datum est, sed in luce meridiana initio caligant omnes. Successive autem crescente luce mentis, quæ naturæ consuetudo est, majorem lucem desiderant, qui in clarissima se versari arbitrabantur, & ita tandem evenit,
ut,

P R Æ F A T I O.

ut, quod antea fastidiebant, nunc avidi appetant, nec satisfaciant nisi demonstrationes Euclideanarum imitamenta. Et sic demum plenissime constabit, nos in opere vasto Juris naturæ & gentium non inutiles quæsisisse ambages, sed breviori via ad metam tendi non potuisse. Ceterum ut uno quasi conspectu exhibeam, quomodo ex ipsa natura humana tanquam fonte suo fluant omnes obligationes omniaque jura hominum, quædam adhuc mihi dicenda supersunt. Constat homo ex anima & corpore, & quemadmodum hoc ex variis componitur organis, quorum functiones conjunctim ad communem quendam scopum tendunt, veluti organorum vitalium ad totius corporis, seu vitæ ac sanitatis ejusdem conservationem; ita animæ insunt diversæ facultates, quarum socio usu homo rationis particeps, quia a ceteris animalibus disjungitur, aptus

(*Wolffii Instit. J. N. & G.*) () (effi-

P R Æ F A T I O.

efficitur ad vitam rationi convenientem vivendam. Illa aptitudo organorum ad functiones suas obeundum, facultatum ad suum usum, quem habent in vita hominis viuenda, perfectionem hominis essentialem absolunt. Cum natura a veritatis tramite nunquam ne latum quidem unguem discedens non ullam ferat contradictionem, veritatis perpetuo capitalem hostem; eidem non alia convenit actionum humanarum directio, quam ut determinentur per easdem rationes finales, per quas determinantur naturales, & sic cum naturalibus ad eandem metam tendant. Atque aptitudo actiones liberas sic & non aliter determinandi perfectionem hominis accidentalem absolvit: quæ ubi ad essentialem accedit, integram hominis perfectionem perficit. Et inde est, ut actiones hominum liberæ intrinseca bonitate atque malitia discriminentur. Cum vero homo per natu-

P R Æ F A T I O.

naturam in genere determinatus sit ad bonum appetendum, malum averſandum; bonitas intrinſeca motivum eſt actionum committendarum, malitia omittendarum: unde naſcitur obligatio naturalis & directio actionum, quam diximus, induit formam legis ab ipſa natura latam. Ut obligationi huic ſatisfieri poſſit, conceſſa quoque homini eſſe debet facultas ea faciendi, ſine quibus illi ſatisfieri nequit, & ita ex illa tanquam fonte derivatur jus cum ad uſum rerum, tum ad certos actus. Ea vero eſt hominum natura, ut non niſi conjunctis viribus & mutuo adjutorio ad illam perfectionem tendere poſſint quæ unicus felicitatis fons eſt. Ac propterea officia erga ſe ipſum cum officiis erga alios amico charitatis vinculo ipſa natura copulavit, ut ad utraque eadem ſit obligatio neceſſaria & in ſe immutabilis. Enimvero cum non inexhaustæ ſint hominis vires, nec ideo ſine ratio-

P R Æ F A T I O.

ne profundendæ; officia aliis non debentur cum neglectu sui, & ultra id, quod in potestate est, nec iis, qui, quod ab aliis petunt, ipsimet in potestate habent. Ast quoniam nemini hominum natura competit jus in actiones alterius, sicuti petenti de indigentia, ita præstituto relinquendum est iudicium de neglectu sui & eo, quod in potestate sua est. Interest autem haud raro hominis alienæ opis indigi, ut de eo, quod ab altero petit, certus sit. Quamobrem ipsa natura eidem competit jus alios ad certas præstationes sibi obligandi, ita ut ad præstandum adigi possit, si nolit. Hinc enascitur quoad ea, quæ aliis debentur, differentia inter obligationem perfectam et imperfectam, unde porro oritur jus ad id, quod nobis debetur ab aliis, vel perfectum, vel imperfectum. Cessat differentiæ hujus ratio in iis, quæ ne facias alteri prohibentur, cum semper certum sit id omittendum esse.

Quam-

P R Æ F A T I O.

Quamobrem quoad actus negativos perfecta est obligatio naturalis, ut alteri competat jus perfectum non patiendo, ut fiat, & facientem adigendi, ne faciat, aut in posterum denuo facere audeat. Quoniam denique nemini competit natura jus ad rem quandam in singulari proprium; natura res omnes quoad usum earundem necessarium communes sunt. Ex hæctenus dictis intelligitur, quinam sit status hominum naturalis, isque originarius, quem a natura habent. Enimvero non una fuit ratio, quæ homines coëgit, ut, lege naturæ non invita, immo urgente, à communione primæva discedentes res antea communes juri proprio subjicerent. Atque hinc ortum est dominium, quod jus sibi obligandi alios ad certas præstationes latius extendit, operas rebus propriis æquiparavit & obligationem rerum ac operarum communicandarum officiis superaddit. Hinc pronò

P R Æ F A T I O.

alveo fluunt omnia jurarum, tam in re, quam ad rem, quocunque demum nomine veniant, & jus defensionis ultiores acquirit limites. Obligatio propagandi genus humanum cum generatione indivulso nexu copulat educationem, ac ideo parentibus tribuit jus quoddam in actiones prolis. Cumque eo fine contrahenda sint matrimonia, conjux unus ex consensu acquirit jus quoddam in actiones alterius. Et quia præstatio operarum perpetuarum pro alimentis perpetuis, in qua servitus naturaliter consistit, juri naturæ convenit; ex subjectione oritur jus domini in actiones servi. Quamobrem cum jus in actiones alterius Imperii nomine veniat; patet jam origo Imperii privati, quo jus, quod vulgo dicitur, personarum continetur. Jam cum singuli jura sua non satis tueri nec ab aliis invitis sine vi ac dubio maxime eventu consequi possent, immo nec commode sibi pro-


P R Æ F A T I O.

prospicere de iis, quæ ad vitæ sufficientiam faciunt, & felicitati serviunt; legi naturæ convenienter contractæ sunt societates civiles, & sic ex subjectione natum est Imperium civile, sive publicum, ex quo jus omne publicum, seu ciuitatis universale derivatur. Denique cum jam civitates inter se spectari debeant tanquam personæ singulares in statu naturali viventes, in eas cadunt obligationes & jura, quæ singulos in statu naturali viventes respiciunt. Inter ista jura cum etiam locum habeat jus alterum ad certas præstationes sibi obligandi; inde jura fœderum aliarumque pactionum gentium manant. Et quia obligatio conjunctis viribus commune bonum promovendi per hoc tolli minime potuit, quod societates civiles contraxerint singuli; sicuti vi illius ipsa natura homines in universum omnes in societatem quandam redegit, ita etiam inter gentes societatem instituit, ex cuius custodia theoriæ naturali legum civilium convenienter deducitur jus quoddam civili affine, quod, ut cum *Ulpiano* loquar, neque in totum a naturali recedit, nec per omnia ei servit. Ex iis, quæ modo breviter dicta sunt, haud obscure liquere arbitror, jura omnia inter se continuo connexa ex ipsa natura humana derivari, & patere, quod a veteribus dictum, ipsa natu-

P R Æ F A T I O.

natura jus esse constitutum. Plenius nexum hunc perspiciet, qui Institutiones ipsas attento animo perlegere voluerit. Ceterum non vanus augur prædico fore, ut, si quis hasce Institutiones sibi familiares reddiderit, scientia juris solida veraque animum imbuat, lucem plenissimam, quamprimum ea aciem ejus non amplius offendit, ab opere majore expectaturus, & qui animum ad jus civile appellit, nullo fere negotio notitiam ejus sibi comparet. Unum adhuc superest, quod monendum esse duxi, nimirum me in hisce Institutionibus nihil supposuisse, quod aliunde petendum sit, quemadmodum in opere majore Jus naturæ & gentium cum ceteris philosophiæ partibus connexum est, ut inoffenso pede in iis progredi liceat, etiam si in operibus nostris philosophicis lector non fuerit versatus; immo si vel maxime adhuc peregrinus & hospes fuerit in philosophia. Si quæ enim notiones aliunde mutuandæ fuerant, eas una explicavi. Quemadmodum vero muneri, quod mihi demandatum est, satisfeci; ita nihil magis in votis habeo, quam ut omnes, qui labore nostro se juvari posse confidunt, eos, quos polliceor, inde percipiant fructus. Faxit Deus, juris, quod enucleavimus, ipse Autor, ut veritas & justitia floreat in omni terra! Halæ, die quarta Septembris Anno 1749.

INSTI-



INSTITUTIONES JURIS NATURÆ ET GENTIUM.

PARS I.

DE

JURE NATURÆ IN GE-
NERE ET OFFICIIS ERGA
SEIPSUM; ERGA ALIOS
ET ERGA DEUM.

CAPUT I.

DE

ACTIONUM HUMANARUM
DIFFERENTIA, EARUMQUE
IMPUTATIONE.

§. I.



*Actioes internæ dicuntur, quæ sola vi animæ eli-
ciuntur; externæ autem, quæ motu organorum
corporis perficiuntur.* Actioes internæ
Externæ, libe-
ræ ac ne-
cessariæ.

Sunt autem vel *liberæ*, quæ a libertate
(*Wolfii Instit. J. N. & G.*) A ant.

2 P.I.C. I. De action. human. differ.

animæ quomodocunque dependent; vel *naturales*, seu *necessariæ*, quæ ab ea non dependent, sed per essentiam & naturam animæ ac corporis determinantur. Unde patet, *actiones liberas externas non dari sine internis, cum quibus cohærent.*

§. 2.

Actio positiva & privativa, seu negati-

Est præterea *Actio* vel *positiva*, quæ actu editur; *privativa* vero, cessatio actionis, quæ edi poterat. *Positiva libera* vocatur *Factum commissio-*
Lex 101^{re} §. 1^{us} nis; *privativa*, seu *negativa Factum omissionis*. Illa etiam *Factum simpliciter*; hæc *non-Factum* appellatur. Sæpissime *sub facto etiam intelligitur non-factum, pro substrata materia.*

§. 3.

Imputatio.

Quando homo libere agit, vel non agit; *actionis causa libera* dicitur, quemadmodum etiam ejus, quod ex ea consequitur. Et iudicium, quo causa libera declaratur agens actionis suæ, vel ejus, quod ex ea sequitur, sive boni, sive mali, *Imputatio* appellatur. Quamobrem *non imputari possunt nisi actiones libere, quatenus libere sunt, consequen-*

sequenter etiam eæ, quæ in se spectatæ naturales quidem sunt, attamen ab actione quadam libera præcedente dependent (§. 1.).

§. 4.

Coactè agit, qui ab alio vi externa *Actio* impulsus agit, in actione sese habens *coacta*. per modum instrumenti; at coactè patitur, qui alterius in se actioni resistendi vires non habet. In eo casu non-resistentia est *Actio privativa coacta*. *Actio coacta*, cum libera non sit (§. 1.), imputari nequit, nisi cogenti: si vero approbetur, approbatio imputatur.

§. 5.

Differt a coacta *Actio invita*, si *Actio invita, voluntaria* quis facit, quæ non facere mallet, & contra, modo aliquod malum ex actione contraria emergens evitare posset. Ei opponitur *voluntaria*, quæ nec coacta, nec invita est. *Actio igitur invita est*, si quis vi vel metu ab altero incusso permotus agit, vel non agit. At *invita imputatur, etsi minus, quam voluntaria* (§. 3.), ut qui invitatus agit, aliquam habeat excusationem.

4 P. I. C. I. De action. human. differ.

§. 6.

*Actio de-
liberata,
indelibe-
rata,
consul-
tatio.*

Sunt autem *actiones liberae*, vel *de-
liberatae*, quæ nonnisi prævia consul-
tatione eduntur: vel *indeliberatae*, si
quis nulla prævia consultatione agit.
Est autem *Consultatio* actus intellectus,
quo disquiritur, num sit agendum,
aut non agendum, & quomodo agen-
dum. Quamobrem cum *actio* delibe-
rata magis libera sit, quam indelibera-
ta (§. 1.); *deliberata magis imputatur
indeliberata*, & quo magis *deliberata
fuerit, eo magis imputatur* (§. 3.).

§. 7.

*Deter-
minatio
actio-
num.*

Facultates animæ omnes per se
aptæ sunt ad certos actus, & omnia cor-
poris membra ad certas functiones,
consequenter tam illæ, quam hæc de-
stinantur certo cuidam fini, ad quem
tendunt actiones naturales (§. 1.). Pa-
ter autem a posteriori, *actiones liberas
determinari posse vel per easdem ratio-
nes finales, per quas determinantur na-
turales, vel per diversas.*

§. 8.

*Status
internus
& exter-
nus.*

Status in genere est coëxistentia
mutabilium, hoc est, eorum, quæ
etiam

etiam aliter se habere possunt, cum iisdem fixis, quæ scilicet aliter se habere nequeunt. Estque vel *internus*, quatenus mutabilia ista subiecto insunt, vel *externus*, quatenus eidem adsunt, vel extrinsecus ad idem referuntur.

§. 9.

Perfectio entis in genere est consensus in varietate, seu plurium a se invicem differentium in uno. Et *Consensus* vocatur tendentia ad unum quid obtinendum. Ita perfectio horologii consistit in aptitudine, quam per structuram suam habet, accurate indicandi horam eiusque partes.

§. 10.

Ex adverso *Imperfectio* est dissensus in varietate, seu plurium a se invicem differentium in uno. Consistit autem *Dissensus* in contrarietate tendentiarum ad commune quid obtinendum. Ita oculus imperfectus est, si qua instructura ejus concurrunt, quæ impediunt, quo minus imago clara & distincta in fundo delineetur.

6 P. I. C. I. De action. human. differ.

§. 11.

*Perfectio est
essentialis
& accidentalis.
Actiones
ad eam
tendentes.*

Est autem *Perfectio essentialis*, quæ continetur consensu determinationum essentialium, per quas scilicet ens tanquam ens hujus generis, vel speciei concipitur. *Accidental*is vero, quæ in consensu determinationum accidentalium cum essentialibus consistit, veluti si promptitudo utendi facultatibus animæ, vel organis corporis motoriiis acquiritur. *Perfectio igitur accidental*is eandem rationem determinantem habere debet, quam habet *essentialis* (§. 9.). Consequenter *actiones liberæ*, quæ cum naturalibus per easdem rationes finales determinantur, ad perfectionem hominis eiusque statum tendunt (§. 8. 9.), & ideo quæ per diversas determinantur, ad imperfectionem tendant necesse est.

§. 12.

*Actiones
bonæ,
malæ.*

Cum *bonum* dicatur, quicquid hominem ejusque statum perficit, *malum* vero, quod imperfectionem reddit; *actiones liberæ* ad perfectionem hominis ejusque status tendentes, consequenter cum naturalibus per easdem rationes finales determinatæ, bonæ sunt; quæ

quæ vero tendunt ad imperfectionem hominis ejusque status, consequenter quæ cum naturalibus non per easdem rationes finales determinantur, sed per diversas, malæ sunt (§. 11.)

§. 13.

Actio in se bona est, quæ per determinationes essentielles, hoc est, eas, per quas tanquam talis actio concipitur, bona est. Et eodem sensu *Actio in se mala* intelligitur. Quæ vero in se spectata nec bona, nec mala est, ea per se indifferens dicitur, quatenus tamen propter determinationes accidentales supervenientes ad perfectionem, vel imperfectionem nostram statusque nostri tendit, in bonam, vel malam abit.

§. 14.

Actiones igitur quatenus in se bonæ sunt, vel malæ, aut propter determinationes accidentales accedentes bonæ, vel malæ fiunt, bonitatem, vel malitiam intrinsecam habent, ut ideo opus non sit, eas demum jubendo fieri bonas, vel vetando malas.

§. 15.

Quoniam ea est hominis natura, ut bonum appetat, malum aversetur, *Motivum in se contrarium* actio-

8 P.I.C.I. De action. human. differ.

nent &
per se
appeti-
biles &
aversa-
biles.

actiones vero bonitatem vel malitiam intrinsecam habentes in se bonæ et malæ sunt, aut propter determinationes accidentales accedentes tales fiunt (§. 14.), consequenter motivum volitionis & nolitionis in se continent, ut, si distincte cognoscantur, eas velimus, vel nolimus: actiones intrinsece bonæ, vel malæ, per se appetibiles, vel aversabiles sunt. Hinc autem porro patet, actiones ad perfectionem hominis ejusve status tendentes continere motivum volitionis & esse per se appetibiles, quæ vero tendunt ad imperfectionem hominis ejusve status, motivum nolitionis continere & esse per se aversabiles.

§. 16.

Rectitu-
do actionis.

Rectitudo actionis est convenientia cum omnibus determinationibus hominis essentialibus, ut scilicet ea rationem sufficientem in iis simul sumtis agnoscat, consequenter per eas intelligi possit, cur talis potius esse debeat, quam aliter. Actio igitur recta requirit omnium facultatum animæ & facultatis locomotivæ corporis consentientem usum.

§. 17.

§. 17.

Quamobrem si quid in actione libera desideretur ex parte intellectus, vel voluntatis, vel denique facultatis locumotivæ, a rectitudine deficit (§. 16.).

*Defectus
ejus, culpa,
pa, do-*

Dicitur autem defectus rectitudinis actionis vincibilis, quoad intellectum *Culpa*; quoad voluntatem et noluntatem *Dolus*. In genere quoque defectus rectitudinis actionis *Culpa* vocari *vincibilis* solet. *Vincibile* vero dicitur, quod usu facultatum vitari poterat: *Invincibile* vero, quod non poterat. Atque ideo patet, actiones non minus culposas, quam dolosas agenti imputari (§. 3.).

C. 14. §. 1. de re militari.

Ex adverso autem *Invincibile* dicitur, quod usu facultatum nostrarum evitari minime poterat. Quamobrem cum quæ casu fiunt, nulla culpa antecedente, ea a nobis evitari impossibile sit, veluti si grando segetem prosternit, inundatio domum subvertit; nobis quoque imputari nequeunt (§. cit.).

§. 18.

Quoniam ignotum ut velimus, vel nolimus fieri non potest, ac ideo voluntas et noluntas ab intellectu, aut

*Actio
culposa
& dolosa.*

§. 7. §. 2. de tri-
butaria actione.

§. 20. §. 3. de
Aquilian.

facultate cognoscendi dependet; *actio dolosa committitur a sciente ac volente, culpa vero nec a sciente, nec a volente.*

§. 19.

Culpa
& doli
origo.

Culpa & dolus consistunt in defectu rectitudinis actionis vincibili (§. 17.). Defectus vincibilis a *non-usu facultatum nostrarum*, hoc est, omissione usus earundem nobis concessi venit (§. cit.). *Culpa igitur et dolus non-usui facultatum nostrarum debetur.*

§. 20.

Impo-
tentia
agendi.

A non-usu distinguenda est *Impotentia utendi*, quæ est independetia usus a voluntate nostra, ut scilicet is nobis sit impossibilis. *Quæ impotentia utendi facultatibus animæ ac corporis tribuenda, ea invincibilia sunt* (§. 17.), consequenter ea imputari nequeunt, nisi illa culpa nostra fuerit contracta (§. cit.).

§. 21.

Culpa
species.

Actus ad facultatem cognoscitivam, quos supponunt actus facultatis locomotivæ in actionibus liberis, pertinentes complures sunt. Unde pro
eorum

eorum diversitate diversæ sunt culpæ species. Ita defectus attentionis circa actiones nostras *Incogitantia* est; omis-
 sio actuum intellectus, quorum ope
 agenti innotescere poterat, quidnam
 ex actione sua sub præsentibus circum-
 stantiis boni vel mali consequi possit,
Inconsiderantia; defectus attentionis ad
 malum in dato casu eventu possibile,
 quod agens prævidere poterat, *Impro-
 videntia*; determinatio sui ad agen-
 dum, seposito omni facultatum cogno-
 scendi usu ad rectitudinem actionis re-
 quisito, *Præcipitantia in agendo*; defe-
 ctus iudicii, quid vi circumstantiarum
 præsentium fieri consultius sit, *Impru-
 dentia*; absentia omnis sollicitudinis
 de rectitudine actionis, *Incuria*; omis-
 sio eorum, quæ certo fine fieri debent,
 non-usui facultatum cognoscendi de-
 bita, *Negligentia*. Hinc patet, cur
 plerumque omnes culpæ species sub
 nomine negligentiae comprehendan-
 tur, & quod *Diligentia*, quæ eidem
 opponitur, sit commissio omnium il-
 larum actionum, quæ certo fine com-
 mittendæ, seu eorum omnium, quæ
 certo fine fieri debent.

12 P. I. C. I. De action. human. differ.

§. 22.

*Culpa
media,
proposi-
ta.*

Datur etiam defectus rectitudinis actionis ob exceptionem in casu collisionis officiorum minus recte factam, quam *Culpam mediam* appellare lubet, alii *Culpam propositi* vocant, veluti si quis misericordia ductus solvit servum alterius compeditum, ut fugeret. *Quod igitur culpa media fit, id fit a sciente, non tamen directe volente.* Culpa hæc media ex inferioribus de collisione officiorum clarior evadet. *scil. §. 63. 49.*

L. 7. de positi.

§. 23.

*Intentio
agentis
directa,
indirecta.*

Intentio agentis est volitio ejus, propter quod agens agit, veluti si testimonium perhibet, ut innocens damnetur. Estque *intentio directa*, qua id præcise intenditur, propter quod agens agit, ut in exemplo dato directe intenditur damnatio innocentis: *indirecta intentio* est, qua quidem agens per se non vult, quod ex actione sua sequitur, quod autem perinde ac id, quod vult, ex eadem sequi potest. Similiter alia *immediata* est, qua quid propter se intenditur, alia *mediata*, qua quid intenditur propter alterum, quate-

*L. 1. §. 3. ad leg.
Cornel. de sicariis.*

quatenus scilicet per hoc consequimur,
quod intenditur.

§. 24.

Veteres *Dolum bonum* dixerunt, si- *Dolus
bonus,
malus.*
mulationem voluntatis finis cuiusdam
non illiciti causa factam. Unde in op-
positione ad eum *Dolus malus* vocatur,
de quo ante dictum (§. 17.).

§. 25.

Dolus malus dividitur in *dolum ex* *Dolus ex
proposito,
& ex
re.*
proposito, quo malum, quod ex actio-
ne sua resultat, intendit agens sive di-
recte, sive indirecte, & *Dolum ex re*,
quo malum istud equidem agens non
intendit, ubi vero idem ex facto co-
gnoscit, eum, in quem redundavit,
id ferre vult. Ita in priori casu gem-
ma adulterina pro vera venditur a
sciente; in posteriori a nesciente, sed
pretium restituere nolente.

§. 26.

Concurrunt etiam haud raro homi- *Concur-
sus ad
actionem
alterius.*
nes ad actionem alterius, quatenus sci-
licet actione quadam sua ad actualita-
tem illius aliquid conferunt, vel actu
intel-

§ 52. pr. de furto

§ 169. de regula
iuris.

non
ha
mi
in
con
cur
su

intellectus; notionem actionis ignotæ agentis animo insinuando, circumstantias in casu dato obvias patefaciendo, consilium dando, docendo motiva agendi aut non agendi; vel actu voluntatis, aut noluntatis, veluti jubendo, orando, vetando, adhortando, dehortando, comminando, alliciendo, sollicitando, svadendo & dissuadendo, cum istiusmodi actibus voluntatem & noluntatem alteri sufficienter indicemus: vel denique actu facultatis locomotivæ, veluti adjuvando, instrumenta ad agendum necessaria suppeditando, exemplum præbendo animo alterum ad idem faciendum invitandi. Facile patet, *homines concursu suo ad actionem alterius ejusdem fieri participes*, consequenter *factum alienum, ad quod concurreis, tibi imputari, quatenus id a voluntate tua libera dependet (§. 3.)*, *factum autem alienum, ad quod nullo modo concurreis, imputari non posse*. Diversi autem modi concurrendi ad factum alienum satis loquuntur, *non minus culpam, quam dolum in concursu ad factum alienum committi posse (§. 17.)*,

§

& factum alienum nunc magis, nunc minus imputandum esse (§. 6. 17.).

§. 27.

Ad actiones internas pertinet *Consensus*, qui est volitio, ut fiat, vel non fiat, quod alter fieri, vel non fieri vult. *Consensus* quid & quod simplex. Quodsi disertis verbis, vel alio signo declaratur, nos idem velle, quod alter vult, *Consensus* dicitur *expressus*; si vero aliunde, veluti ex factis & non-factis colligitur, *tacitus* vocatur, & idem *præsumtus* audit, si probabiliter saltem colligitur. *Præsumtio* enim est collectio probabilis rei dubiæ in casu singulari. Cum modus declarandi voluntatis ipsum actum non variet; *Consensus tacitus non minus verus consensus est, quam expressus.*

§. 28.

Opponitur consensui *Dissensus*, qui *Dissen-* est volitio, ut fiat, quod alter fieri non *sus.* vult, vel ut non fiat, quod is fieri vult. Patet autem, ut ante (§. 27.), *Dissensum* esse vel *tacitum*, vel *expressum*, & quinam *præsumtus* dicatur & *dissen-*

dissensum non minus tacitum, quam expressum esse verum dissensum.

§. 29.

Ratihabitio.

Declaratio autem consensus sive expressa, sive tacita ex postfacto accedens *Ratihabitio* appellatur. Quamobrem qui quod factum *ratihabet*, in id *consensisse intelligitur*, ut ideo perinde sit, ac si consensu suo factum fuisset.

§. 30.

Consensus præsumentur verus dici nequeat.

Ceterum eodem sensu aliquid *expressè velle, vel nolle* dicimur, & *volitio* aut *nolitio præsumi*. Probabilia posunt esse falsa, nec certo constat, vtrum vera sint, nec ne. Quamobrem *consensus* etiam *præsumentus*, aut *volitio* & *nolitio præsumpta fallere potest*, ac per consequens *vera dici nequit, sed pro vera habetur, donec contrarium probetur, quemadmodum probile omne*. Quod si ergo contrarium probetur, cum jam falsum esse constet, quod pro vero habebatur; *præsumptionem vincit veritas*, ut illa jam cesseret.

§. 31.

Requisita ratihabitio- nis.

Cum consensum suum ex post facto

facto declaret, qui factum alterius ratihabet (§. 29.); *ratihabitio tacita* supponit notitiam facti ratihabendi, cumque consensus tacitus ex factis colligatur (§. 27.), eadem requirit factum, vel non factum, quod agens velle non poterat, nisi facto, quod ratihabendum, supposito.

§. 32.

Ignorantia dicitur absentia notio-
nis siue rei simpliciter apprehenden-
dæ, siue iudicio cuidam respondentis.
Ignorantia igitur non admittit tacitam
ratihabitionem (§. 31.), & si ea invinci-
bilis fuerit, *excusat*; non vero, si vinci-
bilis (§. 17.), atque hæc in culpam in-
fluit (§. cit.).

§. 33.

Scholastici eam *simplicem* vocant, & errorem *compositam ignorantiam* appellant, qua notiones combinantur, quæ combinari nequeunt. Errat enim mirum, qui propositionem veram pro falsa habet, consequenter subjecto tribuit prædicatum vel affirmativum, vel negativum, quod eidem tribui nequit. Unde *Error* dicitur disconveniens
(*Wolfii Instit. L. N. & G.*) B nien.

nientia notionis cum objecto. Patet autem, *errorem vincibilem influere in culpam, nec excusare (§. 17.)*.

§. 34.

De igno-
rantia
& erro-
ris im-
putatio-
ne.

Similiter manifestum est, tam *ignorantiam simplicem (§. 32.)*, quam *compositam, sive errorem (§. 33.) vincibilem recte imputari (§. 3. 17.)*. Ex ad-
verso autem liquet, *ignorantiam & errorem invincibilem imputari non posse*. Atque idem statuendum est de actioni-
bus ex ignorantia & errore profectis.

CAPUT II.

DE

OBLIGATIONE, JURE ET LEGE,
AC JURIS NATURÆ
PRINCIPIO.

§. 35.

Obliga-
tio acti-
va.

Obligatio active sumpta, quam *acti-
vam* appellare lubet, est conne-
xio motivi cum actione sive positiva,
sive privativa. Consistit autem *Moti-
vum* in repræsentatione boni ex actio-
ne positiva, & mali ex negativa fluen-
tis. Cum non velimus, nisi quod no-
bis tanquam bonum repræsentamus,
& nolimus, quod tanquam malam re-
præ-

præsentamus; ex natura voluntatis & noluntatis patet, *hominem aliter obligari non posse, nisi motivum cum actione connectendo.*

§. 36.

Quamobrem cum actiones ad perfectionem hominis eiusque status tendentes motivum volitionis, quæ vero ad imperfectionem tendunt, motivum nolitionis contineant, ac illæ per se appetibiles, hæ aversabiles sint (§. 15.); *ipsa natura homo obligatur ad committendas actiones, quæ ad perfectionem ejus atque status ejusdem tendunt, consequenter cum naturalibus per easdem rationes finales determinantur, sed non per diversas (§. cit.).*

Dari obligationem naturalem.

§. 37.

Quoniam impossibile est, ut idem simul sit & non sit, ideo necesse est, ut homo sic, non aliter actiones suas determinet, vitam hominis, seu naturæ suæ convenientem acturus. Hinc moraliter impossibile dicitur, quod cum natura hominis tanquam agentis rationalis contradictionem involvit; *moraliter autem possibile, quod nullam in-*

Moraliter possibile, impossibile & necessarium, obligatio passiva.

volvit, seu eidem convenit, hoc est, rationem sufficientem in eadem habet. Et *moraliter necessarium* est, cujus oppositum moraliter impossibile. Ipsa autem necessitas moralis agendi obligatio est, quam *passivam*, in oppositione ad activam (§. 35.), appellamus, vulgo autem simpliciter obligationem dicunt, activa insuper habita. *Neminem obligari posse ad id, quod vel in se, vel ipsi impossibile, per se patet.*

§. 38.

Obligatio naturalis qualis.

Hæcce autem *obligatio* tam activa, quam passiva, quæ ab ipsa natura venit, *naturalis* dicitur, ut ideo *obligatio naturalis* sit, quæ rationem sufficientem in ipsa hominis rerumque essentia atque natura habet: quæ cum immutabilis sit ac necessaria, *obligatio* quoque *naturalis immutabilis & necessaria* est, quippe quæ ponitur, posita hominis rerumque essentia atque natura.

§. 39.

Lex naturalis & positiva, dicta.

Lex dicitur regula, juxta quam actiones nostras determinare obligamur. Vocatur autem *naturalis*, quæ ratio-

rationem sufficientem in ipsa hominis rerumque essentia habet: *ast positiva,* <sup>vina, hu-
mana.</sup> cujus obligatio dependet a voluntate entis cujusdam rationalis, & in specie *divina*, si a voluntate Dei, *humana* vero, si a voluntate hominis dependet. Lex naturæ communiter quoque *Jus naturæ* appellatur.

§. 40.

Quoniam *lex naturæ* rationem sufficientem in ipsa hominis rerumque natura habet (§. 39.), ideoque *obligationem naturalem continet* (§. 38.), hæc autem immutabilis & necessaria est (§. cit.), *lex etiam naturæ immutabilis & necessaria est.* <sup>Immuta-
bilis
legis na-
turæ.</sup>

§. 41.

Et cum Deum autorem habeat essentia atque natura hominis & rerum, <sup>Autor
legis na-
turæ.</sup> qua posita, ponitur lex naturæ (§. 40.) & ejus obligatio (§. 38.); *Autor legis naturæ ipse Deus est, & ad actiones suas eidem conformandas hominem obligat*, sicque *obligatio naturalis etiam divina est, & lex naturalis lex divina* (§. 39.).

§. 42.

Univer-
salitas
legis na-
turae.

Similiter quia lex naturalis ratio-
nem sufficientem in ipsa hominis re-
rumque essentia atque natura habet
(§. 39.), & obligatio, quam continet
(§. 40.), ponitur, ista posita (§. 38.);
*lex naturæ omnes homines obligat, nec
ab obligatione naturali ullus hominum
liberari potest.*

§. 43.

Princi-
pium ge-
nerale
Juris
naturæ.

Ex eadem prorsus ratione lex na-
*turæ nos obligat ad committendas actio-
nes, quæ ad perfectionem hominis at-
que status ejusdem tendunt, & ad eas
omittendas, quæ ad imperfectionem
ipsius atque status ejusdem tendunt,
consequenter ad actiones liberas cum
naturalibus per easdem rationes finales
(§. 36. 39.); itidemque ad periculum
omne a nobis & statu nostro averten-
dum. Atque hoc principium Juris na-
turæ generale ac universale est, ex
quo continuo ratiocinationis filo de-
ducuntur omnia, quæ Juris naturæ
sunt, prouti ex sequentibus abunde
elucescet. Cumque Deus homines
obli-*

obliget ad actiones suas legi naturæ conformandas (§. 41.); qui a voluntate divina Jus naturæ derivare volunt, principium hoc admittere tenentur.

§. 44.

Eam hominum esse indigentiam, ut nemo solus se statumque suum perficere possit, sed unusquisque aliorum indigeat auxilio, satis notum. Quam obrem cum lex naturæ homines obliget ad se statumque suum perficiendum & imperfectionem avertendum (§. 43.); *lex naturæ homines obligat, ad se statumque suum conjunctis viribus perficiendum, & unusquisque ad perfectionem alterius conferre obligatur, quantum potest, consequenter quantum fieri potest salva obligatione erga seipsum (§. 42.), & in quibus unus alterius ope indiget, quia scilicet nemini liberum, ut obligationi suæ erga se ipse defit (§. cit.), omittere autem actiones, quibus alter, vel status ejus imperfectior redditur.*

§. 45.

Cum quilibet obligationi suæ satisfacere teneatur (§. 42.); *cuique etiam*

B 4

libe-

De iis, quæ ad satisfaciendum

P. I. C. II. De oblig. jure & lege

obliga-
tioni ne-
cessaria.

liberum est ea facere, sine quibus obligationi naturali satisfacere nequit. Quousque igitur pateat hæc libertas, ex necessitate eorum ad satisfaciendum obligationi naturali æstimandum.

§. 46.

Jus
quid sit
& ejus
origo.

Facultas ista, seu potentia moralis agendi dicitur *Jus*. Unde patet, *Jus* oriri ex obligatione passiva, nec *jus* ullum fore, si nulla esset obligatio, & lege naturæ nobis dari *jus* ad ea, sine quibus obligationi naturali satisfacere non possumus (§. 45.). Ita *jus* datur ad usum ciborum, quia corpus nostrum conservare obligamur, & id consistit in facultate de cibis obligationi huic convenienter disponendi. Quod si ergo lex naturæ obligat ad finem, *jus* quoque dat ad media, consequenter si medium nonnisi unicum fuerit, jure eodem utimur. Sine mediis nimirum fine potiri minime datur.

§. 47.

Lex
præcep-
tiva,
prohibi-
tiva,
permissi-
va.

Lex naturæ dicitur *præceptiva*, quæ ad actiones committendas nos obligat; *prohibitiva*, quæ obligat ad actiones omittendas; *permissiva*, quæ *jus* dat ad

ad agendum. Eadem divisio quoque
convenit legibus positivis.

§. 48.

Cum ea sit hominis natura, ut, *Lex natura*
quod melius altero esse cognoscit, ei-
dem præferat, obligatio vero naturalis *tura perfectiva*
ponatur, posita hominis rerumque na-
tura & essentia (§. 38.), & lex natu-
ræ obligationem naturalem contineat
(§. 40.); *lex quoque natura nos obli-*
gat ad id, quod melius est, alteri præ-
ferendum, & quatenus nos ad hoc ob-
ligat, Lex perfectiva vocatur.

§. 49.

Id, ad quod agendum obligamur, *Debi-*
Debitum; ad quod non agendum, seu *tum, li-*
omittendum obligamur, *Illicitum*; ad *citum,*
quod agendum tantummodo jus habe- *illici-*
mus, *Licitum* dicitur. *tum.*
Naturaliter
igitur debitum a lege naturæ præcepti-
va venit; illicitum prohibitiva, licitum
permissiva facit (§. 47.). Honestum ve-
ro in genere vocatur, quod legi natu-
ræ convenienter fit, ita ut *Honestus* au-
diat, qui actiones suas quascunque ad
normam legis naturæ componit, qua-
tenus scilicet agere non vult, nisi quod

salva obligatione sua & jure suo agere potest. Unde porro patet, quid sit *honeste vivere*.

§. 50.

*De non
impe-
dienda
juris
usu.*

Nullus foret juris usus, si aliis jus esset eundem impediendi, & lex naturæ sibi metipsi contraria foret, si uni daret jus ad agendum, alteri vero concederet jus, usum illius pro lubitu impediendi: quod cum sit absurdum, *lex naturæ, dum nobis dat jus, ceteros quoque obligat ad non impediendum ejus usum*, ac inde nobis nascitur *jus non patiendi, ut impediamur*, consequenter *impedire conanti resistendi*. Et hætenus apparet, quod lex permissiva non invita definitione legis in genere lex dicatur (§. 39. 47.).

§. 51.

*Lex
præce-
ptiva
ponit
prohibi-
tivam
contra-
rii.*

Et quoniam obligatio in necessitate agendi morali consistit (§. 37.), naturalis vero prorsus immutabilis (§. 38.); si lex naturæ ad hoc agendum obligat, ad contrarium non agendum simul obligat, consequenter *lex præceptiva una continet prohibitivam contrarii*.

§. 52.

§. 52.

Lex naturæ nos obligat ad nos perficiendum (§. 43.), consequenter etiam ad facultatum omnium consentientem usum in agendo consequendum (§. 9.). Quamobrem cum actionum rectitudo a consentiente usu omnium facultatum dependeat (§. 16.); *ad recte agendum nos obligat.* Et *Rectum* est, in quo ex parte nullius facultatis aliquid desideratur.

Obligatio ad recte agendum. Rectum quid sit.

§. 53.

Quia in actione recta nihil desiderari debet ex parte ullius facultatis (§. 52.); *ad actionem rectam requiritur ex parte intellectus notio actionis sufficienter determinata, atque iudicium verum de ejus bonitate & malitia, vel jure nobis competente, ex parte voluntatis & noluntatis determinatio voluntatis per bonitatem intrinsecam, aut jus nobis competens, noluntatis per malitiam intrinsecam, aut absentiam juris, ex parte denique facultatis locomotivæ organorum corporis actionibus internis consentiens motus (§. 16. 14. 43. 46.).* Latius hæc patent, quam primo intuitu

Ad rectitudinem actionis requisita.

tu

tu videtur, cum ad quodlibet actionum humanarum genus, qualescunque tandem eadem sint, extendatur rectitudo.

§. 54.

Decorum & indecorum.

Hominem decere dicitur id, cujus aliqua ratio continetur in iis, quæ eidem insunt, aut inesse concipiuntur, vel ejus statu, cur ita potius agere debeat, quam aliter: *dedecet* vero, quod cuidam eorum, quæ eidem insunt, aut inesse concipiuntur, vel ejus statui disconvenit, seu repugnat. Et id, quod hominem decet, *Decorum*; quod dedecet, *Indecorum* appellatur.

§. 55.

Lex naturalis decori.

Cum lex naturæ urgeat perfectionem hominis (§. 43.), consequenter non ferat actionum externarum ullam contrarieratem (§. 9. 10.); *ad actiones quoque decoras committendas, indecoras omittendas obligat*. Datur igitur *lex naturæ decori*. Naturale autem hoc decorum, quod lex naturæ urget, non confundendum cum *arbitrio*, quod nonnisi hominum opinione pro tali habetur. Ex hæcenus dictis abunde patet Juris naturæ amplitudo.

§. 56.

§. 56.

Jus naturæ rationem sufficientem habet in natura & essentia hominum (§. 39.). Quodsi ergo eandem habet in natura & essentia hominum ac brutorum communi, *Jus naturæ hominum ac brutorum commune* dicitur; Ictis Romanis *Jus naturæ* in significato strictiori; sin in natura & essentia hominum propria, seu iis, quibus homo a brutis differt, *Jus hominum proprium*, Ictis Romanis *Jus Gentium*; si denique in iis, quæ quibusdam hominum individuis, aut uni eorum insunt, *Jus quorundam hominum, aut unius proprium*. Unde etiam patet, quænam sint obligationes omnium hominum communes, quænam quorundam, vel unius propriæ. Et idem intelligitur de juribus ex obligationibus istis manantibus (§. 46.). Atque ideo *homines nonnulli ad plura obligantur, quam ceteri*: pro uti suo loco distinctius docetur.

De div-
ersitate
subjecti-
va Juris
naturæ.

L. 1. §. 3. et 4.
de O. P.

§. 57.

Actio juxta legem determinata, quatenus ad eam ita determinandam obli-

Offici-
definitio
et divi-
sio.

obligamur, dicitur *officium*, ac in specie *officium erga seipsum*, quod homo sibi metipso debet; *officium erga alios*, quod aliis debet; *officium* denique *erga Deum*, quod Deo debemus. *Dari officia omnium hominum communia & quorundam, sive etiam unius propria*, ex modo dictis (§. 56.) patet.

§. 58.

Peccatum, transgressio & custodia legis.

Actio legi naturæ contraria Peccatum dicitur, estque *Peccatum commissionis*, si in actu positivo consistit, *Peccatum vero omissionis*, si in negativo, quando scilicet non fit, ad quod faciendum obligamur. Quemadmodum vero *legem servare* dicitur, qui facit id, ad quod faciendum obligat, & contra; ita eam *transgreditur*, qui contrarium facit, seu peccat. Hinc patet, quid sit *Transgressio legis*, cui opponitur *Custodia legis*, quæ est studium servandi legem.

§. 59.

Officia erga alios quando denegari possint.

Officia erga alios non debentur, nisi quatenus sunt in potestate præstantis, nec alter in iis sibi metipso sufficit (§. 44. 57.). Quamobrem si in potestate

state tua non sint, aut alter in iis sibi-
metipso sufficit, denegari possunt, jure
denegandi tibi competente (§. 46.). Un-
de simul patet, quando sine jure dene-
gentur, consequenter quando dene-
gando peccetur (§. 58.).

§. 60.

Necesse igitur est, ut rite expen-
datur, quid sit in potestate nostra,
quid non sit. Nimirum *in potestate*
nostra sunt, quæ facultatum, virium
ac rerum nostrarum usu, aliorumque
ope ac auxilio consequi, vel evitare
possumus. *At non sunt*, quæ facul-
tatum, virium ac rerum nostrarum
usu, aliorumque ope ac auxilio con-
sequi, vel evitare minime valemus.
Tibi autem imputandum est, quod in
potestate non sit, si ipsemet in causa fue-
ris, cur non sit (§. 3.). Usus vero
habet hæc consideratio non modo in
præstatione officiorum erga alios, ve-
rum etiam in aliis actionum generibus.
Ita nulla obligatio extenditur ultra id,
quod in potestate est (§. 37.).

§. 61.

Officia erga alios, ad quæ homo
homini naturaliter obligatur, vulgo

*Quæ-
nam sint
in pote-
state,
quænam
non sint.*

*Officia
humani-
tatis co-
munes*

denegatio.

officia humanitatis appellantur. Ea igitur jure denegantur, si in potestate non sint, aut alter in iis ipsemetipso sufficit (§. 59.), consequenter si ex parte præstantis desit potentia physica, vel moralis (§. 60.), seu, si id, quod præstandum vel physice, vel moraliter impossibile sit, ex parte autem ejus, cui præstari debet, desit indigentia invincibilis (§. 17.).

§. 62.

Obligatio primitiva & derivativa.

Ceterum obligatio alia primitiva est, quæ rationem proximam in essentia atque natura hominis habet; alia derivativa, quæ eandem in alia obligatione, vel aliis obligationibus & juribus simul habet. Et idem intelligitur de officiis (§. 57.), & quia ex obligationibus descendunt jura (§. 46.), ideoque cum iis simul ponuntur, de juribus quoque valet. Constans nimirum omnium obligationum ac jurium inter se nexus est, ut alia ex aliis deduci continuo ratiocinationis filo possint, & veritatum inter se connexarum compagem constituent, quod *systema* appellatur, ac a nobis *systema veri nominis* dici-

dici solet, quia augustum hoc nomen, quemadmodum etiam alias accidit, nimis profanatur.

§. 63.

In casu emergente subinde contingit, ut pluribus legibus naturalibus, quibus simul satisfaciendum erat, simul satisfieri non possit, tumque *Leges inter se collidi* dicuntur. Cum igitur una alteri sit præferenda, *Exceptio* fit, & ea vincit, cui satisfaciendum, cedit autem ipsi altera, cui satisfieri minime potest.

§. 64.

Ita patet, in collisione legum præceptivarum de officiis erga se ipsum & erga alios, in casu collisionis officiorum erga seipsum & erga alios vincere officium erga seipsum: cum lex præcipiens officia erga alios exceptionem actu contineat (§. 44. 59.). Et quia præceptiva ad agendum, prohibitiva ad non agendum obligat (§. 47.), permissiva vero saltem ad agendum jus dat (§. cit.), consequenter actionem nonnisi licitam facit (§. 49.); in collisione legis præceptivæ, vel prohibitivæ cum permissiva vincit præceptiva, vel prohibitiva (§. 37.).

(*Wolfii Instit. J. N. & G.*) C Cum

*Collisio
legum.
Exceptio.*

*De le-
gum col-
lisione.*

Cum prohibitiva id, quod præceptiva exigit, faciat moraliter impossibile (§. 37. 47.); *lex prohibitiva vincit præceptivam* (§. 37.). Similiter in casu collisionis *legum præceptivarum vincit perfectiva* (§. 48.). Alia dabimus suo loco, cum sicuti systema id non aliter permittit (§. 62.), ita nec ejus, quod in præsentī meditamur, imitamentum. Idem observamus in aliis.

§. 65.

De collisione eorundem officiorum.

Fieri potest, ut ad id, ad quod aliis promiscue qua hominibus obligamur, alia adhuc de causa obligemur, & sic *obligatio ex duplici, vel etiam pluribus causis orta efficiatur fortior*. Unde *si idem officium pluribus præstandum, in casu collisionis vincit obligatio fortior, seu is præferendus, cui magis obligati sumus*.

§. 66.

De exercitio juris.

Exercitium juris sunt ipsi actus vi ejusdem liciti ei, cui id competit. Jus enim ipsum in nuda agendi possibilitate consistit (§. 46.). Et *jure suo utitur*, qui actu facit, quod vi juris facere potest. Quamobrem *nemo in exercitio*

citio juris sui impediendus (§. 50.). Cumque jus detur ad satisfaciendum obligationi (§. 46.), rectus juris usus is est, quem officia exigunt (§. 57.): in contrario abusus consistit.

§. 67.

Legis promulgatio est actus, quo ad notitiam legis ii perducuntur, quos eadem obligare debet. Quamobrem cum lex naturæ rationem sufficientem habeat in ipsa natura & essentia hominis rerumque (§. 39.), per hanc intelligitur, ad quænam nos obliget & jus det, consequenter, cum ejus notitia usu facultatum cognoscendi comparari possit, promulgatione nulla opus habet. Ast leges positivæ cum veniant a voluntate alterius (§. 39.), quæ ignoratur, nisi manifestetur, promulgandæ sunt, nec obligare possunt, antequam publicentur, cumque obligatio veniat a voluntate legem ferentis (§. cit.), vel a die promulgationis, vel a termino in lege expresso obligant. Quibusnam vero competat jus ferendi leges, suo dicetur loco.

De promulgatione legis.

CAPUT III.

DE

OBLIGATIONE ET JURE
HOMINUM UNIVERSALI IN
GENERE.

§. 68.

*Obliga-
tio uni-
versalis.
Jus uni-
versale.*

Obligatio universalis est, qua quilibet homo tenetur, quatenus homo est. Et *Jus universale*, quod ex ea oritur (§. 46.), est, quod homini cuilibet competit, quatenus homo est.

§. 69.

*Dari
obliga-
tiones &
jura uni-
versalia,
& quæ-
nam ea
sunt.*

Quoniam obligatio naturalis in ipsa hominis essentia atque natura rationem sufficientem habet & cum ea ponitur (§. 38.), natura autem & essentia in genere omnium hominum eadem est; obligatio, qua homo, quatenus homo est, tenetur, in omnibus hominibus eadem est, consequenter jura, quæ homini competunt, quatenus homo est, omnis hominis eadem sunt (§. 46.). Atque ideo patet, dari obligationes universales & jura universalia. Immo cum in Jure naturæ ea potissimum tradantur, quæ ex natura & essentia omnium hominum communi deducuntur, in eodem quoque inprimis explicantur obli-

obligationes universales & jura universalia.

§. 70.

In sensu morali homines aequales sunt, quorum obligationes et jura eadem sunt: ast inaequales, quorum non sunt obligationes & jura eadem. Homines igitur, quia homines, natura aequales sunt (§. 69.).

§. 71.

Cum Prærogativa sit jus, quod alicui præ aliis, eodem ceteroquin jure utentibus, competit; natura homini, qua homini, nulla prærogativa competit, nec ideo ulla datur prærogativa naturalis (§. 70.).

§. 72.

Immo quoniam natura homo omnis eadem jura habet & easdem obligationes (§. 69.); quod naturaliter homini uni, quatenus homo est, licitum, id etiam licitum est alteri, immo quod unus alteri debet, id etiam alter ipse debet (§. 49.).

§. 73.

Hinc porro patet, quod jure tuo tibi non vis fieri ab altero, id nec alteri facien-

cienda
& non
facien-
da.
Et offi-
ciorum
erga
alios
perpe-
tuitas.

faciendum esse, & quod iure vis fieri, id alteri quoque faciendum. Qui secus faciunt, prærogativam affectant, quæ naturalis non datur (§. 71.), & æqualitatem naturalem tollunt (§. 70), quæ quoad obligationes & iura universalis subsistit, quamdiu homo homo est, consequenter quamdiu existit (§. 38. 46.). *Quæcunque igitur factis hominum inæqualitates intrudantur, quod fieri posse suo loco constabit, officia tamen iis debentur, quæ homo homini debet, seu officia humanitatis (§. 61.)*

§. 74.

De iure
connato.

Jus connatum dicitur, quod ex obligatione connata oritur. Est autem *obligatio connata*, quæ cum essentia & naturâ hominis ponitur. Quamobrem cum hæc propter essentiæ ac naturæ immutabilitatem immutabilis sit, utpote ab ea inseparabilis; *Jus quoque connatum homini ita inheret, ut ipsi auferri non possit*: datur nimirum ad satisfaciendum obligationi (§. 46.).

§. 75.

De præ-
cedentia.

Præcedentia est jus prioritatis in ordine a pluribus simul observando.

Cum

Cum inter æquales nulla sit præcedentia (§. 70.); *natura quoque nulli hominum præcedentia competit.*

§. 76.

Natura hominum omnium eadem sunt iura (§. 69.). Quodsi ergo tibi competeret jus in actiones alterius, ut is actiones suas ad voluntatem tuam componere deberet, nec facere posset, quod libet, ipsi vicissim idem jus in actiones tuas competeret: quod cum sit absurdum, præsertim cum id extendendum foret ad homines promiscue omnes; *natura nemini jus in actiones alterius competit.* In essentia & natura hominis, in qua rationem sufficientem habet lex naturæ (§. 39.), adeoque omnis obligatio & jus ab eadem veniens, nulla continetur ratio, cur homini huic vel isti in huius vel illius hominis actiones jus aliquod competere debeat.

§. 77.

Sunt igitur natura actiones hominis independentes a voluntate alterius cujuscunque, nec is in agendo dependet nisi a

*De liber-
tate na-
turali.*

seipso. Atque hæc independentia in agendo a voluntate alterius, seu dependentia a propria saltem voluntate *Libertas* dicitur. *Natura* igitur *homines omnes liberi sunt*. Cum tamen obligatio naturalis sit immutabilis (§. 38.); *libertas obligationem naturalem minime tollit*, nec quicquam in ea immutat.

§. 78.

Quænam in eo de fit ceterorum obligatio.

Cum *vi libertatis naturalis* homo in agendo non dependeat nisi a seipso (§. 77.); *vi ejusdem ipsi permittendum, ut in determinandis actionibus suis suum sequatur judicium, nec ulli hominum rationem reddere tenetur, cur hoc faciat, vel non faciat, modo tibi nil faciat, ad quod non faciendum tibi perfecte obligatur* (§. 80.).

§. 79.

De judicio quo ad præstationem officiorum humanitatis.

Atque hinc porro liquet, in præstandis officiis humanitatis standum esse *judicio præstantis, num in potestate sua sint, sicuti petentis de indigentia, consequenter si officium humanitatis denegetur, id petenti ferendum esse, nec ab eo alterum ad præstandum cogi posse.* Hoc tamen non obstante, *qui officium huma-*

humanitatis sine jure denegat, peccat (§. 58.).

§. 80.

Atque hinc patet, quo sensu obli- De obli-
gatio ad officia humanitatis imperfecta, gatione
& ipsa hæc officia imperfecte debita perfecta
dicantur, nimirum ita dicuntur, non & im-
quasi obligatio naturalis imperfecta sit, perfecta,
ut aliquid libertati agentis relictum, jure per-
utrum eidem satisfacere velit, an no- fecto &
lit, quod naturali libertati repugnat imperf-
(§. 77.); sed quia petens cogere ne- cto.

quit alterum, ut id præstet (§. 79.).
Ideo *imperfecta* dicitur *obligatio*, cui
ut satisfaciatur, nemo cogi potest: sicuti
ex adverso *perfecta* vocatur, cui ut sa-
tisfaciat, alter cogi potest. Et propterea
porro *jus perfectum* dicitur, quod con-
junctum est cum jure cogendi alterum,
si obligationi satisfacere nolit, ut satis-
faciat: *jus autem imperfectum*, quod
jus ad coactionem non continet. Jus
perfectum etiam simpliciter *jus* appel-
latur, præsertim in Jure civili, ubi
nonnisi Juris perfecti habetur ratio: + de Jure B. et P.
imperfectum autem a Grotio Lib. I. Cap. I. §. 4. dicitur
Aptitudo, ab Aristotele vero *Meritum*,

quatenus dignus est, cui quid præstandum, ut præstetur. *Meritum* itaque *officium humanitatis petentis indigentia est* (§. 44. 57.).

§. 81.

*Quale sit
jus ad
satisfaciendum
obligationi naturali
requisitum.*

Jus, quod lex naturæ dat ad satisfaciendum obligationi, cum ea necessaria & immutabilis sit (§. 38.), consequenter pati non tenearis, ut in ejus usu ab altero impediaris, *perfectum est*. Oritur nimirum ex perfecta obligatione ejus usum non impediendi (§. 66.), cui respondit jus non patiendi, ut is impediatur, quod cum sit perfectum (§. 80.), jus quoque, unde ortum suum trahit, perfectum esse debet. Ac ideo *jus connatum perfectum est* (§. 74.).

§. 82.

*De jure
petendi
officia
humanitatis.*

Atque hinc patet, quoniam obligaris aliorum opem requirere in iis, in quibus tibi metipsum non sufficis (§. 44.); *jus petendi officia humanitatis esse perfectum, etsi jus ad officia humanitatis, ut hic & nunc ab hoc præstentur, sit imperfectum* (§. 79. 80.). Cumque nemo alterum in exercitio sui juris impedire de-

debeat (§. 66.); *nemo* quoque *impediendus*, quo minus officium aliquod humanitatis petat, & si petit, æquo animo ferendum. Quia officia humanitatis præstare non obligamur nisi indigenti; ut petantur omnino necessarium est.

§. 83.

Injustum dicitur, quidquid fit contra jus perfectum alterius: *iniquum* vero, quod contra imperfectum. Fit autem contra jus alterius id, quod idem vel tollitur, vel diminuitur, vel usus ejus quomodocunque impeditur; sicuti ex aduerso secundum jus alterius fit, quando nihil contra id committitur, nec quicquam omittitur, quod eodem stante fieri debet. Et *justum* appellatur, quicquid fit secundum jus perfectum alterius; *æquum* vero, quod secundum imperfectum. Quoniam vero leges civiles quædam tolerant, quæ naturaliter injusta sunt, prouti suo loco videbimus; ideo civiliter *justum* arctius patet naturaliter *justo*, & in oppositione ad hoc *æquum* dicitur, quod soli naturali legi convenit.

§. 84.

De Li-
centia.

Cum libertate non confundenda est *Licentia*, quæ contra obligationem naturalem & jus extenditur ad quidlibet, quod lubet, estque effrenata quædam appetentia ejus, quod lubet. Quoniam cum obligatione naturali, a qua nullus homo liberari potest (§. 42.), pugnat; *licentia nulli hominum competere potest.*

§. 85.

De justitia &
injustitia.

Quemadmodum vero *Virtus* in genere est habitus actiones suas componendi ad legem naturæ; & *vitium*, quod ei opponitur, habitus actiones suas ratione contraria dirigendi, quam lege naturæ præscribitur: ita in specie *Justitia* dicitur virtus, qua unicuique tribuitur jus suum perfectum, nihil scilicet faciendo, quod contra id fit, sed faciendo, quicquid secundum id fieri debet (§. 83.); & ex adverso *Injustitia* vitium, qua alteri jus suum non tribuitur, faciendo nimirum, quod contra id est, & non faciendo, quod secundum id fit. Quodsi *Justitia* extendatur ad jus omne, tam imperfectum,

ctum, quam perfectum, & in qualibet actione spectetur, quatenus ad alios refertur, vel referri potest, si vel maxime seipsum respiciat, *universalis* appellatur, tumque in sensu strictiori accepta *particularis* audit. Ceterum *Justitia naturalis* latius patet *ciuili* (§. 83.), & *licentia iniustitiæ mater est* (§. 84.).

§. 86.

Quoniam nemo in usu juris sui impediendus (§. 50.), nec idem alteri auferri potest (§. 74.); *nemo quicquam facere debet, quod est contra jus alterius, sed quilibet potius facere debet, quod secundum jus ejus fit* (§. 83.), adeoque unicuique jus suum tribuere, nullius vero jus violare, ac per consequens *justi, non iniusti esse debemus* (§. 85.). Et quia jus imperfectum perinde ac perfectum nascitur ex obligatione naturali in se perfecta, ita ut peccet, qui contra id agit (§. 79. 80.); *æquos nos omnibus, iniquos nemini præbere debemus* (§. 83.).

De justitia & aequitate præcepta, contrariis prohibitis.

L. 8. C. de indi.

§. 87.

Violatio Juris perfecti alterius *Injuria* vocatur. Unde liquet, *injuriam* quid sit pro-

*Et quod
prohibi-
ta.*

prohibitam (§. 86.) & *naturaliter illicitam esse* (§. 49.). Quamvis vero hæc-
nus non stabilivimus nisi jus connatum:
suo tamen loco ostendemus, quæ de ju-
stitia & injuria hic dicuntur, ad jura
quoque acquisita trahenda esse. Cete-
rum sicuti *licentia* injustitiæ (§. 85.);
ita etiam *injuriis latas fores pandit*
(§. 84.).

§. 88.

*De læ-
sione.*

Alterum lædere dicitur, qui jus per-
fectum ipsius violat, seu ei injuriam fa-
cit, & ideo *omni læsioni inest injuria*.
Quamobrem cum nemini injuriam fa-
cere debeamus (§. 87.); *nemo lædendus*
est. Quamvis vero læsio & injuria in
eodem actu consistant: in eo tamen
differentia conspicitur, quod læsio re-
spiciat personam, cujus jus violatur,
tanquam actus ab ipso minime feren-
dus; injuria autem violatio juris in se
spectetur, citra respectum ad personam,
cui fit, tanquam actus in se illicitus, seu
ius ipsum, quod violatur, respiciatur.
Ast sicuti justitia naturalis latius patet
civili (§. 85.); ita etiam læsiones na-
turaliter latius patent, quam in Jure
civili definiuntur. Clarius hoc elu-
cescit

cescit ex iis, quæ mox sequuntur & quæ in posterum sequuntur.

§. 89.

Quod lege naturæ prohibetur, cum in omissione consistat (§. 47.), obligatio semper certa est. *Ex obligatione igitur, quæ lege prohibitiva inducitur, nascitur jus perfectum non patiendi, ut alter faciat, ad quod non faciendum tibi obligatur (§. 46.).* Quamobrem cum nemo sit lædendus (§. 88.); cuilibet homini natura competit jus non patiendi, ut lædatur ab alio, atque hoc jus natura unicuique competens *Jus securitatis* vocatur, quæ in vacuitate læsionis consistit. Liquet hinc porro, *naturaliter læsionem extendi ad omnem actum lege naturæ respectu aliorum prohibitum, consequenter læsionem esse omnem actum, quo alter, vel status ejus redditur imperfectior (§. 44.): denegationem vero officii humanitatis læsionem non esse (§. 79.).*

De securitate & læsionis extensione ne naturali.

§. 90.

Quia pati non tenemur, ut alius nos lædat (§. 89.); *læsionem intentanti resistere licet.* Quamobrem cum actio, qua

De jure defensionis.

qua resistitur læsionem intentanti, *defensio sit, homini natura ius defensionis competit, consequenter eidem liciti sunt actus, sine quibus læsionem a se avertere nequit (§. 46.), ex circumstantiis obviis determinandi.*

§. 91.

De læsionibus præcaveandis.

Similiter quia pati non tenemur, ut alius nos lædat (§. 89.); *læsiones præcavere, consequenter alios obligare licet, ne nos lædant.*

§. 92.

Quomodo præcaveantur.

Cum alterum obligare non possimus ad non faciendum, nisi cum actione conjungendo motivum (§. 35.), motivum autem nolitionis in representatione mali consistat; *ei, qui nos actu læsit, inferre licet malum quoddam physicum (§. 91.), ne scilicet nos denuo lædat, vel ejus exemplum secuti lædant alii, vel etiam ipse, aut alii alios.*

§. 93.

De pœna & jure puniendi.

Malum physicum ob malum morale immissum ab eo, qui obligandi jus habet, *Pœna dicitur. Natura igitur*

tur homini competit jus puniendi eum, qui ipsum læsit. Et quatenus pœna tendit ad mutandum animum lædendi, emendatrix dicitur; quatenus vero ad deterrendum alios a lædendo, exemplaris. Quamobrem cum pœna se habeat per modum medii, & emendatio animi lædendi ac metus iis incutiendus, quos libido lædendi incessere poterat, sint fines punientis; magnitudo pœnæ æstimanda ex circumstantiis obviis (§. 46.).

§. 94.

Jus infinitum dicitur, cui in genere limites præfigi nequeunt, ex circumstantiis in casu dato obviis demum determinandi. Est igitur tam jus defensionis, quam jus puniendi infinitum (§. 90. 93.).

De jure infinito.

L. 68. de re iur.

§. 95.

Ex hætenus dictis patet, quænam sint jura hominum connata, nimirum Jus ad ea, sine quibus obligationi naturali satisfieri nequit (§. 46.), sub quo comprehenditur jus petendi officia humanitatis (§. 52.), et jus alterum sibi obligandi ad ea perfecte (§. 97.), æqualitas (§. 70.), libertas (§. 77.), jus secuti-
(*Wolfii Instit. J. N. & G.*) D rita-

Jura connata quæ sint.

ritatis (§. 89.), & inde natum jus defensionis (§. 90.) & jus puniendi (§. 93.): quænam vero hinc alia jura descendant, & quomodo legi naturæ convenienter alia obligationes contrahantur, & alia jura acquirantur, suo ostendetur loco.

§. 96.

*Persona
moralis,
status
moralis,
naturalis.*

Homo *persona moralis* est, quatenus spectatur tanquam subjectum certarum obligationum atque jurium certorum. Atque hinc *status* ejus *moralis* dicitur, qui per obligationes & jura determinatur; vocaturque idem *naturalis*, quatenus obligationes & jura, per quæ determinatur, naturalia sunt, seu vi legis naturæ eidem competunt. Ac ideo *in statu naturali homines reguntur solo jure naturæ*.

§. 97.

*Demodo
alterum
sibi per-
fecte ob-
ligandi
& jus
perfe-
ctum ac-
quiren-
di.*

Enimvero quoniam homo, obligationi suæ satisfactorius, sæpissime aliena ope indiget, interest autem ut de ea præstanda certus sit, & ipsi competit jus ad eos actus, sine quibus obligationi suæ satisfacere nequit (§. 46.); eidem quoque competit jus, alterum ad certas præstationes sibi obligandi, & hoc

hoc modo *jus perfectum ad eas acquirit*, ut cum ante denegatio esset ferenda, nunc ad eas cogi possit, seu vi compelli (§. 79. 80.), sicque *quod erat voluntatis, nunc sit necessitatis*, & non *præstando alter lædatur & injuria committatur* (§. 88.).

§. 98.

Violenta juris sui persecutio, qua vel læsionem intentatam, seu injuriam faciendam avertere, vel eos, qui læserunt, seu injuriam fecerunt, ad non lædendum in posterum obligare, vel denique ad præstationem, ad quam alterum nobis obligavimus, eum vi compellere conamur, quatenus alter eidem resistit, *Certatio per vim dicitur*. Status vero per vim certantium *Bellum* vocatur. Atque hinc patet, *homini competere jus belli, & ejus causam justam non esse nisi injuriam vel faciendam, vel factam* (§. 87. 83.): *denegationem vero officii humanitatis justam belli causam non esse* (§. 79.).

§. 99.

Pax opponitur bello, & ideo vocatur status, in quo bellum non est.

D 2

Cum.

Marc. ix, 50.

Cumque nemo sit lædendus, consequenter ab omni injuria abstinendum (§. 88.); *homines pacem colere obligantur*, & ideo *pax secundum naturam est, bellum contra eandem* (§. 38.), cui non natura, sed malitia hominum obligationi suæ satisfacere nolentium locum facit, seu injuria (§. 98.).

§. 100.

De obligatione
contra-
cta &
jure ac-
quisito.

Ex antea dictis porro manifestum est, præter obligationes & jura connata dari quoque obligationes facto hominum interveniente ortas & jura per eas acquisita (§. 95.), quorum illæ obligationes contractæ, hæc jura acquisita appellantur. Patet quoque, *neminem seipsum ab obligatione contracta liberare posse* (§. 97.), *nec jus ideo acquisitum, ex ea ortum* (§. 46.), *invito auferri posse*: id quod supra de obligatione connata & de jure connato ostendimus (§. 42. 74.). Cum itaque obligationes sint connatæ, vel contractæ, & jura vel connata, vel acquisita; in genere jam constat, *neminem se ab obligatione sua liberare, nec jus suum alicui invito auferri posse*.

§. 101.

§. 101.

Cum obligationes connatæ teneant homines omnes (§. 74.), contractæ nonnisi eum, quem tibi ad certam præstationem obligasti (§. 100.), & eodem modo jura connata omnibus hominibus promiscue, jus vero acquisitum nonnisi ei competat, qui alterum sibi obligavit ad certam præstationem (§§. cit.); inde liquet dari jura, tam quæ omnibus promiscue competunt, quam quæ nonnisi uni in singulari, aut pluribus junctim sumtis, in oppositione ad omnes spectatis, competunt, & similiter obligationes, quæ eodem modo ad omnes, plures conjunctim, vel unum in singulari pertinent. Hinc *Jus commune* dicitur, quod omnibus promiscue competit; *proprium* vero, quod nonnisi uni, aut pluribus conjunctim, in oppositione ad ceteros omnes, competit. Et eodem modo intelligitur, quænam *Obligatio communis*, quænam *propria*. Patet autem, *jus proprium* eodem excludere ceteros omnes, & si pluribus conjunctim *jus proprium* est, id inter ipsos *commune* esse.

De statu
originario
&
adventi-
tio.

Status hominum naturalis, vel *originarius* est, quatenus determinatur per sola jura & obligationes connata; *adventitius* vero, quatenus determinatur per obligationes contractas & jura acquisita, vi solius legis naturæ. *Originarium* itaque homo a natura sola habet; *adventitium* vero non nisi facto quodam humano interveniente. Facile quoque patet, ad statum originarium pacem (§. 99.), ad adventitium bellum pertinere (§. 98.), & quoniam bellum tendit ad tollendam, vel delendam injuriam, belli causam (§. 98.); bellum naturaliter permitti pacis causa (§. 99.), consequenter nec gerendum esse nisi propter pacem. Nimirum bellum gerere idem est ac per vim certare. Ne vero in discernendo statu adventitio ab originario subinde hæsitetur, notandum est, posse homini competere jus in se spectatum in statu originario, cujus tamen exercitium locum non habet nisi in adventitio, quatenus nimirum isti locum facit factum alterius. Exemplum habes in jure defendendi & puniendi, si originem utriusque curatius consideres (§. 90. 93.).

CAPUT



CAPUT IV.

DE

OFFICIIS HOMINIS ERGA SEIPSUM
ET CUM IIS CONNEXIS
JURIBUS.

§. 103.

Homo tum se, consequenter tam ani-
mam, quam corpus, tum statum
suum perficere debet (§. 43.), quan-
tum potest (§. 37.). Dantur igitur of-
ficia erga animam, erga corpus & quo-
ad statum externum (§. 57.), atque ea
sunt conjungenda, non uni eorum ita
studendum, ut negligantur cetera, &
cui amplior est facultatum rerumque
usus, & auxilium alienum majus, is
ad plura præstanda obligatur.

*De offi-
ciorum
diversi-
tate &
conjun-
ctione.*

§. 104.

Cum bona animi sint, quæ animam,
corporis, quæ corpus; fortunæ, quæ
statum externum perficiunt; quilibet
studere debet, ut ea consequatur animi,
corporis ac fortunæ bona, quæ in pote-
state ipsius sunt (§. 103. 60.), conse-
quenter sibi cavere a malis animi, cor-
poris atque fortunæ (§. 51.).

*De stu-
dio bone-
rum con-
sequen-
dorum.*

D 4

§. 105.

§. 105.

De se &
aliis co-
gnosce-
dis.

Necesse igitur est, ut homo seipsum cognoscat, qua animam, corpus & statum suum, cumque cognitio sui cognitione aliorum promoveatur, quatenus apparet, quarum perfectionum & imperfectionum homo & status ejus sit capax, & quonam usu facultatum illæ obtineantur, quonam non-usu & abusu earundem in has inciditur, etiam alios, eo fine spectator sedulus aliorum.

§. 106.

De per-
fectione
animæ.

Usus facultatum animæ consistit in eliciendis actibus: in consensu omnium usuum facultatum omnium animæ tam superiorum, quam inferiorum *perfectio animæ* consistit (§. 9.). Quamobrem cum homo se perficere obligetur (§. 43.), operam dare debet, ut aptus fiat non modo ad quemlibet facultatum animæ usum, sed etiam ad reducendum usum omnium facultatum in agendo ad consensum, quemadmodum jam supra docuimus (§. 52.), consequenter vitandus est tam facultatum non-usus, quam dissensus in agendo (§. 51.). Cumque promptitudo agendi habitus sit;

fit; homo obligatur acquirere habitus facultatibus suis utendi, earumque usus ad consensum reducendi.

§. 107.

Ac propterea homini competit jus ad ea, quæ ad consequendum usum facultatum suarum *Et* usus istos ad consensum reducendum necessaria sunt (§. 46.).

De jure eo sine competente.

§. 108.

Quoniam Intellectus facultas est, res distincte repræsentandi, consequenter non solum a se invicem discernendi, quæ rei eidem insunt, verum etiam judicia determinata formandi, ut scilicet vi eorum, quæ de subiecto sumuntur, eidem conveniat, vel repugnet prædicatum, & recte ratiocinandi; operam dare debemus, ut acquiramus habitum in objecto cognoscibili obvio ea distinguendi, quæ eidem insunt, judicia determinata formandi *Et* recte ratiocinandi.

De intellectu perficiendo.

Quoniam vero hoc fieri nequit, nisi valeamus attentionem conservare, hoc est, efficere, ut objecti, de quo cogitamus, nobis magis conscii simus, quam aliorum, quorum cogitatio animum una subit, vel subire poterat, & super iis reflectamus, hoc est, attentionem

D 5

nostram

nostram successive ad alia aliaque dirigamus, quæ objecto insunt; *curæ quoque habendum, ut omnem attentionis gradum, quantum datur, & habitum reflectendi acquiramus.*

§. 109.

De appetitu
& aver-
sandi
faculta-
te perfi-
cienda.

Appetitus hominis generaliter determinatus est ad bonum appetendum, & facultas averfandi ad malum averfandum. Quamobrem cum *perfectio appetitus* consistat in determinabilitate nonnisi per bonum verum, *facultatis* autem *averfandi* in determinabilitate nonnisi per malum verum: ex adverso *illius imperfectio* in determinabilitate per bonum apparens, quod ex voluptate præfente, sed nocua æstimatur, *huius autem imperfectio* in determinabilitate per malum apparens, quod ex molestia præfente, sed minus nocua æstimatur; *operam dare debemus, ut appetitus nunquam feratur nisi in bonum verum, nec averfandi facultas abhorreat nisi a malo vero, consequenter studendum, ut bonum verum verumque malum ab apparente semper discernere valeamus.* Et quia usus omnium facultatum consentire debent (§. 106.); *opera* inprimis *dan-*

danda est, ut appetitum sensitivum ad consensum cum rationali, sive voluntate, Et aversionem sensitivam itidem ad consensum cum rationali, seu noluntate, consequenter, cum voluntas & noluntas ab actibus intellectus, appetitus sensitivus & aversio sensitiva ab actibus sensuum & imaginationis pendeant, intellectum in representando bono vel malo ad consensum cum sensu Et imaginatione reducamus.

§. 110.

Ad appetitum sensitivum & aversionem sensitivam referuntur affectus, qui in appetitionibus & aversionibus vehementioribus consistunt: unde porro conficitur, operam dandam esse, ut eos ad actiones legi naturæ convenienter dirigamus, hoc est, regamus, atque iis resistamus, ne in actus externos, legi naturæ contrarios, ad quos tendunt, erumpant, hoc est, eos compescamus (§. 109.), & sicubi contingit eos nobis impedimento esse in agendo, & quando eorum regimen nondum in potestate est, ut extinguantur, uti subito oriuntur, hoc est, sedentur. Unde liquet, habitus quoque voluntatis Et noluntatis

De affectibus regendis, compescendis Et sedandis.

60 P. I. C. IV. De offic. hom. erga seipsum
tis actiones legi naturæ convenienter
determinandi acquirendos esse.

§. III.

*Quorum
scientia
compa-
randa.* Patet etiam, hominem obligari ad
consequendum eorum scientiam, quæ ad
bona & mala vera ab apparentibus di-
scernenda (§. 109.) & ad recte agendum
scitu necessaria sunt (§. 52. 53.).

§. IIII.

*De cor-
pore per-
ficiendo
& con-
servan-
do.* Constat corpus humanum ex orga-
nis vitalibus, quæ vitæ ac speciei conser-
vationi destinantur; *sensoriis*, quæ sen-
sationi ac pendentibus inde actibus ima-
ginationis ac memoriæ inserviunt, &
vel *externa*, extus in corpore conspi-
cienda, vel *interna*, intus latentia; &
denique *motoriis*, quæ ad motum lo-
calem corporis ejusve membrorum ex-
ternorum faciunt. *Perfectio* igitur cor-
poris, qua vivi, consistit in aptitudine se
conservandi & speciem suam propagan-
di; *qua sentientis*, in aptitudine ideas re-
rum sensibilibus materiales producen-
di; *qua se moventis* denique, in aptitu-
dine appetitionibus & aversionibus ani-
mæ convenientes motus producendi &
situs tam totius corporis, quam mem-
brorum

brorum ejus externorum determinandi (§. 9.). Ex his simul sumtis enascitur aptitudo conservandi harmoniam inter animam & corpus, in qua *Perfectio corporis* consistit: cui cum accedit perfectio animæ, quam ipsa hæc harmonia exigit, *Perfectio hominis* prodit, quæ, cum ex principiis Theologiæ naturalis constet, hominem tum quoad animam atque corpus repræsentare Deum, in aptitudine Deum repræsentandi consistit, ut scilicet in eodem conspiciatur quasi imago Dei, & ideo *atheus perfectionem hominis intime perspicere nequeat*. Cum perfectio corporis, qua humani, supponat omnium membrorum integritatem, a posteriori autem constet, varios habitus facultatis locomotivæ acquiri posse; *homo utique obligatur, integritatem omnium membrorum corporis conservare, Et eos habitus facultatis locomotivæ acquirere, quibus ad recte agendum indiget* (§. 106. 52.), consequenter *eorum depravatio Et jactura vitanda*, adeoque *corpus suum, ac ideo quoque vitam suam conservare* debet, consequenter *proprium sive autochiria illicita* (§. 51.).

§. 113.

De sani-
tate con-
servan-
da & re-
cuperan-
da, ac
morbis
præca-
vendis.

Status ille corporis, in quo singulæ ipsius partes munere suo rite funguntur, *Sanitas* dicitur; status vero oppositus, quo una vel plures ad usus suos, quibus destinantur, aptæ non sunt, *Morbis*. Intelligitur autem hoc etiam de partibus fluidis, & in sermone vulgari morbus inprimis attenditur, in organis vitalibus. *Errorem externum* vocat *Galenus* impedimentum actionis organi, ad quam producendam ipsum in se spectatum aptum deprehenditur. Cum omnes partes corporis conservandæ sint in eo statu, ut sint aptæ ad usum suum (§. 112.); homo obligatur sanitatem conservare, & a morbis sibi cavere, ne scilicet culpa sua in eos incidat; quodsi vero contingat eum morbo corripì, operam dare, ut sanitati restituatur.

§. 114.

De jure
ad ci-
bum, po-
tum ac
medica-
menta.

Homini igitur *jus est ad ea, quæ ad vitam & sanitatem conservandam & recuperandam faciunt*, consequenter, cum sanitas sine cibo ac potu conservari, nec semper sine medicamentis recuperari possit, *jus ad usum earum rerum, quæ cibo ac potui inserviunt, & qua-*

quarum usus ad sanitatem restituendam facit, quæque Medicamenta appellantur (§. 46.). Quoniam vero hoc jus sanitatis causa datur; *cibus ac potus sanitatis conservandæ, non voluptatis ex eo percipiendæ causa appetendus*, consequenter a cibo ac potu insalubri nimiaque utriusque quantitate abstinendum, cumque Ebrietas status corporis sit, quo ex potu nimio functiones cerebri turbantur, consequenter homo primum usu rationis, inde porro imaginationis, immo sensus, tandemque ipsius facultatis locomotivæ privetur, *ebrietatem fugere tenetur.*

§. 115.

Similiter patet, sanitatis causa corpus *adversus injurias tempestatum vestimentis muniendum* (§. 113.), ac homini esse jus ad eas res, quæ vestimentis eo fine necessariis conficiendis inserviunt, Et ad eos actus, quibus conficiuntur, vel res ad ea necessaria parantur (§. 46.), *observato simul decoro naturali* (§. 55.).

§. 116.

Quoniam etiam a posteriori constat, homines ædibus opus habere, ut ab injuriis tempestatum tuti laboribus &

De jure ad vestimenta.

De jure ad ædium exstructio nem.

64 P. I. C. IV. De offic. hom. erga seipsum

& negotiis fungi, cibos præparare, corpus lassum somno reficere & res suas, quibus indigent, asservare & custodire valeant; non minus facile patet, *homines ædes commodas exstruere debere, & natura iisdem competere jus ad ea omnia, quæ ad eas exstruendas necessaria, omnes etiam actus ad exstructionem requisitos, etiam hic observato decoro (§. 55.).*

§. 117.

De pulchritudine naturali & artificiali atque ornamenti corporis.

Pulchritudo naturalis dicitur, quæ corpori hominis natura inest. Constitit autem, quemadmodum a posteriori patet, in *Symmetria*, conveniente partium externarum ad se invicem & ad totum corpus proportionem; *Eurythmia*, similitudine partium, quæ ab utroque latere sunt mediorum dissimilium, conveniente earum figura atque colore. Ast *artificialis* vocatur, quæ facto nostro corpori conciliatur. Cum *pulchrum* sit, quod placeat, consequenter pulchritudo naturalis ad aliud tendere nequeat, quam ut placeas aliis, artificialis vero defectum naturalis suppleat & eam augeat; *naturalem conservare debemus (§. 43.), & decori minimum gratia artifi-*

artificialis non illicita (§. 55.). Ac propterea natura nobis jus est ad ea, quæ ad pulchritudinem artificialem corpori conciliandam faciunt. Dicuntur hæc Ornamenta, consequenter homini jus competit ad ornamenta, Et ad ea, quæ ornamentis parandis inserviunt, eosque actus, quibus parantur Et quos eorum usus requirit.

§. 118.

Felicitas est status voluptatis ac lætitiæ durabilis, quæ scilicet nec molestiam parit, nec in eam degenerat, seu innocua est: *Infelicitas* vero status molestiæ, nimirum animi, ac tristiæ durabilis. Appetitus hominis natura determinatus est ad appetendum ea, ex quibus voluptatem percipit, consequenter generaliter ad felicitatem; averfatio vero ad averfandum ea, ex quibus molestia percipitur, consequenter ad fugam infelicitatis. Homo igitur curæ habere debet, ut sit felix, Et ne infelix fiat (§. 36.), consequenter ipsi jus est ad ea, quæ ad felicitatem quidpiam conferunt (§. 46.). Patet autem ex ipsa definitione felicitatis, veram ab apparente esse discernendam, ne scilicet, dum

(Wolffii Instit. J. N. Et G.) E fe-

Defelicitate Et infelicitate.

felix esse cupis, te reddas infelicem. Liquet porro, *omnem molestiam quantumlibet exiguam esse averſandam, utpote felicitati adverſam.*

§. 119.

De vita
commo-
de ac ju-
cunde
transi-
genda.

Vitam commodè transigimus, si, quæ a nobis agenda sunt, ea absque omni molestia peragere valemus, seu si ea ab actionibus nostris molestiam remonent: jucunde autem, si ea agimus, ex quibus voluptas innocua percipitur. Homo itaque curæ habere debet, ut vitam commodè ac jucunde transigat (§. 118.), consequenter ipsi jus est ad ea, quæ ad vitæ commoditatem & jucunditatem faciunt (§. 46.).

§. 120.

De volu-
ptate
transito-
ria.

Voluptas transitoria est, quæ non nisi exiguo temporis spatio durat, nunquam reditura, quales sunt delectationes sensuales. Quodsi innocua fuerit, ad felicitatem hominis quidpiam confert; si vero nocua, ad infelicitatem concurrit (§. 118.). Quamobrem voluptas transitoria licita est, si fuerit innocua; illicita, si nocua (§. cit.).

§. 121.

§. 121.

Rei nomine venit ens omne, quod nobis usui esse potest, veluti ad vitam conservandam & commode atque jucunde transigendam, vel ad animæ corporisque perfectionem quomodocunque promovendam, imperfectionem vero avertendam. Est autem vel corporalis, quæ sensu percipi potest; vel incorporalis, quæ sensu non percipitur, seu intellectu tantummodo concipitur, qualia sunt jura & habitus animæ. Sunt etiam vel necessariae, quæ ad vitæ ac sanitatis conservationem & ad animam perficiendam requiruntur; vel utiles, quæ ad vitam commode degendum faciunt; vel voluptuariae, quæ nonnisi jucunditati inserviunt. Porro aliæ sunt pure naturales, quas natura sua sponte producit; aliæ industriales, quas natura nonnisi opera humana interveniente producit; aliæ artificiales, quæ arte humana parantur.

*De re-
bus &
earum
divisio-
ne.*

§. 122.

Facile intelligitur, *res necessarias utilibus & voluptuariis esse præferendas* (§. 121.), utpote ab obligatione principali

*Qua-
nam res
aliis
præfe-
rendæ.*

pali requisitas (§. 36.), *utiles autem voluptuariis*, cum voluptuariæ nonnisi sensus delectent (§. 121. 119.), ut cautus admodum esse debeat earum usus (§. 120.).

§. 123.

De re-
rum suf-
ficiente
copia.

Cum rebus necessariis homines carere nequeant (§. 121.); *si natura non sua sponte eas tanta copia profert, quanta omnibus sufficit, earum proventum homines opera sua multiplicare debent, aut quas natura non profert, eas arte parare.* Unde fuit obligatio ad culturam agrorum, hortorum, sylvarum, rem pecuariam &c. Immo cum rerum quoque utilium & voluptuariarum licitus sit usus (§. 119. 121.); *homines operam dare debent, ne defit sufficiens rerum utilium & voluptuariarum copia, ex prælatione utilium determinanda* (§. 122.).

§. 124.

De labo-
re.

Quoniam *Labor* opera est, quæ rebus corporalibus & incorporalibus producendis, & vitæ commoditati, jucunditati & decori promovendis impenditur; *Otium* vero vacatio a labore, homi-

homines vero ad res non minus corporales (§. 123.), quam incorporales producendas obligantur (§. 108. 110. 121.); *homini omni laborandum est, nemini otiaudum*: quatenus tamen sanitatis habenda est ratio (§. 113.), *labor nimius*, qui sc. cum dispendio sanitatis continuatur, ac *nimis gravis*, cui vires nostræ vix ac ne vix quidem sufficiunt, *vitandus*; & quatenus obligamur ad recte agendum (§. 52.), *unusquisque labore suo recte perfungi*, consequenter *curare debet*, *ne res artificiales careant perfectione sua* (§. 11. 16.), *Et sibi comparare eum facultatum usum, qui ad laborem recte obeundum requiritur*. Et quoniam labor tam multiplex est, ut nullius vires omni sufficiant, homines autem conjunctis viribus se statumque suum perficere debent (§. 44.); *unusquisque eum laborem seligere debet*, *cui se parem sentit*, ac ideo *id vitæ genus eligere*, *ad quod aptus est*, hoc est, eum statum, in quo vitam impendit labori, qui, ut recte obeatur, requirit usum facultatum per dispositiones atque inclinationes naturales acquisitu ipsi possibilem.

§. 125.

De existi-
matione,
laude
ac hono-
re.

Aliorum de perfectione nostra iudicium *Existimatio* dicitur, quæ verbis declarata, *Laus*; aliis autem actibus externis significata, *Honor* dicitur. Unde patet, *laudem & honorem non esse in nostra potestate (§. 60.)*, nec quenkum alterum per se laudare ac honorare posse, nisi qui verum de perfectione alterius iudicium per se ferre potest. Quoniam tamen obligamur nos statumque nostrum perficere (§. 43.); operam dare debemus, ut simus *existimatione*, consequenter *laude ac honore digni*. Et quoniam perfectio animæ consistit in habitibus intellectus et habitibus voluntatis legi naturæ convenienter determinandis (§. 106.), quorum illi *Virtutes intellectuales*, hi *morales*, vel etiam *virtutes simpliciter* dicuntur; *existimationem*, *laudem ac honorem verum non pariunt nisi virtutes intellectuales atque morales*, quas produnt facta, vel etiam verba, consequenter *bona animi* (§. 104.), corporis vero ac fortunæ bona non nisi quatenus eorum acquisitio ab istis pendet, ut ideo sint existimationis, laudis atque honoris occasio.

§. 126.

§. 126.

Fama est communis hominum sermo de perfectione, vel imperfectione ejusdem, consequenter de dictis & factis, quæ eam produnt. Unde vel bona est, vel mala. Quoniam homo se perficere debet (§. 43.) & recte agere (§. 52.); operam dare debet, ut fama bona fruatur & merita, eamque servare, hoc est, sollicitè sibi cavere, ne eam inquinet, ut bona in malam degeneret, consequenter si quæ fecit bonæ famæ adversa, factis contrariis eidem servire.

§. 127.

Consentiens laus bonorum & peritorum, seu bene judicantium dicitur *Gloria*. Quæ igitur de laude dicta sunt, ad gloriam quoque applicanda.

§. 128.

Cum laus & honor non sit in nostra potestate (§. 125.), propter finem vero agamus; laudem ac honorem non intendere debemus tanquam finem, sed aliorum arbitrio relinquendum, num laudare ac honorare nos velint (§. 78.), consequenter laudem ac honorem appetere non debemus, ac propterea nec nos ipsos laudare

§. 129.

*Judi-
cium de
se & sta-
tu suo
quale es-
se de-
beat.*

Quoniam homo seipsum cognosce-
re debet, qua animam, corpus & sta-
tum suum (§. 105.); *judicium de bonis
animi, corporis ac fortunæ verum esse
debet, nec in iis studio ac labori suo tri-
bui, quod naturæ, fortunæ & aliis tri-
buendum, nec minus imperfectionem,
quam perfectionem homo agnoscere tene-
tur, cum alias obligationi suæ satisfacere
nequeat (§. 43.). Quia vero ex sensu
perfectionis voluptas oritur per ipsam
hominis naturam; voluptas ex perfe-
ctione sui & status sui percepta illicita
non est (§. 49. 37.).*

§. 130.

*De offi-
cio homi-
nis circa
fortu-
nam.*

*Fortuna est concursus causarum mi-
nime prævisus ad effectum nobis vel
bonum, vel malum, ac ideo vel secun-
da, vel adversa audit. Quoniam ita-
que in potestate nostra non est (§. 60.),
atque eam admodum variabilem expe-
rimur; fortuna secunda nimium confi-
dere non debemus, nec adversa meliora
desperare, eamque æquo animo ferre ob-
ligamur, ne scilicet reddamur infelices
culpa nostra (§. 118. 17.). Quamob-
rem ne adversa præter opinionem no-
bis*

bis obvenientia animum perturbent; *adversa, quæ in potestate non sunt, nobis representare debemus tanquam eventu possibilis, nec a nobis evitabilia: in quo præparatio ad futuros casus consistit.*

§. 131.

Cum obligatio naturalis adeo necessaria sit (§. 38.), ut nemo hominum ab ea liberari possit (§. 42.); *nemo hominum metu mali cujusdam deterreri debet, quo minus faciat, quod legi naturæ convenit, nec sese adduci patiatur necesse est, ut faciat, quod legi naturæ contrarium.* Quoniam vero omne periculum a nobis & statu nostro avertere debemus (§. 43.); *nemo quoque nulla urgente obligatione subire debet periculum ullum, veluti vitæ, aut integritatis membrorum amittendæ, aut statum suum imperfectiorem reddendi. In casu particulari, quid fieri debeat, docet exceptio ob collisionem officiorum facienda (§. 64.).*

De periculo vitando.

§. 132.

Amor proprius est dispositio animi ex propria felicitate voluptatem percipiendi: *Dilectio* vero sui constans & per-

De amore proprio & dilectione sui.

petua voluntas omni studio id agendi, ut simus felices, ac per consequens cavendi ne infelices evadamus. Quoniam itaque homo curæ habere debet, ut sit felix, & ne fiat infelix (§. 118.); *seipsum quoque diligere debet.* Et sicuti appetitus generaliter determinatus est ad felicitatem; animus quoque hominis naturaliter dispositus est ad voluptatem ex propria felicitate percipiendum (§. cit.), consequenter *amor proprius illicitus non est* (§. 49. 37.): *ratione tamen dirigendus, ne felicitas apparens cum vera confundatur* (§. 43. 118.).

CAPUT V.

DE

OFFICIIS HOMINIS ERGA ALIOS
ET JURIBUS CUM IIS
CONNEXIS.

§. 133.

De identitate officiorum erga se & erga alios.

Cum homo non modo se statumque suum perficere, ac imperfectiorem præcavere (§. 43.), verum etiam ad alterius ac status ejusdem perfectiorem conferre debeat, quantum potest, salva obligatione erga seipsum, quando alter ipsius ope indiget, & ab his absti-

abstinere, quibus alter vel ejus status imperfectior redditur (§. 44.); *homo quilibet alteri cuicunque debet, quod sibi, quatenus alter id non habet in potestate sua, ipse autem citra neglectum officii erga seipsum hoc alteri præstare potest, consequenter officia hominis erga alios eadem sunt, quæ officia erga seipsum (§. 57.).* Hæc itaque ad alios applicanda.

§. 134.

Quilibet igitur homo alium quemcunque ope ipsius indigentem juvare debet, ut consequatur animi, corporis ac fortunæ bona, quantum in potestate sua est (§. 104.), & per consequens cavere, ne alii incidant in mala animi, corporis ac fortunæ (§. 51.). Cumque lex naturæ auxilium non restringat ad certa bona; *auxilium nostrum alteri denegare non debemus in consequendis bonis majoribus, quam quibus ipsi fruimur: quod cum fieri non posset, si alteri invideremus sua bona; nemini invidendum bonum, etiam quo ipsi caremus. Pugnat invidia cum ipsa hominis natura (§. 39-44.).*

Auxilium in
acqui-
rendis
bonis
præstan-
dum
aliis.

§. 135.

§. 135.

Num ob-
ligatio
natura-
lis tolli-
tur fa-
ctis con-
trariis
aliorum.

Quoniam obligatio naturalis prorsus sit immutabilis (§. 38.); si alter obligationi naturali non satisfacit, non ideo tibi permissum est, eidem non satisfacere, consequenter nec transgressionem legis naturæ exemplo aliorum tueri licet, nec officium erga alium ideo desinit deberi, quia ipse officio erga te deest: quod cum intelligatur etiam de iis, quæ lege naturæ prohibentur; officia humanitatis adhuc debentur etiam nos lædentibus (§. 88.).

§. 136.

De amo-
re & di-
lectione
aliorum.

Cum officia hominis erga alios eadem sint, quæ erga seipsum (§. 133.); unicuique constans & perpetua esse debet voluntas, perfectionem ac felicitatem hominis alterius cujuscunque promovendi (§. 43. 118.); consequenter cum in hac voluntate Dilectio alterius, in dispositione autem animi ad percipiendam voluptatem ex alterius felicitate Amor consistat (§. 132.), quilibet alterum diligere atque amare debet, tanquam seipsum (§. cit.), non vero odio prosequi (§. 51.).

§. 137.

Amicus,

Qui nos diligit, Amicus; qui odio pro-

prosequitur, *Inimicus* dicitur. Quam- ^{inimicus}
obrem omnibus amici esse debemus, ne- ^{et amor}
mini inimici (§. 136.), cuique officium ^{inimico-}
erga alios non desinat deberi, quia ipsi ^{rum.}
desunt officio erga nos (§. 135.); inimi-
cos etiam amare ac diligere debemus ^{Matth. V, 4}
tanquam nosmetipsos (§. 136.), non ve-
ro odisse.

§. 138.

Quoniam homines omnes sibi invi- ^{De stu-}
cem amici esse debent (§. 137.); ^{dio ami-}
bet opera danda est, ne alios sibi reddat ^{citiae.}
inimicos, sed ut aliorum amicitiam ac-
quiret et conservet: cum tamen ab ob-
ligatione naturali nemo liberari possit
(§. 42.); *amicitiæ causa non faciendum,*
quod legi naturæ contrariatur.

§. 139.

Perfectio animæ in virtutibus in- ^{De}
tellectualibus & moralibus consistit ^{exemplo}
(§. 106. 125.). In his igitur propagandis ^{aliis}
seduli debemus esse, atque alios exemplo ^{præben-}
nostro virtutes intellectuales et morales ^{do.}
docere et ad earum studium incitare
(§. 136.), consequenter exempla bona,
quibus scilicet alios virtutes istas doce-
mus & ad earum studium incitamus,
aliis præbenda, mala vero, quibus alios
vitia

vitia doces & ad ea perpetranda incitas, *non prodenda* (§. 51.), *nemo ad vitia seducendus* (§. cit.).

§. 140.

De non
impe-
dienda
perfe-
ctione al-
terius.

Cum eas actiones omittere debeamus, quibus alter vel status ejus imperfectior redditur, & ad perfectionem alterius conferre, quantum possumus (§. 44.); *nemo impedire debet, quo minus alter perfectionem aliquam consequatur, nec impedire tertium, quo minus in hoc eum juvet.* Intelligitur hoc de quibusvis animi, corporis ac fortunæ bonis (§. 134.). Patet etiam, *neminem impedire debere, quo minus ab altero mala animi, corporis ac fortunæ arceantur, vel idem ab iis liberetur; multo minus sive per se alios, aliquo bono eundem privare* (§. cit.).

§. 141.

De cura
corporis
alieni.

Quia eadem sunt officia hominis erga alios, quæ erga seipsum (§. 133.); *nemo integritatem membrorum corporis alieni quomodocunque vitare, aut membro quodam, vel saltem usu ejus alterum privare, nec sanitati ejus ullo modo nocere, sed vitam & corpus alterius, quantum potest, conservare, & ut a morbis*

bis agrotus convaleſcat curare debet (§. 112. 113.), conſequenter *nemo alterum vita privare, ſeu occidere debet* (§. 51.), ut ideo *homicidium dolo vel culpa commiſſum* (§. 17.), quorum illud *doloſum*, hoc *culpoſum* dicitur, ſit *naturaliter illicitum* (§. 49.). Et quia nemini juſ eſt ſeipſum vita privandi (§. 112.); *nec volentem occidere licet.*

§. 142.

Ex eadem ratione patet, nos quo- *De ſtu-
dio fa-
mæ alie-
na.*
que operam dare debere, ut alii fama merita fruantur (§. 126. 133.). Quamobrem cum fama bona ſit communis hominum ſermo de perfectione, conſequenter de factis & non-factis aliorum ſermo (§. 126.); *non modo unumquemque tanti exiſtimare debemus, quanti meretur, verum etiam honorem meritum exhibere, meritamque laudem tribuere* (§. 125.), conſequenter *famæ, exiſtimationi, honori ac laudi aliorum detrabere*, hoc eſt, eam diminuire *non debemus* (§. 51.), *multo minus eo animo falſa in vulgus ſpargere, hoc eſt, alios calumniari.*

§. 143.

Læſio honoris & famæ alterius quo- *De inju-
ria ſpe-*
modo.

*cialiter
dicta.*

modocunque facta *Injuria specialiter* dicitur, eaque *realis*, quæ sit facto quodam; *verbalis*, quæ verbis. Nemo igitur alterum *injuriare debet* (§. 142.)

§. 144.

*De jure
in inju-
riantes
nobis
compe-
tente.*

Nascitur hinc *jus non patiendi, ut alter nos injuriet* (§. 89.), *natura ideo nobis competens*: unde porro eodem modo, quo supra (§. 90. 92. & 93.), infertur, *nobis competere jus famam nostram defendendi & injuriantem puniendi*, consequenter *licitos esse actus, sine quibus fama defendi ac finis pænæ*, qui est emendatio animi injuriantis & metus incutiendus aliis, quos libido injuriandi incessere poterat (§. 92.), *obtinere nequit.*

§. 145.

*De igno-
minia.*

Existimationi opponitur *Ignominia*, quæ est *judicium aliorum de nostra imperfectione*, consequenter *veram ignominiam non pariunt nisi vitia*, atque propterea facta, quæ eadem produunt, & defectus virtutum intellectualium (§. 125.), quatenus iidem culpæ tribuendi (§. 17.); & idem, quod de his, de malis corporis & fortunæ valet. Immo bona fortunæ ignominia sunt, quatenus eorum acquisitio vitiis debetur.

§. 146.

§. 146.

Contemptus dicitur actus quicumque De con-
externus, quo significatur, alterum temtu,
 honore ac laude indignum esse; *Con-* conu-
tumeliae sunt actus externi, quibus al- melis,
 teri ignominia afficiendi animo imper- conv-
 fectiones exprobramus; *Vituperium* ciis, vi-
 denique sermo, quo alteri defectus tuperiis,
 perfectionis imputamus. Facile autem
 patet, *neminem esse contemnendum*, &
omnes contumelias, convicia, vitupe-
rium esse injurias specialiter sic di-
ctas, consequenter naturaliter illicita
 (§. 143.).

§. 147.

Cum vi libertatis naturalis unicui- Judicia
 que permittendum, ut in determinan- sinistra
 dis actionibus suis suum sequatur judi- de aliis
 cium, nec is ulli hominum rationem causam
 earundem reddere teneatur, quamdiu iuri re-
 nil facit, quod est contra jus alterius pugnant.
 (§. 78.); *sinistrum de aliorum actioni-*
bus judicium verbis aut factis declarare,
quamdiu nil sit contra jus tuum, liber-
tati naturali repugnat, consequenter
ea involvit jus exigendi, ne sinistre alter
de te judicet, sive verum sit judicium
tuum, sive minus.

(*Wolffii Instit. L.N. & G.*) F §. 148.

§. 148.

De infamia.

Infamia est communis hominum de vitiis alterius opinio, quam supra famam malam diximus (§. 126.). Cum operam dare debeamus, ut fama bona fruamur (§. cit.); ab infamia nobis cavere debemus, & quia aliorum quoque fama nobis curæ esse debet (§. 142.), nemini infamiam adspargere. Hinc vero porro liquet, facta, quæ nimirum vitia produnt, non nisi infamare.

(15. §. 27. de iniuriis.

§. 149.

De libello famæ.

Libellus famosus dicitur scriptura, qua alteri facta infamantia imputantur. Cum ejus autor, sive lateat, sive nomen suum profiteatur, infamiam alteri adspargat; libellum famosum conscribere naturaliter illicitum (§. 148.).

§. 150.

De tuenda jam aliena.

Quoniam aliorum fama nobis curæ esse debet (§. 142.); ea adversus calumniatores & obtrectatores defendenda, quantum in potestate est. Differunt autem obtrectatores a calumniatoribus. Sicuti enim calumniatores falsa in vulgus

gus spargunt, infamandi animo; ita *Obtrectatores* laudi alienæ adversa.

§. 151.

Competit homini jus non patiendi, ut quis ipsum lædat (§. 89.), ac ideo adversus læsionem intentatam se defendendi (§. 90.), & eum, qui actu læsit, puniendi (§. 93.). Quoniam igitur aliis debemus, quod nobismetipsis (§. 133.), jura autem nobis natura data sunt ad satisfaciendum obligationi (§. 46.); ideo nobis quoque competit *jus non patiendi, ut alius lædatur ab alio, eumque adversus læsionem intentatam defendendi, & lædentem puniendi, si auxilio nostro indiget.*

*De jure
dejen-
dendi
alios &
ipsum ju-
vandi in
punien-
do.*

§. 152.

In defensione sui, pœnæ exactione & violenta juris prosecutione ad consequendum id, quod nobis perfecte debetur ab altero, quæ defensioni assimilatur (§. 30. 88.), bellum consistit (§. 98.). Alterum igitur, cui jus belli est, in bello juvare, si auxilio nostro indiget, naturaliter licitum.

*De auxi-
lio belli.*

§. 153.

De reatu
tu & de
merito.

Quoniam nobis competit jus eum, qui actu læsit, puniendi (§. 93.); is ad pœnam patiendam obligatur. Atque in hac obligatione Reatus consistit, sicuti subtilius ab eo distingui potest Meritum pœnæ, sive Demeritum, ut accipiat pro ea qualitate facti, ex qua læso nascitur jus puniendi lædentem, cui responderet in hoc obligatio pœnam patiendi, seu quæ istud pœna dignum efficit, quamvis communiter ab eo non distinguatur.

§. 154.

De of-
fensa.

Offensa dicitur actio, sive positiva, sive privativa, ex qua alter molestiam animi jure percipit: quæ cum felicitati repugnet (§. 118.), quam promovere etiam quoad alios tenemur (§. 136.); neminem offendere debemus. Quoniam vero nemo ab obligatione naturali liberari potest (§. 100.), & ut quisque jure suo utatur permittendum (§. 66.); *Offensa nulla est, sed perperam pro tali habetur, si quis facit, quæ facere obligatur, aut jure facere potest.* Sicuti autem offensa ejus est, qui offendit: ita Offensio ejus, qui offenditur.

§. 155.

§. 155.

Quoniam neminem odisse debemus, *De vindicta.* (§. 136.), consequenter cum *Odium* consistat in dispositione animi ex alterius infelicitate, seu molestia animi atque tristitia (§. 118.), voluptatem percipiendi, nemini molestiam animi creare, nec obligatio hæc tollitur facto alterius eidem contrario (§. 135.); *molestiam animi alterius appetere non debemus*, qui nos offendit, nec per consequens *male alteri facere, quia nobis male fecit*, seu *malum malo referre*. Dicuntur *Vindicta* omnes actus, quibus malum malo refertur: & *cupiditas vindictæ*, qua molestiam animi alterius, qui nos offendit, appetimus. Quamobrem patet, *vindictam esse illicitam*, & *nos habere debere animum ab omni vindictæ cupidine alienum*, consequenter eundem quoque abesse debere ab exercitio juris puniendi & se defendendi, nobis competentis (§. 90. 93.). Atque propterea *in puniendo & defensione non intenditur malum alterius, sed in casu priori securitas in posterum, in posteriori propulsatio læsionis imminantis* (§. 90. 91. & seqq.).

§. 156.

De talione.

*Deinde ut talio aliter**L. XVII. C. de
exco[m]municat[i]onibus**L. I. §. I. 2. uod
iust talionis*

Talio vocatur pars vindictæ, quæ scilicet quis tantum mali patitur, quantum fecit. Quamobrem cum vindictæ omnis illicita sit (§. 155.): talio quoque illicita est, consequenter Jus talionis naturale nullum (§. 49.), ac propterea in exercitio juris puniendi talio non attendenda, neque ideo juris naturalis est, ut, qui alterum occidit, morte puniatur.

§. 157.

De offensa & pena condonatione.

*Ad hunc in locum
de offensa & pena
condonatione*

Ignoscere, seu offensam condonare dicitur, qui cupiditatem vindictæ deponit. Quoniam itaque animus ab omni vindictæ cupidine alienus esse debet (§. 155.); ad ignoscendum faciles esse debemus. Ast quia pena exigi debet absque vindictæ cupiditate (§. cit.); condonatio offensæ non continet condonationem pænæ, seu omissionem exercitii juris puniendi. Ea ipsa vero de causa pænæ duriori locus non est, si leniori finis ejus obtineri potest, immo non exigenda, si sine ea idem finis obtinetur.

§. 158.

Similiter quia *in defensione* intenditur propulsatio læsionis imminentis, non vero malum alterius (§. 155.), & ex circumstantiis obviis determinandi sunt actus liciti ad læsionem avertendam (§. 90.); *si læsio imminens lenioribus mediis propulsari potest, non utendum durioribus.*

De moderamine defensionis.

§. 159.

Et cum bellum geratur juris sui tuendi ac consequendi causa (§. 98.); *in bello tanta vi uti licet, quanta ad consecutionem juris sui & superandam resistantiam vis justæ factam requiritur.* Et hoc modo actus in bello liciti ab illicitis distinguuntur.

De vilitate in bello.

CAPUT VI.

DE

OFFICIIS HOMINIS ERGA DEVM.

§. 160.

Constat actiones naturales non solum hominis, verum etiam rerum ceterarum in universo ita determinari, ut, qualia Deo convenient attributa, inde colligi possit. Quamobrem cum actiones liberæ per eandem rationem

De actionibus liberis per motiva ab attributis divinis de-

*sumta
determi-
nandis.*

finalem determinandæ sint (§. 43.); actiones autem hæ dependeant a voluntate hominis, per motiva determinandæ (§. 1. & cit.); *homo actiones liberas omnes determinare debet per motiva ab attributis divinis desumta.* Atque hinc intelligitur, quomodo perfectio hominis tandem consistat in aptitudine repræsentandi Deum (§. 112.), & per consequens *naturalis obligatio dirigendi actiones liberas ad perfectionem nostram continet obligationem determinandi easdem per motiva ab attributis divinis desumta* (§. 43.).

§. 161.

*De illustratio-
ne gloriæ divi-
næ.*

Qui actiones liberas per motiva ab attributis divinis desumta determinat, eas ad gloriam divinam dirigit (§. 127. 125.). Quamobrem cum directio actionum ad gloriam Dei *Illustratio gloriæ divinæ* dicatur; *homo gloriam Dei illustrare obligatur* (§. 160.).

§. 162.

*De direc-
tione
actio-
num ad
perfe-
ctionem
mundi.*

Cumque eodem modo intelligatur, perfectionem hujus universi consistere in aptitudine repræsentandi Deum; qui actiones suas dirigit ad gloriam Dei, easdem dirigit ad perfectionem totius

totius universi (§. 160. 161.). *Homo igitur natura obligatur actiones suas dirigere ad perfectionem totius universi. Atque hinc patet, actiones legi naturæ adversas sive peccata deformare mundum, opus Dei.*

§. 163.

Quoniam homo actiones suas per *De agnitione Dei.* motiva ab attributis divinis desumpta determinare debet (§. 160); *Deum agnoscere obligatur*, consequenter cum ex contemplatione universi & eorum, quæ in eo sunt ac fiunt, attributa divina nobis innotescant, *universum hoc & ea, quæ in eo sunt atque fiunt, contemplari, tum etiam se ipsum & actiones naturales suas, ac inde mens in Deum ascendere Rom. 1, 20. debet.* Et propterea homini jus est ad omnes actus, quibus rerum naturalium cognitio promovetur, & ad usum omnium rerum eidem inservientium. Cumque aliis ad eadem obligemur, quæ nobis debemus (§. 133.); alios quoque ad agnitionem Dei perducere debemus, quantum in potestate est.

§. 164.

Vult Deus, ut actiones nostras ad *De generali voluntatis* legem naturæ componamus (§. 41.). Quam-

*Et no-
luntatis
determi-
natione.*

Quamobrem eas juxta eandem dirigere debemus, quia Deus vult, ut hoc fiat (§. 160.). *Voluntas igitur hominis generaliter determinanda ad agendum, quod Deus vult, Et noluntas ad non agendum, quod Deus non vult, ac ideo constans Et perpetua esse debet, hoc est, prorsus immota in casu dato & eadem, in omni.*

§. 165.

*De ob-
scura-
tione
gloriæ
divinæ.*

Obscuratio gloriæ divinæ est declaratio verbis factisque facta, quod quis Deum habeat pro ente imperfectionibus instructo, quæ summæ ejus perfectioni repugnant. Quamobrem cum gloriam Dei illustrare, adeoque tam verbis, quam factis declarare debeamus, nos ipsum habere pro tali ente, quale est, summe scilicet perfecto (§. 161.); obscuratio gloriæ divinæ lege naturæ prohibita (§. 51.).

§. 166.

*De Blas-
phemia.*

Blasphemia dicitur dictum vel factum quodcunque in contemptum vel contumeliam Dei vergens. Quamobrem cum eadem gloria Dei maxime obicuretur (§. 165.); blasphemia lege natu-

Blasphemie
Verbalis & mentalis
in inf. & in sup.
in inf. & in sup.

Pietas scilicet juridico est amor
erga aliquem sanguinem,
et liber ab obitu.

De ple-
tate, im-
pietate
& hypo-
crisi.
L. v. p. 10. le
agnosce. uet.
saluti lib.
Timoth. vi
46.

vultus ac gestus pietatis speciem præ se ferunt, a qua tamen actus interni procul absunt. Quamobrem cum lex naturæ requirat consensum actionum internarum & externarum (§. 52); *hypocrisis lege naturæ prohibita* (§. 51.).

§. 168.

De obedi-
entia
Deo
præstan-

*L. 55. §. fin.
de re judicata*

*Actorum
cap. v. n. 23.*

Obedientia est promptitudo facien- di, quod vult alius, & non facien- di, quod non vult. Quamobrem cum vo- luntas nostra generaliter determinanda sit ad agendum, quod Deus vult, & noluntas ad non agendum, quod non vult (§. 164.); *Deo obedire obligamur*, consequenter *Inobedientia*, obedientiæ opposita, *lege naturali prohibita* (§. 51.).

§. 169.

De amo-
re Dei.

Deus summe perfectus est. Quam- obrem cum voluptate perfundatur ani- mus, quando nobis conscii sumus per- fectionis alicujus, quod a posteriori constat; summa Dei perfectio agnita summa quoque voluptate perfundit animum. Dispositio animi ex summa Dei perfectione voluptatem maximam percipiendi *Amor Dei* dicitur; & *Amor*

com-

complacentiæ audit, qui in sola voluptatis perceptione ex alterius perfectione terminatur. Quoniam itaque Deum agnoscere obligamur (§. 163.), ad perfectionem vero ejus summam nihil conferre valeamus, summa enim alias nondum esset; *Deum super omnia amare debemus, amorque Dei amor complacentiæ est.*

§. 170.

Deus summe bonus est, & quicquid boni vel natura habemus, vel aliunde obtinuimus, Deo acceptum ferendum. Quoniam itaque Deus est bonus in nos, ex collatione autem bonorum in nos facta, seu beneficiorum agnitione oritur amor benefactoris; *Deus amandus quod est, quia bonus in nos.* Cum bonitas divina, quæ in collatione bonorum consistit, ad summam Dei perfectionem pertineat; *Deum amare, quia bonus in nos, est ejus bonitate seu beneficentia delectari, consequenter amor ex contemplatione bonitatis divinæ ortus sub amore complacentiæ continetur (§. 169.).*

§. 171.

Qui alterum amat, nil facit, quod ipsi displicet, sed facere studet, quod placet,

De Deo amando, quia bonus in nos.

*Jacobi. I. v. 17.
I. Joh. IV. v. 19.*

De timore Dei.

placet, consequenter non facit, quod
ejus voluntati adversum. Ex amore
igitur nascitur sollicitudo animi nil fa-

sciendi, quod voluntati alterius adver-
sum, quæ *Timor filialis* dicitur, in op-
positione ad *Timorem servilem*, si quis
metu pœnæ adactus facit, quod vult
alter, vel non facit, quod a se fieri non
vult. Quamobrem cum Deum super
omnia amare debeamus (§. 169.); eun-
dem quoque *super omnia timere debe-*
mus, timore scilicet filiali.

Et in loci de patria potestate.

§. 172.

De reve-
rentia
erga
Deum
& laude
divina.

Homo bonitatem Dei summam
agnoscere, & quantum potest, alios
quoque ad ejus agnitionem perducere
debet (§. 163.), atque per eam, tan-
quam motivum, actiones suas liberas
determinare (§. 160.). Quamobrem
cum actiones externæ cum internis
consentire debeant (§. 52.), nec alios ad
agnitionem perfectionis summæ Dei
perducere valeamus, nisi actibus exter-
nis; *homo verbis ac factis significare de-*
bet, se perfectionem Dei summam agno-
scere, ac ideo eundem maximi facere:
quæ declaratio cum Reverentia dicatur;

ad

*L. 50. ac 51. de
Rel.*

ad reverentiam erga Deum obligamur, cumque in his ipsis actibus laus & honor consistat (§. 125.), eidem debitum honorem atque laudem tribuere.

§. 173.

Ex rheologia naturali constat, Deum providentia sua tantundem in nos boni conferre, & tantundem mali avertere, quantum salva ipsius sapientia fieri potest, & si qua nobis obveniant mala, ea in bonum finem dirigere. Qui veritatis hujus convictus est, se totum resque suas providentiæ divinæ committit ac dubios omnes eventus, nec propter futura angitur, sed curam omnem abjicit, quomodo in posterum res casuræ. Quoniam itaque homo Deum agnoscere obligatur (§. 163.), & virtus, qua se resque suas omnes providentiæ divinæ committit, *Fiducia in Deo*, qua vero appetitum & aversionem moderatur ex sensu certitudinis de rectitudine actionum divinarum in gubernatione hujus universi tam positivarum, quam privatarum, *Acquiescentia in providentia divina* dicitur; homo fiduciam in Deo collocare, seu eidem confidere, ac in providen-

De fiducia in Deo & acquiescentia in providentia divina.

videntia divina acquiescere, consequenter non diffidere, & sorte sua contentus esse, quæque ipsi eveniunt mala tranquillo animo ferre debet (§. 51.).

§. 174.

De celebratione nominis divini.

Laus Deo tributa Celebratio nominis divini dicitur. Quamobrem nomen divinum celebrare (§. 172.), consequenter attributa divina & opera ejus, & beneficia nobis atque aliis præstita in bonorum collatione, & malorum declinatione, vel eorundem in bonum finem directione nobis exhibita commemorare (§. 12.), & quanti ea faciamus, significare debemus (§. 172.). Cumque in specie celebratio nominis divini ob beneficia nobis aliisque præstita, cum significatione voluntatis præstandi officia debita, Gratiarum actio dicatur, Deumque etiam ob beneficia exhibita amare (§. 170.), ac ideo voluntas nostra determinata esse debeat ad officia debita præstanda (§. 171. 57. 41.); Deo gratias agere debemus.

§. 175.

De Oratione.

Constat, Deum esse datorem omnis boni, & providentiæ ipsius tribuendum, quod

quod bona præsentia conserventur, futura veniant & mala depellantur, aut, nisi hoc fiat, in bonum finem dirigantur, quemadmodum jam ante monuimus (§. 170. 173.). Quamobrem cum hæc agnoscere (§. 163.), & per motiva inde desumpta actiones nostras determinare debeamus (§. 160.); a Deo quoque *petere debemus, ut bona, quæ dedit, conservet atque in posterum etiam conferat, mala vero depellat, aut, si obveniant, in bonum finem dirigat.* Hæc voluntatis nostræ significatio cum *Invocatio Numinis*, a nonnullis cum addito *mentalis* dicatur; *Deum invocare debemus.* Et quia actiones externæ cum internis consentire, nec hæ ab illis abesse debent (§. 52.), sermo autem, quo Deum invocantes eidemque gratias agentes verbis ore prolatis, significamus, quæ cogitamus, *Oratio* dicitur; *oratio lege naturali præcepta.* Patet autem, quatuor esse orationis species, quarum una de bonis conservandis & obtinendis, secunda de malis avertendis, vel in bonum finem dirigendis, tertia de gratiis agendis agit, & quarta denique pro aliis hominibus interce-
(*Wolfii Instit. J. N. & G.*) G di-

ditur. Has cum distinguat Apostolus 1. Tim. II. 2. eas ex versione *Castalionis*, castæ Latinitatis auctoris, *Supplicationes*, *Preces*, *Gratiarum actiones* & *Interpellationes* appellare possumus.

§. 176.

De
hymnis.

Cum *Hymnus* sit carmen in laudem Dei compositum, oratio autem omnis laudem Dei contineat (§. 175. 125.), consequenter orationis & hymnorum eadem sit materia, constet vero, carmina non modo per se aptiora esse ad attentionem excitandam & consequendam, affectus ciendos ac ea, de quibus agunt, memoriæ facilius & tenacius infigenda, verum etiam, cantu accedente, multo adhuc facilius atque certius tam in nobis, quam aliis eadem obtineri; *ad hymnos componendos & canendos natura obligamur.*

§. 177.

Quomodo
officia
erga
Deum
præstan-
da.

Omnis actio recta requirit omnium facultatum consentientem usum (§. 16.). Quamobrem cum ad recte agendum obligemur (§. 52.); *officia quoque erga Deum præstanda sunt cum consentiente*

tiante usu omnium facultatum, consequenter actus externi & interni conjungendi.

§. 178.

Cum *Cultus divinus* sit complexus actionum Dei causa editarum, consequenter in præstatione officiorum erga Deum consistat (§. 57.), ad hanc vero nos obligari, ex hæctenus demonstratis appareat; *Deum colere obligamur*. Dicitur autem *cultus internus*, qui actionibus internis, *externus* autem, qui externis absolvitur. Quamobrem cum in præstatione officiorum erga Deum actus externi atque interni a se invicem separandi non sint (§. 177.); *cultus quoque internus cum externo conjungendus*.

§. 179.

Quoniam curæ habendum, ut homines quoque alii ad agnitionem Dei (§. 163.) & virtutem (§. 139.), ideoque etiam pietatem perducantur (§. 167.), atque exemplo nostro aliis prodesse debemus (§. 139.); *homines cultus divini causa convenire debent*, consequenter iisdem *jus est determinandi ea, quæ ad conventus istos recte instituendos re-*

quiruntur (§. 46. 52.). Pertinet huc determinatio temporis, loci & modi eos celebrandi. Quæ vero in iis agenda sint, ex fine eorundem patet. Docenda nimirum sunt ea, quæ de Deo, virtutis, præsertim pietatis, cultura & fuga vitiorum scitu necessaria, orandum & cantandum.

§. 180.

De cere-
moniis
ad cul-
tum di-
vinum
spectan-
tibus.

Ceremoniæ sunt signa eorum, quorum in executione propositi alicujus meminisse debemus: quæ, si simul influant in determinationem actionis committendæ, ceteris præferendæ (§. 48.). Cum hominibus jus sit determinandi ea, quæ ad conventus cultus divini causa recte instituendos requiruntur (§. 179.); iisdem quoque jus est ceremonias cultui divino convenientes instituendi.

§. 181.

De ido-
latria.

Idololatria dicitur cultus divinus omnis exhibitus iis, qui Deus non sunt. Idololatriam igitur committit, qui officia Deo debita præstat iis, qui Deus non sunt, veluti diis fictis, aut non enti,

enti, quod Deum esse ~~non~~ opinatur (§. 178.). Quamobrem cum Deum colere debeamus (§. cit.), omnes autem nostræ actiones recte esse debeant (§. 52.), atque ad rectitudinem actionis requiratur iudicium verum de ejus rectitudine (§. 53.); *idololatria lege naturali prohibita.*

§. 182.

Superstitio sunt actiones, per erroneas de Deo & providentia divina quoad ea, quæ homini bona, vel mala sunt, opiniones determinatæ. Cum actiones nostras per motiva ab attributis divinis desumpta determinare obligemur (§. 160.); ex rectitudine actionum patet, ut ante (§. 181.), *superstitionem lege naturali prohibitam esse.* Ex notione autem idololatriæ & superstitionis intelligitur, quinam *cultus* divinus sit *idololatricus* & *superstitiosus*. Cumque tam idololatria, quam superstitio sit prohibita; *cultus tam idololatricus, quam superstitiosus lege naturali prohibitus.*

De superstitione & cultu idololatriæ & superstitioso.

PARS II.
DE
DOMINIO ET JURIBUS
ATQUE OBLIGATIONIBUS
INDE NASCENTIBUS.

CAPUT I.
DE
COMMUNIONE PRIMÆVA ET
ORIGINE DOMINII.

§. 183.

*De jure
ad usum
rerum
necessa-
rium.*

Usus rerum necessarius dicitur, qui ad hoc requiritur, ut obligationi nostræ naturali satisfaciamus. Quamobrem cum lex naturæ det nobis jus ad ea, sine quibus obligationi nostræ naturali satisfacere non possumus (§. 46.); *natura hominibus in universum omnibus competit jus ad usum rerum quarumcunque necessarium, scilicet tam necessariarum, quam utilium & voluptuariarum (§. 114. & seqq. & 119. 121.), adeoque is licitus est (§. 49.).*

§. 184.

*De jure
res de-
struendi.*

*Quodsi ergo res quædam usu consu-
muntur, eas destruere licet, veluti occi-
dere animalia, quorum carne vescimur,
& quorum pelle utimur ad vestitum.*

§. 185.

§. 185.

Quoniam homini natura competit *De rebus*
 jus ad usum rerum necessarium (§. 183.); *in futu-*
rum
 si quæ res non omni tempore haberi, aut *usum as-*
 saltem eo, quo iisdem indiges, non æque *servan-*
 commode haberi possunt, eas in futurum *dis.*
 usum colligere & asservare licet. Cum-
 que nemo usum istum impedire debeat
 (§. 50. 183.); res usus necessarii causa
 apprehensas, aut in futurum asserva-
 tas nemo alteri eripere debet, & in eo
 stare tenetur iudicio apprehendentis, aut
 asservantis (§. 78.).

§. 186.

Cum hominum natura æqualium *De com-*
 eadem sint jura (§. 70.); jus quoque *munione*
 ad usum rerum naturalium necessa- *primæ-*
 rium omnibus hominibus idem competit *va.*
 (§. 183.). Quamobrem cum Jus com-
 mune sit, quod idem pluribus simul
 competit (§. 101.), & ideo Res commu- *§. 6. §. de rebus*
 nis, ad quam pluribus idem jus compe- *divisione*
 tit; *§. 12. §. cod.*
 natura hominibus competit jus com-
 mune ad usum rerum naturalium ne-
 cessarium, & res omnes natura commu-
 nes sunt. Vocatur autem Jus istud
 commune ad usum rerum quarumcun-
 que naturalium necessarium Communio

primæva, sicut simpliciter *Communio*, vel *Communio rerum* jus idem in eadem res pluribus competens. Atque ex dictis patet, *juris naturæ esse communionem primævam*, non vero eandem temere fingi.

§. 187.

De jure in rem, quæ usu non consumitur.

Quia in *communione primæva* idem omni homini jus competit ad usum rei naturalis necessarium (§. 186.); si *quæ res usu non consumitur, finito usu, alius quicumque eadem uti potest, nec, qui ante usus fuerat, id prohibere potest* (§. 50.). Et ex eadem ratione, si *plures ejusdem rei usum simul participare possunt, participatio promiscue volentibus permitenda.*

§. 188.

De rebus industrialibus & artificialibus in communione primæva.

Homines operam dare debent, ne desit sufficiens rerum necessariarum, utilium & voluptuariarum tam industrialium, quam artificialium copia (§. 121. 123.), ac ideo unusquisque eum laborem feligere debet, cui se parem sentit (§. 124.), & naturaliter conjunctis viribus se statumque suum perficere obligantur (§. 44.). In multiplicandis igitur *rebus industrialibus & artificialibus,*

bus, stante communione primæva, intendi nequit nisi communis omnium usus, & per consequens res non minus industriales & artificiales, quam naturales communes esse debent (§. 186.). Si quis tamen res quasdam industriales vel artificiales in usum suum paravit, iisdem uti nequit alius, nisi quatenus usum rei, quæ usu non consumitur, vacantem habere, vel ejusdem rei usum simul participare potest alius (§. 187.).

§. 189.

Quoniam in communione primæva unicuique competit jus ad usum rerum necessarium (§. 183.); homini quoque cuivis competit jus ad omnes actus, sine quibus usus necessarius obtineri nequit, veluti jus capiendi feras, pisces, volucres, decerpendi poma, cædendi ligna & ita porro.

§. 190.

Quia omni homini natura idem jus est ad usum necessarium rerum naturalium (§. 186.); in communione primæva homini cuilibet commorari ac habitare ubivis terrarum licet, ubi libuerit & quamdiu libuerit, atque transire per loca quæcunque, prout ipsi opus visumque

fuerit, ac inde petere res, quibus indiget. Immo cum etiam res artificiales sint communes (§. 188.); si alicubi fuerint ædes inhabitatæ, aut quæ plures habitatores recipiunt, in iis habitandi cuilibet jus est, quamdiu visum fuerit.

§. 191.

De jure proprio & communione negativa.

Juri communi opponitur *Jus proprium*, quod uni cuidam, vel pluribus conjunctim, exclusis ceteris omnibus, competit (§. 101.). Cum *natura* res omnes sint communes (§. 186.); *nemini jus proprium in rem quandam competit. Res, in quas alicui jus proprium competit, dicuntur singulares, vel singulorum*; in quas nemini competit, *res nullius*. Atque ideo patet, *natura non dari res singulorum*. Nimirum in natura hominis nulla datur ratio, cur hæc res ipsius potius, quam alterius esse debeat. Dicitur autem *communio negativa*, in qua res communes sunt nullius; *atque talis est primæva* (§. 186.).

§. 192.

De usu proprio rei.

Cum res usus necessarij causa apprehensas, aut in usum futurum asservatas nemini eripere liceat (§. 185.), qui vero res apprehendit, seu potentiæ utendi sub-

subjicit, jure suo utitur (§. 183.); *usus rei, qui antea promiscue patebat omnibus, efficitur ei proprius, qui animo utendi eandem potentia utendi subjicit*, seu in eum statum redigit, quo eadem uti potest. Idem intelligitur de re, quæ usu non consumitur, quamdiu durat usus (§. 187.). Atque hoc modo hominibus insinuata est notio juris proprii in re.

§. 193.

Turbator communionis primævæ dicitur, qui vi impedire conatur sive per se, sive per alios, quo minus quis rebus uti possit, prouti ipsi opus fuerit. Quoniam turbator impedit usum juris alteri competentis (§. 183.); eidem resistendi jus (§. 30.), consequenter *se ac usum rei aduersus turbatorem communionis primævæ defendendi competit unicuique* (§. 90.). Cumque jus commune ad usum rei sit jus perfectum (§. 183. 81.), ejus adeo violatio injuria (§. 87.); *in communiōne primæva iusta belli causa est, si quis alterum ab usu rei vi depellere, aut apprehensam eidem eripere conatur* (§. 98.).

§. 194.

Multiplicatio genere humano & sublata simplicitate vitæ, in qua tantummodo

De turbatore communionis primævæ.

De communiōne primævæ sublata.

modo vitæ necessitati prospicitur, nulla vero propemodum est de commoditate ac jucunditate cogitatio, rebus industrialibus & artificialibus opus est (§. 121.), quæ cum labori hominum debeantur (§. 124.), omnium tamen communes in communione primæva esse debeant (§. 188.), haud difficulter intelligitur, communionem primævam subsistere non posse, nisi homines officia erga seipsos atque alios ad amissim adimpleant, per ea, quæ de iis demonstrata sunt. Quoniam igitur nemo diffiteri ausit, hoc de hominibus universis sperandum non esse, ubi vero a communione primæva receditur, res, quæ sunt nullius, fieri debent singulorum (§. 191.); & jus naturæ perfectivum nos obligat ad id, quod melius est, alteri præferendum (§. 48.); *non invito jure naturæ communicatio primæva sublata & res singulorum factæ, seu juri proprio subiectæ.*

§. 195.

De dominio & ejus effectu.

Quoniam jus proprium habens eodem excludit ceteros omnes (§. 191.), viautem libertatis naturalis unicuique permittendum, ut in determinandis actio-

actionibus suis suum sequatur judicium, quamdiu nil facit, ad quod non faciendum tibi perfecte obligatus (§. 78.); *si res juri proprio subjiciuntur, unicuique, cujus juri subjæta sunt, competit jus pro arbitrio suo de iisdem disponendi.* Atque hoc jus proprium de re pro arbitrio suo disponendi, prouti scilicet sibi visum fuerit, *Dominium* appellatur; is vero, qui dominium in re habet, *Dominus*. Unde patet *dominium omni jure, quod vi dominii in re ipsi competit, ceteros omnes excludere, nec absque ejus voluntate dominium in alium abire posse* (§. 100.), adeoque *ipsi competere jus interdicens cuiusvis omni actu vi dominii licito, nec patiendi, ut quis alius se invito aliquem sibi arroget.* Unde porro sequitur, *omnes actus dominio alterius contrarios esse illicitos* (§. 49.). Quem *admodum vero suum in genere dicitur, in quo quis jus proprium habet; ita inde patet, Res suas esse, in quibus quis dominium habet.*

§. 196.

Quod si pluribus conjunctim in re *Communio positiva* indivisa pro rata dominium competit, *Communio positiva* vocatur. Quamobrem

rem cum dominus sit persona moralis (§. 195. 96.); in *communione positiva* plures *conjunctim* spectantur tanquam una persona, & de ipsis *conjunctim* valent, quæ de domino prædicantur.

§. 197.

De *communione mixta*.

Datur vero etiam *Communio mixta*, ex negativa scilicet & positiva, in qua res sunt in dominio *Universitatis*, hoc est, multitudinis hominum certo fine consociatorum, omnibus tamen nonnisi usus earundem indifferenter competit, prouti scilicet unicuique opus fuerit, qualis est monachorum. *Qui igitur sunt in communione mixta dominio universitatis* excludunt omnes, qui sunt extra universitatem, respectu autem singulorum res sunt nullius, quoad usum tamen omnium communes. *Consociari* autem hic dicuntur, qui in eundem finem conjunctim persequendum consentiunt.

§. 198.

De *juribus in dominio contentis* &

Cum domino de re pro lubitu disponere liceat (§. 195.), disponi autem possit de re ipsa, seu substantia ejus, de usu ejusdem & denique de fructu, quod

quod per se patet; dominium invol- ^{quid sit}
vit jus triplex, nimirum jus dispo- ^{fructus}
di de substantia rei, jus disponendi de ^{rei.}
usu rei & jus disponendi de fructu rei;
quorum illud *Proprietas*, istud *Jus*
utendi, hoc denique *Jus fruendi* dici-
tur. Jus utendi & fruendi conjunctim
vocatur *Jus utendifruendi*. Quod si do-
minium nullo jure in eodem contento
sit deminutum, *dominium plenum*; si
aliquo jure deminutum, *minus plenum*
appellatur. Qui proprietatem habet,
Proprietarius audit: cumque res ipsius
maneant propria, etiam si usum, vel fru-
ctum habeat alius; *Dominus* quoque
adhuc appellatur. *Fructus* autem di-
citur, quæ ex re altera provenit, ve-
luti poma sunt fructus arboris, vituli
vaccarum.

§. 199.

Res aliena dicitur, quæ non in no- ^{De re}
stro, sed alterius dominio est. ^{aliena.} *Nemo*
igitur *de rei alienæ substantia, usu ac*
fructu disponere pro lubitu potest (§. 195.
198.). Quoniam vero perinde est, si ve
quid per nos, si ve per alium faciamus;
consensu domini de re aliena disponere li-
cet

et (§. 195.). Et quia dominus pro suo arbitrio de re sua disponere potest (§. cit.); actus quoque ad domini exercitium spectantes aliis permittere potest.

§. 200.

De possessione.

Detentio rei tanquam suæ, siue quis eam suam esse putet, siue saltem suam esse & ab aliis pro tali haberi velit, *Possessio* dicitur; & qui rem eo animo (qui vulgo animus rem sibi habendi vocatur) detinet, *Possessor*. Quamobrem cum *Res in potestate nostra* esse dicatur, si nobis est potentia physica de ea disponendi pro arbitrio nostro; *possessione res in potestate nostra constituitur*, ac per consequens *sine possessione dominium exerceri nequit* (§. 195.). Unde porro liquet, *domino competere jus rem possidendi*. Patet etiam ex ipsa definitione, *eum non possidere, qui rem detinet tanquam alienam, vel etiam tanquam rem nullius*.

§. 201.

De possessore bonæ & malæ fidei.

Quod si possessor putet rem esse suam, *possessor bonæ fidei audit*; consequenter, *si rem alienam possidet, eam alienam esse*

esse ignorat: si norit rem esse alienam, consequenter se non esse dominum (§. 199.), pro quo tamen haberi vult, Possessor malæ fidei vocatur. Atque ideo patet, possessorem bonæ fidei fieri *L. 25. §. 7. de he- red. petitione*
possessorem malæ fidei, quam primum scit rem a se possessam esse alienam. Et quia ius possidendi soli domino competit (§. 200.); possessor tam bonæ, quam malæ fidei nullo jure possidet, cumque de re possessa pro lubitu disponere nequeat (§. 199.), omnes actus ad exercitium dominii spectantes illiciti sunt (§. 195.), iisdemque injuria committitur (§. 87.), possessori tamen bonæ fidei non imputanda ob ignorantiam invincibilem (§. 34.).

§. 202.

Rectus juris usus is est, quem officia exigunt, iis contrariis abusus (§. 66.). Quamobrem quoque dominus re sua aliter uti non debet, quam officia exigunt, abusus autem naturaliter illicitus, a te tamen permittendus, consequenter non impediendus, quamdiu nil fit contra jus tuum (§. 78.).

De usu & abusu dominii.

(*Wolfii Instit. J. N. & G.*) H §. 203.

§. 203.

*Derei
dereli-
ctione.*

Res derelinqui dicitur, si dominus nude nolit, eam amplius esse suam, scilicet ut actus voluntatis nil amplius contineat, quam quod res sua non esse debeat. Unde patet, *rem derelinquentem desinere esse dominum* (§. 195. 198.), & per consequens *rem derelictam fieri nullius* (§. 191.), *quandiu* vero dominus non habet animum, *rem suam derelinquendi, eum dominum manere.*

§. 204.

*De ja-
ctatione
rei suæ.*

Rem vero suam jactare dicitur, qui nullo urgente officio, nec necessitate ulla, sine ulla utilitate eam non vult esse suam. Quoniam constat homines, nisi rationis usu destituantur, rerum suarum esse amantes, nec absque ulla urgente ratione, quod suum est, alterius esse velle; in casu dubio *nemo suum jactare præsumitur.*

*l. 25. de proba-
tionibus*

§. 205.

*De pos-
sessione
amissa.*

Quoniam amissa possessione, res potestati domini saltem subducitur, ut dominium exercere nequeat (§. 200.), non vero ideo dominus non vult rem suam

fuam amplius non esse; *possessione amissa, non amittitur dominium, sed solo animo retinetur* (§. 203.), consequenter etiam *jus possidendi* (§. 200.).

§. 206.

Cum non minus de rebus incorporalibus, veluti juribus nobis competentibus, pro arbitrio disponere possimus, e. gr. de jure venandi & aucupandi; *res etiam incorporales in dominio esse possunt, eidemque ideo subjici* (§. 195.). Ea de causa perinde ac res corporales dicuntur nostræ, ac de iis eadem valent, quæ vi dominii de rebus corporalibus obtinent.

§. 207.

Res, quæ sunt in dominio, universim spectatæ, nullo attentio earum discrimine, dicuntur *Bona*. Unde *ad bona nostra referendæ sunt res incorporales, sive jura nostra* (§. 206.) & *etiam, quæ tibi ab aliis debentur, non vero res alienæ, quæ sunt in numero rerum tuarum, nec, si ære alieno labores, bona intelliguntur, nisi ære alieno subducto*. Ipsa autem bonorum universitas *Patrimonium*.

nium appellatur, idque *amplum*, vel *tenue*, prouti multa, vel pauca bona continet.

§. 208.

De pa-
trimonii
cura.

Patrimonium utique ad statum hominis externum spectat (§. 8. 207.). Quamobrem cum statum quoque nostrum externum perficere debeamus, quantum in potestate est (§. 43.); *ad patrimonium conservandum, & quantum in potestate est, amplificandum obligamur*. Quoniam itaque *patrimonium suum dilapidare* dicitur, qui abusu idem minuit; *nemo patrimonium suum, consequenter bona sua dilapidare debet* (§. 207.). Immo inde etiam colligitur, *qui amplum patrimonium habet, ei non esse prorsus otiaandum*. Tenet etiam ipsum naturalis obligatio, quæ necessitatem laborandi omnibus imponit, nulli otiaandi libertatem concedit (§. 124.): id quod etiam ex illius immutabilitate liquet (§. 38. 42.). Cum conservatio-
ni patrimonii repugnet cum derelictio (§. 203.), tum jactatio rei suæ (§. 204.); *tam jactatio, quam temeraria derelictio rei suæ legi naturæ minime convenit*.

CAPUT II.

DE

MODO ORIGINARIO ACQUIRENDI
RERUM DOMINIUM.

§. 209.

Natura unicuique competit jus ad
 usum rerum necessarium (§. 183.
 188.), & usus earum, qui antea erat
 communis, efficitur ei proprius, qui
 utendi animo easdem potentia utendi
 subjicit (§. 192.). Quando itaque com-
 munio primæva tollitur (§. 194.), jus
 apprehendendi res usus gratia transit
 in jus easdem dominio suo subjiciendi;
 ac ideo *natura rem nullius dominio suo
 subjicere potest, qui eadem indiget*, con-
 sequenter cum de indigentia standum
 sit subjicientis judicio (§. 78.), *qui
 potest ac voluerit.*

*De jure
 res nul-
 lius do-
 minio
 subji-
 cendi.*

§. 210.

Factum, quo quis declarat, rem nul-
 lius suam esse debere, & eam in hunc
 statum redigit, ut sua esse possit, occu-
 patio dicitur. Unde patet, *natura jus
 occupandi competere promiscue unicui-
 que, seu esse jus hominum omnium com-*

*De occu-
 patione
 & modo
 acqui-
 rendi
 origina-
 rio-*

mune (§. 209.), cumque Modus acquirendi originarius dicatur, quo acquiritur dominium rerum nullius, occupationem esse modum acquirendi originarium.

§. 211.

Res mobiles, jē moventes, immobiles. Res corporales dicuntur *mobiles*, quæ de loco in locum moveri possunt, salva substantia; ac in specie *se moventes*, quæ ipsæ se de loco in locum movere possunt, veluti pecora: *immobiles*, quæ salva substantia de loco in locum moveri nequeunt, veluti omnes fundi, item ædificia.

§. 212.

De occupatione rerum mobilium. Quodsi ergo quis, postquam dominia introduci cœperunt, *rem mobilem apprehendit, nec eam iterum abjicit, vel loco suo reponit, aut si in eum statum redigit, quo eam apprehendere potest, eam occupat (§. 210.), consequenter dominium ejus acquirit (§. cit.).*

§. 213.

De occupatione rei immobilis. Similiter si quis fundum aliquem limitibus circumscribit, aut usui cuidam non transitorio actu destinat, vel funde limi-

limitato insistens verbis declarat presentibus aliis, se velle eum esse suum, eundem occupat (§. 210.).

§. 214.

Et cum dominus jure excludat ceteros omnes (§. 195.); *res incorporales*, quæ etiam dominio subijci possunt (§. 206.), *occupantur, si quis iisdem actu utitur, nec patitur, ut utatur alius.*

De occupatione rerum incorporalium.

Quamobrem cum jus occupandi res nullius sit *res incorporalis* (§. 121.); *introducendis dominiis jus quoque occupandi res nullius occupari potest, veluti jus venandi, aucupandi, piscandi in certo districtu.*

l. 7. de diversis et tempor. piscina.

§. 215.

Quoniam jus occupandi occupatum est in dominio occupantis (§. 210.), consequenter nemo eodem invito domino uti potest (§. 195.); *si quis in eo loco, in quo jus occupandi occupatum est, rem nullius occupat, veluti si piscetur in ea fluvii parte, in qua jus piscandi alii proprium est, eam non sibi acquirit, sed ei, cujus est jus occupandi, & hoc non obstante, injuriam eidem facit (§. 87.).*

Cuiusnam res acquiratur ab eo, qui jus occupandi non habet.

§. 216.

*Quando
id fiat
absque
injuria.*

Enimvero cum casus nemini imputari possit (§. 3.); si jure tuo usus casu occupes rem ejus speciei, cujus occupandi jus alteri proprium est, eandem quidem huic acquiris, actu tamen occupandi injuriam non facis.

§. 217.

*De occupatione
ferarum.*

l. ss. de p. g. r. d.

Quoniam rem occupasti, quam primum eam in hunc statum redeigisti, ut eam apprehendere possis (§. 212.); si retibus a te positis, ubi occupandi jus habes, fera irretita, ut sese extricare nequeat, vel instrumentis quocunque modo collocatis ita detineatur, ut effugere nequeat, aut si fera a te occupabilis sclopeto prosternatur, aut ita vulneretur, vel lassetur, ut manus tuas effugere nequeat, ea a te occupata est, consequenter tua. Idem intelligitur de feris in sylva circumsepta inclusis,

§. 218.

*De rebus
se mo-
ventibus
ex custo-
dia elap-
sis.*

Cum possessione amissa dominium solo animo retineatur (§. 205.); si res se movens ex custodia tua elabatur, aut aufugit, tua manet, consequenter etiam fera, quamdiu discernibilis. Quod si vero, post-

postquam aufugit, discerni nullo modo amplius possit, adeoque constare nequeat, eam esse tuam, tua esse desinit & occupabilis fit, tanquam res nullius (§. 210.).

§. 219.

Quia res derelicta fit nullius (§. 203); De ac-
naturaliter occupantis est (§. 210.), si ^{quisitio-} ne rei de-
vero jus occupandi occupatum est, eam ^{relieta,} ^{l. 1. pro derelicta} acquirere nequit, nisi is, cui jus occu-
pandi proprium est (§. 215.).

§. 220.

Res amitti dicitur, quæ eo, qui il- De re
lam habet, non advertente in humum ^{amissa.}
cadit, & eodem abeunte ibidem relin-
quitur. Rebus amissis accensentur, quæ
de rheda currente non intelligentibus
dominis, vel de curru auriga non intel-
ligente cadunt Cum ex casu non se-
quatur, dominum rem amissam am-
plius habere nolle; ^{§ 38. 2. de R. D.} dominium rerum
amissarum retinetur (§. 205.), conse-
quenter ea non fit inventoris (§. 210.).
Quodsi ^{l. 43. §. 4. de} inventor novit, quinam eam ^{furtiv}
amiserit, vel in inquirendo fuerit negli-
gens, eam mala fide possidet (§. 201.).
Enimvero si explorari non possit rei
H 5 amiss-

amissæ dominus, cum evanescente spe eam recuperandi animus derelinquendi præsumatur (§. 203.); *ea inventoris manet*.

§. 221.

*De rebus
jactis.*

Similiter *si navis levandæ causa*, veluti in tempestate, aut nave in breviam acta, *res in mare projiciuntur*, cum ex hoc facto colligi nequeat animus derelinquendi *dominorum* (§. 203.); eæ eorundem *manent*, *nec ad littora expulsæ, aut in mari captæ fiunt capientis*. Valet idem de rebus jactis, quod de amissis (§. 220.).

§. 222.

*De rebus
naufra-
gis.*

*Auth. Naufragi
C. de furtis* Cum *bona naufragorum*, quippe quæ in mare cadunt & fluctibus abrepta conspectui eorum, qui in nave sunt, subducuntur, æquiparentur rebus amissis (§. 220.); *ejusdem juris sunt; cujus sunt res amissæ*.

§. 223.

*De the-
sauro.*

Thesaurus sunt res mobiles, præsertim pretiosæ, vel pecunia, abditæ, quarum dominus ignoratur. Cum impossibile sit, ut exploretur, quinam res in loco abscondito deposuerit, (*per hypoth.*); *thesaurus* habendus pro re nullius

lius, consequenter *naturaliter est inventoris*, aut, jure occupandi occupato, *ei acquiritur*, *cujus est jus occupandi* (§. 210. 215.).

§. 224.

Fructus dicuntur *naturales*, quos De divi-
 natura sua sponte producit; *industria-*
les vero, quos nonnisi interveniente fione
 opera humana, seu cultura & cura, pro- fru-
 ducit. Vocantur iidem *pendentes*, qui ctuum.
 are, ex qua provenerunt, nondum se-
 parati; *percepti* autem, qui ab eadem
 separati & plene collecti; *percipiendi*,
 quos quis percipere poterat, modo
 voluisset, consequenter nisi negligens
 fuisset. Quodsi ad perceptionem re-
 requirantur plures actus, veluti cum
 fruges demetendæ, in manipulos obli-
 gandæ, in horreum avehendæ & ibi-
 dem grana ex spicis excutienda; *Per-*
ceptio inchoata dicitur, quæ ad unum,
 vel alterum tantummodo actum pro-
 cessit; *consummata* vero, quæ nullum
 amplius actum requirit. *Fructus* per-
 cepti *extantes* appellantur, quos pos-
 sessor rei, ex qua provenerunt, adhuc
 habet; *consumti*, quos non amplius
 habet.

§. 225.

§. 225.

De
actioni-
bus re-
bus suis
equipa-
randis.

Quoniam *actiones hominis liberae*, quatenus ipsi, vel aliis utiles sunt, perinde ac res æstimabiles sunt, & *dominiis introductis* esse debent, prouti ex inferius demonstrandis clarius elucescet; eædem *equiparantur rebus, quæ sunt in dominio nostro*, consequenter etiam *operæ*, itemque *cultura & cura rerum quæ sunt in dominio*.

§. 226.

De illa-
rum fru-
ctibus.

Hinc porro sequitur, *quæ ex operis, cultura & cura nostra proveniunt, ea esse illarum fructus* (§. 198.). Unde *fructus industriales sunt partim fructus rei, partim industriæ*, seu operæ, culturæ atque curæ (§. 224.). *Ad actus perceptionis vero pertinet etiam destinatio ad certum usum*, veluti si glandes sponte in terram cadentes suis illuc actis vascendas relinquant, vel gramina pecudibus depascenda.

§. 227.

De spe-
cifica-
tione.

Species appellatur individuum certæ speciei. Hinc *specificatio* vocatur actus, quo ex materia quadam efficitur res alterius speciei, & *forma, quæ materiæ*

teria inducitur, est fructus operæ specificantis (§. 226.). Atque hinc patet, quatenus *res artificiales*, sint in fructu eas facientis (§. 121.): *omnes* nimirum *fiunt specificatione.* Cum grana in spicis ex quibus excutiuntur, jam extent; *granorum ex spicis excussio specificatio non est.* l. 7. §. 7 de acq. rer. dom.

§. 228.

Res fructuosa dicitur, quæ fructum præstat; *infructuosa* vero, quæ fructum non præstat. Dicitur etiam subinde sua natura sterilis. Quoniam *res fructuosæ* dominio subjiciuntur propter fructus inde percipiendos, quod per se patet, ac ideo dominium quoque continet jus fruendi (§. 198.); *fructus ejus sunt*, *cujus est res fructuosa*, seu *domini rei fructuosæ*, consequenter cum dominus jure suo excludat ceteros omnes (§. 195.), *jus percipiendi fructus nemini competit nisi domino.* De rebus fructuosis & infructuosis & cujusnam sint fructus. l. 83. l. 13. de reb. eo, quæ sunt fructus. l. 44. D. de ed. 22. C. de rei vindic.

§. 229.

Hinc porro patet, *possessori rei alienæ*, sive is bona, sive mala fide possideat, *non competere jus percipiendi fructus*, consequenter *naturales tam pendentes, quam perceptos esse domini* (§. 224.). An possessor rei alienæ fructus participet. l. 22. C. de vindic.

(§. 224.), cum vero industriales sint partim fructus rei, partim industriæ (§. 226.), *industriales esse communes pro rata domini rei & possessoris, cujus culturæ ac curæ debentur*, veluti si quis fundum alienum possidet, domini, quantum valet usus fundi, & possessoris, quantum valet ejus cultura & cura.

§. 230.

De differentia inter possessorem b. & m. f.

Cum perceptio fructuum ad exercitium domini spectet (§. 228.); *possessor malæ fidei fructus percipiendo injuriam facit domino* (§. 201.), consequenter ei competit jus ipsum puniendi, quod perceperit (§. 93.): *al. possessor bonæ fidei, cum ei factum imputari nequeat* (§. 201.), *ideo puniri non potest, quod fructus perceperit. Quod si vero fructus fuerint consumti, uterque rem alienam consumsit* (§. 229.).

§. 231.

De jure in specificatione.

§. 15. §. 1. A. D.

Si quis ex aliena materia speciem fecit, cum materia sit domini materiæ, forma inducta, tanquam fructus operæ specificantis (§. 227.), specificantis (§. 228); *species communis est materiæ domini & specificantis pro rata ejus, quan-*

quanti unum quodque est. Hinc facile intelligitur, quale sit jus ejus, qui partim ex sua, partim ex aliena materia speciem facit, aut ex aliena alieno nomine, cum perinde sit, si quis quid faciat per se, si per alium. Patet vero, mala fide specificantem injuriam facere domino materiae (§. 201.), ac ideo pœnæ obnoxium fieri (§. 93. 153.).

§. 232.

Quoniam granorum ex spicis excussio specificatio non est (§. 227.), sed grana pars spicarum sunt; si quis ex alienis spicis grana excutit, tam grana, quam stramen domini spicarum sunt. De injuria notanda repetantur ex præcedente paragrapho.

In excussione

grano-

rum ex

spicis.

L. 7. §. 7. de adq.

rer. dominiis.

Extra statuit

Tribun. §. 5. de ad.

§. 233.

Fœtus sunt fructus animalium, veluti vituli vaccarum, agni ovium (§. 198.). Quamobrem ejus sunt, cujus sunt animalia, veluti vituli domini vaccarum, agni domini ovium. Idem tenendum de ovis a volucribus domesticis & de pullis ex ovis exclusis. Nec obstat, quod animal tuum imprægnaverit meum, mas nempe fœminam.

De fœ-

tura.

L. 28. de usufructu.

§. 234.

§. 234.

*Quomo-
do spe-
ctandi
fructus
percepti.*

Cum *fructus* percepti a re, ex qua provenerunt, separatim existant (§. 224.), & peculiarem domino utilitatem præstent; *quam primum percepti, spectantur absolute tanquam res in dominio existentes.*

§. 235.

*De con-
fusione
& com-
mixtio-
ne.*

Confusio dicitur, quando duorum vel plurium dominorum materiæ liquidæ, aut liquefactæ invicem miscentur, ut prodeat massa quædam ex utroque mixta; *Commixtio* autem, quando arida & solida corpora ita permiscentur, ut, quæ unius sunt, distincta quidem maneant ab iis, quæ sunt alterius, omnia tamen simul totum quoddam constituent. Quoniam nemini invito dominium rei suæ auferri potest (§. 195.); *si res confusæ, vel commixtæ separari nequeunt, aut saltem non sine detrimento possunt, pro rata fiunt communes, ex quantitate & qualitate ejus, quod ante quisque habuerat, æstimanda, in casu opposito quilibet retinet, quod suum est.*

§. 236.

§. 236.

Idem tenendum esse de *Ferruminatione*, qua metalla ejusdem generis formata, vel non formata, nulla alia materia interveniente consolidantur; & *Adplumbatura*, qua duæ diversi generis res mediante alia quadam ab ipsis diversa materia coagmentantur, per eandem rationem patet.

De ferruminatione & adplumbatura. Adferuminationem. l. 2. §. 5. de re vi.

§. 237.

Solum dicitur portio telluris, quatenus homines & res alias sustentant; *Superficies* vero, quicquid solo coheret & supra id eminet, veluti arbores, vites, plantæ, domus. Constructio ædificii *Ædificatio*, & quatenus in solo extruitur, *Inædificatio* appellatur. Patet autem ut ante (§. 235.), si quis in solo suo ex aliena materia, vel in solo alieno ex sua materia ædificet, ædificium dominorum materiæ ac soli commune esse pro rata, nisi ædificium mobile sit, ut nimirum auferri possit.

De ædificatione. l. 2. C. de rei vindicatione. l. 13. de servit. præd. rusticor.

§. 238.

Idem intelligitur de *Plantatione*, qua planta solo immittitur, ut radices in

De plantatione & satione.

(*Wolffii Instit. J. N. & G.*) I co

eo agat & inde nutrimentum capiat; itidemque de *Satione*, quando semen terræ committitur, ut plantæ inde progerminent. Id tantummodo hic tenendum, si rata in communione determinanda, spectandum esse, quantum valet planta, dum in solo ponitur, vel semen, dum eidem committitur, & usus soli cum cultura & cura (§. 225.).

§. 239.

De seriptura & pictura.

Similiter ob rationem eandem, si quis in chartis vel membranis tuis carmen, historiam, orationem scripserit, vel in tabula tua pinxerit, corpus pro rata commune erit. Nimirum in communione nihil absurdi alit dominium vel pro millesima, immo vel millionesima parte. Quid vero juris sit in communi dividundo, quando res divisionem non admittit, nec communio subsistere potest, suo loco deinceps patebit.

§. 240.

De stolonibus & herbis emissariis.

Stolones ex radicibus arboris vicini in fundum tuum actis nati & herbæ vel ex radicibus intra terram longe lateque sparsis, vel cauliculis humi repentibus emissæ

emissæ ex herba aliena in fundo tuo, cum spectari debeant tanquam fructus fundi tui, utpote a natura in eodam productæ (§. 198.), tuæ sunt.

§. 241.

Quoniam res usus causa dominio subjiuntur (§. 121. 195.); *cum fundo dominio quoque subjectum intelligitur spatium intra atmosphæram, quod perpendiculariter fundo imminet, quo usque a superficie aliqua occupari potest, & brevitatis causa a nobis Spatium atmosphæricum appellatur. Quamobrem cum rami ab arbore vicini per spatium tuum atmosphæricum diffusi assimilentur herbis emissariis, quæ tuæ sunt (§. 240.); illi quoque tui sunt, consequenter etiam fructus, quos edunt (§. 228.), & si rami obstant, quo minus fundi usum facere possis, quem vis, tibi competit jus subluendi arborem, sicuti vicino jus cædendi arborem, cui competit jus disponendi de ipsa arboris substantia, invito auferri nescium (§. 195.).*

§. 242.

Accessio est adjectio rei cujusdam ad alteram, quæ certam formam jam habet,

De jure in arborem vicini.

De accessione naturali,

artifi-
cialis &
mixta.

habet, ut eidem quomodocunque co-
hæreat, vel inexistat. Et quod ita ad-
jicitur, *Accessorium*; res vero, cui adji-
citur, *Res principalis* appellatur. Dicitur
autem *Accessio naturalis*, quam natura
facit; *artificialis*, quam faciunt ho-
mines; *mixta*, ad quam natura & indu-
stria humana concurrunt, quæ etiam
industrialis appellari poterat (§. 224.).
*Quodsi res aliena rei tuæ accedens abs-
que rerum detrimento separari possit,*
veluti gemma tua alieno annulo inclu-
sa, *manet ea domini sui, in casu autem*
opposito res principalis cum accessoria
fit communis (§. 195.); *quodsi res nul-*
lius accedat, ea nullius manet, quamdiu
non occupatur (§. 210.). In accessione
artificiali, quid sit principale, quid ac-
cessorium, dijudicandum potissimum
ex destinatione.

§. 243.

De in-
teritu
rei.

Res interire dicitur, si existere de-
finit. *Species autem interire* dicitur, si
forma destruitur, materia manente.
Cum nemo in re jus habeat nisi domi-
nus (§. 195.); *res interit suo domino, seu*
ipse jus suum in ea amittit, at specie in-
tereunte, materiæ adhuc dominus manet.

§. 244.

L. g. C. de pigno-
ralicia actione.

§. 244.

Unde patet, si fluminis vi particulae quaedam terrae insensibiliter abraduntur, ut successu temporis fundus tuus sensibile patiatur decrementum, vel etiam partes sensibiles uno impetu abripiuntur & in aqua dissolutae avehantur, te in ea parte, quae fundo tuo detrahatur, dominium amittere.

De fundo vi fluminis imminuto.

§. 245.

Enimvero si vis fluminis de fundo tuo partem aliquam detraxerit & vicini fundo obtulerit, cum tunc ea non intereat (§. 243.), nec tibi invito dominium auferri & in alium transire possit (§. 195.); illa tua manet, quamdiu eandem non derelinquis (§. 203.). Dicitur autem violenta ablatio partis de fundo tuo in alienum vi fluminis, aut alio casu facta, *Avulsio*.

De jure avulsio-
nis.

§. 246.

Quod si naturalis alveus a flumine ad aliam partem fluente in universum derelinquatur, cum alveus ejus sit, cujus est flumen, ipse autem non intereat (§. 243.); patet ut ante (§. 245.), cum manere ejus, cujus est flumen. Quamobrem

De alveo derelicto.

si flumen fuerit nullius, alveus quoque derelictus nullius erit, consequenter occupabilis ab eo, qui jus occupandi habet (§. 210. 215.).

§. 247.

De insula ab agro facta.

Similiter patet, si flumen ab agro tuo faciat insulam, hanc tuam esse, si ex communi, eam pro rata communem esse.

*h. 30. §. 2. De ad-
quis. rer. dom.*

§. 248.

De alveo ex agro tuo facta.

Quod si fluvius novum sibi fecerit alveum ex agro tuo, cum spectetur novus alveus tanquam res a te amissa, cujus recuperandi spes adhuc superest, quatenus nimirum fluvius ad pristinum alveum reverti, vel ad aliam partem fluere potest (§. 220.); dominium in eo retines (§. cit.), consequenter ager restitutus tuus est, & quaelibet ejus pars restituta tua est.

§. 249.

De jure inundationis.

Similiter, si ager tuus totus fuerit inundatus, etiamsi per plures annos dureret inundatio, dominium in eo retines (§. 195.), quamdiu eum non derelinquis (§. 203.).

§. 24. 3. d. §. 2.

§. 250.

§. 250.

Si insula in mari vel flumine nascatur casu quodam, veluti terræ motu, aut quia amnis paulatim colluendo locum eminentem supra alveum fecit eum, que alluendo auxit, cum ea sit res, quæ nondum extitit in rerum natura; nullius erit (§. 191.), consequenter occupabilis ab eo, qui jus occupandi habet (§. 210. 215.). Enimvero si insula in flumine fit, quia locum, qui alvei fuit, sictum relinquit & circumfluere cepit, cum tunc non sit nisi pars alvei derelicta; erit ea ejus, cujus est flumen, & per consequens nullius, si flumen nullius (§. 246.).

De insula in mari vel flumine nata.

§. 251.

Alluvio dicitur accessio naturalis, qua vi fluminis fundo adjacenti insensibiliter adjiciuntur particulæ quædam terræ, ut is successive sensibile capiat incrementum. Cum incrementum per alluvionem factum sit res, quæ antea in rerum natura nondum extitit: patet ut ante (§. 250.), id esse nullius, consequenter ab eo occupabile, qui occupandi jus habet.

De Jure alluvionis.

§. 252.

Idem spe-
cialius
expendi-
tur.

Sunt autem *Agri vel assignati*, qui certa mensura comprehenduntur; vel *limitati*, qui certis limitibus artificialibus, seu facto hominum constitutis circumscribuntur; vel denique *arcifinii*, qui terminos naturales habent, veluti fluvios, montes, sylvas. Cum jus occupandi incrementum per alluvionem factum occupatum intelligatur ab eo, qui agrum arcifinium esse voluit, minime vero, qui agrum assignatum, vel limitatum habet; *jus alluvionis ei competit, cujus ager arcifinius est, non vero ei, qui agrum assignatum, vel limitatum habet* (§. 251.). Quamobrem cum ager arcifinius non sit, inter eum & fluvium via publica intercedat, nec ea debeat ab agro tanquam pars ipsius; *si inter agrum & fluvium via publica intercedit, nec ea debetur tanquam pars agri, dominio agri jus alluvionis non adhæret.*

§. 253.

An id ob-
tineat in
lacubus
& sta-
gnis.

Cum lacus & stagna suos habeant limites, ut, quando crescunt, vel decrescunt, nihil hinc decedat, vel accedat fundis vicinis, sed quilibet in eo,

eo, quod suum est, dominium retinere possit; *in lacubus & stagnis jus alluvionis non obtinet* (§. 251.). Dicitur autem aqua non fluens, si perpetua fuerit, *Lacus*; si non perpetua, sed certo tantummodo anni tempore fundum regit, *Stagnum*. Non obstat perpetuitati, quod subinde etiam lacus casu exarescant.

§. 254.

Cum communio positiva sit, si duobus vel pluribus conjunctim in re indivisa pro rata dominium competit (§. 196.); *communio, quæ specificatione* (§. 231.), *confusione & commixtione* (§. 235.), *ferruminatione & adplumbatura* (§. 236.), *edificatione* (§. 237.), *plantatione & satione* (§. 238.), *scriptura & pictura* (§. 239.), *atque accessione* introducitur (§. 242.), *positiva est: dominium vero in eo proprie loquendo non originarie acquiritur: quatenus tamen res communis antea nondum extitit in rerum natura, acquisitioni originariæ equiparatur illius acquisitio* (§. 210.).

Qualis communio per antecedentia inducitur.

CAPUT III.

DE

OBLIGATIONIBUS ET JURIBUS

EX DOMINIO ORIUNDIS.

§. 255.

An do-
minium
conti-
neat jus
rem per-
dendi.

Quia *dominus* re sua aliter uti non debet, quam officia exigunt (§. 202.); nulla obligatione naturali urgente rem suam destruere, corrumpere, vel deteriorem reddere debet, consequenter dominium non inolvit jus rem suam perdendi, vel deteriorandi (§. 49.). Fluit jus disponendi pro lubitu de re sua, quod domino competit, ex libertate naturali (§. 195.), quæ obligationem naturalem minime tollit (§. 77.).

§. 256.

De jure
immutandi
rem
suam &
specifi-
candi.

De substantia rei disponit, qui fundum immutat, vel superficiem, aut rem aliam, & qui ex materia facit speciem; id quod per se patet. Quamobrem cum domino comperat jus de substantia sua pro arbitrio suo disponendi, seu proprietas (§i 198.); eidem quoque competit jus fundum, vel superficiem, aut rem aliam immutandi, & ex mate-

materia sua speciem faciendi: non-domino Et immutatio, Et specificatio illicita (§. 195.).

§. 257.

Ex eadem ratione *domino vi proprietatis competit jus dominium rei suæ in alium transferendi*, consequenter cum translatio dominii in alium *Alienatio rei* dicatur, quatenus scilicet jam alius rei dominus fit, quam qui fuerat ante, *jus alienandi: non-domino vero omnis alienatio rei alienæ illicita (§. 199.).* Unde porro sequitur, *rem a non-domino acceptam non fieri accipientis, sed eam manere domini sui (§. 205.).* Et quoniam res incorporales, veluti jura (§. 121.), etiam in dominio sunt (§. 206.); *jura quoque dominus alienare potest, veluti jus piscandi, venandi.*

§. 258.

Translatio dominii in alterum simpliciter spectata, sine respectu ad dominum, *Datio* appellatur; ut *dare* idem sit, ac dominium rei suæ transferre in alterum; perinde patet, *neminem nisi dominum rem alteri dare posse*, consequenter *neminem alteri dare posse rem alienam (§. 199.).*

§. 259.

§. 259.

De jure
confe-
rendi jus
ad
actum vi
dominii
licitum.

Quando *dominus* rem suam alienat, dominium ejus in alium transfert (§. 257.), consequenter jus ad omnem actum vi dominii licitum. Quamobrem etiam *jus ad quemlibet actum vi dominii licitum in alium transferre potest*, *dominio retento*: quod tamen in hoc casu diminui patet, cum jus istud fiat alterius proprium, ipsi invito non iterum auferendum (§. 100.).

§. 260.

De jure
in re sua
consti-
tuto.

L. 6. et 8. com-
praedictorum

Similiter quia *dominus* de omni utilitate rei suæ pro lubitu disponere potest (§. 195. 198.); *alteri quoque jus quodcunque in re sua constituere potest: ast non domino minus hoc facere licet*. Istiusmodi jus est jus hauriendi aquam ex puteo meo, jus eundi per fundum meum in fundum tuum.

§. 261.

De re
aliena
domino
restituenda.

Cum dominium retineatur in re, quæ quomodocunque in potestatem tuam venit, ut eam possidere possis (§. 200. 205.), omnisque actus ad exercitium dominii spectans tibi illicitus (§. 195.), cavere autem debeas, ne alius inci-

incidat in mala fortunæ (§. 134.), consequenter ne jacturam faciat rei suæ (§. 207.); *si quomodocunque res alterius in potestatem tuam veniat, operam dare debes, ut in potestatem domini redeat, consequenter domino, quem nosti, res sua restituenda: si non noris, inquirendum, quinam sit dominus.* Exemplo esto res amissa, quæ a te invenitur, aut res se movens, quæ in fundum tuum ingreditur. l. 43. §. 8. de jure her

§. 262.

Quoniam qui rem tuam detinet, eam tibi restituere obligatur (§. 261.); *tibi domino competit jus eam exigendi ab eo, qui detinet (§. 46.), Et, si eam restituere nolit, vi adigendi ut faciat (§. 80.).* Jus rem suam vi persequendi aduersus quemlibet possessorem, aut detentorem, *Vindicatio rei*, vel etiam *Jus rem suam vindicandi* dicitur. De rei vindicatione. Domino igitur competit jus rem vindicandi aduersus quemlibet possessorem, aut detentorem. l. 1. §. 3. de rei vindicatione. Quoniam tamen res domino restituenda (§. 261.); *rem tuam vindicaturus dominium probare debes, nec, antequam probaveris, alterum ad restitutionem vi adigere potes.* Cumque violenta juris l. 24. eod.
sui

fui persecutio bellum fit (§. 98.); *Vindicatio rei suæ bellum est.*

§. 263.

*Furtum,
rapina,
invasio.*

Ablatio dolosa rei alienæ, inscio ac invito domino, animo eam sibi habendi facta, *Furtum* dicitur; si eadem vi fiat, *Rapina*. Qui furtum committit, *Fur*; qui rapinam, *Prædo* appellatur. Vocatur autem *Furtum manifestum*, si fur in ipso actu furandi, & res furtivas nondum in alium locum perlatas adhuc habens, deprehenditur; in casu opposito, *Furtum nec manifestum*. Quod si quis inscio ac invito domino de usu rei ipsius disponit instar domini, *Furtum usus*; si possessionem rei immobilis alicui invito intervertit, veluti subtrahendo creditori pignus, *Furtum possessionis* appellatur. Ast *Invasio* factum est, quo, qui jus possidendi nullum habet, alterum vi possessione sua rei immobilis dejicit; & qui hoc facit, *Invasor* audit.

§. 264.

*De moralitate
furti &
rapinæ,
& rei
furtivæ*

Cum dominus jure suo, quod in re habet, ceteros omnes excludat (§. 195.); nec idem invito auferri possit (§. 100.); nec furtum, nec rapinam committere licet. Et quoniam sine volunta-

te

te domini dominium in alium transire ^{ac raptā} nequit (§. 195.); ^{restitu-} *res furtiva Et rapta* ^{tionē.} *manet domini*, consequenter ^{L. 14. §. de ac.} *is eandem* *vindicare potest adversus furem, præ-*
dōnem Et quemcunque alium possessorem
(§. 262.), *Et non modo fur atque prædo,*
verum etiam quilibet alius, in cujus
potestatem venit, eam domino restituere
tenetur (§. 261.). Cumque omnis
actus dominio alterius contrarius illi-
citus sit (§. 195.); *furtum quoque usus*
illicitum (§. 198. 263.).

§. 265.

Jus possidendi domino competit ^{De mo-} *(§. 200.), invito non auferendum* ^{ralitate}
(§. 100.). Quamobrem invasio quo- ^{invasio-}
que naturaliter illicita est, Et invasor ^{nis Et}
possessionem alteri restituere tenetur, ^{jure in}
cumque dominus pati non teneatur, ut ^{invaso-}
quis alius se invito actum quendam vi ^{rem.}
dominii licitum sibi arroget (§. 195.);
jus habet, invasorem de possessione inju- ^{c. 12. §.}
sta iterum dejiciendi, si eam restituere
nolit, consequenter adversus invasorem
jus belli eidem competit (§. 98.).

§. 266.

Dominum rem suam alteri clam, vel ^{An do-}
vi eripientem non esse furem, vel prædo- ^{minus}
nem, ^{furtam,}

rapinam nem, aut possessione rei suæ immobilis
et inva- alterum vi deicientem non esse invaso-
fionem
committ- rem, ex ipsis terminis manifestum est
tere pos- (§. 263.). Furtum nimirum & rapina
fit. non committitur in re propria, sed alie-

Q. 43. §. 1. de furtis. na, nec invasor esse potest, nisi non-
 dominus. Ex eadem vero ratione pa-
 tet, dominium probandum esse, ne quis
 pro fure, prædone, aut invasore habendus,
 ob quam idem in rei vindicatione fieri debet (§. 262).

§. 267.

De jure Fur, raptor & invasor violant jus
 puniendi domini (§. 195. 263.), consequenter
 furem, eundem lædunt (§. 88.). Domino igitur
 prædo- competit jus furem, prædonem &
 nem, in- vasorem puniendi (§. 93.).

§. 268.

De jure Quoniam adversus eum, qui læsio-
 defen- nem intentat, jus defensionis nobis com-
 dendi petit (§. 90.); adversus furem manife-
 res suas. stum, prædonem & invasorem res suas
 defendere licet (§. 49.), atque hoc jus infi-
 nitum est (§. 94.). Quia vero fur, prædo
 & invasor defensionem resistit, & quia cor-
 pus nostrum vi impetit, aggressor est; de-
 fensio rerum conjungitur cum defensio-
 ne sui. Atque ita patet, defensionem re-

TU712

rum adversus furem manifestum, prædonem & invasorem esse bellum (§. 98.).

§. 269.

Facturam sui facere dicitur is, cujus ^{De da-} potestati absque voluntate sua res quæ-^{mmo.} dam sua ita subducitur, ut eam nunquam recuperare possit. *Factura sui* *Damnum* vocatur; & *damnum dare* dicitur agens, quod facto suo, vel non facto in causa est, ut *facturam tui* facias; & in specie *damnum voluntarium* sive *dolosum* appellatur, quod ab homine intentione sive directa, sive indirecta datur; *Damnum culposum*, quod culpa in specie sic dicta datur; *Damnum* denique *casuale*, quod casu improviso, nec evitabili datur. Cum patrimonium nostrum, consequenter bona sive res nostras conservare debeamus (§. 208.); quilibet, quantum potest, quodvis *damnum a se avertere*, nec alteri *damnum dare*, sed potius, quantum in se est, ab alio quoque avertere debet (§. 133.), consequenter nemo alteri invito rem suam auferre debet, aut eam perdere, quocunque tandem animo fiat. Ceterum hinc patet, si dominus rem furto (Wolffii Instit. I. N. & G.) K abla-

ablatam, vel a prædone raptam non recuperat, furem & prædonem ipsi damnum dare.

§. 270.

De damno dato resarciendo.

Cum nemo alteri damnum dare debeat (§. 269.), damnum autem consistat in iactura sui (§. cit.), adeoque is, cui damnum datur, minus habeat, quam antea habebat; *nemo efficere debet, ut alter minus habeat, quam habere debebat.* Quoniam igitur non amplius minus habet, quam habere debebat, si tantundem ipsi restituitur, quantum valet res, cujus iacturam facit, hoc est, *si damnum resarcitur, quod per se patet; omne damnum dolo, vel culpa datum resarciendum, tibi que competit jus exigendi, ut resarciatur.*

§. 271.

De se non locupletando re, vel ex re alterius.

Locupletior factus dicitur, qui plus habet, quam antea habebat. Unde re alterius locupletior fit, quando, quod quis plus habet, est res alterius; & ex re alterius locupletior fit, quando, quod plus habet, ex re alterius venit, vel ejus loco succedit. Quia nemini dolo, vel culpa dandum est damnum (§. 269.), hoc

hoc vero in jactura sui consistit (§. cit.); *ne* quoque locupletior fieri debet cum *l. 14. de condic. de offi.* damno alterius, nec re, nec ex re aliena, consequenter cum damnum datum sit resarciendum (§. 270.), si re, vel ex re mea non amplius extante locupletior factus es, tantum mihi restituere teneris, in quantum locupletior factus es. Hujus principii amplissimus usus est in Jure.

§. 272.

Nullus actus ad exercitium domini spectans bonæ fidei possessori imputari potest (§. 201.), consequenter nec privativus (§. 2.). Possessor igitur bonæ fidei domino non tenetur ex facto & non-facto ullo, consequenter saltem ex re, quatenus scilicet eam nullo jure possidet (§. 201.). At cum possessori malæ fidei omnis actus ad exercitium domini spectans imputari possit (§. 201. 3.); possessor malæ fidei tenetur domino tum ex re, tum ex quocunque facto & non-facto. *Unde domino tenetur possessor bonæ & malæ fidei.*

§. 273.

Quia possessor bonæ fidei ex facto & non-facto suo non tenetur domino (§. 272.); si res casu perit, eodem vel *Ad quid domino non tenetur mal. l. 20. de hered. petiti. vix.*

possessor
bonæ
fidei.

L. 25. §. 11. cod.

maxime casu apud dominum non peritura, ad nihil restituendum domino tenetur, neque etiam tenetur ad damnum resarciendum, si culpa ipsius res perierit, neque ad restituendum fructus percipiendos.

§. 274.

Ad quid
possessor
malæ
fidei qua
talis te-
neatur.

L. 15. §. fin. de
rei vindicat.

Enimvero quia possessor malæ fidei ex facto & non-facto suo tenetur domino (§. 272.); domino resarcire tenetur damnum, si res culpa sua interiit, immo etiam si casu, eodem tamen casu apud dominum non peritura, non vero si eodem casu etiam apud eundem peritura fuisset; quia tum interitus non dependet a non-facto possessoris, neglecta nempe restitutione (§. 261.). Idem quoque, cum fructus percipiendi industriales sint (§. 224.), tenetur ad restitutionem ratæ fructuum percipiendorum (§. 229. 270.).

§. 275.

De fru-
ctibus
extanti-
bus.

Cum fructus rei sint domini (§. 228.), industriales autem communes pro rata domini rei & possessoris (§. 229.), nemo autem locupletior fieri debeat re alterius (§. 271.); possessor tam bonæ, quam malæ fidei restituere tenetur fructus natu-

naturales extantes Et ratam industrialium extantium.

§. 276.

Quia possessor bonæ fidei ex facto nullo, consequenter nec ex consumptione fructuum tenetur (§. 272.), locupletior tamen fieri nequit ex realia (§. 271.); *in tantundem tenetur, in quantum ex fructibus naturalibus consumtis Et consumpta rata industrialium factus est locupletior*, consequenter cum de alieno vixisse dici nequeat, qui de proprio vivere potuit, *si tantundem habet in bonis, tantundem; si minus, minus; si denique nihil, nihil quoque restituere tenetur.* Ex adverso, cum possessor malæ fidei teneatur tum ex re, tum ex facto quolibet (§. 272.), consequenter etiam ex eo, quod rem alienam consumsit (§. 230.); ideo tenetur ad æstimationem fructuum naturalium consumtorum Et ratæ industrialium, domino debitæ, *consumptæ restituendum.* Quæritur vero hic, quid restitui debeat, non quid restitui possit.

De fructibus consumtis.

§. 277.

Rem deterioratam minus valere, quam antea valebat, per se patet. *In quantum tenearum*

K 3

Quam.

ex rei
alienæ
deterio-
ratione.

h. 125. §. II. de he-
red. it. petit.

l. 13. de rei vind.

Quamobrem cum domino deteriora-
tione rei suæ damnum detur (§. 269.),
nemo autem alteri damnum dare
(§. cit.), & dolo seu culpa datum resar-
cire debeat (§. 270.); *qui rem alienam
dolo vel culpa sua deteriore reddit, in
tantum domino tenetur, quanto mino-
ris est res deteriorata.*

§. 278.

In quan-
tum pos-
sessor rei
alienæ.

Quamobrem cum possessor bonæ
fidei non teneatur ex ullo facto, posses-
sor autem malæ fidei ex quocunque
(§. 272.); *possessor bonæ fidei ex deterio-
ratione rei tenetur ad nullam restitutio-
nem, possessor malæ fidei in tantundem,
quanto minus valet res deteriorata: &
de casu facta deterioratione eadem tenen-
da, quæ de interitu casuali (§. 273.).*

§. 279.

Impensæ
quid sint
& quo-
tuplices.

Impensæ dicuntur sumptus, quos in
rem impendimus, five ejus conservan-
dæ, five utendæ ac fruendæ gratia. Di-
cuntur autem *necessariæ*, quæ fiunt rei
conservandæ gratia; *utiles*, quibus res
efficitur utilior & fructuosior; *volu-
ptuariæ*; quæ solius voluptatis perci-
piendæ causa fiunt. Quando impensæ
utiles fiunt, *res dicitur meliorari*. Vo-
cantur

cantur autem *mixtæ*, si voluptuariæ infint necessariis & utilibus; & *voluptuariæ prædominantur*, si magis voluptatis, quam necessitatis & utilitatis habetur ratio.

§. 280.

Cum patrimonium conservare, & *Impen-*
quantum in potestate est, amplificare *sarum*
obligemur (§. 208.); *dominus natura-*
liter obligatur ad faciendas, quantum facien-
in se est, impensas necessarias & utiles. obligatio &
Et quoniam curæ habere debemus, *jus.*
ut vitam quoque jucunde transigamus
(§. 119.); *nec impensæ voluptuariæ il-*
licitæ, nisi pariant voluptatem nocuam
(§. 120.).

§. 281.

Quoniam ad impensas necessarias & *De resti-*
utiles faciendas obligamur (§. 280.), *tutione*
possessor rei alienæ eas faciens nil facit, *impensa-*
nisi quod dominus ipse facere debuisset, *rum uti-*
modo utiles domino æque utiles ac pos- *lium &*
sessori. *necessa-*
Quamobrem *riorum.* *possessori tam bo-*
næ, quam malæ fidei restituendæ sunt im-
pensæ necessariæ & utiles, quibus res
fructuosior facta: cum tamen possessor
bonæ fidei ex nullo facto teneatur do-
mino, possessor malæ fidei ex quocun-

que (§. 272.); possessori bonæ fidei restituendæ etiam sunt impensæ, quibus res utilior saltem facta: ast possessori malæ fidei hæ restituendæ non sunt, nisi domino fuerint æquale utiles, vel res facta pretiosior; ne scilicet is locupletetur cum damno possessoris (§. 271.), nec ipse damnum incurrat, restituendo impensas, quas ipse facturus non fuisset (§. 269.), utpote inutiliter faciendas.

§. 282.

De im-
pensis
tollendis.

Impensas tollere dicitur, qui ea tollit, quæ suo sumtu in re aliena facta sunt. Tolli autem dicitur sine detrimento rei, quo sublato res, a qua quid aufertur, non efficitur in se deterior. Quamobrem cum nemo locupletari debeat cum alterius damno (§. 271.); si possessor rem alienam restituit, impensas tollere potest, quæ absque rei detrimento tolli possunt.

§. 283.

De resti-
tutione
impen-
sarum
volu-
ptuaria-
rum &
collisione
damno-
rum.

Quoniam possessor b. f. domino non tenetur ex facto ullo (§. 272.); eidem restituendæ sunt impensæ voluptuariæ, quæ tolli nequeunt vel simpliciter, vel sine detrimento rei, quanti sunt tempore restitutionis rei (§. 271.). Ast cum possessor m. f. teneatur ex facto omni (§. 272.), si im-

impensas voluptuarias fecerit, quas dominus non facturus erat, & quas tolli non posse vel simpliciter, vel sine detrimento rei noverat, culpa ipsius res deducta est in eum statum, ut, ubi restituenda, aut dominus, aut possessor damnum ferre debeat (§. 17.). Quamobrem, cum id possessori, non domino imputandum sit (§. 3.); *impensæ voluptuariae, quæ tolli nequeunt vel simpliciter, vel sine detrimento rei, nec dominus ipse facturus erat, possessori m. f. restituendæ non sunt, secus si dominus ipse eas facturus fuisset.* Obiter observo ex iis, quæ ostendimus, in genere patere, *si damnum ejus, cujus culpa accidit, colliditur cum damno alterius, qui omni culpa vacat, eum ferre debere damnum, cujus est culpa; unde porro colligitur, si uterque non omni culpa vacet, damnum esse dividendum in ratione culpæ.*

§. 284.

Impensas deducere dicitur possessor, si tanto minus restituit, quantum valent impensæ tempore restitutionis, veluti si restituit triginta, cum restituere deberet ob fructus consumptos 150, impensis 120 æstimatis. Quoniam dedu-

De jure deducendi impensas.

Etis impensis ab eo, quod domino restituendum, possessor & dominus consequitur, quod suum est, seu ipsi debetur, suum autem cuique tribuendum (§. 86.); *possessori competit jus impensas ipsi restituendas deducendi*, quod nimirum ex mutua utrinque restituendorum obligatione nascitur (§. 46.).

§. 285.

De præmio inventionis.

Præmium inventionis dicitur, quod datur inventori rei amissæ, quia eandem domino restituit. Quoniam inventor ad restitutionem obligatur (§. 220. 261.); *naturaliter inventori rei amissæ præmium nullum debetur, nec ideo competit jus præmium exigendi a domino*. Quæ de impensis in rem amissam adipiscendam & conservandam factis tenenda sunt, patent per ea, quæ modo de possessore rei alienæ demonstrata sunt; impensarum enim restitutio pendet ab eo, quod in rem alienam factæ.

§. 286.

De fraude tam consilii, quam eventus.

Defraudare alterum dicitur, qui verbis vel factis dolosis alterum privat eo, quod suum est, vel ipsi debetur. Atque ideo *Fraus* appellatur factum, quo alteri,

ri, cum quo nobis negotium est, in scio
 damnum infertur; quod ubi fuerit do-
 losum, *Fraus consilii*; si minime dolo-
 sum, veluti si inscius gemmam adulte-
 rinam vendas pro genuina, *Fraus even-*
tus vocatur. Cum nemini dandum sit
 dolo vel culpa damnum (§. 269.); *nemo*
defraudandus; *Et fraus consilii omnis il-*
licita: cumque damnum datum sit re-
 sarcendum (§. 270.); *non modo id, quo*
defraudatus est alter, eidem restitu-
endum, seu aestimatio præstanda, sed a
damno quoque immunis præstandus, cui
fraus eventus nocitura erat.

§. 287.

Jus possessionis vocatur, quod pos-
 sori vi possessionis competit. Differt
 itaque a jure possidendi, quod domi-
 no competit vi dominii (§. 200.). Da-
 ri autem jus possessionis, ex iis, quæ
 sequuntur, patet.

§. 288.

(Cum soli domino competat jus pos-
 sidendi (§. 200.); nec is possessorem ad
 restitutionem vi adigere possit, nisi do-
 minio probato (§. 262.); *a non-domino,*
vel etiam a domino, qui dominium, vel
a pos-

§. 4. §. 19. de
 filiocomis.
 Libertate

§. 36. d. V. O.

Jus pos-
sessionis.

Despo-
lio pro-
hibito
Et
spoliato
restitu-
tione.

a possessore, qui justam possessionem nondum probavit, possessor quicumque de possessione dejici nequit, consequenter si dejectus fuerit, possessio ipsi restituenda. Quamobrem cum dominii exercendi causa res possideantur (§. 200.); quamdiu possessori possessionem auferre non licet, ipsi permittendum est dominii exercitium. Factum violentum, quo quis de possessione dejicitur, seu eadem privatur, in Jure Canonico dicitur *Spolium*; & hinc sequitur, *spoliatum esse restituendum*.

§. 289.

De possessione defendenda & recuperanda.

Quoniam possessor pati non tenetur, ut a non-domino, vel etiam a domino, dominio nondum probato, possessione vi deiciatur (§. 288. 46.) eidem quoque competit jus possessionem suam defendendi (§. 90.), itemque jus ad ea, sine quibus possessionem amissam recuperare nequit. Nimirum possessor, quamdiu in possessione est, se gerit instar domini, atque id ipsum eidem permittendum (§. 288.).

§. 290.

De possessione violenta & clandestina.

Vi possidere dicitur, qui, possessorem veterem de possessione vi injusta deiciendo, possessionem acquisivit; *clam* vero

L. 1. §. 8. cod.

vero possidere dicitur, qui ignorante possessore possessionem sine vi, sed nullo quoque jure occupavit; & tunc qui hoc facit, *possessionem furtive ingredi* dicitur; *acquisita vero possessio clandestina* vocatur. Possessio nimirum æquiparatur rei furto ablata. Patet vero, ut ante (§. 288.) *clandestinam possessionem esse illicitam, sive non-dominus, sive dominus, dominio nondum probato, clam possideat, & possessionem esse restituendam possessori veteri, consequenter huic competere jus non patiendi, ut alter a se clam possideat, & per consequens possessionem restituere nolentem vi de possessione dejiciendi.*

§. 291.

Quoniam possessa res in potestate possidentis esse debet, ut ipsi competat potentia physica de re pro arbitrio suo disponendi (§. 200.), consequenter dominium exercendi (§. 195.); *possessio rei acquiritur, si facto quodam redigitur in eum statum, quo physice possibile est, ut instar domini de ea disponere possis, & tamdiu retinetur, quamdiu dominium sive per te, sive per alium exercere possis,*

Quoniam do possio acquiratur, restitatur, & amittatur.

amit-

amittitur vero, si res in eum pervenit statum, quo id fieri nequit.

§. 292.

An ab-
sens pos-
sidere
possit.

Quoniam res possidetur, etiam si per alium dominium exerceatur (§. 291.); *absens quoque rem possidere potest.*

l. 1. §. 24. de vi et vi armata

§. 293.

De pos-
sessione
rerum
mobi-
lium &
incorpo-
ralium.

Et quia possessio a potentia exercendi dominium dependet (§. 291.); *res mobilis tamdiu possidetur, quamdiu in custodia tua est: & cum res incorporeales aliter detineri non possint, nisi quatenus iisdem actu uteris (§. 121.); eadem possidentur usu & facultate physica utendi, atque prohibendi, ne utatur alius.*

l. 20. de fruct.

§. 294.

De modo
origina-
rio pos-
sessionem
acqui-
rendi.

Quoniam occupando res nullius rediguntur in eum statum, ut de iis pro arbitrio disponi possit (§. 210. 195.), occupatione autem dominium rerum originarie acquiritur (§. 210.); *rerum nullius possessio acquiritur cum domino uno eodemque actu, atque hic modus acquirendi possessionem originarius est, quo scilicet acquiritur possessio earum rerum, quæ in nullius adhuc possessione fuerunt.*

§. 295.

§. 295.

Possessio titulata dicitur, quæ habet *De pos-*
titulum. Dicitur autem *Titulus* ratio *sessione*
legalis, per quam patet, factum quod- *titulata*
dam tale jus parere posse; ipsum vero *et situ-*
factum, quo juris reddimur participes, *lo.*
Modus acquirendi est. Unde patet,
possessionem rei nullius occupando acqui-
sitam esse titulatam; cum vi legis natu-
ræ occupando cum dominio acquira-
tur possessio (§. 294.).

§. 296.

Cum possessio amittatur, si res per- *De*
veniat in eum statum, quo dominium *amissa*
exercere nequis (§. 291.); *si quis in re*
tua immobili dominium exercet, vel jus *possessione*
tibi competens, nec patitur, ut tu idem *ne rei*
exerceas, possessionem amisisti. *immobi-*
Enim- *lis et in-*
vero quoniam possessio retinetur, *corpor-*
quamdiu dominium exercere potes *lis.*
(§. 291.), consequenter non pateris, ut *L. 25. §. 2. de*
alius te invito idem exerceat, nec ut *29. l. amitt. r. p.*
tu utaris, nemo prohibere potest; *so-*
lo non-usu possessio non amittitur.

§. 297.

Possessio dicitur *turbari*, si possessor *De tur-*
impeditur in exercitio domini quoad *batione*
unum *possessionis.*

unum alterumue actum ipsi permittendum quocunque modo, non tamen id totum ipsi adimitur. Vocatur autem *Turbatio verbalis*, quæ fit verbis; *realis*, quæ in facto quodam consistit. Et *vis*, qua possessio turbatur, *turbativa* vocatur; sicuti *expulsiva*, qua quis de possessione dejicitur; & *compulsiva*, qua ad cedendam alteri possessionem adigitur. Quoniam possessori liberum relinquendum domini exercitium (§. 288.); *turbatio possessionis tam verbalis, quam realis illicita.*

§. 298.

*De quasi
possessio-
ne.*

Res incorporales *quasi possideri* dicuntur, quatenus earum possessio fingitur ad analogiam possessionis rerum corporalium, cujus fundamentum est potentia physica ad eos actus, quos edendi facultas seu potentia moralis est jus domino competens.

§. 299.

*De jura
possessio-
nis
amisso.*

Cum jus possessionis oriatur ex possessione (§. 287.); *amissa possessione, amittitur quoque jus possessionis, consequenter jura possessionis conservantur, quamdiu conservatur possessio.*

CAPUT



CAPUT IV.

DE

JURE EX COMMUNIONE

PRIMÆVA RESIDUO.

§. 300.

Jus ex communione primæva residuum vocatur, quod, postquam dominia rerum introducta sunt, nobis adhuc competit in eas res, quæ sunt in aliorum dominio. Distinguitur itaque a communione primæva, quæ adhuc quoad res certas non occupatas, vel non occupabiles subsistit.

*Jus ex
commu-
nione
primæ-
væ resi-
duum
quid sit.*

§. 301.

Quoniam communio primæva sublata est acquisitione originaria dominiorum (§. 194. 210.), consequenter occupatione (§. 210.); quæ occupari vel non potuerunt, vel non debuerunt, ea adhuc in communione primæva sunt, seu res hominum omnium communes, seu, quod perinde est, quoad hæc res communio primæva adhuc subsistit.

In quibuscumque rebus communio primæva adhuc subsistat.

§. 302.

Res usus inexhausti dicuntur, quarum usus omnibus sufficit hominibus, & iisdem paret, quoties eodem indigeant.

De rebus usus inexhaustis.

(Wolffii Instit. J. N. & G.) L. gent.

gent. Quoniam dominus usu rei suæ excludit ceteros omnes (§. 195.), usus vero rerum, qui omnibus patet, quoties eodem indigent, ceteris omnibus ab uno auferri minime potuit (§. 74.); *res usus inexhausti occupari non debuerunt* (§. 210.), consequenter *in iis communio primæva adhuc subsistit*. Quamvis itaque dominia rerum introducta sunt, ær, tamen, *aqua profluens & lumen solis sunt adhuc res omnium communes.*

§. 303.

Cur limitari
& defendi ne-
scium
commu-
ne man-
serit,
veluti
mare.

Similiter quia vi dominii excluduntur ceteri omnes usu illius rei, quæ est in dominio (§. 195.); *quod dominio subji- ciendum limitatum esse debet, quod vero limites omnes respuit, dominio subjici nequit.* Et cum dominus prohibendi jus habeat, ne quis se invito re se utatur (§. cit.); ideo necesse est, ut dominium suum tueri possit. *Quicquid igitur ita comparatum est, ut dominium in eo tueri non detur, id eidem subjici non potuit.* Atque hinc patet, *mare vastum in communione primæva mansisse, etsi partes quædam terræ continenti adjacentes occupari potuerint* (§. 302.).

§. 304.

§. 304.

Jus ad usum rerum naturalium necessarium cum omni homini natura competat (§. 186.), & lex naturæ etiam det jus ad usum necessarium rerum industrialium & artificialium (§. 188.); nemini auferendum (§. 74.). *Introdu-
ctione igitur dominiorum nemini aufer-
ri penitus potuit usus rerum necessa-
rius, consequenter dominia introduci
non potuerunt, nisi cum tacita hac restri-
ctione, ut, si in casu emergente contin-
gat alicui penitus auferri necessarium
rerum usum, eidem jus aliquod compe-
tat in eas res, quæ sunt in dominio.
Dominia nimirum non introducta sunt,
ut quis penitus carere cogatur usu re-
rum necessario, sed ut de eodem me-
lius prospiceretur universis (§. 194.).*

§. 305.

Quodsi ergo quis penitus destituatur usu rerum necessariarum, nec in potestate ipsius sit, ut eas æquo pretio vel præstitis operis sibi comparet, neque etiam eas precibus ab aliis impetrare possit; in statu naturali eas alteri in scio ac invito auferre, immo vi eripere licet, qui iisdem carere potest (§. 304.).

*Cum qua
tacita
exce-
ptione
dominia
introdu-
cta.*

*De rebua
necessa-
riis in
extrema
necessi-
tate do-
mino au-
ferendis.*

iam igitur hoc jure tuo facis, quod ex communione primæva residuum est (§. 300.); *furtum & rapinam non committis*. Extrema nimirum necessitas jus petendi vertit in jus cogendi, ut detur.

§. 306.

De obligatione inde nascente.

Quoniam vero hoc jus, cui sola necessitas extrema locum facit, ultra usum necessarium, cujus causa datur (§. 304.), extendendum non est; *si res usu non consumitur, finito usu restituenda; quod si usu fuerit consumpta, cessante autem necessitate, tantundem ejusdem generis, vel aliud æquivalens, restitui, aut æstimatio præstari possit, hoc faciendum.*

§. 307.

Vis necessitatis in rebus ab alio comparandis.

Hinc porro facile patet, *necessitatem extremam dare jus cogendi alterum, ut pro æquo pretio, aut re, quæ tantundem valet, res detur*. Ita e. gr. in annonæ difficultate, qui frumento abundant, ad vendendum cogi possunt, & qui annonam incendit, ad æquo pretio frumentum vendendum, cogi potest.

§. 308.

Jus necessitatis.

Jus, cui sola necessitas locum facit ad actus quosdam alias non licitos, pro-

propterea quod sine iis obligationi cui-
dam indispensabili satisfieri nequit, *Jus*
necessitatis dicitur. Atque hinc patet,
actum illum, ad quem necessitas jus dat,
esse debere medium unicum satisfaciendi
obligationi cuidam indispensabili, nec
minus manifestum est, *jus necessitatis*
ipsa lege naturæ nobis dari (§. 46.).
Absonum itaque videri minime debet,
jus quoque necessitatis quoad usum re-
rum necessarium introductis dominiis
residuum mansisse, quippe quod eo-
rum introductione violari minime po-
tuit (§. 74.).

§. 309.

Multæ hinc solvuntur quæstiones
particulares, quales videas in Jure na-
turæ a nobis editæ c. 4. part. 6. Ita si
in navigatione, aut obsidione defece-
rint cibaria, quod quisque habet, in
commune conferre debet; si adversus
aggressorem te defensurus destituaris
armis, inconsulto, immo contradicen-
te domino, arripere licet aliena; idem
valet de instrumentis alienis ad restin-
guendum incendium; de perdendis
rebus aggressoris, vis injustæ depellen-

*Exem-
pla bu-
jus iuris
particu-
laria.*

*l. 5. §. 1. de in-
cessis. l. 39.
§. 3. ad l. Agri.*

dæ causa, & de perdenda re aliena, communis periculi non aliter depellendi causa.

§. 310.

*De altera
tacita
excep-
tione,
cum qua
dominia
introduc-
ta.*

Similiter cum in communione primæva, si plures ejusdem rei usum simul participare possunt, participatio promiscue volentibus permittenda (§. 187.), introductione autem dominiorum jus commune tolli ac restringi non potuerit, quam necesse fuit (§. 74.); *dominia rerum introduci non potuerunt, nisi cum tacita hac restrictione, ut alteri concedatur usus innoxius rei, quæ est in dominio. Vi autem libertatis naturalis domino permittendum est judicium, an usus alteri concedendus sit sibi innoxius, nec ne (§. 78.), hoc est, an sine detrimento ac molestia concedi possit.*

§. 311.

*Jus in-
noxia
utilita-
tis.*

Jus ad usum rerum innoxium, quæ sunt in dominio alterius, nobis competens dicitur *Jus innoxia utilitatis*. Patet itaque, *jus innoxia utilitatis esse jus ex communione primæva residuum (§. 310. 300.) sedque imperfectum (§. 80.).*

§. 312.

§. 312.

Istiusmodi *jura innoxie utilitatis* ^{*Jura*}
sunt transitus ob justas causas per ter- ^{*specialia*}
ras & flumina dominio subiecta, tam ^{*innoxie*}
personis, quam mercibus concedendus; ^{*utilita-*}
jus ob justas causas ibidem commoran- ^{*tis.*}
di, veluti studiorum, aut sanitatis recu-
perandæ causa, habitatio concedenda
sedibus expulsis & receptum quærenti-
bus, nisi rationes singulares obstant.

CAPUT V.

DE

MODO ACQUIRENDI DERIVATIVO.

§. 313.

Modus acquirendi derivativus dici- ^{*Modus*}
 tur, quo acquiritur dominium ^{*acqui-*}
 rerum in dominio jam existentium. ^{*rendi de-*}
 Quoniam domino competit jus domi- ^{*derivati-*}
 nium rei suæ in alium transferendi ^{*vas.*}
 (§. 257.), & alteri jus in re sua consti-
 tuendi (§. 260.); *modus acquirendi de-*
derivativus datur.

§. 314.

Quoniam domino competit jus de ^{*De modo*}
 re sua pro lubitu disponendi (§. 195.); ^{*transfe-*}
voluntate ipsius unice dependet, in quem ^{*rendi*}
 L 4 ^{*domi-*}
 & ^{*nium.*}

Et quomodo dominium, aut jus quoddam suum transferre velit, utrum cum, an sine exclusione sui; an revocabiliter, ut scilicet alterum jure translato rursus excludere possit, quando visum fuerit, an irrevocabiliter; utrum in personam immediate, vel in rem alienam, ita nimirum ut mediante re competat possessori ejus cuicunque; utrum in personam certam, an in incertam, ut scilicet jus acquirat, qui voluerit ac potuerit, quemadmodum in missilibus fit; utrum absolute, an sub quacunque conditione; utrum in perpetuum, an in certum diem; utrum gratis, an ut vicissim aliquid detur, vel fiat.

§. 315.

De conditionis differentia.

Est autem *conditio causalis*, quæ a casu vel fortuna, aut ab arbitrio hominis juri nostro minime subjecti tota pendet; *potestativa*, quæ pendet ab arbitrio ejus, in quem dominium, sive jus transferendum; *mixta*, quæ partim casualis, partim potestativa. Est præterea *conditio vel suspensiva*, quæ actus perfectionem differt, donec certum fuerit, eam existere; vel *resolutiva*, quæ actus jam perfecti durationem restringit

git ad illud tempus, quo eam extare certum est. Appellatur autem *Conditio negativa*, quæ supponit aliquid non esse, vel non fuisse, vel non eventurum. *Existit* itaque *conditio negativa*, si id non sit, vel non fuerit, vel non evenit. Est etiam *conditio alia turpis*, quæ supponit a te fieri debere, quod lege prohibetur; alia *honestæ*, quæ supponit a te fieri debere, quod lege non prohibetur, aut quæ in facto honesto consistit.

§. 316.

Quoniam vi libertatis naturalis unicuique permittendum, ut suum in agendo *judicium sequatur* (§. 78.); si *dominium, vel jus quoddam in alium transferendum, ab ejus unice voluntate dependet, utrum id habere velit, an nolit.* Cum itaque *accipere, vel acceptare* dicatur, qui verbis vel factis sufficienter declarat, velle sese, ut detur, vel fiat, quod alter se dare, vel facere velle declarat; *ad translationem dominii vel juris requiritur acceptatio.*

§. 317.

Ex hætenus dictis intelligitur, *naturaliter transferri dominium, vel jus quod-*

*transla-
tionem
dominii
suffi-
cient.*

quoddam in acceptantem, nuda voluntate domini sufficienter declarata (§. 314. 316.), cumque a voluntate transferentis dependeat, quomodo jus quoddam transferre velit (§. 314.), acceptatione non plus juris acquiri posse, quam transferens in eum transferre voluit.

§. 318.

Quomodo de voluntate alterius statuentium.

Quoniam vero de voluntate alterius constare nobis nequit, nisi quatenus eandem sufficienter declarat; *quod verbis, vel alio quocunque modo sufficienter significatur, id contra ipsum pro vero habetur.*

§. 319.

Quando acceptatio præcedat.

Acceptatio autem præcedit, si quis petit, ut alter sibi quid det, vel faciat, & hic petenti annuit: superfluum enim foret, acceptationem repetere, altero annuente petenti.

§. 320.

Demodo acquirendi possessio nem.

Quia domino competit jus possidendi (§. 200.); cum dominio rei transferatur & acquiritur etiam jus possidendi, consequenter cum sine possessione dominium exerceri nequeat (§. 200.

195.),

195.), *dominio translato, transferens quoque obligatur ad transferendam possessionem.* Quamobrem cum actus, quo transfertur possessio, *Traditio*; actus vero, quo possessio acquiritur, *Apprehensio* appelletur; *translato dominio res quoque tradenda & apprehendenda.* Atque hinc patet, *ad translationem dominii naturaliter non requiri traditionem.*

§. 321.

Quoniam traditione transfertur possessio (§. 320.); *ea consistit in actu quocunque, quo res redigitur in eum statum, ut, qui eandem acquisivit, habeat potentiam physicam de eadem pro lubitu disponendi, seu dominium actu exercere possit (§. 200.).*

In quoniam traditio consistat.

§. 322.

Patet itaque, *rem mobilem tradi, si transferens dominium eam manu porrigit; & acceptans eandem manu apprehendit, item si transferens eam te auferre jubet; rem vero immobilem, si te rem certam possidere jubet, & in ea te dominium exercere patitur, vel eam e longinquo demonstrat, ut apprehendere possis, vel permittit, ut res maneat in pote-*

Diversi rem tradendi modi.

potestate tua, quæ quacunque de causa in ea est, vel documento quodam literario declarat, se possessionem in te transferre & passurum, ut dominium in eo exerceas, aut hujus exercendi causa in rem immobilem te introducit, qui actus proprie Immissio in possessionem dicitur; rem denique incorporalem, sive jus, si id te exercere patitur (§. 321.). Hinc porro facile intelligitur, quot diversis modis res mobiles, immobiles & incorporales apprehendantur. *Apprehensio* nimirum consistit in actu, quo acquiritur potentia physica dominium in re corporali, vel jus in se translatum exercendi.

§. 323.

*De traditione
brevis manu
facta.*

Res tradi dicitur brevi manu, quando actus traditionis inesse intelligitur alii cuidam actui, quo aliud quid agitur ad domini exercitium spectans, veluti si dominium transferens rem manere permittat in potestate accipientis tanquam ipsi propriam, quæ jam alia quacunque de causa in potestate ipsius est. Quod vero brevi manu a transferente traditur, id ab accipiente brevi manu apprehenditur.

§. 324.

§. 324.

Ex adverso *Res longa manu tradi* De tra-
 citur, quando res tradenda oculis tuis ditione
 subjicitur eo fine, ut eam apprehen- longa
 das, consequenter ut possessionem ac- manu
 quiras. Et *longa manu apprehendi* facta.
 dicitur, quod longa manu traditur.
 Exemplo loco esto, si transferens rem
 certam tradendam e longinquo de-
 monstrat.

§. 325.

Vocatur autem *Res certa*, quæ suf- De re &
 ficienter quomodocunque indigitatur, persona
 ut ab aliis sui similibus distingui pos- certa.
 sit: quo eodem sensu *Persona etiam cer-* l. 10. de aucto
ta dicitur. claus. legal
§. 27. J. de leg.

§. 326.

Traditio symbolica dicitur, quæ fit De tra-
 per symbola; quando nimirum loco ditione
 rei tradendæ traditur res alia, quæ symboli-
 istam significat, veluti si traduntur cla- ca.
 ves, quibus cista refferatur, in qua res
 tradendæ absconditæ. Patet autem,
 cum signa arbitraria sint, traditionem
 symbolicam fieri posse per rem quam-
 cunque. Cum symbola nullum ha-
 beant effectum nisi a mutua transfe-
 rentis

rentis & accipientis voluntate; *traditio symbolica naturaliter superflua videtur, nisi quatenus declaratio voluntatis mediante symbolo efficitur magis certa*, cum scilicet per ea magis constet, quid actum fuerit.

§. 327.

De operarum communicatione.

Operarum communicatio dicitur eorundem in usum aliorum collatio. Quoniam actiones hominis liberæ aliis utiles dominiis introductis æquiparantur rebus, quæ sunt in dominio nostro, consequenter operæ, quæ præstantur in utilitatem aliorum (§. 225.); operarum communicatio translationi domini, consequenter dationi æquiparatur (§. 258.), & introductis dominiis facere perinde est ac dare, quatenus nimirum facta perinde ac res certo pretio æstimantur.

§. 328.

Præstare quid significet.

Præstare, significatu generali, idem est ac dare & facere. Dicuntur ideo præstari tam res, quam facta.

§. 329.

Obligatio mutua ad dandum

A posteriori abunde patet, introductis rerum dominiis neminem res omnes per se habere posse, quæ ad vitæ

vitæ necessitatem, commoditatem ac *de fa-*
 jucunditatem, immo & animæ perfe- *ciendum.*
 ctionem acquirendum requiruntur, &
 non minus opera aliorum, quam rebus
 alienis quemlibet indigere: hanc au-
 tem indigentiam tanto majorem esse,
 quanto longius a vitæ simplicitate re-
 ceditur. Quamobrem cum homines
 conjunctis viribus ad se statumque
 suum perficiendum obligemur (§. 44.);
dominiis introductis ad dominia trans-
ferenda & operas communicandas sibi
invicem obligantur, seu ad dandum &
faciendum, prouti unusquisque re vel
opera alterius indiget. Quoniam vero
 in collusione officiorum officium erga
 seipsum vincit, officium erga alios
 (§. 64.); *nemo alteri dare tenetur rem,*
qua ipse indiget, nec obligatur ad fa-
ciendum, quando non vacat.

§. 330.

Cum in communione positiva omnes *De alie-*
 conjunctim sint dominus rei indivisæ *natione*
 (§. 196.); *dominium quoque exerceri* *rei com-*
nequit, nisi omnium consensu, qui in ea- *munis.*
dem sunt (§. 195.), consequenter nec res *l. c. 56. de re.*
communis alienari potest, nisi omnium *juris in 6.*
consensu (§. 257.). Quoniam tamen jus,
 quod

quod unusquisque pro rata in re indivisa habet, singulorum proprium est, spectandum instar rei incorporalis in dominio existentis (§. 206.); *de jure suo, quod quis pro rata habet in re indivisa, pro lubitu disponere potest, quatenus id fieri potest salva communione, seu sine præjudicio ceterorum* (§. 269.). Quamobrem *jus quoque suum, quod pro rata habet in re indivisa, in alium transferre, seu alienare potest* (§. 257.), non vero in ea parte, pro qua dominus est, a toto separata: jus enim in parte separata minime habet.

§. 331.

An datum repeti possit.

Cum voluntate transferentis & accipientis sufficienter declarata jus, quod transfertur, fiat accipientis (§. 317.), invito rursus auferri nescium (§. 100.); *quod datum est, repeti nequit, nec transferenti pœnitere licet.* Quod si certa lege quid fuerit datum, cum acceptans plus jutis acquirere non potuerit, quam transferens in ipsum transferre voluerit (§. 317.); *lex dationi adjecta servanda.*

§. 332.

De datione in diem & conditio nata,

Quod si ergo quid datur in certum diem, die veniente restituendum, & si datur sub certa

certa conditione suspensiva, dominium non ante transit, quamvis re tradita, nisi conditione existente, consequenter si ea potestativa fuerit, adimplenda, conditione autem non existente, quod datum restituendum (§. 315.): id quod etiam fieri debet, conditione resolutive existente (§. cit.). Accipiens nimirum ad restitutionem se obligasse intelligitur & transferens sibi reservavit jus ad eandem (§. 97.).

§. 333.

Jus pro lubitu, seu, quandoque visum fuerit, revocabile in alium translatum dicitur *Precarium*. Quamobrem *precarium non est, si certum tempus adjicitur, intra quod revocari non debeat*; cum tunc in certum diem datum intelligatur, ante eum non repetendum (§. 332.). *Precarium vero quovis momento revocabile (§. 318.), accipiens concedenti se obligasse intelligitur ad rem restituendam pro lubitu reposcenti (§. cit. & §. 97.).*

§. 334.

Jus in re dicitur, quod in rem ipsam nobis competit, consequenter cum jus sit facultas moralis agendi (§. 46.), (*Wolfii Instit. J. N. & G.*) M idem

De precario.

De precario.

De jure in re.

idem consistit in facultate morali prohibitu disponendi vel de re ipsa, vel de aliquo ejus usu, vel fructu inde percipiendo, vel de omnibus istis simul. Quamobrem dominium & jus ad quemlibet actum ad exercitium ejusdem spectantem est jus in re (§. 195.). Patet etiam, communionem primævam fuisse jus in re (§. 186.), & jus in re aliena constitutum (§. 260.), atque jus possessionis esse jus in re (§. 288. & seqq.).

§. 335.

*De jure
ad rem.*

Jus ad rem dicitur, quod habemus ad id, ad quod præstandum alter nobis obligatus est. Quoniam nobis competit jus ad certas præstationes nobis alterum obligandi, & inde jus perfectum ad eas acquirimus (§. 97.), ac præterea jam in anterioribus vidimus passim, homines sibi invicem ex facto quodam suo obligari ad certas præstationes; *jus ad rem*, idque perfectum utique datur. Cumque in Jure naturæ habeatur quoque ratio officiorum humanitatis (§. 61.), ad quæ obligatio imperfecta est (§. 80.); *jus quoque ad rem imperfectum* datur, nimirum quod homini com-

competit ad id, ad quod alter ipsi imperfecte obligatur.

§. 336.

Qui nobis ad aliquid præstandum perfecte obligatur, *Debitor* dicitur; id autem, ad quod præstandum obligatur, *Debitum*. Quamvis etiam imperfecte *debitum* dicatur, ad quod præstandum alter nobis imperfecte obligatur: qui tamen imperfecte obligatur, *Debitor* vocari non solet.

§. 337.

Jus, nimirum ad rem, *remittere* dicimur, si sufficienter significamus, nos nolle, ut alter nobis præstet, ad quod præstandum obligatur. Dicitur etiam *remitti* eodem sensu ipsum *debitum*. *Remissione igitur juris debitor ab obligatione sua liberatur & jus tuum extinguitur, jus autem nemini acquiritur.* Per se patet, *posse etiam remitti partem juris, si id, quod debetur, in partes dividi potest.*

§. 338.

Translatio juris sui ad rem in alium *Cessio* dicitur; & transferens *Cedens*; is vero, in quem transfertur, *Cessionarius* appellatur. Fit itaque *cessio mutuo con-*

sensu cedentis & cessionarii sufficienter declarato (§. 317.). Cum jus ad rem sit res incorporalis (§. 121.), quæ est in dominio cedentis (§. 206.); cessio fieri potest in scio, immo invito debitore, præfertim cum, cessionario in locum cedentis succedente, nihil in obligatione debitoris mutetur.

Id. 13. de adq. l. a. m. b. her. §. 339.

De repudiatione juris.

Jus repudiare dicitur, qui sufficienter significat, se jus sibi delatum habere nolle. Dicitur autem Jus tibi deferri, quod num accipere, seu acquirere velis, an nolis, in solo tuo arbitrio positum est. Jus igitur, quod repudiatur, repudians non transfert in alium.

§. 340.

De Renuntiatione.

Juri suo renunciare dicitur, qui sufficienter significat in gratiam alterius, se jus quæsitum habere nolle. Dicitur autem Jus quæsitum, quod actu nobis competit. Renuncians igitur se ei, cui renunciat, obligat, quod jure suo adversus ipsum uti nolit, & hic acquirit jus non patiendi, ut eodem utatur (§. 46.), jus vero suum renuncians in ipsum non transfert.

§. 341.

§. 341.

Jure suo se abdicare dicitur, si quis sua sponte declarat, se jus quoddam, quod in alium transferre nequit, diutius habere nolle, veluti si magistratum ante tempus deponit.

§. 342.

Cum quilibet de jure suo, tanquam re incorporali (§. 121.), in dominio ipsius existente (§. 206.), pro lubitu suo disponere possit (§. 195.); a cujuslibet voluntate dependet, num jus suum remittere, alteri cedere, repudiare, abdicare, aut in gratiam alterius ei renunciare velit, modo nil committatur, quod est contra jus tertii (§. 86.), veluti si remissio fiat in fraudem creditorum.

§. 343.

Quando res communis dividitur, cum sublata communione unusquisque dominium acquirat in parte divisa, consequenter separatum; tot oriuntur dominia, quot sunt personæ, cumque partes divise nullam amplius relationem ad se invicem retineant, eadem non amplius spectantur tanquam partes: quæ nimirum antea fuerant pluri-

rium communia, ea divisione fiunt singulorum propria.

§. 344.

De divisione rei communis, quae dividi nequit.

Quod si res communis dividenda dividi nequeat, & quilibet, qui in communione est, integram habere velit, cum neuter alteri dominium in parte sua cedere teneatur (§. 342.); negotium naturaliter exitum habere nequit. Quod si ergo exitum habere debet, necesse est, ut consensu eorum, qui sunt in communione, definiatur modus, quo determinari debeat, cuinam sit assignanda, veluti ut sorte dirimatur, quinam rem habere debeat.

§. 345.

An quis cogi possit, ut maneat in communione.

Quoniam in communione de re communi disponi nil quicquam potest, nisi omnium consensu (§. 330.), & ut negotia exitum habere possint, voluntas plurium, seu partis majoris habenda est pro omnium voluntate; facile patet, in communione non liberam esse unicuique pro rata disponendi facultatem. Quamobrem cum libertati naturali, a qua pendet libera disponendi facultas in dominio (§. 195.), maxime adversetur, ut quis invitus ma-

maneat in communione; *nemo quoque* s. c. commun
dividendi
cogi potest, ut invitus in communione
maneat, nisi ius commune ea lege acqui- 142. com
divid
tum, ut commune maneat (§. 317.).

CAPUT VI.

DE

ANIMI SUI SENSIS ALTERI SIGNIFICANDIS.

§. 346.

Animi nostri sensa alteri significa- De com-
muni
usu lo-
quendi.
mus, vel verbis, vel signis aliis,
vel etiam factis, seu actionibus exter-
nis. Qui ergo ab aliis vult intelligi,
vocabulis uti debet, prout fert usus lo-
quendi, consequenter qui ad mentem
suam alteri significandum obligatur,
vocabulis uti debet in eo significatu, qui
usui loquendi convenit.

§. 347.

Convenientia verborum cum cogi- De veri-
tate mo-
rali &
verilo-
quia.
tationibus nostris dicitur Veritas mora-
lis; & moraliter verum loqui, qui ea co-
gitat, quæ se cogitare dicit; sermo au-
tem moraliter verus Veriloquium. Dif-
fert itaque a Veritate logica, quæ est
convenientia nostrarum cogitationum
cum objecto; ita ut logice verum sit, si,

M 4
quod

quod esse, vel non esse cogitamus, id etiam est, vel non est. Quamobrem cum veriloquium non supponat veritatem logicam; *veritas logica per veriloquium probari nequit, & si, quod esse putas, dicis; cum non sit, & contra, moraliter verum loqueris, logice falsum.*

§. 348.

*De falsitate
moralis.*

Ex adverso disconvenientia verborum cum cogitationibus nostris vocatur *Falsitas moralis*; & *moraliter falsum loqui* dicitur, qui aliter cogitat, quam se cogitare dicit; sermo autem moraliter falsus *Falsiloquium*. Differt itaque a *Falsitate logica*, quæ est disconvenientia nostrarum cogitationum cum objecto; ita ut *logice falsum* sit, si quod esse cogitamus, non est, & contra. Quamobrem cum falsiloquium non supponat falsitatem logicam; *si quod non esse putas, esse dicis, cum sit, vel quod esse putas, cum non sit, non esse dicis, moraliter falsum loqueris.*

§. 349.

*Actio
sincera,
simulatio,*

Actio externa sincera vocatur, quæ cum interna consentit; *dissensus autem actio-*

actionis externæ ab interna *Simulatio*; diffimulatio, prætexus. sicuti occultatio actionis tam internæ, quam externæ, sive positivæ, sive privativæ, quomodocunque facta, *Diffimulatio*. *Simulatio* autem intentionis, quando scilicet falsam significamus, non veram, *Prætextus*, a nonnullis *Obtentus* appellatur.

§. 350.

Patet itaque, *veriloquium* esse *sermonem sincerum*, *falsiloquium* *sermonem simulatum* (§. 347. 348. 349.). Patet etiam porro, *prætextum* esse quandam *speciem falsiloquii*, sicuti *intermissio sermonis* eo fine facta, ne animi nostri *sensa* alteri pateant, ad *diffimulationem* accedit (§. 349.). Qualis sermo sit veriloquium & falsiloquium.

§. 351.

Mentiri dicitur, qui moraliter falsum loquitur, quando ad verum loquendum, seu animi sui sensa significandum alteri obligatur; atque ideo *Mendacium* est falsiloquium pugnans cum obligatione, qua tenemur alteri ad animi nostri sensa significanda, consequenter quo violatur jus alterius ex ista obligatione ortum (§. 46.). *Reticentia*. Mendacium & reticentia.

tia vero vocatur silentium de eo, ad quod dicendum obligamur: *quæ* ideo quoque est contra *jus* alterius.

§. 352.

De moralitate
verilo-
quii,
menda-
eii & re-
ticientia.

L. 5. §. 6. C. ad
L. Jul. Marci
L. 1. §. 1. de
dilictio & dicto

Cum ab obligatione tam naturali (§. 42.), quam contracta nemo se liberare possit (§. 100.); si officio cuidam (§. 57.), vel obligationi contractæ satisfacere nequeamus, nisi alteri animi nostri sensa patefaciamus, ad moraliter verum loquendum, consequenter ad veriloquium obligamur (§. 347.), atque ideo tam falsiloquium (§. 348.), quam reticientia illicita est (§. 351.). Et hinc patet, omne mendacium esse illicitum (§. cit.). Ex adverso autem cum lex naturæ det jus ad ea, sine quibus obligationi nostræ satisfacere non possumus (§. 46.); si vel officio cuidam, vel obligationi cuidam contractæ satisfacere nequeamus, nisi animi nostri sensa celando, vel moraliter falsum loquendo, utrumque licitum est (§. 49.), atque tum falsiloquium mendacium non est (§. 351.). Et quia vi libertatis naturalis unicuique permittendum, ut in determinandis actionibus suis suum sequatur judicium, modo nil faciat, ad quod

quod non faciendum tibi obligatur (§. 78.), & libertas naturalis non tollit obligationem naturalem (§. 77.); *si alteri ad patefacienda animi tui sensa non obligaris, nec, ut id facias, requirat officium quoddam erga teipsum, vel erga alios, veritatem celare licet.*

§. 353.

Ambigue loqui dicitur, qui utitur verbis, quæ ex communi usu loquendi plures admittunt significatus: id quod imprudentiæ est, si alteri tui animi sensa significare volueris (§. 21.), ac per consequens vitandum, si vero prævides alterum, cui animi tui sensa patefacere obligaris, ea accepturum in significato a mente tua discrepante, & dolo se hoc intendis (§. 17.), ambiguitas in loquendo mendacio æquipollet (§. 351.), consequenter illicita est (§. 352.). *De ambiguitate in loquendo.* Patet vero porro, *ambiguitatem in loquendo esse licitam in eo casu, in quo falsiloquium licitum (§. 352.).*

§. 354.

Allegoria est sermo constans vocabulis, quæ a significato proprio ad aliud quid significandum transferuntur pro. *De anigmatis.*

propter rerum similitudinem. Allegoria obscurior, in qua improprius verborum significatus ambiguus, *Ænigma* dicitur. *Faciunt* itaque *ænigmata ad exercendum ingenium*, quippe quod est facilitas observandi rerum similitudinem: & *quando ambiguitas in loquendo licita, vel illicita* (§. 353.), *æigmati-ca quoque dictio licita, vel illicita.*

§. 355.

*De re-
servatio-
nibus
mentali-
bus.*

Verba aperta dicimus, quæ ore proferuntur, vel scribuntur, ut percipi possint ab aliis; *tacita* vero, quæ mente reservamus, ut nonnisi a nobis percipiantur, scilicet non aliis, sed nobis loquentes. Sermo moraliter verus constans verbis partim apertis, partim tacitis, ita ut illa ingenerent animo audientis falsam opinionem, hæc vero illorum sensum detorqueant in verum huic contrarium, *Reservatio mentalis* dicitur. *Sunt* itaque *reservationes mentales veriloquium nonnisi respectu ejus, qui loquitur* (§. 347.), *ast falsiloquium respectu ejus, ad quem sermo dirigitur* (§. 348.), consequenter *mendacio æquipollent, quando ad animi nostri sensu alteri indicanda*

canda obligamur (§. 351.), in eo autem casu, quo falsiloquium licitum (§. 352.), inutiles. Ceterum facile patet, reservationibus mentalibus accensendum non esse sermonem, si is, ad quem sermo dirigitur, facile colligit ex verbis apertis, vel substrata materia mente reservata.

§. 356.

Fallere alterum dicitur, qui verbis *Fallere* vel factis alterum inducit, ut pro vero *quid sit.* habeat, quod non est. Hinc *Simulatio* definiri poterat, quod sit factum; *Falsiloquium*, quod sit sermo, quo alterum fallere intendimus.

§. 357.

Cum ab obligatione naturali nemo liberari possit (§. 42.); si ad veriloquium obligamur (§. 352.), metu periculi nobis, vel aliis imminentis moraliter falsum, vel ambigue loqui, aut ænigmatice respondere non licet: ast licet, si ad *An metus periculi falsiloquium licitum faciat.* veriloquium non obligamur (§. 269.).

§. 358.

Arcanum dicitur, quod ab aliis ignorari volumus, ve etiam velle debemus. Et arcana sua alteri committere dicitur, *De arcanis alteri committendis &*

non prodendis. tur, qui ea ipsi sub spe, vel fide silentii, hoc est, sub conditione vel tacita, vel expressa, ne dicat aliis, patefacit: *ast prodere arcana alterius*, qui sibi commissa nota facit aliis. *Quodsi nulla urget necessitas, ut arcana tua alteri committas*, qualis est, si consilio, vel opera alterius indiges in exequendo eo, quod decrevisti, cum tutius sit, ea non committi, quam ut committantur, ne ullus prodendorum metus superfit; *ea committenda non sunt: commissa vero nunquam prodenda* (§. 269.), *praesertim si ad non prodenda te committenti obligasti* (§. 97. 100.).

§. 359.

De moralitate simulationis, dissimulationis & praetextus.

Cum simulando & moraliter falsum loquendo idem intendamus, nimirum ut alter de animi nostri sensus contrariam concipiat opinionem (§. 348. 349.); *quando falsiloquium licitum, vel illicitum, etiam simulatio licita, vel illicita.* Similiter cum celando animi nostri sensa & dissimulando idem intendatur, scilicet ne ea patefiant alteri (§. 349.); *quando animi nostri sensa alterum celare licet, etiam dissimulatio licita.* Cum prae-

prætextus species falsiloquii sit (§. 350.);
de moralitate prætextus eadem valent,
quæ de moralitate falsiloquii.

§. 360.

Verba temeraria dicuntur, quæ nullo fine proferuntur; & *Facta temeraria*,
quæ nullo fine committuntur. *Dever-*
bis & factis te-
merariis. Nullo
nimirum *sine fieri* dicuntur, in quibus
nulla spectatur nostra, vel alterius uti-
litas, quæ nimirum instar finis a lo-
quente, vel faciente intenditur. Cum
homines obligentur actiones suas diri-
gere ad sui aliorumque perfectionem
& ad status sui atque alieni perfectionem,
ac eandem conjunctis viribus pro-
movere (§. 43. 44.), sermo autem me-
dium est, quo animi sui sensa eum in
finem patefacere tenentur, quod per se
patet; ideo non modo in loquendo,
verum etiam in faciendo spectanda est
aliqua utilitas sive nostra, sive aliena ex
illa perfectione, tanquam fine ultimo,
æstimanda. Unde haud difficulter con-
ficitur, *verba & facta temeraria legina-*
turæ parum convenire, consequenter
nec temere loquendum, nec temere
quicquam faciendum esse. Patet idem,
præ-

præsertim de verbis, per obligationem determinandi actiones liberas per easdem rationes finales, per quas naturales determinantur (§. 43.).

§. 361.

Assèveratio & juramentum quid sit.

Quodsi quis dubitet, te moraliter verum loqui, nec constare possit ex eo, de quo verba fiunt, vel aliunde, veluti per testes, cum nemo norit cogitationes tuas, nisi tu ipse, qui earum tibimet conscius es, & Deus; id aliter probari nequit nisi per conscientiam, aut Deum testem. Probatio veritatis dictorum per conscientiam testem, provocando scilicet ad conscientiam tanquam testem, dicitur *Assèveratio*; invocando scilicet eum tanquam testem veritatis dictorum & vindicem mendacii ac perfidiæ, *Juramentum*, seu *Jusjurandum*. Quid sit perfidia, inferius explicabitur.

§. 362.

Quinam jurare nequeant.

Quoniam jurans pro certo habere debet existere Deum, eum nosse hominum cogitationes & punire mendacia ac perfidiam (§. 361.); *qui negat esse Deum,*
vel

vel eum nosse hominum cogitationes, aut putat, eum parum curare res humanas, jurare nequit.

§. 363.

Quodsi ergo quis falsos Deos pro ve- An jura-
ri possit
per fal-
sos Deos.
ro Deo habet & iis tribuit ea, quæ de
vero Deo pro certo habere debet jurans,
cum respectu ipsius perinde sit ac si
per verum Deum juraret, per falsos
Deos jurare potest.

§. 364.

Quoniam vero verba signa sunt, De for-
mulis ju-
randi.
quæ significant, quod iisdem significa-
re volumus; verbis quibuscunque jura-
ri potest, quibus tribuitur significatus,
qui vi definitionis juramento convenit.
Unde simul patet, per res quasunque
jurari posse. Ast per res istas non ju-
rat, sed saltem asseverat, qui dicit, se
tam certo verum dicere, aut dicere vel-
le, quam certum sit rem quandam exi-
stere, vel notorie sibi carissimam esse.
Possunt etiam verba eadem vim jura-
menti, aut saltem vim asseverandi ha-
bere, prouti vel proferuntur altero ju-
ramentum exigente, vel sua sponte. Ita
si quis jurare jussus dicat: Deus est testis
(Wolfii Instit. J. N. & G.) N^o meus,

meus, is jurat; si non jussus profert, asseverat. Nimirum in priori casu verba quoque significant provocationem Dei tanquam vindicis mendacii aut perfidiæ, in posteriori minime (§. 361.).

§. 365.

*Quando
verba ju-
rantia
profere-
ns non
juret.*

Si quis animo indeliberato verba jurantia, quibus scilicet juramenti significatus tribui solet, animo non jurandi profert, non jurat, sed ea ad verba temeraria referenda (§. 360.), quæ cum vitanda sint (§. cit.), nihilominus peccat. Idem tenendum de verbis, quibus alias asseverandi significatus tribuitur.

§. 366.

*Quando
juret.*

Quoniam vero contra eum, qui ad dicendum verum obligatur, pro vero habendum, quod dicit (§. 318.); *si quis jurare debet, aut jurare videri vult, & verba jurantia profert, is jurasse intelligitur.* Alias nimirum admittendæ forent reservationes mentales, quæ illicitæ sunt (§. 355.).

§. 367.

*De asse-
veratio-
nibus &*

Cum asseverationes temerariæ sint, temeraria etiam sint juramenta, si is, cui

cui loqueris, non dubitat, te moraliter *jura-*
 verum loqui, aut si nec tua, nec ipsius *mentis*
 interest, siue credat, te verum dice- *temera-*
 re, siue minus (§. 360. 361.), ver- *riis vi-*
 ba autem temeraria illicita sint (§. 360), *tandis.*
 ac inprimis juramentum temerarium
 reverentiæ Deo debitæ parum conve-
 niat (§. 172.); *si is, cui loqueris, non du-*
bitat te verum dicere, aut si nec tua, nec
ipsius interest, utrum hoc credat, nec ne,
asseveratio & juramentum illicita sunt.
 Hinc portio eadem facilitate colligitur,
si asseveranti creditur, vel asseveratio suf-
ficit, ut credatur, jurandum non esse.

§. 368.

Cum tibi competat jus te alteri obli- *Ad quid-*
 gandi ad dicendum verum, si tua vel al- *nam ju-*
 terius intersit, ut is credat te verum di- *rans se*
 cere (§. 97.); invocatio vero Dei tan- *obliget.*
 quam vindicis mendacii ac perfidiæ sit
 motivum dicendi veri, quod cum ju-
 ramento conjungis (§. 361.); *jurans te*
alteri obligas ad dicendum verum (§. 35.);
 consequenter *falsiloquium licitum ju-*
ramento confirmare non licet (§. 100.).

§. 369.

Quia jurans te alteri obligas ad di- *Effectus*
 N 2 cen- *jura-*
 menti.

cendum verum (§. 368.), adeoque contra te pro vero habendum, quod sufficienter indicas (§. 318.), consequenter non alia mens tua esse colligitur, quam quæ verbis tuis significatur; *juramentum arcet omnes tacitas exceptiones ac conditiones, neque admittit reservationes mentales* (§. 355.).

§. 370.

Quo sensu
verba
jurantia
sumenda.

Ex eadem ratione intelligitur, *jurantem verba jurantia sumere debere in eo significato, quem iis tribuit is, cui juratur, consequenter non esse detorquenda contra manifestum eorundem significatum in alienum, ut falsum loquendo ex mente ejus, cui juratur, verum se locutum probet ex mente sua.*

§. 371.

De pejeratione
& perjurio.

Pejeratio a nobis dicitur juramentum ejus, qui se verum dicere jurat, dum falsum dicit; *Perjurium* vero violatio juramenti, quando scilicet non facis, quod te facturum ex animi licet tui sententia juraſti, & contra. Quam obrem cum jurans te obliges ad dicendum verum (§. 368.), & si jures te hoc facturum, vel non facturum, jurando

De animi sui sensis alteri significand. 197

do probare velis, quod ad faciendum, vel non faciendum te obliges (§. 97. 361.); *nec pejerare, nec perjurare licet* (§. 100.).

§. 372.

Quoniam vero perinde est, si *De jura-* verba ore proferantur, si *verba* scribantur; *mentio* *juramentum* *vocabulis* *scriptis* *expres-* *scripto.* *sum* *validum* *est*; consequenter *absens* *absenti* *in* *literis* *jurare* *potest.*

§. 373.

In animam alterius jurare dicitur *De jura-* qui nomine & mandato absentis juret. *mento in* *animam* *alterius.* Cum perinde sit, si *quid* per te, si *per* *alium* *facias*; *in animam* *quoque* *tuam* *ab* *alio* *jurari* *potest.*

§. 374.

Obtestatio dicitur actus, quo quis al- *De obte-* *statione.* *terum* *per* *Deum* *testem* *veritatis* *dicto-* *rum* & *vindicem* *mendacii*, *aut* *facti* *cu-* *juscunque* *illiciti*, *vel* *rem* *quandam* *ipfi* *charissimam*, *aut* *cujus* *maxime* *ratio-* *nem* *habere* *debet*, *obsecrat*, *ut* *verum* *dicat*, *vel* *ut* *quid* *faciat*, *aut* *non* *faciat.* Cum itaque *obtestatione* *alterum* *per-* *move* *re* *intendamus*, *ut* *verum* *dicat*,

vel ut quid faciat, aut non faciat; *quando tui vel alterius plurimum interest, ut alter verum dicat, vel ut faciat, aut non faciat, qui ad faciendum, vel non faciendum obligatur, obtestatio licita est.* Idem patet in eo casu, quo alterum exhortari debes, ne quid faciat, aut non faciat.

§. 375.

*De con-
testatio-
ne.*

Asseveratio per Deum testem, aut rem aliam nobis charissimam, vel magni momenti, *Contestatio* dicitur. Pertinet adeo contestatio ad asseverandi formulas, quæ ad iuramentum propius accedunt (§. 361.).

§. 376.

*Quando
pejers
non fiat
perju-
rus.*

Quoniam pejerat, qui jurat se facturum, ad quod faciendum se obligat, cum tamen animum faciendi non habeat, perjurus vero non est, si faciat mutato animo (§. 371.); *si pejerantem pœnitet pejerasse & quod se facturum juravit facit, perjurus non est.*

CAPUT VII.

DE

MODO SESE ALTERI OBLIGANDI,
SEU PROMISSIS ET PACTIS IN
GENERE.

§. 377.

Cum introductis dominiis homo non habeat, quod suum est, nisi res tam corporales, quam incorporales, quæ sunt in dominio ipsius (§. 195. 206.), & actiones aliis utiles æquiparentur rebus in dominio existentibus (§. 225.); *nemo quoque se alteri obligare potest, nisi ad dandum & faciendum, vel non faciendum, consequenter ad aliquid præstandum* (§. 258. 328.). *l. 2. de V. O.*

§. 378.

Quoniam nulla opus est obligatione, si quid statim præstetur; *qui alteri ad dandum vel faciendum se obligat*, cum obligatio ad actum futurum pertineat, & ad eum jus perfectum acquiritur alter (§. 97.); *ille in hunc transfert jus exigendi præstationem.*

§. 379.

Declaratio hæc voluntatis de quodam alteri præstando, coniuncta cum juris a se exigendi, ut præstetur, in ipsum

Ad quam nos alteri obligare possimus.

Quale jus transfertur, si quis se alteri obligat.

Promissio quid sit.

l. 19. pr. de ac
sil. ex co. l. o
ipsum translatione, *Promissio* dicitur.
Qui promittit, *Promissor*; is, cui pro-
mittitur, *Promissarius* vocatur.

§. 380.

De modo
se alteri
obligan-
di.

Promissor igitur *promissario* se per-
fecte obligat (§. 80. 379.). Cumque de
voluntate alterius nobis constare aliter
non possit, nisi si ab eo sufficienter in-
dicetur, nec ab alio jus acquirere va-
leamus, nisi voluntate ipsius (§. 314.);
*nemo quoque alteri se aliter perfecte ob-
ligare potest, nisi promittendo.*

§. 381.

De ne-
cessitate
accepta-
tionis
promissi.

l. 55. de obliga-
tion. Tacit.
l. 19. §. 1. de
donationib.

Cum in promissione in promissa-
rium transferatur jus exigendi præsta-
tionem promissam (§. 379.), ad transla-
tionem vero juris requiratur accepta-
tio (§. 316.); *promissio quoque sine ac-
ceptione non est valida, nec ex ea jus
ullum acquiritur promissario.*

§. 382.

De polli-
citatio-
ne.

A promissione cum *Grotio* recte di-
stinguitur *Pollicitatio*, qua alteri suffi-
cienter declaramus voluntatem eidem
quid præstandi ac perseverantiam in
proposito, jus tamen a se id exigendi
in

obligandi, seu prom. & pactis in gen. 201

in eum transferre nolumus. Quamobrem ex pollicitatione jus exigendi præstationem non acquiritur ab eo, cui fit pollicitatio (§. 314.).

§. 383.

Ab eadem cum eodem recte distinguitur *nuda assertio*, qua alteri sufficienter declaratur animus, quem de præsentibus habemus, ipsi aliquid præstandi, sed salva libertate animum mutandi, consequenter *ex nuda assertione jus a nobis id exigendi, quod alteri nos præstare velle dicimus, nullum is consequitur* (§. 314.).

§. 384.

Quoniam in pollicitatione (§. 382.) & in nuda assertione nullum transfertur jus in alterum (§. 383.); *ad pollicitationem & nudam assertionem nulla requiritur acceptio, immo ad utramque inutiliter accedit* (§. 316.).

§. 385.

Cum a voluntate tua dependeat, utrum in alterum jus quoddam transferre velis, nec ne (§. 314.), consequenter etiam num transferre velis jus exigendi præstationem quandam a te, hoc

hoc est, jus ad rem (§. 335.); in voluntate quoque tua positum est, utrum alteri quid promittere, an polliceri, vel nuda saltem quid asserere velis (§. 379. 382. 383.), consequenter promissio, pollicitatio & nuda assertio sunt actus meræ voluntatis, ac propterea nemini competit jus te ad promittendum compellendi, quod cum repugnet libertati naturali (§. 77.), ad promittendum alterum cogens injuriam ei facit (§. 87.), atque id lege naturali prohibitum (§. 86.).

§. 386.

De animo deliberato.

Animus deliberatus dicitur actus voluntatis, qui fertur in id, quod probe expensum, nimirum num potius sibi faciendum, quam non faciendum, & quomodo faciendum, antequam agens faciat, ne quid committatur officiis erga se, vel alios adversum. Ex adverso autem *Animus indeliberatus* vocatur, si voluntas tendit in id, quod non satis expensum. Quamobrem cum ab obligatione naturali, qua tenemur ad quælibet officia (§. 57.), nemo liberari possit (§. 42.), ac imprimis etiam quilibet omne damnum a se avertere de-

debeat (§. 269.); *nemo quicquam facere nec quicquam promittere debet absque animo deliberato.* Ceterum facile patet ex natura promissionis, *promissorem expendere debere, num re, quam dare promittit, ipsemet indigeat, & num tunc, quando facere promittit, sibi vacaturum, & num hoc dando, vel faciendo promissario desit officio cuidam erga seipsum, vel erga alios.* Immo ex modo dicta ratione, *cūr nil faciendum absque animo deliberato, nec promissio acceptanda absque animo deliberato.* Et haud difficulter intelligitur, *promissarium perpendere debere, num eo, quod promittitur, indigeat, & annon alius eodem magis habeat opus, an nonnisi incommodo suo hoc præstare possit promissor, & num in acceptando forsan desit officio cuidam erga te, vel erga alios.*

§. 387.

Quoniam animus deliberatus non cadit in furiosos durante furore; amenes, infantes, summe ebrios, delirantes, nec eos, quorum iudicium propter ætatem imbecille est (§. 386.); *omnes hos valide promittere non posse patet (§. cit.).* § 8. 9. 10. §. *De credit. & pactis.*

Quinam promittere non possint.

§. 388.

§. 388.

De promissis servandis.

l. i. De pactis

Promissum servare dicitur, qui dat, vel facit, quod se daturum, vel facturum promissit. Cum promissor promissario perfecte se obliget (§ 380.), & jus perfectum ad id, quod promissum, acquirat promissarius (§. 97.), invito auferri nescium (§. 100.); *promissa servanda sunt.*

§. 389.

De fide.

Fides dicitur constantia voluntatis alteri verbis declaratae de eo, quod facere, vel dare velimus. *Fides* igitur *supponit*, ut *moraliter vera loquaris*, aut *moraliter falsa dicta mutato animo in moraliter vera vertas*. Hinc *fidem dare* dicitur, qui affirmat se praestitutum, quod se praestare velle dicit, consequenter alterum certum esse jubet de perseverantia in praesenti voluntate. Unde conficitur, *pollicitatorem fidem dare ei, cui fit pollicitatio* (§. 382.). *Fidem fallere* dicitur, qui non praestat, quod se praestitutum dixit. *Fidem denique alterius adstringit*, qui eum sibi obligat ad fidem servandam. Atque hinc patet, *fidem datam esse servandam*, con-

obligandi, seu prom. & pactis in gen. 205

consequenter *non fallendam, & pollicitatorem fidem fallere, si non præstat, quæ pollicitus*. Liqueet porro, qui *promissa servat, eum quoque servare fidem, qui non servat, fidem fallere, atque promissarium acceptando fidem promissoris sibi adstringere (§. 378. 379.)*. Denique non minus manifestum est, qui *nude asserit sibi esse animum aliquid præstandi, fidem suam non dare (§. 383.)*, consequenter *nec fallere, si non præstat, quod se præstare velle dixit*.

§. 390.

Perfidus dicitur, qui contrarium ejus facit, ad quod faciendum fidem suam adstrinxit. Quod si ergo promissor contrarium ejus facit, quod se facturum promisit, veluti si facit, quod se non facturum dixit, perfidus est: at pollicitator in eodem casu perfidus non est. *De perfidia.*

§. 391.

Cum ab obligatione naturali nemo *De promissione* liberari possit (§. 42.); *sub conditione turpi nihil promittere licet (§. 315.)*. *sub conditione turpi.* Quoniam itaque hæc promissio valida non est, ex ea quoque jus nullum consequitur promissarius, consequenter *quod sub conditione turpi promissum præ-*

præstandum non est, etiamsi ea fuerit adimpleta.

§. 392.

De promissione sub conditione impossibili.

Cumque condito impossibilis existere nequeat; per se patet, *promissionem sub conditione impossibili esse temerariam, nec juri naturæ convenire (§. 360.).*

§. 393.

Quid sit promissio conditionata, in diem facta, pura.

Enimvero quia in promissione jus transfertur in promissarium (§. 379.); *promissor promittere potest, qua lege voluerit, & promissio fieri potest sub conditione quacunque honesta & in certum diem, non modo absque ulla conditione & sine tempore adjecto (§. 314.). Promissio sub conditione facta dicitur conditionata; si certum tempus adjicitur, seu id, quod promittitur, certo die præstandum, Promissio in diem facta; quæ vero absque ulla conditione, nec tempore ullo adjecto fit, promissio pura.*

§. 394.

De promissione sub facto turpi tertii.

Quoniam factum turpe tertii respectu promissoris & promissarii conditio mere casualis est, utpote ab utriusque voluntate prorsus independens; *promissio sub facto turpi tertii facta, cum nihil vitii in se habeat, illicita non est.*

§. 395.

§. 395.

Cum promissarius non plus juris acquirere possit ex promissione, quam promissor in eum transferre voluit (§. 317.); *quod in diem promittitur, statim debetur, sed exigi nequit, nisi die elapso.* Promissionis in diem factæ effectus.

Patet vero, cum conditio, quam certo exituram novimus, tempus designet, quo quid fieri debeat, *promissionem sub conditione certo exitura factam æquipollere promissioni in diem factæ* (§. 393). Quoniam vero perinde est, ac si dies venisset, qui adventurus putatur, adventurus tamen non est, veluti si quid promittatur die trigesima prima Aprilis præstandum, cum error non contineat rationem promittendi; *quod promittitur in diem, qui adventurus putatur, adventurus tamen non est, præstandum eo die elapso, quem falso designasse videtur promissor.* Nimirum supponimus serio rem agi, non jocari.

§. 396.

Enimvero quia sub conditione suspensiva promittens promissario obligatus esse non vult, nisi conditione existente (§. 315.), per rationem eandem Promissionis sub conditione suspensiva effectus.

dem (§. 317.); quod sub conditione suspensiva promittitur non debetur, nisi conditione existente, si autem ea non existit, evanescit. Quoniam igitur jus ad id, quod promittitur, non ante acquirit promissarius, quam conditione existente; ex promissione conditionata non nisi spem debitum iri habet promissarius, jus excitaturum, siquidem contingat conditionem existere. Utrum spes ista jus sit excitatura, nec ne, cum respectu nostri saltem incertum sit; ea perinde ac jus acquisitum (§. 100.), invito auferri nequit. Patet idem etiam inde, quod promissor se obligaverit ad jus istud agnoscendum, quod spem istam excitare continget; a qua obligatione seipsum liberare nequit (§. cit.). Quia conditio potestativa suspensiva est, atque existit, quando adimpletur (§. 315.); quod promittitur sub conditione potestativa non ante debetur, quam ubi ea fuerit adimpleta.

§. 397.

Promissionis sub conditione resolvenda

Similiter quia promittens sub conditione resolutive, non diutius obligatus esse vult promissario ad præstandum id,

id, ad quod se ipsi obligavit (§. 315.), *tiva fa-*
consequenter ista conditione designa- *cta esse-*
tur tempus, quo jus promissarii dura- *ctus.*
re debet (§. 97.); *quod sub conditione*
resolutiva promissum, desinit deberi ea-
dem existente & jus promissarii expirat. *Laix de in dien*
adlatione.

§. 398.

Quod pure promittitur, statim debe- *Effectus*
tur & exigi potest: id quod ex ipsa de- *de verborum*
finitione promissionis puræ statim pa- *promis-*
tet (§. 393.). Quamobrem cum die ve- *significa-*
niente inter promissionem puram & *tionis*
in diem factam, conditione autem exi- *pure &*
stente inter illam & conditionatam nul- *quando*
la amplius differentia existat (§. cit.); *in eam*
die veniente promissio in diem facta, & *abeat*
conditione existente promissio conditio- *condi-*
nata in puram abit. *tionata*
& in
diem fa-
cta.

§. 399.

Si conditiones plures copulative adji- *De con-*
ciantur promissioni, cum nonnisi omni- *ditioni-*
bus simul existentibus promissor obli- *bus plu-*
gatus esse velit; quod promissum non an- *ribus*
te debetur, quam omnes extare certum *promis-*
est (§. 317.). Enimvero si disjunctiva *sioni ad-*
adjiciantur, cum promissor promissario *gestis.*
obligatus esse velit, quacunque earum *De v. de condit-*
(Wolffii Instit. I. N. & G.) *instituit.*

O

exi-

existente; *existente una quod promissum debetur, etiamsi ceteræ non sint extiturae.*

§. 400.

*De promissione
& jure
personalis.*

Personalis promissio est, quæ ad personam promissarii ita restringitur, ut promissor nemini nisi promissario obligatus esse velit. Confertur autem promissio in personam promissarii vel expresse, vel tacite, quando id ex materia promissi aliisque circumstantiis colligitur. Jus vero personale vocatur, quod ad personam, cui competit, ita restringitur, ut ab ea in aliam transire non possit: sicuti personale in genere appellatur, quod personae cuidam ita inhæret, ut ab ea in aliam nullo modo transire possit. Hinc consequitur, ex promissione personali promissarium non acquirere nisi jus personale, & jus personale cum persona extinguui, atque promissionem conditionatam evanescere, mortuo promissario, antequam conditio existit (§. 396.). Patet etiam, si conditio potestativa fuerit personalis, adimpleri non posse, nisi a promissario ipso.

§. 401.

§. 401.

Promissio realis est, quæ personalis non est, habita nimirum in promittendo magis rei, quam personæ ratione. Quamobrem ex promissione reali a promissario acquiritur non jus personale, sed jus, quod etiam in alium transire potest (§. 400.); & similiter spes debiti ex promissione conditionata reali enata (§. 396.) in alium quoque transferri, aut transmitti potest.

De promissione reali.

§. 4. §. 1. V. O.

§. 402.

Eodem sensu, quo jus personale & reale a se invicem distinguuntur, obligationes quoque aliæ sunt personales, aliæ reales. Unde obligationes personales non egrediuntur personam & cum ea extinguuntur; secus vero reales. Atque hæc differentia attendenda est etiam in promissionibus, prouti vel personales, vel reales fuerint.

De obligatione personali & reali.

§. 403.

Ad promissionem perficiendam requiritur sufficiens declaratio voluntatis tam promissoris, quam promissarii (§. 379. 381.). Quamobrem cum

An promissio absenti fieri possit.

voluntas alteri declarari possit non modo verbis ore prolatis, verum etiam scriptis, immo etiam per alium; *promissio quoque fieri potest per epistolam, & per alium*, in utroque casu *absenti, & ab absente per epistolam, vel per alium acceptari potest.*

§. 404.

De promissione modali.

Potest etiam in certum finem alteri quid promitti, nimirum ut ab eo quid fiat, vel præstetur, & tum *Promissio sub modo facta*, vel etiam *modalis* dicitur. Cumque *modus impleri* dicatur, quando hoc fit, quod ut fiat aliquid præstatur, atque ante tibi præstandum fit, quod promittitur, ut hoc facias, quam facias, & acceptando promissum tu tantummodo te declares ad faciendum, ubi promissor quod promissum præstiterit; *promissarius modum implere ante non tenetur, quam promissio adimpleta fuerit*; ubi vero hæc adimpleta, ad implendum obligatur, & nisi fecerit, quod ex promissione consecutus, restituendum: id quod etiam fieri debere patet, si promissarius moriatur, antequam modum impleverit, sub quo ipsi quid datum.

§. 405.

§. 405.

Causam promisso dare dicitur, quod De promissione errantis.
 est ratio unica, cur quid promittatur,
 alias non permittendum. Quoniam;
 si error det causam promisso, promissio
 facta intelligitur sub hac conditione, si
 verum sit, quod per errorem pro vero
 sumitur, consequenter conditio, sub
 qua facta promissio, non existit; pro-
 missio, cui error causam dedit, valida
 non est (§. 396.). Quodsi vero promissor
 fuerit negligens in veritate exploranda,
 aut in sensu suo exprimendo, & promissarius
 inde damnum passus sit, cum
 damnum culpa illius datum sit (§. 21.);
 id utique resarciendum (§. 270.). Ob
 eandem rationem, si promissarius det
 causam errori, sed non promissioni, &
 ex errore damnum aliquod facit promissor;
 eidem promissarius id restituere tenetur,
 etsi promissio sit valida.

§. 406.

Cum alteri injuriam faciat, qui ad
 promittendum eum vi, vel metu in-
 cussu adigit (§. 385.); *promissio vi vel* De promissione vi, vel metu extorta.
metu extorta lege naturæ prohibita est
 (§. 87.), consequenter invalida. Quem-
 admodum res vi vel metu a prædone

extorta domino restituenda (§. 264.); ita quoque promissum vi ac metu extortum præstandum non est. Enimvero *si metu ab alio incussio permotus tibi, rei istius minime conscio, quid promittam*, cum tuum non sit iudicium de eo, cur promittam (§. 78.), nulla sane ratio est, cur, quod inter me & te gestum, subsistere nequeat (§. 378. 389.); ac propterea *promissio valida est*. Quoniam tamen, *qui metum incussit*, in causa est, cur tibi promiserim, alias non promissurus, consequenter damnum dolo mihi dedit (§. 17.); *is idem mihi resarcire tenetur* (§. 270.). Enimvero *si tu per alium mihi metum incutis, ut tibi quid promittam*, cum perinde sit, ac si promissionem ipsemet metu extorfisses; *promissio invalida est*. Et quoniam *promissarius, si novit, promissorem metu ab alio incussio promittere, promissionem acceptare non debet*, acceptance quippe repugnante obligationi damni ab aliis avertendi (§. 269.); consequenter *promissio invalida*. Accedit, quod promissarius metum incussum rati habendo velit promissionem vi extorqueri, ut non multum absit ab eo,

obligandi, seu prom. & pactis in gen. 215

eo, qui metum per alium incurit, ut promittatur.

§. 407.

Cum a voluntate promittentis unice *An promissio* dependeat, utrum promittere velit, nec *habere debeat causam expressam.* ne (§. 385.), & vi libertatis naturalis nulli hominum rationem reddere tenetur, cur quid faciat (§. 78.); *promissio naturaliter non habere debet causam expressam*, scilicet cur promittat.

§. 408.

Ob eandem rationem, *promissio ob causam ante debitam valida.* Dicitur nimirum *promitti ob causam ante debitam*, si cui ob id, ad quod præstandum jam obligatur, aliquid promitto, veluti viatori aliquod munusculum præter mercedem. Et quoniam quod ob causam ante debitam promittitur, cum sit motivum diligentius præstandi, quod præstari debet, alterum obligat ad maiorem diligentiam (§. 35. 21.); *promissio ob causam ante debitam temeraria non est* (§. 360.).

§. 409.

Similiter cum *onus promissioni adjicere* dicatur promissor, quando promittit sub hac conditione, vel sub hoc *De onere promissioni adjuncto.* modo,

modo, ut promissarius vicissim tibi, vel alteri quid præstet, & a promittentis voluntate dependeat, quomodo & sub qua conditione, vel sub quo modo promittere velit (§. 393. 404.); *promissor pro arbitrio onus promissioni adijcere potest, sive per modum conditionis, sive per modum modi.*

§. 410.

De pœ-
na pro-
missioni
adjecta.

Ast *pœna adijci* dicitur *promissio*, si promissor declarat se hoc daturum, vel facturum, nisi steterit promissio. Et tum *promissio pœnalis* vocatur; quod vero pœnæ nomine promittitur *promissum pœnale*. Patet vero, ut ante, *pœnam posse adijci promissio*; cum scilicet id dependeat a libera promissoris & promissarii voluntate (§. 393. 381.). Potest autem pœna triplici modo adijci, vel ut optio sit promissarii, an velit exigere pœnam, an promissorem adigere ad implendum promissum, vel ut pœna præstita cesset promissio, vel denique ut præstita pœna promissor nihilominus maneat obligatus ad præstandum promissum.

§. 411.

§. 411.

Impossibile est, ut faciamus, quod vires nostras transcendit. Promissio igitur ejus, quod vires nostras transcendit, invalida est (§. 380. 37.).

De promissione ejus, quod vires nostras transcendit.

§. 412.

Et quoniam nemo rem alienam alteri potest dare (§. 258.), promissio vero ad dandum obligat (§. 388.); *nemo rem alienam promittere potest*. Enimvero si quis promittit, quod suum fieri potest, vel quod suum fieri posse putat, quia suum fieri potest, vel fieri posse putat, cum in priori casu sufficienter indicet, se curaturum, ut suum fiat, in posteriori autem se impensas facere velle, ut suum fiat; in casu priori operam dare tenetur, ut suum fiat, in posteriori autem ad tantundem obligatur, quantum impendendum fuisset, ut suum fieret, siquidem fieri nequit (§. 318.). Per se autem patet, si rem, quam nostram fieri posse putamus, alteri promittimus, si ea nostra fiet, promissionem esse conditionatam (§. 393.), consequenter ubi frustra data fuerit opera, ut nostra fiat, promissario ad nihil tenemur (§. 396.).

De promissione rei aliena.

§. 413.

De rei
promissæ
aliena-
tione.

Cum promissæ sint servanda (§. 388.), servari autem non possit promissum, si res promissæ alienatur (§. cit. & §. 257.); *promissor naturaliter obligatus rem promissam non alienare*. Quoniam tamen in promissione non transfertur dominium rei promissæ, sed saltem jus ad eam (§. 335.); *alienatio a promissore facta valida est* (§. 257.): sed quia is tibi invito jus ad rem inquisitum auferre nequit (§. 100.); *tibi competit jus alienationem impediendi, si noris, promissorem rem promissam alienare velle*. Ex adverso autem patet, *alienationem esse invalidam, si promissor declaraverit, sibi ademptum esse debere jus alienandi*; cum tunc non amplius idem habere intelligatur.

§. 414.

De lu-
cro.

Lucrum dicitur res, quæ bonis nostris superaccedit, iisdem non deminutis, seu qua sumus locupletiores. *Cessare* dicitur, si, quando id obtinere poteramus, impedimur, quo minus obtineamus. *Lucrum* autem *certum* vocatur, quando certo constat nos id obtinere posse, seu obtenturos esse; *incer-*

certum vero in casu opposito. *Lucri* vero *certi quantitas incerta esse potest*. Patet igitur, *lucrum certum esse rem in dominio nostro extitutam*, consequenter *qui lucrum certum cessare facit, is impedit, quo minus res tua fiat, quæ alias fieri poterat, consequenter damnum dat* (§. 269.), atque ideo *resarcire tenetur* (§. 270.).

§. 415.

Damnum emergens & lucrum cessans communi nomine dicuntur *id, quod interest*. Quoniam tam damnum datum (§. 270.), quam lucrum cessans dolo vel culpa nostra resarciendum (§. 414.); *si ob factum quoddam vel non factum dolosum, aut culposum tuum alter damnum incurrat, aut lucrum ejus cesset, ad id, quod interest, teneris*. Præstando id, quod interest, alter restituitur in eum statum, quo perinde est, ac si fecisses, vel etiam dedisses, quod non fecisti, vel non dedisti, & contra. Cum autem nemo efficere debeat, ut alter minus habeat, quam habere debebat (§. 270.); *si quis propterea minus habet, quam habere debet,*
vel

De eo, quod interest. d. 15. rem tam haberi

vel poterat, quod obligationi tuæ non satisfacisti, ad id, quod interest, teneris.

§. 416.

*Quando
promis-
sor te-
neatur
ad id,
quod in-
terest.*

Quodsi ergo promissione non impleta lucrum promissarii quoddam cesserit, aut damnum quoddam emergat, veluti quando res promissa voluntate, vel culpa tua fit aliena; ad id, quod interest, teneris. (1. De actione empti vel venditi.

§. 417.

*De mo-
ra.*

Mora est dilatio ejus, quod fieri debet, ultra tempus, quo fieri debebat. Unde in mora esse dicitur, qui, quod certo tempore facere potest, ac debet, non facit.

§. 418.

*De mo-
ra im-
putatione
& pur-
gatione.*

Impedimentum inevitabile dicitur; si in causa non es, cur tibi objiciatur, seu quod, ne sese offerat, nullo modo efficere potuisti. Vocatur autem insuperabile, quod oblatum tollere minime potes. Quodsi mora debetur impedimento inevitabili & insuperabili, ea tibi imputari nequit: si autem tale impedimentum non adsit, aut alterutrum saltem obtineat, mora imputatur (§. 3.). Quamobrem cum de mora se purgare dicatur, qui demonstrat, se in mora non

non esse; de mora se purgaturus ostendere debet, se ob impedimentum inevitabile ac insuperabile facere non potuisse, quod facere debebat.

§. 419.

Quoniam, qui nunc præstare obligatur, præstationem differendi jus minime habet, id quod per naturam obligationis patet (§. 37.); nemo quoque in mora esse debet, consequenter si ex mora damnum quoddam emergat ei, cui ad præstandum quis obligatus est, aut lucrum ejus cesset; qui in mora est, ad id, quod interest, tenetur (§. 415.).

Interesse
mora.

(175 § 2. De
i. 3.

§. 420.

Si res promissa casu interit, quem nulla tua culpa præcessit, cum interitus tibi imputari nequeat (§. 17.); nec promissario teneris ad id, quod interest, & promissio evanescit. Enimvero si dolo vel culpa tua res promissa intereat, cum id tibi imputandum sit (§. 17.); promissario teneris ad id, quod interest (§. 415.). Quamobrem si tibi promittantur res nondum existentes, sed extituræ, veluti fructus futuræ ætatis; si nullas extare casu contingat, nihil debetur. Patet etiam inde, promissioni rerum

De re
promissa
inter-
cants.

§. 8. De contrah
em. & vendi

rum futurarum tacitam subesse conditionem: si quæ futura sint; vel, quod eodem redit, tacitam hanc exceptionem: nisi omnino nullæ extituræ sint.

§. 421.

*De eadem re
bis promissa.*

Si quis eandem rem, quam tibi promisit, denuo promittat alteri, cum jus ad eandem tibi ex promissione acquisitum auferre nequeat (§. 379. 100.); promissio posterior non valet, sed prior subsistit. Enimvero cum nihil obstat, quo minus bis promittas, quod bis præstari potest; si quod bis promittitur, bis, præstari possit, promissio utraque valet.

§. 422.

*In solidum teneri
dum teneri,
quid sit.*

In solidum teneri dicitur, qui quod pluribus præstandum est, vel a pluribus, totum uni præstare tenetur, vel solus. Id obtinere potest, vel si quid pluribus conjunctim promittitur, vel si plures uni idem promittunt.

§. 423.

*De eadem re
pluribus
conjunctim promissa.*

Cum a promissoris voluntate pendeat, quomodo promittere velit (§. 393.); si quis unam eandemque rem pluribus conjunctim uno actu promittit, in ipsius arbitrio.

arbitrio positum est, num singulis in solidum teneri velit, an nolit, consequenter dum promittit, quid velit, sufficienter indicare debet (§. 318.): si neutrum sufficienter indicet, libertati suæ hoc relictum esse voluit (§. 78.). Enimvero si, qui rem unam pluribus conjunctim promittit, singulis in solidum tenetur, cum res non nisi semel debeat; si uni *(L. 2. de dudijs)* dedit, ceteris ad nihil tenetur: quoniam tamen omnibus conjunctim debetur; qui totam accepit, ceteris pro rata tenetur. Et quia uni totam dare tenetur; quilibet eorum, quibus ea conjunctim promissa est, ceteris insciis, immo invitis exigere potest.

§. 424.

Si duo, vel plures simul eandem rem promittant uni, vel pluribus conjunctim, ita ut singuli teneri velint in solidum, dicuntur *Correi promittendi*; & quatenus eandem rem uni, vel pluribus in solidum debent, *Correi debendi*. Similiter si pluribus conjunctim promittitur res eadem, ita ut singulis in solidum teneatur promissor, qui ita sibi promitti stipulati sunt, *Correi stipulandi*; aut ubi hoc modo pluribus conjunctim

De duobus vel pluribus reis.

L. 3. §. 1. cod.

junctim ultro eadem res promissa, vel ex alia causa iisdem debetur, hi *Correi credendi* appellantur. Cum res promissa non nisi semel debeatur; si *correorum debendi unus promissionem adimplet, vel debitum solvit, ceteros correos ab obligatione liberat.* Idem intelligitur de reo promittendi, vel debendi, si *correorum stipulandi unus accipit, quod promissum, ob rationem eandem.* Immo quia singuli correi rem non nisi semel dandam totam dare tenentur (§. 422.); a *correorum quocunque, prouti visum fuerit, rem totam exigere potes, quo facto ceteri liberantur, prouti jam vidimus.* Cum vero omnes conjunctim debeant rem semel dandam; si *totam ab uno consequi non potes, partem residuam ab altero exigere licet,* quippe qui non ante liberatur, quam re tota data, (*per demonstrata*).

§. 425.

Num acceptatio innotescere debeat promissori, ut promissio sit valida.

Promissor promittere potest, quacunque lege voluerit (§. 393.), nec ultra voluntatem ipsius jus aliquod acquiri potest a promissario (§. 317.). Quare *si promittens absenti velit, ut valeat promissio, si accptetur; statim valet, quam pri-*

obligandi, seu prom. & pactis in gen. 225

primum acceptata fuit, quamvis acceptatio nondum innotuerit promissori: quod si vero nolit promissionem valere, nisi quando acceptatam intellexerit, non ante valet, quam acceptatio ipsi innotuerit. Quamobrem si moriatur promissor, antequam acceptatio ipsi innotuerit; in casu priori valet promissio, in casu posteriori non valet. Ob rationem eandem acceptatio fieri potest post mortem promissoris, si is velit, ut promissio etiam post mortem acceptari possit, vel etiam quod datur (§. 314.). Quæritur vero, quid in casu dubio sit præsumendum, quando scilicet voluntatem suam non satis declaravit promissor. Cum acceptatione promissio fiat valida (§. 381.), nulla sane ratio est, cur eam valere demum velit, ubi acceptationem intellexerit, quando eandem facile præsumit: adest vero ratio, cur velis, quando de acceptatione non sine ratione dubitat. Quamobrem si promissor acceptationem præsumit, velle intelligitur, ut valeat promissio, quando acceptata fuerit: in casu opposito autem, si acceptatam intellexerit. Quamobrem promissio priori modo intelligitur, quæ mere liberalis est: poste-
(*Wolfii Instit. J. N. & G.*) P *priori*

riori autem modo, quæ onerosa est. Dicitur autem promissio mere liberalis, si promissarius nihil vicissim præstare debet; onerosa vero in casu opposito.

§. 426.

De ministro promittendi & acceptandi.

Minister dicitur is, per quem voluntatem nostram alteri significamus. Unde *Minister promittendi* vocatur, per quem alteri quid promittimus, vel promissionem a nobis factam significamus; & in genere *Minister obligationis contrahendæ*, per quem obligationem contrahi volumus sive ex parte nostri, sive ex parte alterius, aut obligatio contrahenda significatur; ac denique *Minister acceptandi*, quem nostro nomine acceptare volumus, aut qui acceptationem factam a nobis significat. Quoniam minister non suo nomine, nec suo jure agit, sed ejus, a quo minister electus est; in voluntate quoque ejus, qui ministerio ipsius utitur, positum est, quantum juris in ministrum conferre velit (§. 314.).

§. 427.

De revocatione promissi.

Quoniam absque acceptatione promissio non est valida (§. 381.); *quandiu*

obligandi, seu prom. & pactis in gen. 227

diu acceptata non fuit; revocari pot. l. 55 de O. & A. est. Dicitur autem *promissio revocari*, si promissor declarat, se ex promisso teneri nolle. Unde patet, ante *acceptationem pœnitere licere*. Liqueat porro, *promissionem revocari posse, antequam epistola, in qua ea fit, ad promissarium lata fuerit*. Immo si *promissio ea animo facta, ut non valeat, nisi quando acceptata intellexeris* (§. 425.); *revocari poterit, quamdiu acceptatio non innotuerit*.

§. 428.

Cum tabellarii opera non alio fine utatur promissor, quam ut epistola ad promissarium perferatur, ac ideo perinde sit, siue tabellarius ipse, siue alius eandem perferat; si tabellario mortuo epistolam, in qua fit promissio, alius perfert, valide acceptatur: revocari tamen potest, quamdiu epistola ab alio non fuerit promissario reddita. Jus hoc revocandi cum promissori auferretur, quod tamen fieri nequit (§. 74.), si acceptatio valeret, epistola, qua voluntatem suam promissario declarare voluit promissor, nondum perlata, sed argumento eius ex relatione alterius cognito; epi-

De tabellario epistolam perferente, in qua promissitur.

stola nondum perlata acceptatio fieri nequit, argumento ejus ex relatione alterius cognito. Quamobrem si epistola intercidat, promissio nulla est, consequenter si promissor in animo promittendi perseveret, renovanda alio quocunque, quo placuerit, modo.

§. 429.

De ministro promissionem significante.

Minister, qui promissionem significare debet, fungitur vice epistolæ. Quod si ergo is moritur, antequam promissionem significare potuerit, ea nulla est: & cum revocari possit promissio, antequam epistola reddita fuerit, consequenter acceptatio fieri nequeat, etiam si facta revocatione reddatur; inscio quoque ministro promissio revocari potest (§. 428.).

§. 430.

De ministro alterius nomine promittente.

Enimvero si minister tuo nomine promittere debeat, cum tamdiu jure tuo, quod in ipsum contulisti, promittat, quamdiu a te revocatum non fuerit; promissio ipso inscio revocari nequit, consequenter valida etiam post revocationem facta, antequam hæc ipso innoverit. Ceterum cum tuo nomine promittere non possit, si moriatur; ipso mor-

C. 26. §. 1. man-
dati.

mortuo promissio nulla. Et quoniam tamdiu per alium facere potes, quamdiu quid ipse facere potes; *si moriaris, antequam tuo nomine minister promiserit, promissio ab eo post mortem tuam facta nulla est, utpote nullo jure facta.*

§. 431.

Quoniam acceptatio post mortem promissoris fieri nequit, nisi is expresse voluerit, ut post mortem promissum acceptari possit (§. 425. 318.); *si promissor moriatur, antequam epistola ad eum perlata fuerit, vel minister eam significaverit, promissio acceptari, consequenter valida fieri nequit (§. 381.).*

De morte promissoris, antequam promissio significata.

§. 432.

Quia perinde est, siue quid per te, siue per alium facias; *acceptatio per ministerium fieri potest, cumque perinde sit, quomodo animum acceptandi alteri declares, eadem significari potest cum per epistolam, tum per ministerium.* Quoniam acceptatio præcedere potest (§. 319.); *si a me petieris, ut tibi quid promittam, promissio statim valida, consequenter*

De acceptatione in literis, vel per ministerium, qua promissio præcedit.

quenter subsistit, etiamsi literæ demum post mortem meam ad te perferuntur, utpote ante mortem perfecta. Enimvero cum acceptatio a te facta intelligi nequit, nisi facta promissione, hæc autem facta non intelligitur, nisi literis ad te perlatis; *quamdiu literæ ad te perlatæ non fuerint, promissio revocari potest.* Nimirum scripta epistola promissio revocabiliter facta, quæ morte promissoris efficitur irrevocabilis. Facile patet, eadem valere de ministro acceptandi, utpote qui fungitur vice epistolæ.

§. 433.

Promissio mihi de tibi præstando facta.

Si quis mihi promittit, se tibi quid præstiturum, & ego accepto, is in me transfert jus ipsum compellendi, ut præstet, si & tu acceptes (§. 361.). Quoniam vero sine acceptatione tua tibi jus nullum quæsitum (§. 381.), jus autem in me translatum mihi auferri nequit (§. 100.), idem tamen remittere possum (§. 342.); ante acceptationem tuam promissio revocari nequit, ego tamen eam remittere possum. Cumque velim, ut valeat promissio, quando tibi eam significo; tacite saltem tibi promitto, ut, si acce-

acceptes, ego efficere velim, ut promissio adimpleatur, consequenter *acceptatione tua tibi obligor ad efficiendum, ut promissio impleatur* (§. 380.), *aut jus meum promissorem compellendi, ut impleat, tibi cedendum* (§. 338. 342.).

§. 434.

Qui non electus est minister, ut acceptet, cum jus nomine alterius acceptandi non habeat, alterius quoque nomine acceptare nequit. *Quodsi ergo te praesente tertio absenti promitto, nec tu electus es minister acceptandi, acceptatio tua nulla est, nec ex promissione teneor alteri* (§. 381.). *Quodsi velim, ut tu ejus nomine acceptes; eo ipso declaro, me acceptationem tuam pro acceptatione alterius habiturum, si is velit, consequenter promissio a me revocari nequit.* Sed quoniam validitas promissionis non a tua, sed ejus voluntate dependet, in cujus personam collata; *tu medio tempore eam remittere non potes, jure nullo ex promisso tibi quaesito, quod remittere posses.*

De acceptatione pro tertio facta.

§. 435.

*Quando
onus in
commo-
dum ter-
tii adje-
ctum re-
vocabile.*

Si onus in commodum tertii adjicitur promissioni, cum jus nullum si tertio, antequam acceptaverit (§. 316.), & onus adjiciatur vel tanquam conditio, vel tanquam modus; quamdiu id a tertio acceptatum non fuit, in tua voluntate positum est, utrum id remittere velis, nec ne (§. 342.), promissione conditionata, vel modali in puram conversa (§. 393. 404), consequenter *ante acceptationem a tertio factam opus revocabile.*

§. 436.

*Si pro-
missione
invalida
stare ve-
lit pro-
missor.*

Si promissio fuerit invalida, eadem tamen stare velit promissor, cum a voluntate ipsius dependeat, utrum quid præstare alteri velit, nec ne (§. 314. 328.), vel etiam promittere (§. 385.); *vel præstare debet, quod promissum est, vel nova promissione opus est, quæ, quia nova est, alia quacunque lege fieri potest, quam anterior fuerat (§. 393.).*

*K. z. C. de his
qui vi et met
fraus
h. n. C. eod.*

§. 437.

*De con-
ventionione.*

Conventio est actus, quo duo vel plures idem decernunt, seu in idem agen-

agendum, aut non agendum consentiunt. Quamobrem cum nemo sese alteri perfecte obligare possit, nisi promittendo (§. 380.); *conventiones per se nullam producunt obligationem, seu non obligant, nisi quatenus promissionem continent.*

§. 438.

Conventio, qua duo vel plures *De pactis.* in eandem, vel easdem promissiones consentiunt, *Pactum*, sive *Pactio* appellatur. Quamobrem cum promissa sint servanda (§. 388.); *pacta quoque servanda sunt.* Quoniam itaque pacta omnem vim obligandi a promissione habent (§. 380.); *quæ de promissione demonstrata sunt, ad pacta etiam applicanda.*

§. 439.

Pactum expressum dicitur, quod perficitur consensu expresso; *tacitum* vero, quod tacito. Et *pactis expressis tacite insunt, quæ ex iis, quæ expresse dicuntur, per necessariam consequentiam fluunt* (§. 27.); *Conditio autem per se inesse dicitur pacto, vel promissioni, si sine ea præstatio ejus, quod promissum, concipi nequit, veluti si dico: dabo tibi*

*De pacto
expresso
& tacito.*

sumtus ad gradum doctoratus obtinendum, & quæ per se pacto vel promissioni inest conditio, pro expresse adjecta habenda.

§. 440.

De pacto
temporario
& æter-
no.

Pactum temporarium dicitur, cujus duratio ad certum tempus restringitur; *æternum* vero, cujus duratio perpetua esse debet, hoc est, quamdiu, existunt personæ, quæ ex eodem ius aliquod quæsitum habent. Quoniam *pacta temporaria non minus, quam æterna* ad personas paciscentium restringi repugnat; *utraq; non personalia, sed realia sunt* (§. 401.); *temporaria vero non amplius obligant, elapso tempore, ad quod restringitur eorum duratio* (§. 317.).

§. 441.

De reno-
vatione
pacti.

Pactum renovari dicitur, si paciscentes inter se conveniant, quod idem ultra terminum, qui ipsi præfixus fuerat, per certum temporis intervallum adhuc continuari debeat. *Quod si ergo pactum temporarium termino ad quem veniente non exspirare debeat* (§. 440.); *renovandum est*. Ast quia non idem pactum continuatur, si quoad præstationes quid immutetur, sed novum initur; *in reno-
vatione*

*vatione quoad præstationes nihil immu-
tandum.* Facile autem patet, a paciscen-
tium voluntate unice dependere, utrum
pactum renovare, an novum facere ve-
lint (§. 393.). Cum paciscentes in reno-
vatione in continuationem consentire
debeant (§. 437): tacite vero in eam
consentiat, qui quid ab altero contra-
hentium pacto temporario finito fieri
patitur, quod nonnisi vi ejusdem fieri
potuerit (§. 27.); pactum tacite renova-
tur, si quid ab uno contrahentium pacto
finito fiat, quod nonnisi vi ejusdem fieri
poterat, altero conscio, nec contradicente,
vel si id approbet, veluti accipiendo, quod
nonnisi ex pacto dari poterat. Quoniam
vero in tacita renovatione non exprimi-
tur tempus, ad quod pactum continua-
ri debeat; ad tantum tempus renova-
tum intelligitur, ad quantum duratio in
pacto fuerat expressa. Enimvero si ini-
tio statim conveniatur, pactum ultra
suum terminum continuari debere, nisi
statuto tempore significetur ab alterutra
parte, quod eodem non amplius teneri
velit; pactum vigore primæ conventionis
subsistit, donec dissolvatur (§. 438.), con-
sequenter non renovatur (vi §. præf.).

§. 442.

*Quando
a pacto
discede-
re liceat.*

*A pacto discedere dicitur, qui præsta-
re id non vult, ad quod præstandum
ex pacto obligatur. Quamobrem cum
præstationes sint mutuae, si quid unus al-
teri præstet, ac ideo vicissim alter ipsi
quid præstare debeat, consequenter
præstationum mutuarum una supponat
alteram tanquam conditionem potestati-
vam (§. 315.); si unus paciscentium præ-
stare nolit, quod debet, seu a pacto disce-
dit, cum ne tu obligeris ad præstandum,
quod debes (§. 396.), tibi ab eodem quo-
que discedere licet. Quoniam tamen al-
ter obligatur ad pactum servandum
(§. 438.), & inde tibi jus est ad servan-
dum alterum adigendi, si nolit (§. 379.),
tibi invito non auferendum (§. 100.); si
discedere nolis, tibi adhuc integrum est
eum vi adigere ad præstandum id, quod
ex pacto debitum. Ast quia discedendi
jus habes, (per demonstrata); si discedis,
quia alter discescit prior, fidem non fallis
(§. 389.). Et cum jam in arbitrio tuo
positum sit, utrum pactum continuare
velis, nec ne; si qui prior discescit, pœni-
tentia ductus id continuare velit, tu id
acceptare non teneris. Quoniam vero
ratio,*

ratio, cur a pacto discedere licet, cessat, si quis fidem prior fefellit in pacto alio; non licet tibi propterea discedere ab alio.

§. 443.

Quod si alter a pacto discedit, ubi eidem jam aliquid præstiti, cum dolo mihi daretur damnum, si ejus jacturam facere tenerer (§. 17. 269.); a pacto etiam discedenti quod datum, aut æstimatio ejus restitui debet (§. 270.). Ex adverso autem, si quid alter jam præstitit mihi, dum a pacto discedit, cum damnum incurrat sua culpa, nec ego ipsi me obligaverim ad quid præstandum, nisi totum, quod promisit, præstetur; ego ipsi nihil restituere teneor: pœnam dat perfidiæ suæ (§. 390.).

Quod si vero ego totum præstiti, quod ex pacto præstare tenebar, cum ex parte mea pactum sit adimplerum, nec mihi amplius ab eo discedere detur (§. 442.); ad pactum quoque implendum alterum ut compellam, necesse est, nisi remittendo jus meum (§. 337. 342.), contentus esse velim, ut, quod præstitum, restituatur. Denique si paria utrinque fuerint præstita, cum dici nequeat alter cum damno tuo a pacto recedere, ut aliquid tibi restituen-

Si, dum a pacto disceditur, ex eo jam aliquid fuerit præstitum.

stituentum sit (§. 270.); *tibi quoque discedenti ad nihil tenetur.*

§. 444.

De dissolutione
pacti.

Pactum dissolvi dicitur, si contrahentes ab obligatione, qua sibi invicem tenentur ex pacto, liberantur. Quod si ergo dissolvatur, antequam ex ea quicquam fuerit præstitum, perinde est, ac si nunquam fuisset factum. Quoniam quilibet jus suum remittere (§. 342.), consequenter alterum ab obligatione sua liberare potest (§. 337.); mutuo dissensu pacta dissolvi possunt. Et quia pactum pristinum subsistere nequit, si novum contrarium fiat; pacto novo contrario pristinum dissolvitur, mutuus nimirum dissensus, quo pristinum dissolvitur, inest consensui mutuo, quo novum perficitur (§. 438.), per se.

§. 445.

De pacto
in scripturam
redigendo.

Cum pacta perficiantur mutuo consensu (§. 438.); quamprimum utraque pars consensum suum declaravit, pactum validum est, consequenter naturaliter valet, antequam in scripturam redigatur. Nimirum in scripturam redigitur pactum non validitatis, sed probationis

cau-

obligandi, seu prom. & pactis in gen. 239

causa, ejus nimirum, quod in eodem promissum est, seu de quo conventum est. Quoniam vero a voluntate paciscentium dependet, quandonam consensus ipsorum immotus intelligi debeat; inter eos *conveniri potest, ne valeat pactum, antequam fuerit in scripturam relatum & subscriptum, aut etiam sigillo munitum.* *L. 17. C. de fide instrumentor.*

§. 446.

Quoniam per juramentum te tantummodo obligas ad dicendum verum *De pacto jurato.*

(§. 368.); jurato promittens tantummodo probas, te habere *animum præstandi id, quod promittis, & in eo animo te perseveraturum*, consequenter juramentum non novam producit obligationem aliquid *præstandi*, ac propterea si ad actum non obligatorium accedit, eundem in obligatorium *vertere nequit.*

Quatenus tamen eodem fidem tuam fortius adstringis (§. 389. 368.); turpius habetur fidem *juratam fallere, quam non juratam.*

§. 447.

Quoniam ex pacto acquiritur jus vi adigendi eum, qui servare non vult, ut præstet id, de quo conventum fuit *De jure belli ex pacto enato.*

(§. 438.)

(§. 438. 379.), violenta vero juris sui persecutio bellum est (§. 98.); *homini competit jus belli adversus eum, qui pactum servare non vult.* Quodsi pactum quis violat, consequenter contrarium ejus facit, quod in pacto conventum; jus alterius perfectum ad id ex eodem acquisitum violat (§. 97.), ac propterea eidem injuriam facit (§. 87.). Quoniam itaque injuria facta justa causa belli est (§. 98.); *pactorum violatio justa belli causa est.*

CAPUT VIII.

DE

USUCAPIONE ET PRÆSCRIPTIONE.

§. 448.

*Inst. lib. II.
cap. II. Quando
res alie-
na fiat
possesso-
ris.*

Qui rem alienam possidet, eam occupavit (§. 200. 210.). Quamobrem si dominus eam derelinquit, ea statim fit possessoris (§. 219.), consequenter a domino vetere, qui dominus esse desuit (§. 203.), *adversus possessorem vindicari amplius nequit* (§. 262.). Patet itaque, in eo casu dominium non acquiri per possessionem, sed modo originario, scilicet occupatione (§. 210.).

§. 449.

§. 449.

Cum negotia humana exitum habere debeant, & intersit generis humani, ut jura acquisita & obligationes contractæ sint certa; *quod in casu dubio, quando certitudo haberi nequit, præsumitur, id in negotiis humanis contra eum pro vero habetur, contra quem fit præsumtio.* Sane quando pro vero habetur, quod quis sufficienter indicat (§. 318.), etsi fieri possit eum mentiri (§. 351.), nonne præsumitur, eum verum dicere? Immo si jurato creditur, etsi fieri possit, eum pejerare (§. 371.), nonne præsumitur, eum non pejerasse? *In promissionibus itaque, consequenter in pactis (§. 438.) præsumitur veritas dictorum, sine qua nil valide promitti poterat.*

Præsumtionis in negotiis humanis necessitas.

L. 33. §. 2. de legatis 3.

§. 450.

Inde vero jam sequitur, *ut, si constare certo nequit, quando intererat ut constaret, num dominus rem suam dereliquerit, derelictio tamen præsumitur, quod eam dereliquerit, pro vero habendum sit (§. 449.), & per consequens res fiat possessoris (§. 448), nimirum non quia possidet, sed quia res possessa* (Wolfii Instit. §. N. & G.) Q pro

Dominii acquisitione ex derelictione præsumta.

L. 98. de acquir. l. omitt. hered.

pro re nullius habetur (§. 203.) & ab ipso occupata (§. 448.).

§. 451.

Usucapio quid sit & quanam usucapi possint.

Acquisitio domini ex derelictione præsumra dicitur *Usucapio*. Quando vero in jure civili res usucapi dicitur per continuationem possessionis temporis lege definiti: lege civili nonnisi determinatur modus derelictionem præsumendi, qui mere civilis est. Sane cum nemo indubium revocare possit sola possessione dominium non acquiri (§. 200.), nec tempori esse vim possessionem validam efficiendi ad dominium acquirendum; *possessio quancumque tempore continuata non est modus naturalis acquirendi dominium*. Ceterum cum etiam res incorporales dominio subjici possint (§. 206.); *non minus res incorporales, consequenter etiam jus ad rem (§. 121. 335.), quam corporales usucapi possunt*.

§. 452.

*De præscriptio-
ne.*

Præscriptio est amissio juris proprii ex consensu præsumto. Quoniam itaque, qui rem dereliquisse præsumitur, dominium (§. 203.) & per consequens
jus

jus vindicandi amisisse præsumendus (§. 262.); si usucapitur, dominium & jus vindicandi præscribitur ei, qui fuerat dominus. Equidem hodie præscriptio & usucapio promiscue usurpantur: consultius tamen est, ut a se invicem distinguantur in jure naturæ, præsertim cum distinctio etiam faciât ad intimius perspiciendum Jus Romanum. Ceterum *præscriptionem esse juris naturalis*, per rationem eandem patet, ob quam usucapionem huic juri vindicavimus (§. 449. & seqq.). Nec minus manifestum est, qui alteri præscribit jus ad id, ad quod præstandum ipsi obligatus erat, eum ab obligatione sua liberari.

§. 453.

Notandum vero hic est, cum præsumptio denotet collectionem probabilem rei dubiæ in casu singulari (§. 27.), ac ideo, quod præsumitur, falsum esse possit; id pro vero tantum haberi, donec contrarium fuerit probatum. Et quia nemo non probabilius agnoscit, id futurum, quod plerumque fit, quam quod rarius, nisi rationes peculiare in contrarium prostant; ideo quod plerumque fit,

De præsumptione.

L. 53. §. 2. de l. 3. §. 3.

L. 9. de probat.

fit, id præsumitur, non vero quod rarius, ubi nullæ peculiare rationes prostant. Dividitur autem præsumptio in absolutam & conditionalem. *Præsumptio absoluta* est, qua, quod præsumitur, id pro vero haberi lex jubet; *ast conditionalis*, qua, quod præsumitur, tamdiu pro vero habendum, donec contrarium probetur. Præsumptio absoluta coincidit cum ea, quæ ab interpretibus Juris civilis *Præsumptio juris & de jure vocatur*; conditionalis vero cum ea, quæ ab iisdem *Præsumptio juris appellatur*. Addunt equidem illi tertiam speciem, quam *præsumptionem hominis* vocant, quæ fit ab homine, veluti a judice, ubi lex tale quid præsumi non statuit. Cum in *Jure naturæ* probentur præsumptiones omnes rationi consentaneæ; *præsumptio juris & præsumptio hominis differunt*. In eodem autem jure fundata est differentia inter præsumptionem juris & juris & de jure, nimirum ut aliquid, quod præsumitur, vel tamdiu pro vero habeatur, donec contrarium probeatur, vel ut absolute pro vero habeatur, qualis est quæsumptio veritatis dictorum ab eo,

eo, qui ad dicendum verum obligatur, in promissis (§. 449.).

§. 454.

Titulus justus est, qui infert nudam possibilitatem juris acquisiti, veluti domini, non vero ipsam actualem acquisitionem, ut si quis rem emit, cum etiam a non-domino emere potuerit. Unde *Titulum justum habere* dicitur possessor, qui possessionem acquisivit istiusmodi facto, quo dominium a domino transferri posse lex declarat. Factum hoc si fuerit verum, *Titulus verus* dicitur; si putas esse verum, cum non sit, veluti si putas, rem tibi donatam esse, quæ non est, *Titulus putativus*; si vero factum quidem fuerit verum, in eo autem erres, quod tali facto ius tale acquiri possit, veluti rei amissæ inventionem dominium, *Titulus falsus*. Hinc apparet, *titulum justum esse speciem quandam tituli inter verum & falsum intermediam*. Habet nimirum aliquam tituli veri partem, quatenus factum quidem verum est, veluti quod rem emeris: nondum tamen constat, an reliqua adsint requisita ad dominium transferendum, veluti quod emeris a domino.

Q 3

Cete-

Ceterum titulus quoque dividitur *in lucrativum & onerosum* quatenus lex, quæ declarat te facto tuo acquirere aliquod jus, ad nihil vicissim te obligat, vel ad quid vicissim præstandum.

§. 455.

*Quomodo posses-
sio b. f. acquiratur.*

*L. c. de
probationi-
bus*

Cum, quod ordinarium est, præsumatur (§. 453.); *quilibet possessor præsumitur dominus rei, nisi prostent rationes probabiles in contrarium, tantoque magis, si constet, eum justum titulum habere (§. 454.).* Hinc porro liquet, *qui rem a domino præsumto, consequenter a possessore quocunque, cujus dominium cur sit suspectum, nullæ rationes probabiles prostant, justo titulo accepit, eum bona fide possidere (§. 201.).*

§. 456.

*De possessione
justa &
injusta.*

Dicitur autem *Possessio justa*, quæ & titulo justo, & bona fide constat; si alterutrum deficit, *injusta*. Exemplum in casu posteriori est, si nosti, te rem emissee a non-domino, vel si putas, rem amissam, quam invenisti, esse tuam.

§. 457.

*De certitudine
dominiorum pro-*

Quoniam damnum omne cum a nobis, tum ab aliis avertere debemus (§. 269.); *nemo negligens, consequenter*

ter quilibet diligens esse debet (§. 21.) in ^{movenda.} inquirendo in res suas, quæ forsan in al-
 terius potestatem venerunt, nec non in
 jura sibi competentia, sibi que cavere, ne
 inter res, quas possidet, reperiantur, quæ
 sunt alterius, consequenter operam da-
 re, ut dominium earum rerum, quas pos-
 sidet, sibi sit certum, & ne dominia alio-
 rum maneant in incerto. Quamobrem
 lex naturæ hominibus quoque jus dat
 ad ea, sine quibus dominiorum certitu-
 do obtineri nequit (§. 46.). Inde autem
 simul intelligitur, si quis novit rem
 suam ab alio possideri, nec eam derelin-
 quere vult, eum tacere non debere.

§. 458.

Quoniam, qui scit rem esse suam, ea ^{Dereli-}
 tamen facit, quæ facere non poterat, si ^{ctionis}
 eam suam esse vellet, veluti si cum pos- ^{ex facto}
 sessore de eadem contrahit tanquam de ^{positivo}
 re aliena, cum ex hoc facto colligatur, ^{præsum-}
 quod eam suam esse nolit, seu tuam es- ^{ptio.}
 se velit; eam dereliquisse præsumitur
 (§. 27. 203.).

§. 459.

Si quis tacet, quando loqui poterat ^{De con-}
 & debebat, cum non alio fine hoc facere ^{sensu ex}
 videatur, quam quod idem velit, quod ^{silentio}
 vult. ^{ptæsum-}
 to.

vult alter, vel ceteri volunt, quianimi
 sui sententiam sufficienter significant;
~~l. 95. de acquir. vel
 emat. heredit.~~ *is consentire præsumitur* (§. 27.). At-
 que ideo patet, *silentium*, ex quo præ-
sumitur consensus, esse debere scientis
ac volentis.

§. 460.

*Præ-
 sumtio
 dereli-
 ctionis
 rei ex si-
 lentio.*

Quamobrem cum tacere non debeat,
 qui novit, rem suam ab alio posside-
 ri, nec eam derelinquere vult (§. 457);
 qui scit rem suam ab alio possideri, nec
~~l. 7. §. 1. de Vpon. sol.
 qui tacet, consentit.~~ *multo tempore contradicit, cum ratio*
nulla manifesta appareat, cur silentium,
~~l. 147. de Reg. Jur.~~ *is eam dereliquisse præsumitur* (§. 459.).

§. 461.

*Idem ul-
 terius
 expendi-
 tur.*

Quoniam vero in inquirendo in res
 suas, quæ forsan in alterius potestatem
 venerunt, quilibet diligens esse debet
 (§. 457.), & homines rerum suarum
 amantes esse constat; *si quis multo tem-
 pore rem alienam possidet, dominus nos-
 se præsumitur, quod eam possideat, nisi
 manifestæ rationes in contrarium pro-
 stent, vel, si res mobiles fuerit, despera-
 re quod ad notitiam suam sit perventu-
 rum, quinam possideat, consequenter
 ex silentio diuturno rei derelictio præ-
 sumi-*

sumitur, nisi manifestæ prostant in contrarium rationes (§. 460.).

§. 462.

Cum dominia rerum semper manerent in incerto, nisi præsumptio ista admittatur, quod per anteriora satis manifestum est; *præsumptio derelictionis rei adversus negligentem in inquirendo in res suas absoluta est, seu juris & de jure (§. 453.).*

Qualis ista præsumptio sit.

§. 463.

Hinc porro conficitur, *usucapionem & præscriptionem esse juris naturalis (§. 451. 452.).* Juris nimirum civilis est, quod præsumptio derelictionis restringatur ad certum tempus.

Usucapio & præscriptio cujusnam juris.

§. 464.

Quoniam vero, qui mala fide possidet, rem domino restituere tenetur (§. 201. 261.), consequenter restitutus scire potest, utrum dominus eam suam esse velit, an nolit cum derelictionis præsumptioni locus non sit (§. 203. 27.); *mala fides usucapioni & præscriptione semper obstat, consequenter ad usucapionem & præscriptionem toto tempore possessionis bona fides requiritur.*

De bona fide ad præscriptionem requisita.

cap. fin. x. de præscript.

CAPUT IX.

DE

ACTIBUS MERE BENEFICIS IN
PRÆSENS ABSOLUTIS.

§. 465.

De actu
simplici
& com-
posito.

Omnes actus aliis utiles vel in dando, vel in faciendo consistunt, quod per se patet. Dicuntur autem *Actus isti simplices*, qui resolvi nequeunt in plures, quorum unus absque altero, vel ceteris esse potest: *act compositi*, qui in plures resolvi possunt, quorum unusquisque per se subsistere potest.

Grosius
Lib. II. c. 27.1. 28 de contrah.
ent. vend.

§. 466.

Actus be-
neficus
quinam
& quo-
tuplex.

Vocatur autem *Actus beneficus*, ex quo unus tantummodo utilitatem percipit, alter vero nihil vicissim accipit; isque *mere beneficus*, cui nulla adhæret obligatio perfecta; *obligatorius* autem, cui obligatio perfecta adhæret.

§. 467.

Actus
permu-
tatorii
quinam
& quo-
tuplices.

Actus permutatorius dicitur, quo utraque pars ad aliquid dandum, vel faciendum adstringitur. *In actibus itaque permutatoriis res & facta invicem permutantur*, nimirum res cum rebus, res cum factis & facta cum factis. Est autem

tem

tem *actus* permutatorius vel *diremtorius*, qui separatam utriusque partis utilitatem respicit, peculiaribus præstationibus obtinendam; *quo adeo adimpleto nihil negotii inter contrabentes amplius reliquum est*; vel *communicatorius*, in quo per præstationes communes intenditur communis quædam utilitas.

§. 468.

Cum in actibus permutatoriis, consequenter etiam in diremtoriis permuetur vel res cum re, vel res cum facto, vel factum cum facto, & in hisce spectetur separatim utriusque partis utilitas (§. 467.); *in actibus diremtoriis vel do ut des, vel do ut facias, vel facio ut facias*. Nimirum facio ut des per se nullam facit differentiam ab actu do ut facias. Quoniam vero dari possunt tam res incorporales, quam corporales; usus quoque tam nudus, quam cum fructu conjunctus dari potest; cumque pecunia fungatur vice omnium rerum, vi suo loco demonstrandorum, pecunia quoque.

§. 469.

Quoniam *facta & res inter se communicare*

*Differentia
actuum
diremtoriorum.*

Differentia

*actuum commu-
nicato-
riorum.* *nicare* dicuntur, qui eadem conferunt
ad communem quandam utilitatem;
L. § § §. *in actibus communicatoriis vel facta,*
pro socio *vel res sive pecunia, vel inde res sive pe-*
cunia, inde facta communicantur.

§. 470.

*Benefi-
cium,
Benefa-
ctor &
Benefi-
ciarius.* Actus mere beneficus, qui in præ-
sens absolvitur, seu quo statim do al-
teri, vel facio, dicitur *Beneficium*: at
qui in futurum prominet, seu quo me
ad dandum vel faciendum alteri obli-
go, promissio liberalis est (§. 425.),
seu beneficii promissio. Quamobrem
cum *gratis dare vel facere* dicatur, qui
pro eo, quod dat, vel facit nihil vicis-
sim recipit: *beneficia dantur gratis*: &
quia *gratuitum* dicitur quod gratis præ-
statur; *actus mere beneficii gratuiti sunt*.
Qui beneficium dat, *Benefactor*; qui
accipit, *Beneficiarius* appellatur.

§. 471.

*Benefi-
ciorum
materia.* Actus nostri non intelliguntur aliis
utiles, nisi quatenus ad bonum quod-
dam animi, vel corporis, aut fortunæ
qui conferunt, aut malum quoddam
animi, vel corporis, aut fortunæ aver-
tunt, vel auferunt. Quamobrem *actus*
omnis,

omnis, quo ad bonum quoddam animi, vel corporis, aut fortunæ alterius gratis quid conferimus, aut malum quoddam avertimus, vel depellimus, beneficium est (§. 470.).

§. 472.

Quoniam homo quilibet alium quemcunque ope ipsius indigentem juvare debet, ut consequatur animi, corporis ac fortunæ bona, quantum in potestate sua est, & cavere ne alii in mala ipsis opposita incidant (§. 134.); homines ad beneficia mutua sibi invicem naturaliter obligantur, quantum in potestate est, & beneficium merentur, qui eodem indigent, aut ipsi acquirere, aut facere nequeunt, quæ dat, aut facit benefactor (§. 471.).

Qui beneficia dare debeat, quinam mereatur.

§. 473.

Cum introductis dominiis homines sibi invicem obligentur ad dandum, vel faciendum, prouti unusquisque re vel opera alterius indiget (§. 329.), consequenter quantum ego tibi obligor, tantum quoque tu mihi obligeris; nemo alteri gratis dare, vel facere tenetur, si is vicissim dare, vel facere possit. Et quia a domini voluntate dependet, num & quo-

Quando beneficia non danda.

quomodo dare (§. 314), vel facere velit (§. 225.); *a voluntate benefactoris dependet, num beneficium dare velit (§. 470.), nec ad dandum beneficium quis compelli potest.* Quodsi gratis non des, vel facias, dandum est ut det alter, dandum ut faciat, vel faciendum ut faciat. Atque hinc patet, *actus permutatorios diremtorios naturaliter licitos esse (§. 467. 468.).* Quodsi vero nil gratis dandum, *in actibus permutatoriis diremtoriis quantum unus præstat alteri, tantundem hic vicissim ipsi præstare tenetur.*

§. 474.

De animo grato
& in-
gratitudine.

Quoniam homines ad mutua beneficia sibi invicem obligantur (§. 472.), & beneficium ab altero acceptum motivum est eidem vicissim benefaciendi (§. 73.); *beneficiarius obligatur ad benefaciendum benefactori, quia benefecit, natura (§. 35.), consequenter si actu non possit, saltem habere debet animum benefaciendi (§. 37.).* Quamobrem cum beneficium reddere dicatur, qui alteri beneficium præstat, quia accepit; *gratus vero animus, qui ad beneficium reddendum dispositus est; beneficiarius gratum erga benefactorem animum habere debet,*

&

& quoniam *gratias agere* dicitur, qui gratum animum verbis, vel factis testatur, *gratias eidem agere*. Enimvero cum *ingratus* sit, qui animum gratum non habet, consequenter nec verbis, multo minus factis eundem declarat, immo contrarium prorsus facit; *ingratitude lege naturali prohibita* (§. 51.).

§. 475.

Datio gratuita *Donatio* appellatur; quod vero gratis datur, *Donum*, sive *munus*. Qui donum dat, *Donans*, vel *Donator*, qui accipit, *Donatarius* appellatur. Cum in donatione transferatur dominium ejus, quod datur (§. 258.); *ad donationem requiritur acceptatio* (§. 316.), & a donatoris voluntate dependet, num & quomodo, aut qua lege donare velit (§. 314.), neque adeo donatio habere debet causam expressam (§. 78.). Patet vero, quæ de datione demonstrata sunt, ea quoque ad donationem applicanda esse, consequenter etiam quæ de promissione demonstrata.

§. 476.

Cum donatio beneficium sit (§. 470. De gratitudine donatarii.); *donatarius ad gratias agendum* *Dona-*

Donatori & ad gratum animum obligatur (§. 474.): quoniam tamen id saltem officii est, cum ad idem donator sibi non obligaverit perfecte donatarium (§. 380.); donatio quoque naturaliter ob ingratitudinem revocari nequit.

*l. fin. C. de
revoc. donat.*

§. 477.

*De jure
donandi
interuo.*

Quoniam dominus re sua aliter uti non debet, quam officia exigunt (§. 202.); eum quoque donator facere debet juris donandi usum, quem officia exigunt; id quod tamen in validitate donationis non attendendum (§. 475.).

§. 478.

*De pa-
ctis do-
nationi
adjectis.*

l. g. C. de donat.

Cum donator lege quacunque donare possit, prouti scilicet ipsi visum fuerit (§. 475.); donationi quoque pactum quodcunque licitum adicere potest, veluti pactum non alienandi rem dono datam, pactum de revocanda donatione, item de jure ad præstationem quandam donatarium, vel ejus successorem compellendi. Atque hæc pacta donationi adjecta a donatario servanda (§. 438.). Ceterum hinc liquet, donationem quoque fieri posse ea lege, ut donator sibi reservet usufructum, consequen-

quenter, tum rem donatam manere debere in potestate donatoris (§. 200.)

§. 479.

Si donator donat ideo, quia moriturus est, consequenter vel cum expressa vel cum tacita reservatione donationem ante mortem revocandi, siquidem visum fuerit, *Donatio mortis causa* dicitur. Cum nos aliquando morituros certum sit, etsi incerta sit dies mortis; *mortis causa donare potest non modo qui infirma utitur valetudine, aut is, cui periculum mortis imminere videtur, verum etiam qui integra adhuc valetudine utitur.* Patet autem, donationem *mortis causa* morte demum fieri irrevocabilem, & si quid *mortis causa* donatum a donatore alienetur, donationem ipso facto revocari.

De donatione mortis causa.

§. 480.

Opponitur donationi *mortis causa* *Donatio inter vivos*; quæ etiam simpliciter *Donatio* dicitur, quia irrevocabiler donatur.

Donatio inter vivos.

§. 481.

Cum donatio inter vivos statim sit valida (§. 480.), donatio autem mortis causa (Wolffii Instit. J. N. & G.) R

De donatio mortis causa præmorte.

tis causa ante mortem donatoris revocabilis non subsistat, antequam mortuus fuerit donator, nec ab eo revocata (§. 479.); si donatarius præmoriatur, donatio mortis causa non subsistit, subsistit tamen donatio inter vivos, etsi res nondum tradita fuerit.

§. 482.

De do-
natione
remune-
ratoria.

*l. necesse-
riam
l. voluntaria*

Donatio remuneratoria dicitur, quæ fit ob bene merita a donatario in donantem profecta, vel beneficia ab eo in hunc collata. Dicitur autem *bene mereri* de aliquo, qui operam dat, ut ei quocunque modo profit, vel agit, quod ad utilitatem vel jucunditatem facit. *Ad donationes remuneratorias, si in potestate sint, naturaliter obligamur*, cum eadem grato animo fiant (§. 474.), præsertim si mortis causa fiunt (§. 479.), atque hæc non revocanda, nisi quando re donata indiges ad sublevandam vitæ tuæ ac tuorum necessitatem, utut in eo standum sit voluntate tua (§. 479.).

§. 483.

De do-
natione
recipro-
ca.

Donatio reciproca dicitur, quæ fit sub hac conditione, ut tu mihi vicissim rem aliam dones. *Æquipollet itaque dona-*

donationi sub onere factæ (§. 409.)
Cum vero donatio utraque sit datio gratuita (§. 475.); *in donatione reciproca nulla fit rerum æstimatio.*

§. 484.

Mortis causa capio dicitur acquisitio rei intuitu mortis alienæ, sed non ex bonis defuncti: sit ita quod *Julianus* JCtus l. 18. ff. de mort. c. donat. & cap. vocabulum in genere sumat, ut etiam comprehendat donationem mortis causa. Quamobrem *mortis causa capio est, si quid tibi dono intuitu mortis alterius*, veluti si tibi dono decem aureos, quod mihi nuncias mortem agnati mei, qui me hæredem instituit, vel inimici mei, qui nocere potuit: item *si tibi promitto rem quandam ex hæreditate acquisita*, cum, adita hæreditate, bona, quæ fuerunt defuncti, jam sine mea; *illius acquisitio mortis causa capio est.*

Mortis causa capio.

§. 485.

Sicuti in genere *superfluum* dicitur id, sine quo finis, cujus gratia est, obtineri potest; ita respectu rerum, quas habemus, *superfluum* vocatur, quod ultra eas res habemus, quæ ad vitæ necessi-

Superfluum quid sit.

cessitatem, utilitatem, jucunditatem & decorem sufficiunt.

§. 486.

De divi-
tiis.

Patrimonium, quod superfluum continet, *Divitiarum* fert nomen. Pro eo igitur, quod superfluum est in patrimonio, gradus divitiarum major, vel minor est, & divitiæ æstimandæ sunt ex qualitate & conditione personæ. Hinc *Dives* appellatur, cujus patrimonium superfluum continet; *Opulentus* vero, cui magnæ sunt divitiæ, seu qui omnium rerum affluentia abundat. *Dives* igitur plus habet, quam quæ ad vitam commode, jucunde ac decore transigendam sufficiunt (§. 485.). Pro patrimonio, quod ultra id non continet, quod vitæ necessitati, commoditati, jucunditati & decori sufficit, in egestate sermonis Latini de qua conquesti sunt *Lucretius* lib. 1. v. 31. & *Plinius* lib. 4. epist. 17. vocabulum commodum ad designandum medium statum inter divitias & paupertatem reperire non potui. Sermone patrio das *Auskommen* dicimus & quatenus diversi dantur gradus respectu commoditatis, jucunditatis et decori, inter *nöthiges* *Aus-*

Auskommen und gutes und reichliches
Auskommen distinguimus.

§. 487.

Ex adverso *Pauperem* vocamus, cui- De pau-
perate,
egestate
& men-
ditate.
jus patrimonium non nisi res necessarias
continet; *Egenum* vero, in cujus patri-
monio res etiam necessariæ deficiunt.
Quod si quis tanta rerum inopia labo-
ret, ut desint ea, quæ extrema vitæ
necessitas exigit, *Mendicus* est: quæ si
sit temporaria, veluti si quis ægrotet,
aut occasio labore suo aliquid acquiren-
di deficiat, *mendicitas temporaria* est.

§. 488.

Quod datur ad sublevandum ex De elee-
mosyna,
& cui-
nam ea-
danda.
tremam vitæ necessitatem, *Eleemosyna*
dicitur; & *mendicare*, qui eleemosy-
nam petit. *Danda* igitur *eleemosyna* ad
mendicitatem redactis (§. 487.). Et
quoniam alteri præstare non obliga-
mur ea, in quibus ope nostra non in-
diget (§. 44.); *mendicare non licet nisi*
iis, qui labore suo tantum acquirere mi-
nime possunt, quantum ad vitæ necessi-
tatem sufficit, sive defectu virium, sive
occasionis laborandi, atque his danda

eleemosyna. Ne vero deneges eleemosynam eadem indigenti; in casu dubio iudicium de mendicitate relinquendum est mendicanti.

§. 489.

Quantum
mendi-
care li-
ceat &
quomodo
eleemo-
synis
uten-
dum.

Quoniam eleemosynæ dantur ad sublevandam extremam vitæ necessitatem, nec eas petere licet, nisi hujus causa (§. 488.); non plus mendicare licet, quam quantum ad vitæ necessitatem sublevandam sufficit, & eleemosynis abutitur, qui eas impendit ad vitæ commoditatem, vel jucunditatem, Quoniam si quis mendico ultro plus dat, quam quantum ad vitæ necessitatem sublevandam sufficit, eidem quid donat (§. 475.), a donatoris autem voluntate dependet, num donare velit (§. cit.); quin mendico id accipere liceat, dubitandum non est. Et quia medicus dominium in eleemosyna habet (§. 258.); si eleemosynis abutitur, id ipsius conscientiae relinquendum (§. 202.).

§. 490.

De don-
is ele-
mosyna.

Cum introductione dominiorum nemini penitus auferri potuerit usus rerum necessarius (§. 304.); qui eleemosynam dare possunt, pro modo facultatum sua-

suarum dare obligantur. Quamobrem non modo divites ad dandam eleemosynam, & opulenti ad pluribus & largiorem dandam obligantur (§. 486.); verum etiam si pauperi non tanta sit penuria verum, quin etiam necessariis sine neglectu officii erga seipsum & suos detrudere quid possit, is ad dandum eleemosynam modicam obligatur; immo si mendicus plus mendicando acquisivit, quam quæ ad præsentem vitæ necessitatem sufficiunt, & videat alium iis carentem, eleemosynam quandam eidem dare decet. Et quoniam introductis dominiis, quæ gratis facis ad sublevandam extremam vitæ necessitatem aliorum, ea eleemosynis æquivalent (§. 327. 488.); pauperes etiam, egeni, immo mendici, quæ ad sublevandam vitæ necessitatem facere aliis possunt, gratis facere debent. Enimvero qui ipse non habet, nisi quod ad tollerandam vitæ necessitatem sufficit, ad dandam eleemosynam non obligatur (§. 133.). Et quia eleemosyna beneficium quoddam est (§. 470. 488.), ad beneficium vero dandum nemo compelli potest (§. 473.); ad eleemosynam quoque dandam mendicus neminem compellere potest,

R 4

potest, consequenter si petenti, immo precibus instanti denegetur, id ferendum, & ab aliis eleemosyna petenda.

§. 491.

De eleemosynis pro aliis colligendis.

Cum aliis, qui ope nostra indigent, opem ferre debeamus, quantum possumus (§. 44.), & lex naturæ nobis det jus ad eos actus, sine quibus obligationi nostræ satisfacere non possumus (§. 46.); *eleemosynam quoque petere licet ad sublevandam aliorum vitæ necessitatem extremam: quo tamen non obstante, qui eleemosynam pro aliis colligit, non liberatur ab obligatione dandi eleemosynam de propriis (§. 42.).*

§. 492.

De misericordia.

Miser dicitur, qui multa, vel magna experitur mala, præsertim corporis ac fortunæ. Egeni igitur & mendici miseri sunt (§. 487.). Misericors autem appellatur, cui alterius miseria motivum est eum a malis, quibus affligitur, gratis liberandi, aut saltem ea tollerabilia efficiendi, quantum in potestate est. Quamobrem cum cavere debeamus, ne alii incidant in mala animi, corporis ac fortunæ, quantum possumus (§. 134.), consequenter etiam curæ habere



bere, ut ab iis liberentur, aut ea saltem tollerabilia efficiantur; *miseriordes esse debemus.*

CAPUT X.

DE

PRETIO RERUM ET PECUNIA.

§. 493.

Si tibi do rem A & tu mihi tantundem dare debes, veluti B, necesse est ut quantitas ipsius B determinetur ex A, sine tertio homogeneo assumpto: quæ relatio ipsius A ad B a Mathematicis *Pretium rerum & operum quid sit & ejus necessitas.* Ratio dici solet. Quando igitur nil gratis dandum, vel faciendum est, necesse est, ut tant rerum corporalium & incorporalium, quam operarum ad se invicem & rerum ad operas definiatur ratio, qualem cum non habeant a natura, utpote heterogenea, quorum scilicet unum aliquoties sumtum alteri æquale fieri, aut id superare nequit, ea arbitrio hominum determinanda. Hoc igitur ut fieri possit, rebus attribuenda est aliqua quantitas, secundum quam una ad alteram comparari potest. Ficta hæc quantitas, quam Puffendorffius vocat *moralem*, in oppositione ad *physicam*, quæ rebus inest, vel operis inesse intelligitur, rebus

R 5

ac

ac operis arbitrio hominum tributa, ut earum ad se invicem ratio definiri possit, *Pretium rerum & operarum* dicitur, idque cum addito *vulgare*.

§. 494.

*Quid sit
pecunia
& ejus
usus.*

Enimvero ut rerum & operarum diversarum, numero multiplicato, præsertim cum in actibus permutatoriis non facile quilibet opus habeat re, vel opera alterius, quam vicissim dare, vel præstare potest, quantitatem istam rebus affectam tanto commodius & ad communem omnium utilitatem metiri liceret, assumenda erat quantitas quædam determinata physica rei cujusdam corporalis, qua illam metiri daretur. Et res ista corporalis, cujus determinata quædam quantitas sumitur pro mensura communi pretii rerum quarumvis, corporalium & incorporalium, & operarum, *Pecunia* vocatur: quæ ideo etiam definiri potest, quod sit mensura communis pretii rerum & operarum. Hinc *pretia rerum & operarum sunt pecuniæ proportionalia*, ita ut pecunia dupla definiat duplum pretium rerum & operarum ac ita porro. Et propterea *pecunia pro re & opera quâlibet dari, ac pro*

pro pecunia res & operæ quælibet ab alio comparari possunt. Atque sic in actibus permutatoriis pecunia fungitur vice rerum & operarum.

§. 495.

Pretium rei vel operæ cujusdam per quantitatem pecuniæ determinatum dicitur eminent. Cum pretium eminens succedat in locum vulgaris (§. 493. 494.); pretia rerum vulgaria sunt ut eminentia, & contra, veluti si unius modii avenæ pretium sint octo grossi, pretium autem unius modii hordei duodecim, ratio pretiorum eminentium est ut 8 ad 12, seu ut 2 ad 3; eadem vero est ratio pretiorum vulgarium, cum in permutatione avenæ & hordei unus modius avenæ æquiparetur duabus tertiis unius modii hordei. Patet etiam, pretia tam vulgaria, quam eminentia rerum & operarum ejusdem speciei quantitati earum physicæ proportionalia esse.

§. 496.

Quantitas vero physica pro diversitate rerum corporalium determinatur certa mensura, prouti communis experientia constat; quantitas vero incorporalium æstimatur ex utilitate, quæ inde

*De
quantitate
physica.*

inde percipitur, veluti jus aucupandi aves in certo districtu ex numero avium uno anno capiendarum, demto operarum pretio una cum impensis ceteris; quantitas denique operarum æstimatur vel tempore, quo durarunt, vel quantitate effectus, qui iisdem productus.

§. 497.

De pretio primitivo & derivativo.

Distinguimus autem pretium primitivum a derivativo. Nimirum *Pretium primitivum* nobis est pretium quantitatis physicae rei vel operæ cujuscunque mensura certa definitæ per certam pecuniæ quantitatem determinatum, quod instar mensuræ in suo genere sumitur. *Derivativum* vero, quod proportionaliter respondet quantitati ejusdem majori, vel minori.

§. 498.

De pretio rerum determinando.

Cum nemo alteri gratis dare teneatur, si is vicissim dare, vel facere potest (§. 473), pro pecunia autem res ac operæ quæcunque comparari possint (§. 494); *pretia rerum & operarum primitiva ita determinanda sunt, ne cuiquam laborare volenti desint res necessariae* (§. 121.), ac ideo *pretia rerum necessaria-*

cessariarum ita determinanda sunt, ut eadem vilis operæ pretio comparari possint, & quo major est earum copia, eo minus pretium esse debet. Enimvero cum rebus utilibus ac inprimis voluptuariis non adeo indigeamus, quam necessariis (§. cit.); si solum usum spectemus, *leg. 65. § 1. de legem Alcidia* rerum utilium majus pretium constituere licet, quam necessariarum, & voluptuariarum majus, quam utilium. Quoniam vero nemo hominum cogi potest, ut sibi res ab alio comparet hoc vel isto pretio, utpote de pecunia sua pro arbitrio suo disponens (§. 195.); pretia rerum, præsertim utilium, ac omnium maxime voluptuariarum ita determinanda sunt, ut etiam alter tanto pretio eas sibi comparare velit. Et ob eandem rationem in statu naturali pretia rerum determinari nequeunt nisi mutuo consensu.

§. 499.

Pretium æquum est, quod juri naturæ convenienter determinatum, ita scilicet ut nihil committatur, quod est contra officia ac inde nascentia jura: iniquum vero est, quod illi contrarium. Sed quoniam in his standum est communi

De pretio æquo & iniquo.

muni hominum res & operas permu-
tantium consensu (§. 498.); *pretium*
æquum habetur, quod in actibus per-
mutatoriis communi hominum consensu
alicubi introductum. Cum vero varia-
tis circumstantiis pretium rerum ac
operarum variari debeat, id quod di-
ferrius ostendi hic nimis prolixum fo-
ret; *quod uno tempore pretium æquum*
est, alio iniquum esse potest.

§. 500.

De mer-
cede.

Ceterum pretium operarum pecu-
liari nomine *Merces* appellatur; &
tum in significato strictiori pretium de-
notat, in oppositione ad mercedem, so-
lum rerum pretium.

§. 501.

Pecunia
materia
& for-
ma.

Cum *pecunia* detur pro re & opera
quacunque (§. 494.), consequenter ac-
cipiatur, ut detur alii, ac ideo per ma-
nus tradita continuo ab uno ad alte-
rum veniat; eadem *constare debet ex*
materia durabili, quæ scilicet nec usu
facile teritur, nec servando corrumpi-
tur, cumque commodum sit, si exiguæ
quantitati ejus materiæ, ex qua constat,
valor tribui possit, qui æqualis sit valori
rerum

rerum magnæ quantitatis, ex materia istiusmodi, quæ ad res artificiales frequentis ac indispensabilis usus non requiritur & quæ rarior. Unde facile infertur, pecuniæ maxime convenire aurum atque argentum. Et quoniam quilibet de valore certus esse debet, atque securus de materia non falsata; eidem inscribenda ratio, quam habet ad eam, quæ in numerando pro unitate sumitur, ac imprimendum bonitatis intrinsecæ signum, hoc est, pecunia signanda.

§. 502.

Pecunia in certas partes divisa & signata *Moneta* appellatur. Atque ideo patet, monetam fuisse introducendam (§. 501.): sit ita, quod gentes quædam usæ fuerint argento & auro puro, minime signato.

§. 503.

Cum pretium rerum omnium pecunia determinetur (§. 494.); patri-
monii quoque magnitudo pecunia æstimatur, & quam quis actu habet, pecunia eidem annumeratur (§. 207.). Dicitur autem pecunia numerata, quam quis actu habet. Debita exigibilia cum sint, si de-

De moneta.

De magnitudine patri-
monii æstimanda.

si debitor dare potest, quod debet, seu si sit solvendo; *inexigibilia* vero, si debitor solvendo non sit; *debita exigibilia* æquiparantur in æstimanda patrimonii magnitudine pecuniæ numeratæ, debitorum *inexigibilium* ratio habetur nulla.

§. 504.

Quomodo divitia, paupertas, egestas, & mendicitas æstimantur

Quoniam dives est, cujus patrimonium superfluum continet (§. 486.); *divitiæ æstimantur ex quantitate pecuniæ superflue* (§. 503.). Et pauper est, qui nonnisi tantum pecuniæ labore suo acquirere valet, quæ ad res necessarias comparandas sufficit; qui ne quidem tantum acquirere valet, egenus; & qui ne tantillum quidem, quantum ad comparandas res sufficit, quas extrema vitæ necessitas exigit, mendicus (§. 487.).

§. 505.

Reditus, eorumque differentia

Reditus dicuntur ea, quæ ex rebus nostris, vel operis nostris acquirimus. Appellantur *annui*, qui intra unius anni spatium proveniunt; iidemque *stati*, si singulis annis iidem sint; *variabiles* vero, qui uno anno maiores, alio minores sunt, vel etiam nulli.

§. 506.

§. 506.

Expensæ dicuntur pecunia, qua quis res sibi comparat, quæ vel usu consumuntur, vel deteriorantur, aut quæ gratis datur aliis. Unde liquet, *impen-* *Expensæ earumque differentia.*
sas esse in expensarum numero (§. 279.).

Sunt autem *expensæ ordinariæ*, quæ constanter fiunt, vel statò tempore redeunt; *extraordinariæ* autem, quas nonnisi casu emergente fieri necesse est. Pro diversitate rerum, aut impen-sarum vel *necessariæ* sunt, vel *utiles & voluptuariæ* (§. 121. 279.). Sunt autem præterea *minus necessariæ*, quæ fiunt rerum comparandarum gratia, quibus carere poteris; & *inutiles*, quæ fiunt rerum comparandarum causa, quæ tibi nulli prorsus usui sunt.

§. 507.

Cum curæ habere debeamus, ut vitam commodè ac jucundè (§. 119.), immo & decore transigamus (§. 55.); *operam dare pro virili debemus, ut tantum pecuniæ acquiramus, quantum ad vitam commodè ac jucundè, immo etiam decore transigendam sufficit.* Per se autem patet, id extendendum non esse ultra id, quod possibile (§. 37.).

(*Wolfii Instit. I. N. & G.*) S §. 508.

§. 508.

De pecunia eroganda.

Quoniam re sua nemo aliter uti debet, quam officia exigunt (§. 202.); pecunia quoque eroganda non est, nisi quando officia id exigunt. Quamobrem ab impensis utilibus prorsus abstinendum (§. 506.). Patet etiam, expensas necessarias utilibus & utrosque voluptuariis esse præferendas (§. 122. 506.), & qui tenue habet patrimonium, cum ab expensis minus necessariis abstinere debere (§. 208. 506.), divitem vero & opulentum in gratiam aliorum, qui pecunia maxime indigent, expensas quoque inutiles ac minus necessarias facere posse (§. 486. 140. 506.). Cum etiam multi emergere possint casus, in quibus expensæ extraordinariæ requiruntur, & in quibus vel nihil acquirere vel non tantum acquirere valeamus, quantum expensæ inevitabiles exigunt; non minus in pecunia acquirenda, quam eroganda futuræ quoque, quantum datur, vitæ necessitati prospiciendum. Denique cum patrimonium, quantum in potestate est, conservare & amplificare obligemur (§. 208.); curæ habendum est, ne redditus annuos excedant expensæ, sed ex
ad.

adverso potius expensas superent redditus (§. 505. 506.).

§. 509.

Cum *Luxus* dicatur profusio pecuniæ solius ostentationis causa, in pecunia autem eroganda nil committendum, quod officiis adversatur (§. 508.); *luxus lege naturali prohibitus*. Differt is a *prodigalitate*, qua quis plures & majores facit pro facultate patrimonii sui expensas, quam quas officium aliquod erga seipsum, vel erga alios exigit; unde patet, ut ante, *prodigalitatem lege naturali prohibitam esse* (§. 508.).

*De luxu
& prodigali-
tate.*

§. 510.

Quia in pecunia acquirenda & par-
ta conservanda majorem operam ac
industriam collocare non possumus,
quam quanta in potestate nostra est
(§. 60.), neque etiam obligamur (§. cit.);
*si quis in pecunia acquirenda & par-
ta conservanda tantam operam & indus-
triam collocavit, quantam potest, cetera
providentiæ divinæ committere &
sorte sua contentus esse debet* (§. 173.),
consequenter ea propter minime ang-
i, quod tantum acquirere minime valeat,
ut vitam etiam commode ac jucunde
transi-

*Qua-
nam cir-
ca opes
provi-
dentie
divinæ
commis-
tenda.*

transfigere, vel futuræ necessitati provisurus in futuros usus quædam servare queat.

§. 511.

Quantum opus in acquirendo collocandum. Cum obligatio naturalis necessaria & immutabilis sit (§. 38.); *in acquirenda pecunia non plus operæ collocare licet, quam salva quacunque obligatione naturali fieri potest.*

§. 512.

Quatenus pecunia & divitiæ appetendæ. Quoniam natura hominibus competit jus ad usum rerum quarumcunque, quatenus sine eo obligationi nostræ naturali satisfacere non possumus (§. 183.), & dominiis introductis postquam jus istud commune in proprium transiit (§. 194.), & actiones quoque hominum, vel operæ in dominio esse cœparunt (§. 225.), pecunia inventa fuit ad res & operas, quibus indigemus, nobis comparandas (§. 494.); *pecunia, consequenter divitiæ (§. 486.) non per se sunt appetendæ, sed ut ea nobis comparare possimus res & operas, quibus ad satisfaciendum obligationi naturali indigemus, & ut egestatem aliorum sublevare possimus (§. 488.).*

§. 513.

§. 513.

Cum paupertas, egestas & mendicitas sint mala fortunæ, quod nemo in dubium vocat, nobis vero a malis fortunæ cavere debeamus (§. 104.); *cave- re quoque nobis debemus, quantum in potestate est, ne in paupertatem, vel egestatem culpa nostra incidamus, aut ad mendicitatem redigamur (§. 17.).* Ac eadem quoque cura, quantum fieri potest, nos tenere debet quoad alios (§. 134.).

CAPUT XL.

DE

ACTIBUS BENEFICIS OBLIGATORIIS,
SEU CONTRACTIBUS BENEFICIS.

§. 514.

Actus, qui perfectam obligationem producant, dicuntur *Contractus*. Quamobrem pacta & contractus naturaliter non differunt (§. 438. 380.).

§. 515.

Contractus beneficis, quo certus quidam rei, quæ usu non consumitur, usus alteri gratis conceditur, *Commodatum* dicitur; qui usum concedit, *Commodans*; is, cui conceditur, *Com-*

Comm-
datum
& resti-
tutio rei
in specie
ac in ge-
nere.

modatarius audit. Unde sequitur, ut *commodatarius* finito usu rem restituere obligetur, & quidem in specie (§. 317.). Dicitur nimirum rem in specie restituere, qui numero eandem restituit, quam accepit; in genere autem, si alia ejusdem speciei, vel tantundem ejusdem speciei restituit. Ceterum in *commodato* datur usus rei, quæ usu non consumitur, gratis.

§. 516.

De obligatione naturalis ad commodatum.

Quoniam in communione primæva, si res usu non consumitur, eodem finito, eadem alius uti potest (§. 187.); *usum rei nostræ*, quo non ipsimet opus habemus, eumque innoxium rem ubi restitutum iri satis certi sumus (§. 269.), gratis concedere ei debemus, qui eam sibi metipse comparare, vel pro certo pretio eundem usum ab alio accipere non potest (§. 473.).

§. 517.

Quinam commodare possint.

Nemo autem cum de usu rei disponere possit nisi dominus (§. 199.), rem quoque alteri commodare potest nisi dominus, consequenter rem alienam, vel tibi commodatam alteri sine consensu domini commodare nequit. Ac ideo a

com-

commodantis voluntate dependet, per quod tempus & in quem finem, quaque lege alia commodare velit (§. 195.), ac inde metiendum est jus & obligatio commodatarii (§. 317.).

l. 17. §. 3. Com-
modati.

§. 518.

Cum res commodata esse debeat in potestate commodatarii, ut eadem uti possit (§. 200. 515.); ad commodatum requiritur actus, quo res utenda constituitur in potestate commodatarii, atque hic actus vocatur traditio ad certum usum, significatu generali (§. 320.).

De rei
utenda
traditio-
ne.

§. 519.

Quoniam commodans concedit commodatario rei suæ usum (§. 515.); si res commodata usu redditur deterior, in hanc deteriorationem consentit. Alias, cum non concessus sit nisi rei usus innoxius (§. 516.), commodatarius sibi cavere debet, ne culpa sua res commodata reddatur deterior, vel prorsus destruat (§. 517.), consequenter in ea custodienda atque utenda omnem adhibere diligentiam (§. 21.), etiam majorem ea, quam in suis adhibere sueverit.

De dete-
rioratione
&
corru-
ptione
rei com-
modata.

l. 6. §. 1. Comod.

l. 5. §. 2. Comod.

§. 520.

De dolo,
culpa &
casu a
commo-
datario
præstan-
do.

Cum damnum dolo vel culpa datum resarciendum sit (§. 270.); si res commodata dolo, vel culpa commodatarii deterioratur, vel destruitur, damnum datum resarciendum. Quoniam culpa commodatarii res interiisse intelligitur casu, quo apud commodantem interitura non fuisset, si hic in mora restituendi fuerit (§. 21. 417.); casum præstare tenetur commodatarius ob moram in restituendo commissam, quo res commodata apud commodantem peritura, vel deteriorata non fuisset. Immo cum commodans rei suæ usum innoxium eo animo concedens, ut finito usu res sibi restitueretur (§. 515.), non præsumatur vel le subire periculum rei amittendæ, vel deteriorandæ; naturaliter commodato tacita inest hæc conditio, ut commodatarius teneatur propter casum, quo res commodata penes commodantem non peritura, vel deteriorata fuisset. At cum commodatarius rem vel in specie (§. 515.), vel ejus æstimationem restituere teneatur (§. præf.); si rem in genere restituere velit, eam commodans accipere non tenetur.

§. 521.

§. 521.

Si tui duntaxat causa commodas, commodatum proprie loquendo non est (§. 515.); cum tu non gratis usum rei tuæ in meum commodum mihi præstes, sed ego potius in commodum tuum quid faciam, ad quod usus rei tuæ requiritur, ut ipse eundem facere videaris. Quamobrem ego non teneor ob casum, quo res penes te non peritura, vel deteriorata fuisset, quamvis ad culpam & dolum præstandum sim obligatus (§. 270.). Quoniam vero culpa commodantis res periisse, vel deteriorata fuisse intelligitur; si eam sciens commodavit homini admodum negligenti, ejus licet duntaxat causa (§. 21.), culpam præstare non obligatur commodatarius.

Si commodantis duntaxat causa commodatur.

§. 522.

Si commodatarius re aliter utitur, quam commodatum est, furtum usus committit (§. 263.), consequenter cum id fiat contra jus commodantis, quia tibi arrogas jus minime competens (§. 198. 83.), injuriam commodanti facis (§. 87.).

*Defurtio
usus a
commodatario
commis-
so.*

§. 522. 8. (com.)

§. 523.

Si res, quæ usu consumitur, alium ad- Quate-
huc nus res,

S 5

quæ usu *huc habere potest usum, quo non consumi-*
consu- *tur, cum quoad hunc usum æquipare-*
muntur *tur rei, quæ usu non consumitur, quo-*
commo- *ad hunc usum commodari potest (§. 515.),*
dentur. *veluti si alteri commodas pecuniam*
 §. 5. §. 6. *Comod* *ostentationis causa, in specie restituen-*
dam (§. 515.), vel uvam insolitæ magni-
tudinis, ut eam ostendat alii.

§. 524.

De mer- Cum in commodato usus rei detur
cede pro gratis (§. 515.); *usu solu-* *si quis pro usu rei mer-*
ta. *cedem solvit, commodatum non est, sed*
actus quidam permutatorius (§. 467.),
de quo in sequentibus, nimirum do-
pecuniam, ut des usum rei, vel etiam
rem, aut usum rei alterius.

§. 525.

De hono- *Honorarium* dicitur donum pecu-
rario? *niarium, quod remunerandi animo da-*
 L. 1. §. 12. *De* *tur alteri ob præstationem quandam*
extr. de cogn. *gratuitam, vel pecunia non æstimabi-*
 L. 27. *et 34* *lem. Cum præstatio gratuita saltem*
 §. 1. *de donat.* *fit motivum dandi honorarii ad signifi-*
candum animum gratum (§. 475. 482.),
motivorum vero in contractibus nulla
habeatur ratio (§. 78.); si honorarium
 C. 6. *mandati* *detur, contractus beneficis naturam non*
mutat, veluti commodatum manet
 com-

commodatum (§. 515.), quantitas honorarii a dante pro lubitu determinatur (§. 475.), ac ideo excedere potest valorem ejus, quod præstatur, promissum tamen & acceptatum perfecte debetur (§. 380. 381.). Enimvero si quod gratis præstandum erat, alter præstare non vult, nisi sub conditione honorarii certi præstandi, cum jam conveniatur de eo, quod vicissim præstandum est, ac id pro eo, quod alter præstitit, detur, honorarium in mercedem mutatur (§. 500.) *§. 2. & quibz modis in contr. hæc obligatio.*
§. 526.

Quoniam commodans se saltem obligat ad usum concedendum, non vero ad faciendos sumtus, ut uti possis (§. 515.); *De impensis in usum rei & ipsam rem faciendis.* si usus rei sine certis impensis fieri nequit, veluti si commodo equum, *§. 18. §. 2. Com* vel famulum per aliquot dies, eas facere teneris. Ast quia quilibet jus suum remittere potest (§. 342.); si eas facere velit commodans, ad commodatum donatio accedit (§. 475.), consequenter actus compositus est (§. 465.). Similiter cum commodatarius saltem obligetur præcavere, ne culpa sua res reddatur deterior, vel pereat (§. 519.); si extra usum rei faciendæ sunt impensæ necessæ
rie

riæ extraordinariæ, veluti ad rei conservationem, eas restituere tenetur commodans, præsertim si pretium usus excedunt, veluti si ædium commodatarum tectum reficiendum, ne pluvia det damnum.

§. 527.

De rebus fungibilibus.

Res fungibilis dicitur, quæ vice fungitur rei alterius ejusdem generis. Substitui igitur una pro altera potest, consequenter tales sunt, quarum pretium numero, ponderi ac mensuræ proportionale est, & eadem ejusdem generis, quantitatis & qualitatis esse debent. Hinc porro liquet, res fungibiles in genere restitui posse absque damno ejus, cui restituntur (§. 515. 269.), cumque pecunia fungatur vice omnium rerum & operarum (§. 494.), eam esse omnium maxime rem fungibilem.

§. 528.

Mutuum quid sit & quid in eo constituen- dum.

hr. J. quibus m. d. l. re. contr. ob.

Contractus beneficis, quo rei, quæ usu consumitur, usus alteri gratis conceditur, Mutuum dicitur; qui mutuo dat, Mutuus, vel etiam Creditor; qui accipit, Mutuatarius, vel Debitor appellatur. Quoniam, verò rem consumere nequis, nisi sit tua, seu dominium in

ea

ea habeas (§. 195.); mutuans in mutuatarium dominium transferre tenetur. *L. 16. De rebus creditis.*
 Ast quia non rem donat (§. 475.), sed saltem usum concedit (*vi def.*), consequenter rem sibi restitui vult, quæ consumpta in specie restitui nequit (§. 515.); res mutuata in genere restituenda, consequenter quæ mutuo dantur, res fungibiles esse debent (§. 527.); & quod restituitur ejusdem generis, quantitatis & qualitatis esse debet, cujus fuerat mutuatum. *L. 3. eod.*

§. 529.

Cum in mutuo dominum transferatur; nemo rem mutuo dare potest nisi dominus (§. 257.), consequenter si res aliena mutuo detur, contractus in se nullus est, atque ideo, si res nondum fuerit consumpta, dominus eam vindicare potest (§. 262.), si vero consumpta fuerit, mutuatarius æstimationem eidem præstare tenetur (§. 271.), neque enim eidem ex contractu tenetur, ut in genere restitui possit (§. 528.). Quod si dominus mutuum ratibabet, cum jam consensu ipsius factum intelligatur (§. 29.), subsistit. *Quinam mutuo dare possit & de re aliena mutuo data. L. 8. De rebus creditis.*

§. 530.

De re
aliena
commo-
data &
mutuata
restituenda.

Enimvero quoniam commodatarius se obligavit commodanti ad rem in specie restituendum (§. 515.), & mutuarius mutuanti ad rem in genere restituendum (§. 528.); ^{mutuarius} ~~commodatarius~~ commodanti & mutuarius mutuanti rem restituere tenetur, nisi dominus contradicat (§. 261.), dominio probato (§. 262.). Et si dominus velit, jus hoc mutuans ipsi cedere potest (§. 342.).

§. 531.

De tempore restitutionis.

Quia res mutuata in genere restituenda (§. 528.); in mutuo conveniri debet, quo tempore restitutio fieri debeat, cumque pacta sint servanda (§. 438.), antequam tempus istud effluerit, mutuans rem mutuata in genere repetere nequit, & quia dominium ejus in mutuatarium translatum (§. 528.), eam nondum consumptam in specie repetere nequit, etiamsi propriis usibus necessaria fuerit (§. 195.).

§. 532.

De re mutuata in specie vel ante terminum

Cum res mutuata ideo in genere restituenda, quia consumpta in specie restitui nequit (§. 528.); si mutuarius rem mutuata non habuerit opus, cum in specie

cie restituere potest. Et quoniam tem-^{num re-}
pus restitutionis determinatur eo fine, ^{stituta.}
ne *mutuatarius* rem restitutus sit in
mora; idem *rem ante terminum elap-*
sum restituere potest, nisi expresse ali-
ter fuerit conventum (§. 438.).

§. 533.

Cum pecunia referatur ad res, quæ ^{An pecu-}
usu consumuntur; *eadem* quoque ^{nia mu-}
mutuo dari potest (§. 528.), *ast mutuum non* ^{tuari}
est, nisi detur gratis (§. cit.) ^{possit.}

§. 534.

Bonitas intrinseca pecuniæ, sive mone- ^{Demo-}
tæ est, quæ æstimatur ex materia & pon- ^{netæ bo-}
dere; *extrinseca* vero valor eidem arbi- ^{nitæ.}
trio humano impositus. Idiomate Ger-
manico materia dicitur *Korn*, item *Ge-*
halt; pondus *Schrot*, item *Gewichte*;
valor impositivus *die Würdigung*, item
Valuation der Münz-Sorten, vel der
Werth. Et hinc *Moneta proba* dicitur,
cujus bonitas extrinseca determinatur
per intrinsecam, seu si valor impositivus
respondet intrinseco, quem a materia &
pondere habet; *reproba* vero, cujus bo-
nitas intrinseca parum respondet intrin-
secæ.

§. 535.

Summa pecuniæ mutuo datur, quan- ^{Quor}
do ^{modis}

*mutuo
datur
pecunia.*

do pecunia annumeratur, supposita bonitate intrinseca & extrinseca, veluti si 100 thaleri dantur mutuo in moneta aurea ex auro puro constante & eidem tribuitur valor, quem tempore obligationis obtinet. *Genus mutuo datur*, si annumerantur corpora, non attento valore extrinseco, quem singula tunc habent, e. gr. centum ducati. *Æstimatio* denique *nummorum mutuo datur*, si certa pecuniæ summa in genere, seu in moneta usuali corrente & proba sub æstimato valore creditur, e. gr. 100 thaleri, non attento monetæ genere.

§. 536.

*Quid
pro di-
versitate
illorum
resli-
tuen-
dum.*

L. 5. de re leg. cred.

Cum in mutuo tantundem restituendum sit in genere, quantum datum (§. 528.), ac standum præterea conventis (§. 438.); *si summa pecuniæ mutuo datur, expresso monetæ genere, eadem summa restituenda est in eodem genere juxta bonitatem extrinsecam & intrinsecam, quam tempore contractus habebat; si non expresso monetæ genere, summa restituenda in alio monetæ genere ejusdem bonitatis intrinsecæ, quæ erat datæ, secundum bonitatem extrinsecam, quam tempore contractus habebat.*

Quod

Quod si genus mutuo detur, tot restituenda sunt corpora, quod data, ejusdem bonitatis intrinsecæ: si denique æstimatio nummorum, eadem pecuniæ summa in quocunque monetæ genere probo ac usuali restituenda. Nimirum cum in mutuo mutuans carere nolit nisi usu rei suæ, quam dat alteri (§. 528.); facta restitutione perinde esse debet, ac si mutuum non fuisset. Et hinc definiendum, quid in restitutione fieri debeat, si summa mutuo data valor monetæ intrinsecus, vel extrinsecus interea mutetur, ut scilicet a mutuante eadem conferretur pecuniæ summa sive in eodem genere, sive in alio ejusdem bonitatis intrinsecæ. Sed non consultum videtur, talia in præsentī fusius persequi.

§. 537.

Quia dominium rei mutuatae in mutuatarium transit (§. 528.); si res mutuata interit, vel quomodocunque deteriorata fuerit antequam ea uti potuerit mutuatarius, ejus est damnum (§. 243.), consequenter, hoc non obstante, in genere illa restituenda (§. 528.).

De rei mutuatae interitu ante usum.

l. 9. §. 9. De rebus creditis.

(Wolffii Instit. J. N. & G.) T. §. 538.

§. 538.

An aliud
pro alio
reddi &
species
estima-
ta dari
possint.

Cum in mutuo id, quod datur, in genere sit restituendum (§. 528.), non vero pro eo aliud; *si ita conveniatur, ut reddatur aliud, vel res dentur estimatæ, mutuum non est.* Contractus istiusmodi diverso reguntur jure.

§. 539.

De depo-
sito.

L. 1. Depositi.

L. 17. § 1. eod.

Contractus beneficus, quo res aliqua gratis custodienda traditur & suscipitur, *Depositum* vocatur. Qui rem custodiendam committit, *Deponens*; qui suscipit, *Depositarius* appellatur. Cum dominium in hoc contractu non transferatur in depositarium; *deponens* manet rei depositæ dominus, & quia *depositarius* saltem in se suscepit custodiam rei, *eadem utinequit*, consequenter *utens furtum usus committit* (§. 263.). Enimvero *si deponens concedat usum rei depositæ, cum deposito miscetur commodatum* (§. 515.), vel, *si pecunia fuerit, mutuum* (§. 528.).

§. 540.

Si pro
custodia
quid de-
tur.

Similiter quia depositarius rem gratis custodiendam suscipit (§. 539.); *si pro*

si pro custodia merces datur, de qua con- L. 1. §. 8 et 9.
venitur, contractus depositum non est. Depositum.
 At honorarium sive promissum, sive ul-
 tro datum naturam depositi non mutat
 (§. 525.).

§. 541.

Cum depositarius obligetur ad rem De obli-
 depositam custodiendam (§. 539.), da- gatione
 mnum vero omne a deponente averte- deposita-
 re naturaliter obligetur (§. 269.), nul- rii.
 lus vero ipsi competat rei depositæ
 usus (§. 539.); depositarius obligatur ad
 rem depositam omni diligentia custodien-
 dam (§. 21.), & deponenti eam repetenti
in specie restituendam, ultra tempus ta-
 men conventum custodire non tenetur
 (§. 438.). Quod si ipsius culpa, vel dolo res L. 1. §. 16. ad.
 pereat, vel deterioretur, damnum resar-
 cire (§. 270.); cum vero deponentis
 causa res sit penes depositarium, nec
 ullam ex contractu hic percipiat utilita-
 tem (§. 539.), casum præstare non tene-
tur. Facile autem patet, si depositarius
 non promittit maiorem diligentiam in re
 deposita custodienda, quam in suis adhi-
 bet, eum ultra eam non teneri jure exter-
no (§. 377. 378.). Et quoniam custodia

tua confisus rem apud te deposui; *situ me inscio rem depositam deponis apud alium, tu mihi teneris ob culpam & dolum ejus, apud quem deposuisti, hic vero tibi*; cum hic tibi, quemadmodum tu mihi ex contractu obligeris. Potes autem mihi, si quidem velim, *just tuum cedere* (§. 338). Et quoniam in mora es, si rem depositam repetenti statim restituere nolis (§. 417.); *non modo casum præstare teneris, quo eadem res apud me non fuisset interitura, vel deteriorata, cum damnum culpa tua contingat* (§. 270.), *sed etiam ad id, quod interest rem statim restitutam non fuisse, teneris* (§. 419.).

§. 542.

De obligatione
deponentis.

Cum *depositarius* in se gratis suscipiat custodiam rei alterius (§. 539.), & curæ habere debeat, ne culpa sua pereat, vel deterioretur (§. 541.); *si impensas in rei depositæ conservationem facit, deponens eas restituere tenetur* (§. 271.). Cum in potestate tua non sit præstare alteri, quod nonnisi cum neglectu officii erga te ipsum fieri potest (§. 59.), nec ultra id obligatio extendatur (§. 60.); *in communi periculo, quod nulla depositarii*

L. 5. eod.

tarii culpa præcedit, depositarius res depositas suis præferre non tenetur, si utraque servari nequit: quod si tamen præferre maluerit, quia multo pretiosiores, deponens restituere tenetur æstimationem earum, quas servare alias potuisset (§. 271.). Similiter si occasione depositi dolo, vel culpa deponentis depositario obveniat aliquod damnum, veluti si deposuit equum calcitrosus, neque te monuit, damnum datum resarcire tenetur (§. 270.).

§. 543.

Si res aliena deponitur, & tu nosti, ^{De re aliena deposita.} quinam sit dominus, ea domino restituenda (§. 261.). Supponitur nimirum, incio domino eam esse apud te depositam, nec depositum rati haberi: alias nimirum perinde, ac si ipse deposuisset per alium, aut, si mavis, alter ejus consensu contractum tecum inivisset.

§. 544.

Cum in re communi indivisa pluribus dominium competat (§. 196.), ^{De re communi deposita.} consequenter si res communis deponatur, omnes conjunctim personam deponentis repræsentent; ea non restituenda uni, sed omnibus conjunctim, consequen-

ter qui uni restituit, ceteris adhuc pro rata tenetur. Quoniam vero qui totam accepit, singulis quoque pro rata tenetur, vi communionis (§. 196.), ut nimirum ipsis restituendum, quod suum est

scilicet restitui (§. 261); ceteri & restituentem sibi obligatum habent: cum tamen nonnisi ab uno, quod sibi debetur, consequi possint; si ab uno consequuntur ratam suam, alter simul liberatur. Quamobrem si res deposita fuerit dividua, nec partes divisæ obnoxie sint electioni, consequenter si res fungibiles fuerint depositæ, utpote quæ actu divisæ intelliguntur (§. 527.); unicuique rata sua restitui sigillatim potest, consequenter, si partes ceteræ intereant, qui ratam suam accepit, ceteris ad nihil tenetur. Quoniam vero si species plures communes deponantur, veluti poculum argenteum, annuli aurei cum gemmis inclusis, vestes & lintheamina, in singulis, tanquam in re indivisa, ratam suam habeant singuli (§. 196.); eadem uni restitui nequeunt.

§. 545.

Derecadem a pud plures deposita.

Quoniam per se patet, rem depositam nonnisi semel restitui posse, & facta restitutione ex contractu nihil amplius

plius deberi (§. 539.). *si res eadem apud plures deposita, unus solus ceteris insciis eandem restituere potest, immo repetenti restituere debet.* Enimvero cum restituere nolens statim in mora sit (§. 417.); deponenti solus tenetur ad omne id, quod interest, rem statim restitutam non fuisse (§. 419.).

§. 546.

Et cum, qui dolo, vel culpa sua dolumnum dedit, idem refarcire teneatur (§. 270.); *si res eadem apud plures deposita fuerit, singuli dolum, vel culpam suam, communem vero pro rata præstant, nisi aliter fuerit conventum, veluti ut singuli teneantur in solidum* (§. 438. 422.).

§. 547.

Quia depositarius vi contractus non tenetur, nisi ad custodiam rei depositæ (§. 539.). & deponenti eam repetenti in specie restituendam (§. 541.); *deponens mandare debet, per quem res deposita remittenda, ejusque sumtu remittenda.* Quod si vero ipso inconsulto remittitis per quem volueris, cum res non ante restituta intelligatur, quam ubi eam acceperit vel deponens, vel is, cui eandem

T 4

restiti-

restitui voluit; *periculum tuum est*. Atque idem intelligitur de re, quæ com-
modata fuerat, remittenda, quamvis
commodatarius, cum ipsius duntaxat
causa res commodata fuerit, *eam remitte-
tere, & quidem suo sumtu, si opus sit,
obligetur*.

§. 548.

De se-
questra.

Depositum rei litigiosæ *Sequestrum*
dicitur; & tum depositarius *Sequester*
audit. Dicitur autem *Res litigiosa*, de
cujus dominio inter duos, vel plures
controvertitur; & *de dominio controver-
titur*, quando duo, vel plures affirmant,
rem esse suam. Atque ideo patet, *seque-
strum custodiam rei litigiosæ in se suscipere
gratis, & sequestrationem fieri debere
apud tertium omnium litigantium con-
sensu*. In Jure civili *sequestrum* hoc vo-
luntarium vocatur, in oppositione ad ne-
cessarium, quod fit a judice: quæ distin-
ctio in Jure naturæ, quod in statu natu-
rali viget, & in quo judicem commu-
nem non habent litigantes, non attendi-
tur.

§. 549.

De rei
seque-
strata

Cum litigantes omnes conjunctim
deponens sint (§. 548.); *sequester rem
seque-*

sequestratam restituere tenetur litigan- *restitu-*
tibus communi consensu eam repetenti- *tione.*
bus (§. 541.), lite autem terminata vi-
ctori, ea tamen lege, de qua a litiganti-
bus conventum fuit, veluti si victor ce-
teris quid præstare tenetur, antequam
possessionem nanciscatur, non ante,
quam id præstitum fuerit.

§. 550.

Quoniam nec depositarius locuple- *De resti-*
 tari potest ex re deponentis, nec depo- *tutione*
 nens, etsi custodia gratis suscipiatur, *rei fru-*
 cum damno depositarii (§. 271.); *ctuosæ*
res fructuosa deponitur, consequenter *depositæ,*
etiam si sequestratur (§. 548.), fructus *vel se-*
 quoque rei restituendi deponenti, aut in *questra-*
 casu sequestri victori (§. 549.), deposita- *tæ.*
 rius vero detrahit impensas & merce- *L. 1. §. 24. de pos.*
 dem operarum atque curæ, sine quibus
 fructus percipi non potuissent. Cumque
 consultum sit evitandæ litis causa, ut de
 mercede conveniatur, quando res de-
 ponitur; conventio de operarum & curæ
 mercede est pactum sequestro adjectum
 (§. 438.).

§. 551.

Mandatum dicitur contractus bene- *De man-*
 ficus, quo alteri quid nostro nomine *dato.*

T 5

fa.

faciendum committitur, & commissum ab eo gratis suscipitur. Qui committit, *Mandans*; qui commissum gratis suscipit, *Mandatarius* appellatur, vel etiam *Procurator*. *Committere* autem idem est, ac alterum sibi perfecte obligare ad aliquid suo nomine faciendum. Aliud igitur est commendare, quando scilicet alteri significamus, gratum nobis fore, ubi facere voluerit, quod eum facere volumus; aliud rogare, quando nimirum sufficienter indicamus, nos enixe velle, ut faciat alter, nec facere abnuat. Cum commendans & rogans non contrahant; *nec commendando, nec rogando alterum nobis perfecte obligamus, nec nos obligamur ipsi*. Ex adverso autem *mandatarius se obligat mandanti ad id, quod faciendum ipsi committitur, omni diligentia faciendum*, cumque non suo, sed mandantis nomine agat, consequenter non ex sua, sed mandantis voluntate metiendum sit; *jus ipsius, nil facere debet, nisi quod mandatum fuerit: & vicissim mandans se obligat mandatario ad ratihabendum, quod intra fines mandati facit.*

§. 552.

Mandatum speciale est, quo aliquod negotium in specie gerendum committitur, veluti ut emas ædes, vel equos; *generale* autem, quo universa quædam negotia alteri gerenda in genere committuntur. Utrumque vel *Mandatum cum libera* est, quo tantummodo in genere determinatur, quid a mandatario fieri debeat, ceteris arbitrio ejus relinquitur; vel *sine libera*, scilicet agendi potestate, quo, quid a mandatario fieri debet, præcise definitur, ita ut nihil arbitrio ejus relinquatur. Dividitur etiam *Mandatum in manifestum*, quod ad notitiam ejus, cum quo agitur, per venit; & *arcanum*, quod non pervenit. *Mandatarius* igitur agere debet ex mandato arcano, non tamen idem manifestare alteri, cum quo agit (§. 551.), nec *mandatum arcanum attenditur, nisi in obligatione, qua mandans & mandatarius sibi invicem obligantur.* Similiter patet, si *mandatum fuerit sine libera*, *mandatarium* nil agere debere, nisi quod expresse definitum; in casu opposito eum facere debere, quod sibi bonum, vel melius videtur & æquitati minime repugnat

De diff. Lab. 65.
rentia mandati
mandati
ti.
§. 58. mandati

§. 4. 7. de mand

238. mand. pugnat seu, ut vulgo dicitur, *mandatum adimplere ex bono & æquo.*

§. 553.

*Qua-
nam ob-
ligatio-
nes con-
traban-
tur a
manda-
tario.*

Quoniam *mandatarius* tuo nomine agit (§. 551.); *quod intra fines mandati agit, tu fecisse putandus es*: cumque de voluntate tua alteri constare non possit, nisi ex mandato manifesto (§. 552.); *quod mandatarius facit intra fines mandati manifesti, id a te factum recte sumit is, cum quo agitur* (§. 318.), consequenter *promittendo te huic, & acceptando hunc tibi obligat* (§. 380. 381.). Patet itaque, *mandatarium esse ministrum obligationis contrahendæ* (§. 426.), & sic cum altero valide agere debeat, *mandato manifesto opus esse, consequenter si solo mandato arcano instructus cum altero agis, cum is ignoret te alieno nomine cum ipso agere* (§. 552.), *proprio nomine eidem obligaris, tu vero jus tuum mandanti cedere potes etiam invito altero* (§. 338. 342.), immo, cum ex mandato arcano mandanti obligeris (§. 551.), *teneris: & quia mandans ex eodem mandatario vicissim obligatur; quod intra fines mandati arcani, quo solo instructus eras, egisti, ratihabere tenetur* (§. 551.).

Ex

Ex dictis porro conficitur, *si mandato arcano aliter mandatum, quam manifestato, nec mandatum arcanum manifestare licet, ex arcano agendum vel spe ratibationis, vel quasi proprio nomine.*

§. 554.

Cum *mandatarius* mandanti se obliget ad mandatum adimplendum (§. 551.); *si mandatum non exequitur, tenetur mandanti ad id, quod interest, mandatum executioni datum non fuisse (§. 415.); ne executionem mandati in favorem tertii intermittere potest.* Quoniam tamen nil facere debet, nisi quod mandatum (§. 551.); *si intra fines mandati cum altero nil agere potest, suo nomine & sui causa cum eo agere potest.* Cum vero in mora sit, *si mandatum non tempestive adimpleat (§. 417.); mandanti tenetur ad id, quod interest, mandatum tempestive adimpletum non fuisse (§. 551. 419.).*

De mandato non adimplendo, aut non tempestive.

§. 27. §. 2. mand.

§. 555.

Quia *mandatarius* mandatum adimplere debet (§. 551.); *ea etiam ipsi mandata intelliguntur, sine quibus mandatum adimpleri nequit, veluti iter, si sine itinere.*

De eo, quod mandato tacite ineft.

itinere adimpleri nequit. Cumque mandans id etiam voluisse intelligatur, quod cum eo, quod expresse mandatum, connexum est & cohæret, veluti quod merces emtæ etiam sint ad se perferendæ; id, quod cum mandato connexum est, etiam mandatum intelligitur, veluti delatio mercium emtarum.

§. 556.

De eo,
quod oc-
casione
mandati
venit ad
manda-
tarium,
vel ei do-
natur.

l. 10. §. 8. et 9. man-
dati.

Cum mandatarius negotium mandantis gerat & ejus, non suo nomine ac commodo agat (§. 551.); quicquid occasione mandati ad eum pervenit, etiamsi quoad hoc præter mandatum egit, veluti si ex fundo, quem intra fines mandati emit, consecutus etiam est fructus, vel equis emtis additus vitulus, mandanti restituere tenetur. Enimvero si mandato adimpleto mandatario quid donetur, cum donatio actus sit, qui ad negotium gestum non pertinet, utpote sine eo subsistens eo modo, quo gestum est; id mandanti non restituendum.

§. 557.

De inde-
mnitate
manda-
tarii.

Ex adverso quia mandatarius negotium mandantis hujus nomine at-
que

que commodo gerit, idque gratis (§. 551.), consequenter in eo personam mandantis repræsentat; *mandans mandatario restituere tenetur impensas, sine quibus negotium geri non potuit, & resarcire damnum, quod occasione mandati incurrit;* cum alias ab eodem immunis fuisset. Quoniam tamen mandans mandatario non obligatur nisi ex mandato, quod per se patet; *si casu quodam in expeditione mandati mandatarius damnum quoddam incurrit, in quod etiam incurrere poterat, quamvis mandatum non suscepisset, id mandans resarcire non tenetur.* Similiter cum mandatarius non amplius tuo nomine agat, si fines mandati excedit, vel agit, quod mandatum non est (§. 553.), consequenter ratio indemnitatis cesset; *si quod damnum incurrit occasione excessus mandati, aut ejus, quod mandatum non est, id resarcire non tenetur, nec impensas in id factas restituere.* Quoniam tamen mandatarius adimplevit mandatum quoad ea, quæ intra fines mandati egit, & ad hæc ratihabenda obligatus es (§. 551.); *quoad ea, quæ intra fines mandati acta sunt, obligatus manes.* Enimvero

vero cum locupletior fieri non possis cum damno mandatarii (§. 271.); si *mandatarius fines mandati excessit*, veluti cum emit equos pretio 170. thalerorum, tu autem non nisi 150. mandaveras, & cum damno ipsius non nisi intra fines mandati quod actum est, ratihabere velis, utpote ultra non obligatus (§. 551.), ille autem malit proprio nomine actum, nisi, quod actum est, totum ratihabere velis; *mandatum pro non adimpleto habetur*, consequenter ille tibi tenetur ad id, quod interest, *mandatum adimpletum non fuisse*, quatenus intra fines adimpleri poterat (§. 554.). Et quoniam *mandatarius* obligari non potuit ultra id, quod possibile (§. 37.); si sine culpa sua *negotium finire non potuit*, aut *contrarium eventum expertus fuit*, mandans nihilominus eum indemnem præstare tenetur. Ex adverso autem, si is dolo, vel culpa sua *damnum dedit*, id resarcire tenetur (§. 270.).

56. §. 4. mand.

De eodem negotio pluribus conjunctim mandato.

§. 558.

Si pluribus conjunctim mandetur idem negotium, cum omnes conjunctim repræsentent unam personam, consequenter quod unus ceteris non contradi-

tradicientibus facit, omnes fecisse censeantur; quod negligentia unius fit, quam praeavere ceteri poterant, ac ideo debebant (§. 551.), id etiam imputatur ceteris: cum vero cesset ratio imputationis, si quidpiam agendum, quod uni a ceteris committendum, hi vero in committendo omnem adhibuerunt diligentiam, consequenter obligationi ex parte sui satisfecerunt (§. cit.); culpam in exequendo non participant ceteri. Nimirum singuli praestant dolum, vel culpam suam, cujus ceteri non sunt participes, communem vero conjunctim, atque ideo pro rata, nisi expresse fuerit conventum, ut singuli teneantur in solidum (§. 438.). Enimvero si idem negotium pluribus per partes mandetur, cum revera tot sint mandata diversa, quot mandatarii, nec singuli obligentur ultra id, quod ipsis mandatum (§. 551.); unusquisque culpam tuam praestare tenetur.

§. 559.

Rationem negotii gesti reddere dicitur, qui distincte exponit, quomodo singula ad negotium gerendum requisita executus fuerit. Unde patet, eum, (Wolfii Instit. J. N. & G.) U qui

De ratione negotii gesti reddenda.

qui alienum negotium gessit, alteri, cuius est negotium, rationem reddere teneri negotii gesti. Quamobrem cum mandatarius negotium mandantis gerat (§. 551.); mandanti quoque rationem reddere tenetur negotii gesti.

§. 560.

Utile in contractibus quid dicatur.

Utilitatis nomine in contractibus non venit, nisi quæ vel in pecunia consistit, vel pecunia æstimari potest. Quamobrem in contractibus non aliud spectatur lucrum, aut damnum, vel interesse, nisi quod pecuniarium est, vel pecunia æstimabile. Nimirum quando agitur de eo, quod alteri restituendum vel refarciendum, id quod restitui, vel refarciri debet, nisi res in specie, vel in genere restituatur, pecunia æstimandum. Atque hinc ulterius intelligitur, cujusnam causa negotium geratur, ejus nimirum, cujus est utilitas.

§. 561.

De eo, quod mandatur mandatarii

Quoniam sola utilitas mandatarii spectatur, si ejus tantum gratia mandetur, consequenter mandantis nihil interest, utrum alter faciat, nec ne, quod

quod se facturum, vel non facturum *causa &*
dixit; si mandatarii tantum gratia *consilio.*
mandetur, mandatum non est, sed consi- *l. 2. §. 6. mand.*
siliu. Dicitur nimirum Consilium de-
claratio voluntatis nostræ de eo, quod
ab altero fieri debere existimamus,
ipsiustamen arbitrio relicto, num face-
re velit. Quamobrem ex consilio nul-
læ nascuntur obligationes dantis & ac-
cipientis, consequenter nec ulla produ-
citur obligatio, si mandatarii saltem
causa mandetur. Enimvero si quis con-
silio dolofo, vel fraudulento alterum in-
ducit, ut faciat, quod male successurum,
cum jam dolo alteri damnum det
(§. 269.); ad resarciendum damnum
eidem tenetur (§. 270.).

§. 562.

Enimvero cum alienum negotium
spectes tanquam tuum, quando aliena
causa mandas, consequenter cum man-
datario contrahis (§. 551.); mandans
mandati tenetur, & mandatarius vicis-
sim eidem obligatur, si aliena causa fue-
rit mandatum. Ac ideo periculum man-
dantis est, si mandatarii & aliena causa
mandetur, velut ut tu pecuniam cre-
das Titio: perinde ac si mandantis &

Si aliena
causa
mandetur.

l. 6. §. 4. eod.

U 2

man-

mandatarii causa mandetur, veluti ut tu pecuniam credas Titio, quam in rem meam versurus est (§. 561.).

§. 563.

*Demanda-
to fa-
cti tur-
pis.*

l. 6. §. 3. mand.

Quia *factum turpe* dicitur, quod lege prohibitum; si *factum turpe mandatur*, *mandatum nullum est* (§. 42.), consequenter nullæ inde oriuntur obligationes.

§. 564.

*Demanda-
to ad-
implen-
do per-
equipol-
lens &
in forma
specifi-
ca.*

Mandatum adimpleri dicitur per *equipollens*, si impletur per aliud æque utile, aut utilis, quam erat id, quod fuerat *mandatum*; *in forma autem specifica*, si impleatur præcise per id, quod fuerat *mandatum*. Si *quid sub conditione generaliori mandatum*, quæ aliter quoque obtineri potest, veluti si mandetur, ut emas ædes Titii pretio 4000. thalerorum, propterea quod loco comodo sitæ sunt, ubi merces venales exponuntur, cum mandans non intendat aliud, nisi ut habeas ædes mercaturæ exercendæ commodas, quæ non excedunt pretium 4000. thalerorum; *mandatum adimplere licet per equipollens*, ut in exemplo dato emere licet ædes alias com-

commodiores pretio minori. Quoniam tamen utilitas, quæ intenditur a mandante, ex ipsius mente, non ex tua æstimanda, præsertim cum præter finem principalem etiam intendi possint alii secundarii; nisi certo constet, finem, quem intendit mandator, æque obtineri, si per aliud equipollens, sive in forma specifica adimpleatur, in forma specifica adimplendum (§. 551.).

§. 565.

Mandatum revocare dicitur mandans, si mandatario declarat, se nolle, ut mandatum adimpleat. Cum mandatarii nulla sit ex mandato utilitas (§. 551. 560.), consequenter ejusdem non interfit, sive mandatum adimpleatur, sive minus; *mandans mandatum pro lubitu revocare potest, antequam fuerit adimpletum.* Quoniam tamen mandatum subsistit, quamdiu non revocatur; si mandatum jam adimpleri cæpit, aut impensæ ejus adimplendi causa factæ, mandans indemnem mandatarium præstare tenetur (§. 557.).

§. 566.

Cum mandans sit minister obligationis contrahendæ (§. 553.);

U 3

An mandatum post mortem

~~Leg. mandati~~
~~tem~~ ~~mandatum~~ morte mandantis extinguitur
~~mandatum~~ (§. 430.). Enimvero si mandans expresse
 26. tis ad-
 nr. mand. impleri
 possit. velit, mandatum adimpleri, etiamsi se
 mori contingat, antequam adimpleatur,
 cum ad hoc se obligaverit mandatarius
 (§. 551.); mortuo etiam mandante illud
 adimplendum. Eodem modo patet, si
 mandetur in casum mortis, vel quod post
 mortem mandatoris faciendum, manda-
~~Leg. acui. mand.~~
~~d. 15. Mandati.~~ tum post mortem ejus adimplendum. Et
 quoniam mandatarius ignorans man-
 dantem mortuum esse, si mandatum ad-
 implet, non agit, nisi ad quod agen-
 dum se obligaverat (§. cit.), veluti si
 emit merces mandatas, & quod sub
 conditione indemnitis in se suscepisse
 intelligitur (§. 557.); indemnus præstan-
 dus est. Idem eodem modo intelligitur
 de eo, qui, ignorans mandantem mor-
 tuum esse, cum mandatario contrahit,
 mandato manifesto confisus (§. 553.).
 Ast cum mandatarius, qui novit man-
 dantem mortuum esse, si contrahit cum
 eo, qui ignorat & mandato manifesto
 confidit, culpa sua det damnum ei, cu-
 jus intererat, contractum non fuisse
 (§. 269.); huic tenetur ad id, quod in-
 terest (§. 415.).

§. 567.

§. 567.

Cum mandans non intelligatur negotium commisisse huic personæ, quam quod de ipsius diligentia ac fide se satis certum existimavit; *mandatum personale est* (§. 400.), consequenter cum obligatio inde orta (§. 551.) non egrediatur personam *mandatarii* (§. 402.), *ejus morte mandatum solvitur*. Et ob eandem rationem, *quod tibi mandatum, alii mandare nequis, sine consensu mandantis, nisi tuo periculo*. De morte mandatarii. ~~§. 402. §. 403. Mand.~~

§. 568.

Mandatum renunciare dicitur mandatarius, quando mandanti significat, se mandatum, quod suscepit, adimplere nolle. *Tempestiva* vocatur *renunciatio*, quando mandatoris non interest, si mandatarius mandatum exequi nolit; *ast intempestiva*, si per renunciationem damnum aliquod sentiret mandans. Cum mandatarius mandanti obligetur ad mandatum adimplendum (§. 551.); *sine justa causa*, hoc est, *nisi impedimentum inevitabile ac insuperabile objiciatur*, *mandatum renunciare non licet*, consequenter *si renunciatio intempestiva*. De renunciatione mandati.

ve facta, mandatarius tenetur ad damnum datum resarciendum & ad id, quod interest, mandatum adimpletum non fuisse (§. 554.). Quoniam vero ex tempestiva renunciatione damnum nulum sentit mandans; mandatarius quoque ob tempestivam renunciationem ad nihil tenetur: id quod etiam intelligitur in eo casu, quo impedimentum inevitabile ac insuperabile supervenit; cum obligatio non extendatur ultra id, quod in potestate est (§. 60.).

§. 569.

De fidejussione
& obligatione
fidejussoris.

Fidejussio est contractus beneficus, quo quis ei, cui alius obligatus est, vel obligandus, se gratis obligat, quod ipse præstare velit, nisi alter præstet, quod debet. Qui pro altero obligato, vel obligando se gratis obligat, *Fidejussor* vocatur; is vero, pro quo fidejubetur, *debitor principalis*; unde & hujus *obligatio principalis* appellatur; fidejussoris autem *accessoria*. Patet autem, *obligationem principalem non tolli, nec variari obligatione accessoria*, item *fidejussorem & debitorem principalem ad idem obligari debitum, nisi quod obligatio fidejussoris conditionata sit*. Patet etiam, *fide-*

fidejussionem accedere posse ad quamlibet obligationem, ac fieri in securitatem debiti, consequenter non ante validam esse, nisi ubi obligatio principalis fuerit contracta, & si principalis nulla sit, accessoriam nullam esse. Hinc ulterius sequitur, ut, si principalis debitor non fuerit solvendo, fidejussor solvere teneatur; cum tamen non ante constet, eum solvendo non esse, quam ubi fuerit excussus, hoc est, in facultates ejus inquisitionem; debitor principalis ante sit excutiendus, quam fidejussor ad solvendum adigi possit, nisi aliter conventum fuerit (§. 342.).

§. 570.

Cum fidejussoris & debitoris eadem sit obligatio (§. 569.); si debitor principalis solvit, fidejussor liberatur, & si fidejussor solvit, debitor principalis liberatur. Quoniam tamen nemo locupletior fieri debet cum damno alterius (§. 271.); si fidejussor solvit, principalis debitor eidem manet obligatus, cumque jus suum creditor eidem cedere possit (§. 342.), facta cessione fidejussor suum repetit tanquam debitum contractum (§. 338.), non vero urget, ut damnum

*L. 1. Inquil.
de Fidejussorib.*

*Quo us-
que ex-
tenda- L. 43. cod.
t. de obli-
gatio L. 36. cod.
fidejusso-
ris.*

datum sibi reparetur. Enimvero cum nemo alterum sibi obligare possit contra voluntatem suam (§. 78.); *si quis pro invito fidejubet ac solvit, debitor principalis ad nihil ipsi tenetur.* Cum vero consentire præsumatur (§. 459.); immo tacite consentiat, qui tacet, quando loqui poterat & debebat (§. 27.); *si quis pro præsentē & patiente fidejubet, hujus consensu fidejussio facta censetur.* Et quia creditor a fidejussore plus juris acquirere non potuit, quam is in ipsum transferre voluit (§. 317.); *si fidejussor se tantummodo obligavit pro debito principali, vel parte ejus, nec ultra debitum principale, vel hanc partem creditori tenetur.*

§. 571.

De fidejussione pura, sub conditione & in diem facta.

Cum fidejussor promittat solutionem debiti alieni (§. 569.); *a voluntate fidejussoris pendet, utrum pure, an sub conditione, aut in diem promittere velit* (§. 385. 393.). Quoniam fidejussio in se sub conditione facta intelligitur, scilicet si debitor principalis non solvat (§. 569.); pure fieri intelligitur, si se constituit correum debendi (§. cit. & §. 424.). *Quod si ergo fidejussor pure se obli-*

obligatoriis, seu contract. beneficis. 315

obligat, non excusso debitore principali ad solvendum debitum adigi potest: quod si tamen creditor ab eo totum consequi non possit, regressus eidem patet ad debitorem principalem, ut, quod deficit, consequatur (§. 424.). At si fidejussor sub conditione, vel in certum diem fidejussit, non nisi conditione existente, vel die veniente, debitore principali excusso (§. 569.), ad solvendum adigi potest (§. 395. 396.).

§. 572.

Quoniam interest fidejussoris, ne terminus solutionis differatur, cum fieri possit, ut, qui nunc solvendo est debitor, esse desinat; qui fidejubet pro debito nunc solvendo, non intelligitur fidejussisse pro debito termino prorogato solvendo. Quamobrem terminus solutionis *in scio*, multoque minus invita *De termino solutionis in scio, vel invito fidejussore prorogato.* fidejussore prorogari non potest, & si hoc faciat creditor, fidejussor liberatur (§. 317.).

§. 573.

Quia ex fidejussione non plus juris acquiri potest, quam fidejussores in creditorem transferre volunt (§. 569. 317.), & contra ipsos pro vero habetur, quod sufficienter indicant (§. 318.); si singuli *De pluribus fidejussoribus.* in

Leg. III. Cod. de Fidejus. Porribus. in solidum se obligarunt, in solidum tenentur; si pro certa parte, nonnisi pro certa parte. Enimvero si nihil expresse dictum, cum plures fidejussores petantur in maiorem securitatem crediti (§. 569.); id actum intelligitur, ut omnes conjunctim obligentur pro toto debito, consequenter singuli pro æqua parte: si tamen ceteri solvendo non sint, unus totum solvere teneatur.

§. 574.

De fidejussore succedaneo.

l. 8. §. fin. l. 27. §. 2. de fidejuss.

Solvendus debet

Leg. VIII. §. fin. de fidejussor.

l. xxviii. §. 3. de fidejussor.

Qui pro fidejussore fidejubet, fidejussor succedaneus, subinde etiam subalternus, vel vicarius appellatur. Quamobrem cum is se obliget creditori ad solvendum debitum, si fidejussor non solverit; ad solvendum adigi nequit, nisi fidejussore excusso, nec, utpote obligatus pro eo, quod solvit fidejussor, obligatio inter ipsum & fidejussorem dividitur. Et quoniam fidejussor succedaneus se obligat pro obligatione fidejussoris, quemadmodum fidejussor pro obligatione debitoris; quæ valent de fidejussore principali respectu debitoris, eadem valent de fidejussore succedaneo respectu principalis (§. 569.): immo cum fidejussor succedaneus succedat in locum prin-

principalis, *idem quoque jus ipsi competit respectu debitoris principalis, quod fidejussori principali respectu ejusdem* (§. cit.).

§. 575.

Fidejussor succedaneus in specie *Fidejussor indemnitis* vocatur, si cre-<sup>De fide-
jussore
indemniti-
tatis.</sup> ditori se obligat ad omne id, quod nec a debitore principali, nec a fidejussoribus principalibus consequi potest. *Fidejussor itaque indemnitis prorsus indemnem præstat creditorem.* Enimvero si quis obligat fidejussori pro obligatione ipsi propria, scilicet promittendo, quod a se recuperare debeat, quodolvere coactus fuit; siquidem a debitore principali recuperare non possit, eum *Fidejussorem indemnitis fidejussoris* appellare lubet. *Fidejussor itaque indemnitis fidejussoris creditori nullo modo obligatus, nec obligari potest, ac inscio creditore & debitore principali se obligare potest.* Patet etiam, *hanc fidejussionem saltem fieri in securitatem fidejussoris, consequenter si is nihil solvit, in nihil tenetur: immo si solvit, non tenetur, nisi debitore principali excusso.*

§. 576.

§. 576.

De fide-
jussione
pro fa-
cto alie-
no.

Si quis se obligat pro facto, vel non-facto alterius, cum se obliget pro obligatione, quæ ex non-facto, vel facto alterius enascitur, adeoque tendit ad aliquid restituendum, vel reparandum; pro facto negativo fidejubens tenetur in omne id, quod interest, principaliter obligatum fecisse, quod non facere debebat, vel si pro positivo fidejubet, in id, quod interest, principaliter obligatum non fecisse. Exemplum esto, si pro fide famuli, quem commendas, fidejubes, vel si pro mandatario. ~~Lex. de fidej.~~

§. 577.

An fide-
jussor in-
plus, vel
minus
obligari
possit.

Quia fidejussor se obligat pro obligatione aliena (§. 569.); in plus obligari nequit, quam debitor principalis, consequenter si plus promiserit, tenetur in eam partem, quam debet principalis.

Ast quia etiam pro parte saltem fidejubere potest (§. 573.); in minus obligari potest. Quamobrem cum plus sit statim dare, quam post tempus dare; fidejussor compelli nequit ad solutionem ante terminum, etsi notorium sit, debitorem principalem non esse solvendo.

§. 578.

§. 578.

Cum *juramentum* actum non obli- ^{De fide-}
gatorium in obligatorium vertere ne- ^{jussione}
queat (§. 446.); *fidejussorem in validam* ^{jurata}
validam efficere nequit. Et quia obliga- ^{Scriptu-}
tio nascitur ex promissione (§. 380.); ^{ram re-}
fidejussio fieri potest per epistolam ^{lata.}
per alium (§. 403.), *nempe ministrum*
(§. 429.). Et quamvis *fidejussio valeat*
sine scriptura & *antequam in scripturam*
redigatur, nisi expresse aliter fuerit con-
ventum (§. 445.): cum tamen obligatio
non extendatur ultra id, quod dictum
est (§. 318.); *eam in scripturam redigi*
consultum est: & si *fidejussor terminos*
artis in eadem usurpatos non intelligat,
iidem ipsi sufficienter explicandi (§. 386.).

§. 579.

Expromissor dicitur, qui alterius ob- ^{De ex-}
ligationem in se transfert, seu pro altero ^{promis-}
obligato, aut obligando ita se obligat, ^{sione.}
ut ipse suo nomine tanquam debitor
principalis præstet, ad quod præstan-
dum alter erat obligatus. *Expromissor*
itaque *induit personam debitoris princi-*
palis, nec hic creditori amplius manet ob-
ligatus, consequenter si is solvendo non
fue-

*Lex xxvi fuerit, creditori non datur regressus ad
 §2. Mandat debitorem principalem, etsi hic solvendo
 sit. Cumque expromissio sit negotium,
 quod inter creditorem & expromisso-
 rem unice geritur; expromissor a debito-
 re principali repetere nequit, quod pro eo
 solvit, nisi aliter fuerit pacto speciali,
 cum debitore principali inito, conven-
 tum (§. 438.): jure tamen interno, si ex-
 promissor ei, cujus causa promittitur,
 nihil debet, quod solvit, restituendum
 (§. 271.). Idem etiam intelligitur de
 debitore principali, si expromissor sol-
 vendo non fuerit. Sane expromissio
 fieri potest animo donandi & quia jam
 expromissori aliunde satisfactum: id
 quod in expromissione non attenditur
 (§. 318.). Quod si quis ideo expromit-
 tit, quia debitori principali ad quid præ-
 standum obligatus, expromissione in
 tantum liberatur, in quantum eadem
 alteri se obligat; utique enim hoc animo
 expromissio facta intelligitur (§. 318.).
 Ceterum non minus fidejussio, quam ex-
 promissio indefinite facta in omne id, quod
 dabitur, valet; cum voluntatis tuæ sit,
 quomodo fidejubere & expromittere
 velis (§. 393.).*

CAPUT



CAPUT XII.

DE

ACTIBUS PERMUTATORIIS,
SEU CONTRACTIBUS ONEROSIS.

§. 580.

Actus permutatorii dicuntur etiam *Contractus onerosi*. Quamobrem cum in contractibus onerosis res & facta invicem permutentur (§. 467.), nemo autem alteri gratis dare, vel facere teneatur, si vicissim dare, vel facere potest (§. 473.); *in contractibus onerosis observanda æqualitas*, scilicet ut quantum præstat unus, tantundem vicissim ipsi præstandum ab altero sit, consequenter *contractu oneroso adimpleto, neuter contrahentium plus, vel minus habet, quam ante eundem habebat*, ac propterea *ex contractu neuter fit locupletior* (§. 271.). Quamobrem si contrahentes scientes atque volentes ab æqualitate recedant, *contractus mixtus est ex benefico, sive gratuito & oneroso*.

De contractibus onerosis in genere.

§. 38. De contractibus onerosis.

§. 581.

Quia in contractu oneroso æqualitas observanda (§. 580.); *inequalitas* (Wolfii Instit. J. N. & G.) *Si inæqualitas in fit contractui,*

tas in contractu oneroso illicita (§. 51.). Quamobrem cum eadem pars altera defraudetur (§. 286.); *qui plus accepit, tantundem alteri restituere debet, quantum plus habet (§. cit.),* ac propterea ob *inæqualitatem contractus non rescinditur.* Dicitur nimirum *Contractus rescindi,* quando pro nullo declaratur, qui ipso jure nullus non est, seu subsistit.

§. 582.

*Permutatio
quid &
quomodo
perficitur.*

Contractus onerosus, quo res datur pro re, siue corporalis, siue incorporalis, *Permutatio* est. Quoniam nonnisi dominus rem dare potest (§. 258.); *si unus contrahentium det rem alienam, permutatio nulla est.* Et cum datio sit translatio domini (§. cit.), id vero trans-eat in acceptantem nuda voluntate domini sufficienter declarata (§. 317.); *permutatio naturaliter perficitur mutuo consensu* (§. 27.), *quamprimum scilicet in rem pro re tradendam consentitur, permutatio perfecta est,* consequenter *contrahentes sibi invicem obligantur ad res tradendas* (§. 320.), *quamvis mutuo consensu traditio differri possit in certum tempus* (§. 314.).

§. 583.

Cum in permutatione res omnes dari possint (§. 582.), pecunia vero tanquam corpus considerata, non tanquam pretium rei, æquiparetur rei; pecunia quoque numerata tanquam corpus considerata permutari potest. Et quia usus rei datur, si datur jus re utendi; permutatio est, si do usum rei meæ pro usu rei tuæ (§. cit.). Immo cum operæ similiter æquiparentur rebus (§. 225.); operæ etiam cum operis permutari possunt. Et quoniam res tibi data tua est, si vero tu eandem mihi iterum das, mea fit (§. 258.); res etiam sua cum sua permutari potest, si detur, ut pro eadem detur eadem certo die.

Quomodo. l. i. de do pecu. contrah. nia & emt. ven. usus permutetur item res sua cum sua.

§. 584.

Cum permutatio contractus onerosus fit (§. 582.), in contractu autem oneroso observanda æqualitas (§. 580.); in permutatione æqualitas observanda, consequenter ut de eadem constare possit, res æstimate dandæ sunt, consequenter rei minoris pretii adjiciendum aliud, quod excessum alterius adæquat. Enimvero si quis sciens ac volens plus dat,

De æqualitate in permutatione observanda.

quam recipit, contractus mixtus est ex permutatione & donatione (§. 582. 475.)

§. 585.

De alienatione rei permutata

Quoniam in permutatione transit dominium, etiamsi res non statim tradantur (§. 582.); *neuter permutantium rem nondum alteri traditam alienare potest (§. 257.): qui vero rem sibi traditam accepit, eam alienare potest, etiamsi ipse rem datam nondum tradiderit (§. 314.).*

§. 586.

Scholion de eo, quod civile in hoc contractu.

Jus Romanum in permutatione plurimum recedit a Jure naturæ, ob rationes singulares, quas vide in Jure naturæ nostro Tom. 4. not. §. 879. 880. Quod itaque civile est, non confundendum cum eo, quod est Juris naturalis. Tale e. gr. est, quod contractus non ante validus, nisi ab una parte res tradatur, & per consequens non solo consensu perficiatur.

§. 587.

Emptio venditio quod sit.

Contractus onerosus, quo res datur ab uno, & alter pro ea dat pretium eminens, hoc est, eam pecuniæ summam, per quam pretium rei determinatur,

natur, dicitur *Emtio venditio*. Qui dat rem, *Venditor*; qui vero pretium, *Emtor* appellatur. Sed res, quæ venditur, *Merx* vocatur. Mercium itaque nomine non veniunt res, quæ venales non sunt, & communiter hoc nomen restringitur ad res mobiles.

§. 588.

Cum in emtione venditione pro re *Quænam vendi possint.* detur pecunia, qua æstimatur (§ 587.), pretium vero rerum omnium pecunia definiatur, & hæc pro qualibet re dari possit (§. 494.); *emi ac vendi possunt res omnes corporales, mobiles ac immobiles, & incorporales, pecunia qua corpus, possessio etiam rei propriæ, quam quis amiserat, jus in re, vel ad rem quamcunque, immo etiam res extitura: non tamen res, quæ in rerum natura non existunt.* Quoniam vero res dari nequit nisi a domino (§. 258.); *nemo quoque rem vendere potest nisi dominus: non-dominus rem alienam vendere nequit.*

§. 589.

Dominium futurum dicitur, quod nobis competit in re extitura, quamprimum existit, veluti in frugibus æsta- *De dominio & jure futuro.*

tis futuræ, vel in re accipienda, veluti in pecunia, quam salarii loco accepturi sumus. Unde simul patet, quodnam in genere dicatur *Jus futurum*. Quamobrem *dominium futurum continet jus excludendi dominio in re extitura, vel accipienda, quando illa existit, vel accipitur, ceteros omnes* (§. 195.), cumque ideo iam contineat aliquod jus præsens, *dominium quoque futurum in alium transferri potest*. Quoniam tamen actu dominus esse nequis, antequam res existit, vel accipitur; *translatione domini futuri potentia efficeris dominus, sed ita, ut statim actus sis dominus, quam primum res existit, vel accipitur*. Eteodem modo intelligitur, *te voluntate transferentis statim potentia jus acquirere proprium, actu autem, quando ea adsunt, a quibus juris actualitas pendet*.

§. 590.

De em-
tione re-
rum ex-
titura-
rum.

Cum dominium futurum nullum sit, nisi res existant (§. 589.); *res extituræ non emuntur, nisi sub tacita hac conditione, si existant, consequenter si non existere contingat, nulla est* (§. 396.).

(l. 8. de contrah. em. l. 1. de edict.)

Quoniam in emtione observanda æqualitas (§. 580.), consequenter neuter contra-

trahentium habet animum aleam subeundi; si res extituræ emuntur, vel emenda est certa quantitas, vel pretium ad certam quantitatem constituendum. Quamobrem si in casu priori minor quantitas existat, ultra eam ad tradendum non tenetur venditor; quia emtio conditionata, (per demonstr.) si autem major nascatur, nonnisi ea emta intelligitur, de qua conventum est (§. 318.): ast in casu posteriori, omnes emtæ intelliguntur, & pretium computandum ex eo, quod ad quantitatem constitutum (§. cit.). Enimvero si res extituræ emantur, quantitate non expressa & pretio nullo constituto, cum quantitatibus nulla facta mentio; omnes emtæ videntur, quæ extituræ sunt, & quia pretium nondum constitutum fuisse patet, propterea quod non omni tempore idem, tacite consensisse intelliguntur contrahentes in pretium, quod erit illo tempore, quo existunt, commune.

§. 591.

(Ad mensuram emi dicitur, si quantitas determinetur, quæ emta esse debet, & pretium ex quantitate quadam certa definiatur, vel res certa tota emi-
tur

De em-
tione ad
mensu-
ram.

l. 35. §. 5. et 7.

de contrahendo.
em. vendit.

l. 40. §. 2. cod. tur ea lege, ut eius quantitas certa mensura determinetur, ex qua pretium ejus definitur. Unde patet, si facta mensura minor deprehendatur quantitas, venditorem pretii partem remittere debere, nisi defectum supplere possit; si vero major, eum superfluum retinere, nisi emtor pretium, si ille velit, augere malit. Enimvero si nulla quantitas, exprimitur, totius rei pretium ab emtore solvendum, quod facta mensura quantitati deprehensæ convenit (§. 318. 438.).

in hunc §. Legum la. §. 592.

De em-
tione per
aversionem.

Per aversionem emi dicitur, si res certa emitur ita, ut ejus pretium ad nullam quantitatem restringatur, unde computandum. Quamobrem pretium, de quo conventum, solvendum, etsi alia deprehendatur ejus quantitas, facta mensura, quam putabatur (§. 318. 438.).

§. 593.

De re
aliena
vendita.

l. 25. C. de iur. ind.

Quia non dominus rem alienam vendere nequit (§. 588.), consequenter rei alienæ venditio nulla est; res aliena emtu domino sine pretio restituenda (261.): venditor autem emtori pretium restituere tenetur (§. 271.), consequenter, rem venditori restituere non licet, ut ab eodem pretium recuperes. (§. 594.)

§. 594.

Cum *res tibi vendita* tua sit, etsi *Derebis*
 nondum tradita (§. 587. 320.); *si ea al-* *vendita.*
teri denuo vendatur, venditio nulla est
 (§. 588.). Enimvero cum nuda vendi-
 tionis promissione in te non transfera-
 tur dominium rei vendendæ, sed sal-
 tem jus exigendi, ut eam mihi, non
 alii vendas (§. 379. 587.); *si rem, quam*
mibi vendere promisisti, alii vendas,
venditio valida est (§. 257.): *mibi tamen* *l. i. de act. emti*
teneris ad id, quod interest, rem mibi *vendi.*
venditam non fuisse (§. 415.).

§. 595.

Quoniam ex ipsa domini notione *De re in*
 patet, id non existere nisi in certa spe- *genere*
 cie, rei autem in genere nullum esse *emta.*
 (§. 195.); *si res in genere vendatur,*
 veluti si tibi vendo decem modios fru-
 menti in genere, non tanquam partem
 acervi tibi demonstrati, *dominium in*
emtorem non ante transit, quam si in
specie detur.

§. 596.

Ex emtione venditione datur res *Quando*
 pro pecunia (§. 587.). Quamobrem *emtio*
 cum pecunia in dominio esse nequeat, *venditio*
 nisi *perfecta.*

nisi quatenus in corporibus consistit, nec certa sit, nisi corporibus demonstratis, consequenter dominium in pecunia transferri nequeat, nisi datis, vel demonstratis corporibus; *naturaliter emptio venditio perfecta est, quamprimum de pretio conventum & emptor ad solvendum pretium paratus (§. 317.), ac emptione perfecta statim nascitur obligatio venditoris ad rem tradendam, emptoris vero ad pretium statim solvendum.* Nimirum solutio pecuniæ est actus, quo dominium & possessio pecuniæ debitæ una transfertur; consequenter traditionem & dationem una continet (§. 258. 320.), & pecunia solvitur, si ei, cui debetur, numeretur.

§. 597.

Si fides
de pretio
habeatur.

Fidem de pretio habere dicitur venditor emptori, vel fidem emptoris sequi, si verbis emptoris de pretio solvendo confidens, nec de eo solvendo sibi quocunque alio modo caveri, vel satisfieri jubens, mercem tradit. Fidem de pretio itaque habere, vel fidem alterius sequi est quasi accipere. Quamobrem cum venditor fidem de pretio habens emptori idem accepisse & pecuniam emptori mutuo

l. 19. de contrah.
emt. vendit.

tuo dedisse videatur (§. 528. 323.); *emtio venditio perfecta, quamprimum de pretio conventum & fides de eo habetur.* Nimirum venditor cum nolit rem dare nisi pro pretio; *dominium rei non ante transit in emtorem, nisi quando venditor vel actu accipit pretium, vel de eo accipiendo certus est.* Patet autem (§. 314.), a venditoris voluntate pendere, *utrum velit pretium sibi statim solvi, an fidem de pretio habere emtori, aut de eodem sibi alio modo cautum iri, veluti fidejussione (§. 569.), aut expromissione (§. 579.).*

§. 598.

Quoniam emtio venditio non perficitur, nisi res certa pro pretio certo detur (§. 587.); *si venditor mercem dat & tradit, quamvis de pretio nondum fuerit conventum, emtori fidem de pretio habet (§. 597.), & hic tacite consentit in pretium commune illius temporis, quo mercem accepit.*

§. 599.

Similiter quia in emtione venditione datur pecunia, sive pretium pro re (§. 587.), in permutatione autem res pro

*De re
sine pre-
tio con-
vento
emtore
tradita.*

*De pecu-
nia &
re pro re
data.*

*L. vi. C. de
L. vi. C. de*

pro re (§. 582.); *si quis dat rem pro re
& pecuniam tanquam additamentum,
contractus permutatio est: si vero pecu-
niam pro re & rem tanquam supplemen-
tum pretii, emptio venditio.*

§. 600.

*Quando
pretium
augere,
vel im-
minuere
liceat.*

*§ 33. Inst.
de actionibus*

Cum usus pecuniæ sit aliquid æsti-
mabile, quatenus lucrosus; *plus sol-
vit, qui statim solvit, vel solutionem
anticipat, quam qui solutionem differt.*
*Quamobrem ob dilationem solutionis
pretium rei augeri potest, ob solutionem
anticipatam minui: non tamen licet au-
gere ob dilationem, si quis omni tempo-
re paratus est ad pretium solvendum,
quando pecunia indiget venditor.*

§. 601.

*De em-
tione
vendito-
ris cau-
sa &
contra.*

Similiter quia opportunias rem suam
vendendi, aut aliam ab alio emendi
aliquid æstimabile est, præsertim si in-
ter sit venditoris, ut sua vendat, emto-
ris ut emere possit; datur enim in prio-
ri casu præmium ei, qui fecit, ut ven-
dere, in posteriori, ut emere potueri-
mus, emtore nimirum in illo, vendito-
re in hoc quæsito; *si interest venditoris,
ut rem statim vendat, aut ejus causa
emi-*

emitur, viliori pretio emere licitum, & si interest emtoris, ut res vendatur, aut ejus causa venditur, majore pretio eam vendi iniquum non est.

§. 602.

Cum nemo locupletior fieri debeat cum damno alterius (§. 271.); si venditor in pretio indicando erravit & vero majus ab emtore accepit, quod plus accepit, reddere tenetur: ex adverso si pretium vero minus solutum, quod vero deest supplere debet emtor, aut, si nolit vero pretio emere, mercem restituere ac, quod solvit, pretium recipere. Quoniam jus naturæ non distinguit inter plus & minus, sed nullam prorsus fert læsionem; naturaliter contractus rescindi potest ob quamlibet læsionem. Ceterum ob eandem rationem idem valet, si per ignorantiam solvatur pretium majus, quod verum putabat emtor.

§. 603.

Quoniam perinde est, siue emtor & venditor inter se de pretio conveniant, siue ejus determinationem in arbitrium tertii vel certi, vel incerti con-

emtoris, conferant; *determinatio pretii in arbitrium tertii collata naturaliter valet, nisi a communi seu vero nimis recedat* (§. 271.): cumque determinatio ideo in arbitrium tertii conferatur, ne metuenda sit læsio ex contractu; *is, in cuius arbitrium confertur, peritus rei æstimator esse debet.* Enimvero cum in contractibus pro vero habendum, quod sufficienter indicatum (§. 318.), nec lege naturæ permissum, ut faciant contrahentes, quod officiis repugnat (§. 42. 57.); *ex circumstantiis æstimandum, quinam fuerit animus contrahentium, seu qua de causa determinatio pretii in arbitrium emtoris, vel venditoris collatum, & jure interno reguntur istiusmodi emtiones per officia.*

§. 604.

De errore circa corpus, vel materiam, aut qualitatem rei. Cum pactum errantis nullum sit, si error ei dedit causam (§. 405. 438.); *si res alia pro alia vendatur ac ematur, sive sit alia quoad corpus, seu in individuo, sive quoad materiam, ut vel tota, vel ex parte ex alia materia constet, quam putabatur, emtio venditio nulla est.* Patet etiam exinde, quod in hoc actu committatur fraus vel consilii, vel even-

permutatoriis, seu contr. onerosis. 335

eventus, utraque non ferenda (§. 286.).
*Idem eodem modo intelligitur, si em-
tor vel expresse indicet, vel aliunde id
sufficienter appareat, quod ob qualita-
tem quandam rem emat, alias eam non
emturus, & circa qualitatem erretur,
veluti si vinum recens vendatur pro
veteri.*

§. 605.

In emtione venditione translatio fit
dominii rei a venditore in emtorem
(§. 587.). Quamobrem cum a domini
voluntate dependeat, quomodo domi-
nium rei suæ in alterum transferre ve-
lit (§. 314.), & a voluntate accipientis,
utrum id eodem modo habere velit,
an nolit (§. 316.); *pro lubitu emtoris
& venditoris emtioni venditioni adjici
possunt pacta, quæ jus ex illa quæsitum
inmutant, & novas quasdam obli-
gationes producant, utique servanda
(§. 438.). Hinc sequitur, ut, si in diem
res vendatur & ematur, emtio venditio
statim perfecta, sed ad eam consumman-
dam non obligentur contrahentes, ante-
quam dies venerit: & ex aduerso, si res
vendatur ea lege, ut sit emta per cer-
tum tempus, emtio venditio statim con-
sum-*

*De pa-
ctis em-
tioni
vendi-
tioni ad-
junctis.
Et de ea-
dem in
diem, &
ad cer-
tum tem-
pus fa-
cta.*

*summanda, tempore autem præterlapso
finiatur.*

§. 606.

*De em-
tione sub
condi-
tione re-
solutiva.*

Cum (vi §. præc.) etiam emtio ven-
ditio contrahi possit sub conditione re-
solutiva & pœna pœnitentiæ; si ita con-
veniat, ut, nisi pretium intra certum
tempus solvatur, res sit inempta, emtio
venditio statim perfecta, sed pretio in-
tra tempus conventu non soluto, re-
solvitur (§. 397.), &, si ita convenia-
tur, ut intra certum tempus emptori a
contractu recedere liceat; recedens vero
certi quid præstet venditori, venditor
interea rem alii vendere nequit, in emto-
rem collatum est jus pœnitendi, emptor ve-
ro pœnam pœnitentiæ præstare tenetur.

§. 607.

*De em-
tione sub
condi-
tione su-
spensiva
& pin-
guioris
emptoris.*

Similiter cum etiam sub conditione
suspensiva emtio venditio contrahi
possit (§. 605.); si sub certa conditio-
ne emtio contrahitur, antequam con-
ditio existat, emtio perfecta non est,
nec ad eam consummandam tenen-
tur contrahentes, & illa deficiente
nulla est (§. 396.): pendente tamen
conditione pœnitere non licet, cum spes
perfectum iri emtionem neutri parti
aufer-

auferri possit (§. cit.). Specialis conditio est, si emtor pinguior haberi possit. Quodsi ergo ita conveniatur, ut res sit inemta, si emtor pinguior haberi possit intra certum tempus, emtio statim perfecta, pinguiori tamen emtori eam vendere potest venditor: altsi ita conveniatur, ut res si emta, nisi intra certum tempus emtor pinguior haberi possit, emtio tum demum perficitur, si pinguior sese non obtulerit, interea tamen temporis pœnitere non licet. Nimirum in casu priori conditio resolutiva est, in posteriori suspensiva (§. 315.).

§. 608.

Pactum, quo ita convenitur, ut res sit inemta, si intra certum tempus emtor pinguior offeratur, vel ut sit emta, nisi offeratur, dicitur *Addictio in diem*; & in casu quidem priori *pura*, in posteriori *conditionata*. Vocatur autem *Emtor pinguior*, qui meliorem offert conditionem, quam primus; & *Conditionis melioris* nomine venit, quicquid ad utilitatem venditoris pertinet, veluti si preio qui addatur, si solutio offeratur in moneta majoris bonitatis intrinsecæ, si statim solvatur. Quoniam
(*Wolfii Instit. J. N. & G.*) Y *pacta*

*De addi-
ctione in
diem.*

pacta naturaliter per se obligant
 (§. 438.); *naturaliter quoque contractui*
cuicunque adjici possunt ex intervallo,
consequenter etiam addictio in diem ex
intervallo adjici potest. Cum vero in hoc
 pacto id agatur, ut emptio vel rescin-
 datur, vel non perficiatur, conditione
 meliore ab alio oblata, minime autem,
 ut venditor, si eum poeniteat, contra-
 ctum pro lubitu rescindere, vel non
 perficere possit (§. 607.); *venditor ipse*
conditionem meliorem offerre non potest.
 Id vero adhuc notandum est, *addictio-*
nem in diem fieri posse vel in gratiam ven-
ditoris, vel in gratiam emptoris. Et in casu
 primo facile intelligitur, *venditori libe-*
rum esse, utrum conditionem meliorem
acceptare, an primam sequi malit; in al-
 tero autem conditione meliore oblata, em-
 pto-rem ab obligatione statim liberari, &
 venditorem vel conditionem acceptare,
 vel rem recipere teneri. Patet etiam por-
 ro, *venditorem emptori primo indicare*
non teneri, quod & qualis conditio offera-
tur antequam offerenti rem vendat, nisi
expresse hoc fuerit conventum, ut res em-
ta manere debeat, si ille eandem conditio-
nem adimplere velit. Quoniam vero
 emptori

emtori perinde est, siue alius emtor rem accipiat, siue venditor eam retineat sibi, conditione meliore oblata, nec sibi retinens quicquam committat, quod est contra jus primi emtoris (§. 83.); *si melior conditio offertur, venditor rem sibi retinere potest, nisi expresse, ut ante, fuerit conventum.* L. II. COD.

§. 609.

Lex commissoria in genere vocatur *De lege commissoria.* pactum, quo ita convenitur, ut, nisi præstetur, quod ex alio contractu debetur, debitor amittat, quod ex eo habere decebat. Et tunc id, quod amittitur, dicitur *committi*. Et in specie in præsentī contractu *Lex commissoria* dicitur pactum, quo ita convenitur, ut, nisi emtor intra certum tempus pretium solvat, res sit inempta. *Pactum* itaque, cui *lex commissoria* addita, statim *resolvitur*, conditione *resolutiva*, quæ eidem inest (§. 315), existente. Et propterea si emptio sub lege commissoria contracta, & pretium intra tempus præstitutum non fuerit solutum, dominium rei venditæ confestim ipso jure redit ad venditorem. Cum venditor cum damno emtoris locupletior fieri nequeat L. 14. de public.

(§. 271.); *si emtor partem pretii solvit, emtione commissa, ea ipsi restituenda.* Et quoniam emtio *in gratiam* venditoris tantummodo resolvitur; *si lex commissoria in ipsius gratiam addita, in ipsius utique arbitrio positum est, utrum ea uti velit, nec ne.* Quoniam effectus legis commissoriæ pendet a conditione resolutive, quæ eidem inest; *si conditio quæcunque resolutive emtioni & in genere contractui, sive pacto cuicunque adjicitur, clausula adjecta hæc legi commissoriæ æquivalet.* Atque ea de causâ adjectio istiusmodi conditionis, qua, quod ex pacto haberi debebat, committitur & ipsum pactum resolvitur, *clausula commissoria* appellatur.

§. 610.

De pacto
resolutive ex
nunc &
ex tunc.

Pactum, cui adjicitur conditio quæcunque resolutive, vulgo *resolutivum* dicitur; cuius ideo species sunt *lex commissoria* & *addictio in diem sub conditione resolutive*. Vocatur autem *resolutivum ex nunc*, quando contractus retro resolvitur, quasi ab initio statim fuisset nullus; & *ex tunc*, quando contractus resolvitur eo, quo conditio existit, tempore, ut ab eo demum habeatur

beat^{ur} pro nullo. Quoniam naturaliter a voluntate *paciscentium* dependet, quomodo convenire velint (§. 385. 438.); *in* ipsorum quoque *arbitrio positum est, utrum conditione resolutiva existente pactum resolvi debeat ex nunc, an ex tunc.*

§. 611.

Quod si ita conveniatur, ut, si rem ^{*De Fare*} emtam iterum vendere volueris, eam ^{*retra-*} mihi, vel tertio cuidam certo vendere ^{*ctus.*} debeas, vel ut alii vendere non liceat, si ego, vel tertius ille idem pretium solvere velimus, quod solveret alius; pactum emtioni venditioni adjectum dicitur *Pactum de retrahendo*; & jus ex hoc pacto acquisitum, *Jus retractus* appellatur, in jure civili cum addito *Jus retractus conventionale*, quia ex pacto descendit; in oppositione *ad legale*, quod certis personis lege tribuitur ac mere civile est. *Jus hoc retractus est jus prælationis, eodemque imminuitur jus alienandi* (§. 257.), *sed sine damno domini* (§. 269.). Quoniam *Jus protimiseos* vocari solet, quo quis præferri debet in eodem actu alii, vel aliis; *jus retractus est jus protimiseos, sed non contra.* Quia

vero *jus retractus* ex pacto ad emtionem venditionem restringitur; *locum non habet, si res eidem obnoxia alio titulo quam emtionis venditionis alienatur*, veluti si donetur, vel permutetur (§. 318.). Cum naturaliter quilibet jus suum alteri cedere possit (§. 342.), nisi personale fuerit (§. 400.); *jus quoque retractus cedi potest, nisi vel expresse fuerit dictum, ne alii cedatur, vel aliunde appareat, id ad personam retrahentis esse restrictum* (§. 318.).

§. 612.

Pactum de retrovendo & de redimendo.

Si ita conveniatur, ut, quando tibi visum fuerit, vel certo tempore, vel intra certum tempus rem venditam tibi redimere liceat; pactum, quod emtioni venditioni adjicitur, dicitur *Pactum de retrovendo*, vel *retrovenditionis*. Quamobrem emtor quidem obligatur ad rem retrovendendam, venditor autem minime ad eam redimendam. Ac hoc pacto cum omnino differat, si ita conveniatur, ut res vendita vel certo tempore, vel intra certum tempus redimi debeat; lubet id *Pactum de redimendo* appellare. Et ex pacto de redimendo venditor obligatur ad rem redimendam, non

non vero emtor ad eam iterum vendendam. Cetera intelliguntur de utroque pacto, sicuti de ceteris omnibus adjectis, ex eo, quod dictum, vel alio modo sufficienter indicatum est (§. 318.).

§. 613.

Quamprimum ex contractu emtionis venditionis pactis quibuscunque adjectis dominium in emtorem transit, cum is jam sit dominus, & venditor esse defierit (§. 195.); omne quoque commodum, quod ex re percipi potest (§. 198.), & omne deteriorationis, amissionis & interitus periculum ad emtorem pertinet (§. 243.). Atque inde facile in casu quolibet definitur, cujusnam sit commodum & periculum naturaliter. Quoniam vero naturaliter conveniri potest, prouti visum fuerit contrahentibus (§. 393. 438); ita etiam conveniri potest, ut sub certa conditione, vel certo tempore rei venditæ dominium maneat penes venditorem, commodum tamen & periculum sit penes emtorem, vel contra; immo ut dominium cum periculo transeat in emtorem, commodum tamen sub certa conditione, vel certo tempore pertineat ad venditorem.

Cujusnam sit commodum & periculum rei emtæ in diversis casibus.

§. 614.

De em-
tione rei
gustu,
aut in-
spectione
proban-
da.

Si res, quæ gustu demum probetur, aut inspicatur, vendatur, veluti si tibi venditur vinum in cella mea, gustu probandum; ea nonnisi sub hac conditione intelligitur emta, si tibi probetur, consequenter periculum & commodum non ante ad emitorem pertinet, quam si degustata, vel inspecta probatur (§. 613.).

§. 615.

De com-
modo &
periculo
rerum
alterna-
tive ven-
dita-
rum.

Cum emitore dominium in re alternative vendita ante opinionem nullum competat (§. 195.); si duæ res alternative vendantur, ita ut optio detur, quamnam eligere velit, antequam optio facta est, commodum atque periculum utriusque ad solum venditorem spectat (§. 613.).

§. 616.

De ven-
ditore
in dila-
tionem
pretii
non con-
sentiente
& inter-
esse mo-

Quia emtio non perficitur, nisi pretium statim solvatur (§. 596.), aut venditor in dilationem consentit (§. 597.); si de pretio fuerit conventum, & venditor in dilationem consentire non vult, emtio nulla est, consequenter si redux pretium statim solvere velis, eam tibi pro eodem dare non tenetur. Cumque in mora sis,

si

permutatoriis, seu contr. onerosis. 345

si convento tempore pretium non solvas (§. 417.); venditori præstare debes, quantum valet usus pecuniæ a die moræ (§. 419.).

§. 617.

Res evinci dicitur, si quis eam ob *De evi-
sione.*
jus, quod in ea habet, nec exercere

potest, nisi eam in potestate sua ha-
beat, a possessore aufert, veluti si res

a non-domino emta a domino vindi-

catur (§. 262.). Evictionem vero præ- *L. 1. C. de evict.*

stare dicitur, qui satisfacit alteri pro da-

mno ob rem evictam eidem obvenien-

te. Quoniam possessor quilibet præ-

sumitur dominus, nisi prostant ratio-

nes probabiles in contrarium (§. 455.),

consequenter emtor cum venditore

tanquam cum domino contrahit, nisi

noverit rem esse alienam; emtioni inest *L. 11. §. 2. de acq.
eml. vend.*

tacita hæc conditio, ut evictio præstetur,

consequenter naturaliter opus non est

eam demum expresse promitti: præsta- *L. 11. §. 18. eml.*

tioni tamen evictionis renunciari potest

(§. 342.). Quoniam qui sciens a non-

domino emit, se nonnisi possessionem

emere novit (§. 588.), consequenter in

periculum evictionis consentit (§. 593.);

ad præstandam evictionem rei alienæ ven- *L. 27. C. de evict.*

Y 5

ditor

ditor scienti non obligatur. Et quia non minus quis jus, quod in re vendita habet, evincere potest; *venditor quoque revictionem juris cujusdam, quod tertius in re habet, præstare obligatur.* Enimvero *donator*, cum gratis donans (§. 475.) non intelligatur in donatarium transferre voluisse nisi jus, quod in re habet, *donatario ad præstandam evictionem non obligatur.* Mere civile est, quod præstatio evictionis exigatur in donatione remuneratoria, cum ad eam non competat jus perfectum donatario (§. 482.).

§. 618.

*De vitis
reienta.*

Vitium rei dicitur accidens, quod eidem inhæret & rem usui suo minus aptam reddit. Cum res emanant propterea, quem habere debent usum, consequenter nemo res viciosas emere velle præsumatur; *vitia rei; quæ in oculos non incurrunt, vel aliunde nota sunt, emtori indicare tenetur venditor*, consequenter multo minus ea studiose occultare debet, ne in oculos incurrere possint. Et quia vitium rei æstimabile quid est, quatenus scilicet rem per se ad aliquem usum aptam ineptam reddit; *vitia pretium*

vitium rei imminuunt; immo si quod vitium rem prorsus inutilem reddit, eam nullius pretii faciunt. Immo cum non minus fraus eventus, quam consilii sit vitanda (§. 286.); si res prorsus inutilis fuerit ob vitium latens, pretium emptori restituendum: si vero adhuc usum habere potest, aut alio modo damnum reparari, damnum saltem datum resarciendum (§. cit.). Haud difficulter patet, jura, quæ tertius in re emta habet, vitiiis annumeranda esse, L. 39. de ad. emt. uent. ita.

§. 619.

Arrha dicitur pecunia, vel res, quæ ab uno contrahentium datur alteri contractus probandi & confirmandi causa. Ideoque arrham sibi dari petit, cujus maxime interest, ne a contractu recedatur; ultro etiam offert is, qui sibi metuit, ne contractus ab altero non adimpleatur, vel nondum perfectus non perficiatur. Patet itaque, arrhæ dationem esse contractum, vel pactum peculiare, & ad quemvis alium contractum, non modo ad emtionem venditionem accedere posse; eadem tamen in contractu, cui accedit, nihil immutari. Enimvero cum de arrha valeat, quod conventum fuit (§. 318.); si

*De arr- L. 35.
ha dan- de contr.
tione. emt. uent.*

arrha

arrha detur tanquam pars ejus, quod ex contractu debetur, in id imputatur, si vero detur in securitatem contractus adimplendi, eo adimpleto, restituenda. Ob eandem rationem si arrha datur ea lege, ut in id imputatur, quod ex contractu debetur, si dans impleverit eundem, eam vero retineat accipiens, si non impleverit; pacto non adimpleto, arrham accipiens lucratur: quoniam tamen accipiens in id quidem consensit, ut datori liberum sit, utrum arrham amittere, an contractum adimplere malit, non autem id actum est, ut accipienti integrum sit a pacto discedere, si arrham restituat; accipienti liberum non est, utrum arrham restituere, an contractum adimplere malit. Enimvero si ita convenitur, ut, nisi contractum alteruter contrahentium adimplere velit, arrhæ dator cum dispendio arrhæ a contractu recedat, ab eodem vero si accipiens recedat, duplum restituat, cum in arbitrio paciscentium positum sit, ut hanc legem contractui dent (§. 385. 438.), & sub pœna contrahere liceat (§. 410.); naturaliter contractus revocabiliter, sed sub pœna initus intelligitur. Similiter si ita conveniatur, ut, si

arrhæ

L. II. C. de fide
instrument.

arrhæ dator a contractu recedere velit, eam perdat, accipiens vero duplum in eodem casu restituat, salvo tamen jure ejus, qui contractum adimplere velit, cum sub pœna pœnitentiæ ita contrahatur; contractus cum dispendio arrhæ, vel duplici restitutione subsistit. Patet autem in hoc casu cum arrhis fortius contrahi, quam sine arrhis; cum major introducatur obligatio contractum adimplendi (§. 35.). Si de arrha nihil speciale fuerit conventum, cum ea deur tanquam indicium contractus initi & constantiæ voluntatis; cum dispendio arrhæ a contractu recedere non licet, consequenter contractu adimpleto, aut, si eum adimpleri non amplius integrum est, præstito interesse (§. 415.), arrha restituenda, aut, si in pecunia consistat, in id, quod debetur, imputandum. Quoniam denique si alter ex pacto jam aliquid præstitit, dum ab eo discedit, ego ipsi nihil restituere teneor (§. 443.); si emtor parte pretii jam soluta, vel arrha data, re tamen nondum tradita, a contractu recedat, venditor ab eodem recedens partem pretii jam solutam, vel arrham datam restituere non tenetur.

§. 620.

*Locatio
condu-
ctio quid
& quo-
suplex.*

Locatio conductio vocatur contractus onerosus, quo certus rei usus conceditur, aut certa opera præstatur pro certa mercede. Pretium, quod solvitur pro usu rei, præsertim immobilis, vocatur *Pensio*. Qui pro usu rei mercedem solvit, *Conductor rei*; & is, cui operæ pro mercede præstantur, *Conductor operarum* appellatur; qui vero pro mercede concedit usum rei, *Locator rei*; & qui pro operis suis eandem accipit, *Locator operarum*. In specie conductor ædium, *Inquilinus*; agri, *Colonus*; operis faciendi, *Redemptor* appellatur: qui postremus idem est cum locatore operarum, veluti si faber lignarius contrahit cum te de ædibus certo pretio excitandis.

§. 621.

*Quando
contra-
ctus per-
fectus,
& na-
scentes
inde ob-
ligatio-
nes.*

Cum ad perfectionem contractus locationis conductionis nil amplius requiratur, quam ut locator promittat concessionem usus, vel operas præstandas pro mercede solvenda, & conductor solutionem mercedis pro usu rei, vel operis præstandis (§. 620. 380.); *quamprimum locator & conductor con-*
vene-

venerunt de mercede pro usu rei, vel operis præstandis, locatio conductio perfecta est: perfecto autem contractu locator obligatur ad usum rei conventum, consequenter rem isti usui, ad quem eam conduxit, aptam, vel operas promissas præstandum, & conductor ad mercedem solvendam, etiam si re, vel operis locatoris ^{non possit} ~~uti non poterit~~, modo §. 62. Locati. is interea rem, vel operas alii non locaverit; cum tunc ipse a contractu discesserit (§. 442.), nec ullum damnum datum sit locatori a conductore, quod foret resarciendum (§. 269. 270.).

§. 622.

Quoniam locator rei in conducto- De re locata alteri a locatore locata, & quomodo re locata utendum. rem transfert jus re utendi, quomodo conventum fuit (§. 620.); ipse ea interea uti nequit, dum non utitur conductor, & si interea alii locet, merces, quæ datur, huic debetur, cum usus jam sit ipsius; immo ob eandem rationem sine consensu ejus alteri locare nequit: ex adverso conductor re aliter uti non potest, quam conventum fuit, alias furtum usus committit (§. 264.). Immo si aliter utatur, seu re abutatur, locator contractum rescindere potest (§. 442. 581.).

§. 623.

§. 623.

De præ-
statione
opera-
rum.

Similiter conductor non alias operas a locatore exigere potest, quam conven-
tas, nec alio, quam tempore convento
(§. 317.), & locator perinde operas tem-
pore convento præstare debet (§. 438.),
alias tenetur ad id, quod interest, eas
convento tempore præstare non fuisse
(§. 415.), cumque a pacto discedat loca-
tor; conductori licet, si ita visum fuerit,
alterius operas conducere (§. 442.).

§. 624.

De sub-
locatio-
ne.

l. 7. locati.

l. 6. C. locati.

Si conductor rem, vel operas sibi
locatas alii locet, locatio ab ipso facta
Sublocatio dicitur. Cum jus utendi re,
vel operis in conductorem translatum
sit (§. 620.); sublocatio rei conductæ ad
eundem usum, ad quem fuerat condu-
cta, & operarum ad idem licita, nisi
conventum fuerit, ne sublocetur, quon-
iam tum jus utendi sine potestate sub-
locandi translatum, nec aliter condu-
ctori competit (§. 317.).

§. 625.

Quæ-
nam lo-
cari pos-
sint.

Cum nemini gratis dare, vel facere
teneamur, si quis vicissim dare, vel
facere potest, & in locatione non de-
tur

tur nisi usus rei pro mercede, non vero res ipsa, id quod est rem vendere (§. 587.); res omnes, quæ usu non consumuntur, tam corporales, mobiles ac immobiles, quam incorporales locari & conducì possunt, itidemque operæ omnes non illicitæ; quia ad illicitas non committendas indispensabiliter obligamur (§. 49. 42.).

L. 26. de V. O.

§. 626. §. 628

Quoniam pretium rerum pecunia æstimatur, ideoque perinde est, siue des pecuniam, siue rem, quæ tanta pecunia æstimatur, in locatione conductione autem datur pecunia pro usu rei, vel operis (§. 620.); naturaliter locatio conductio est, si pro usu rei, vel operis datur res certa, de qua convenitur, consequenter erit etiam locatio conductio, si partim pecunia, partim res detur.

An merces in re consistere possit.

§. 627.

Cum pro usu rei, vel operis præstanda sit merces conventa (§. 620.); si de mercede nihil fuerit expresse dictum, tacite consensisse censentur contrahentes in eam mercedem, quæ communiter pro tali usu, vel istiusmodi operis dari solet, (Wolffii Instit. I. N. & G.) Z aut

De mercede tacite conventa.

aut in eam, quam dederat, qui ante conduxerat. Idem intelligitur, si convenitur, ut detur merces æqua, vel quæ dabitur ab aliis; tum enim danda merces, quæ ab aliis dari solet.

§. 628.

De pactis adjectis.

L. 6. §. locati.

Quoniam etiam locationi conductio-
ni pacta adjici possunt, prouti commo-
dum visum fuerit contrahentibus, per-
inde ac in emtione venditione (§. 605.);
de qua in pactis adjectis fuerit conven-
tum, eo standum (§. 438.). Istiusmodi
pactum est, quo prohibetur subloca-
tio (§. 624.), quo usus rei certa lege
restringitur, quo convenitur de mer-
cede anticipanda, quo adjicitur clau-
sula commissoria, ut contractus sit nul-
lus, nisi merces certo die solvatur, &
statim liceat rem alii locare, ut locatio
rescindatur, seu statim cesset, ubi res
vendita, vel propriis usibus necessaria
fuerit; cum enim jus ex contractu quæ-
situm invito auferri nequeat (§. 100.),
naturaliter non finitur locatio ad cer-
tum tempus facta, ubi ante idem ven-
ditæ, vel propriis usibus necessaria fue-
rit. Sed de his pactis singulis, quæ
fieri

fieri possunt, non opus est, ut sigillatim dicamus.

§. 629.

Cum locator non obligetur conductori nisi ad præstandum rei usum conventum (§. 620.); si eidem rem similem & æque commodam præstet absque ullo ipsius sumtu, rem ut vendat, vel propriis usibus necessariam locatori adi-mat, injustum non est. Idem intelligitur, si qui operas ipse præstare non potest, substituat alium æque idoneum, qui præstet.

Quando venditio rei locata, aut præstatio operarum per alium non illicita.

§. 630.

Si locator eadem opera pluribus utilis esse possit, cum bis promittere liceat, quod bis præstari potest (§. 421.), & parum intersit, siue uno actu, siue duobus diversis præstetur; quin operas tibi locatas alii locare & ab utroque conductore mercedem integram accipere liceat, dubitandum non est. Exempli loco esto tabellarius ad literas deferendum conductus. Quoniam vero, si eadem opera pluribus conjunctim locetur, omnes conjunctim non repræsentant nisi unum locatorem, consequenter mercedem conjunctim nonnisi se-

De eadem opera pluribus locata.

L. 47. locati.

mel solvere tenentur; conductores singuli mercedem pro rata solvunt, prouti conventum fuit inter ipsos. Quod si operæ, quæ non nisi uni præstari possunt, duobus locentur, conductori primo præstandæ (§. 421.).

Leg. 26 locati

§. 631.

De relocatione
et renunciatione locationis.

Si res, vel operæ ad certum tempus locentur, finito tempore conductoris jus cessat & contractus finitur (§. 317. 318.), consequenter cum locatio & conductio renunciari dicatur, si vel locator conductori, vel conductor locatori significat, se ultra certum terminum ex contractu amplius teneri nolle; naturaliter renunciatione opus non est, nisi expresse fuerit conventa (§. 628.).

Leg. 13 §. II de locati.

L. 13 §. I. locati.

Quamobrem cum res, vel opera relocari dicatur, si conductori finito tempore iterum locetur; relocatio novus contractus est, ab anteriore prorsus diversus, consequenter pacta quæcunque eidem adjici possunt, seu legem quandam eidem dare licet, a priori diversam. Quoniam vero tacite etiam conveniri potest (§. 439.); si locatore non contradicente conductor re ultra tempus conventum utatur, vel renunciatio conven-

L. 13 §. II. eod.

ta

permutatoriis, seu contr. onerosis. 357

ta non fuerit facta, relocatio in modum anteriorem tacite facta intelligitur (§. 441.).

§. 632.

Quodsi duratio contractus in alterutro, vel utriusque arbitrium conferatur, cum mortuus velle desinat; morte ejus, in cujus arbitrium collata est, consequenter in casu posteriore morte alterutro, locatio conductio finitur. *De loca-
tione
morte,
vel jure
in re ex-
tincto
finita.*

Cumque nemo plus juris in alterum transferre possit locando, quam habet (§. 258.); jure locatoris in re locata extincto, locatio finitur. *Lex 4 Loca-
leg. § 1 Loca-*

§. 633.

Quoniam conductori usus rei locatur (§. 620.); locator consentire tenetur in eam deteriorationem, sine qua usus obtineri nequit. Enimvero si dolo, vel culpa conductoris reddatur deterior, vel *De da-
mino in
re, vel
usu rei
dato.*

prorsus destruat, damnum conductor refarcire tenetur (§. 270.). Cum vero dominium maneat penes locatorem, usus autem sit conductoris (§. 620.); si damnum casu datur in re, quem nulla conductoris culpa præcessit, id locatoris est; si in usu, conductoris, nisi de remissione mercedis quædam fuerint con- *Lex 2 Dig. de
Loca-*

Z 3

venta

venta (§. 342. 628.). Enimvero si casus auferat omnem rei usum, cum merces pro usu detur; ea remittenda.

§. 634.

De damno, quod incurrit locator operarum, & damno in opere conducto dato.

Similiter cum conductori imputari nequeat, si locator operarum culpa sua damnum incurrit, dum operas præstat (§. 3.), a quo sibi cavere debebat (§. 269.); conductor id resarcire non tenetur. Et quia casus prævideri nequeunt; qui operas pro mercede locat, subire tenetur periculum, quod inde imminere poterat, consequenter nec conductor resarcire tenetur damnum, quod casu incurrit locator. Ita si locator operarum fregerit, vel perdiderit instrumentum operas promissas præstando, damnum ipsius est; vel etiam si id contingat in materia locatoris operæ propria, ex qua tibi opus facere debebat: enimvero si tua sit materia, in qua casus contingit, damnum tuum est (§. 243.). Culpa utique sua damnum dedisse intelligitur, qui opus ex tua materia fecit vitiosum (§. 21. 269.); ac ideo si vitium corrigi possit, sine mercede id corrigere, sin minus, pretium materiæ restituere & opus vitiosum retinere debet (§. 270.).

Quia

Quia *Artifex* dicitur, qui artem aliquam callet, vel exercet; *imperitia artificis, seu ejus, qui se artificem profite-
tur*, utique culpa est (§. 21.). Denique cum opus, quod alteri locasti, tuum sit; si sine conductoris operis culpa casus in cæpto, vel jam perfecto contingat, *damnum tuum est* (§. 243.): *ast si vitio operis contingat damnum*, cum tunc culpa conductoris detur (*per demonstr.*); utique conductor id *resarcire tenetur* (§. 270.).

§. 635.

Si ita conveniatur cum artifice, ut faciat opus ex materia sua, pretio in opus perfectum & approbatum constituto, cum non conveniatur de mercede pro operis præstanda, sed de pretio pro opere confecto solvendo; *contractus locatio conductio non est* (§. 620.), *sed emtio venditio rei extiturae, sub hac conditione inita, si vitio careat* (§. 587. 590.). Et quoniam in emtione venditione res tanquam supplementum pretii dari potest (§. 599.); *erit adhuc emtio venditio, si data materia, vel res alia in pretium imputanda.*

*De em-
tione
operis
nostra
volunta-
te ab alio
confi-
ciendi.*

§. 636.

*De im-
pensis in
rem lo-
catam
factis.*

Quoniam locator rem usui condu-
cto aptam præstare tenetur (§. 621.); *si conductor fecit impensas necessarias,* sine quibus scilicet res non poterat ha-
bere usum, quem conduxerat, *locator eas restituere tenetur:* non vero licet *facere impensas utiles sine consensu lo-*
catoris, utpote qui nonnisi usum con-
ductum præstare tenetur (§. 317.),
cumque conductor non sit dominus
(§. 620.); *ne suo quidem sumtu sine con-*
sensu locatoris in re conducta quicquam
immutare licet conductori (§. 256.).

§. 637.

*De vitis
rei loca-
te.*

Cum quilibet damnum ab alio aver-
tere debeat (§. 269.); *locator quoque*
vitia rei locatæ, quibus damnum dari
potest in usu rei, indicare tenetur, velu-
ti si equus sit calcitrosus, vel certo an-
ni tempore ab inundatione periculum
immineat in certis ædium partibus.
Quodsi ergo sciens rem vitiosam locet,
conductor tenetur in id, quod interest
(§. 415.), *si ignorans invincibiliter,* etsi
ab imputatione liber sit (§. 34.), cum
tamen usum non præstet, quem res
minime vitiosa habere poterat; *pensio-*
nem

permutatoriis, seu contr. onerosis. 361

nem remittere tenetur pro circumstan-
tiis datis (§. 621.).

§. 638.

Si alicui pecudum usus pro viliori *De soci-*
mercede annua, aut certa fructuum *da.*
parte conceditur ea lege, ut, si quæ
illarum pereant, accipiens vel alias in
earum locum substituat, vel æstima-
tionem præstet, contractus dicitur So-
cida. Patet itaque, *socidam esse loca-*
tionem conductionem cum pacto adjecto,
quo periculum omne rei locatæ in se su-
scepit conductor (§. 620. 628.). Patet
porro, *in socida pecudes locatori nun-*
quam mori, & æstimatas esse tradendas.
Et quoniam *Pecudes ferreæ* dicuntur,
quæ danti nunquam moriuntur, vel
pereunt; *socida est locatio pecudum fer-*
rearum. Quia vero æqualitas obser-
vanda in contractibus onerosis (§. 580);
merces in socida determinanda ex pre-
tio fructuum, quas ex pecudibus perci-
pit conductor, & periculo, quod in se su-
scipit. Cumque usus causa pecudes
locentur; *locator pecudes sanas in soci-*
dam tradere obligatur, & si morbo ante
socidam contracto moriantur pecudes,
periculum est locatoris (§. 415.).

Z 5

§. 639.

§. 639.

*Societas
negotia-
toria
quid sit.*

Si duo, vel plures inter se conveniant, quod res & operas ad negotiationem quandam conferre velint eo fine, ut lucrum ac damnum commune sit, contractus dicitur *Societas*, nimirum *negotiatoria*. Qui societatem ineunt, *Socii* vocantur. *Societas* autem contrahitur, sive uterque sociorum res & operas, sive unus res, alter operas, sive unus res & operas, alter vel res, vel operas confert. Sub rebus etiam comprehendi pecuniam, per se patet. Cum eo, qui nec operas, nec res confert, *societas non contrahitur; sed si ad partem lucri saltem admittitur, donatio* (§. 475.), *si etiam damni particeps esse debet, peculiaris quidam contractus est* (§. 438.).

§. 640.

De societate ratione damni contracta.

Quoniam quilibet jus suum remittere potest (§. 342.), & unicuique permittendum, in quantum se obligare velit (§. 78. 97.); *societas ita contrahi potest, ut quis sit particeps lucri, non vero damni*: at cum damnum ab altero avertere debeamus (§. 269.), nec cum damno ejus locupletiores fieri (§. 271.);

ita

permutatoriis, seu contr. onerosis. 363

ita contrahi nequit, ut socius sit particeps damni; non vero lucri, consequenter cum societas leonina dicatur, in qua unus solus lucrum, alter solus damnum habet; ea illicita est, per se nulla. L. 29. §. 2. *pro socio*

§. 641.

Si bona universa tam præsentia, quam futura in communionem deducuntur, *Societas* dicitur *omnium bonorum*, vel *fortunarum*; si vero ea omnia, quæ opera & negotiatione acquiruntur, *Societas bonorum* simpliciter vocatur. Utraque communi nomine *Societas universalis*, subinde etiam *generalis* appellatur; & in oppositione *particularis* audit, in qua communicantur ea, quæ ex certis rebus, vel certa negotiatione proveniunt.

Societas bonorum & omnium bonorum.

§. 642.

Bona societatis dicuntur, quæ in communionem deducuntur, dum societas contrahitur. Quamobrem in bonis societatis quilibet socius pro parte dominium habet (§. 639.), consequenter *quamprimum societas omnium bonorum initur, socius unusquisque in alterum transfert dominium in bona sua præsentia & futura pro rata* (§. 641. 589.).

De bonis societatis.

pro socio

§. 643.

§. 643.

*Sortis
nomine
quæ pe-
cunia ve-
niat.*

Pecunia, quæ in societate ad certum usum confertur; & in genere pecunia, qua fruimur, dicitur *Sors*.

§. 644.

*De di-
verso
modo
operas
cum pe-
cunia
collata
confe-
rendi.*

Si quis operas solas, alter vero pecuniam confert, & operæ conferuntur cum usu pecuniæ, cum usus pecuniæ & usus operarum invicem communicentur; collator operarum non fit particeps sortis, & sors perit ac salva est ei, qui pecuniam contulit: alii si eadem operæ conferantur cum ipso dominio pecuniæ, quoniam ipsa pecunia & operæ eadem æstimandæ invicem communicantur; qui operam impendit, fit particeps sortis pro eo, quod valet pretium operæ, sorti adjiciendum.

§. 645.

*Di divi-
fione lu-
cri &
damni.*

Cum in societate negotiatoria socius nullus alteri gratis quid dare & facere præsumatur, nec dare vel facere debeat naturaliter (§. 473. 639.); in eadem observanda est æqualitas (§. 580.), consequenter commune lucrum & damnum in ratione collatorum dividendum, ita scilicet ut qui duplum contulit,

L. 29. pro socio

tulit, duplum percipiat lucrum, sed duplum quoque ferat damnum, ac ideo *si collata sint æqualia, partes quoque lucri & damni sint æquales.* Quilibet æquissimam judicat æqualitatem partium, si collata fuerint æqualia. Sed cum qui duplum confert, duos repræsentet socios, & ita porro; inde omnino sequitur, ut eadem sit æquitas divisionis lucri & damni communis, in ratione collatorum. Quoniam vero socii de partibus inter se convenire possunt, prouti ipsis commodum visum fuerit (§. 385. 438.); *si partes lucri & damni fuerint expressæ, eadem servandæ sunt* (§. 438.). Enimvero *si operæ cum usu pecuniæ conferantur, cum qui operas confert, non fiat particeps sortis* (§. 644.); ratio, in qua commune lucrum dividendum, definienda ex eo, quod valet usus pecuniæ & periculum amittendæ sortis, & ex eo, quod valent operæ & periculum eas perdendi; quod si vero periculum non attendatur, ex eo, quod valet usus pecuniæ, & ex eo, quod valent operæ.

§. 646.

Cum lucrum sit res, consequenter pecu- *De lucro
compn-
tando.*

pecunia, quæ bonis nostris superaccedit (§. 414), impensæ autem in societate lucri faciendi causa fiant (§. 279. 639.); *lucrum non intelligitur, nisi deductis impensis*, consequenter etiam deducta pecunia, quæ collata fuerat, & deductis damnis, quæ lucrum imminuunt (§. 269. 279.).

§. 647.

De societate finita & prorogata. Cum societas certi cujusdam negotii causa contrahatur (§. 639.); *fini- to negotio, propter quod societas contracta societas finitur, & si ad certum tempus contracta, elapso tempore finitur* (§. 438.). Quoniam vero societas *prorogari* dicitur, quando ultra tempus conventum continuatur; consequenter societatem prorogare idem est, ac eandem renovare (§. 441.); *quæ de renovatione pactorum dicta sunt, de prorogatione societatis valent* (§. cit.). Ast quia nemo alteri damnum dare debet (§. 269.); *a societate discedere non licet cum damno societatis: si tamen ad nullum certum tempus contracta, sine damno societatis ab ea discedere licet; quia tunc nihil fit contra jus sociorum* (§. 83.).

§. 648.

§. 648.

Societate renunciare dicitur, qui ^{De re l. 63. § fin.} declarat, se in eadem diutius manere ^{nuncia-} nolle. *Renuncians* itaque *a societate* ^{tione & pro socio} *discedit* (§. 442.). Quamobrem *si socius* ^{dissolu-} *unus non præstet*, ad quod *præstandum* ^{tione so-} *vi societatis tenetur*, alteri licet *renunciare societati*, consequenter *si plures fuerint*, *certi societatem continuare* & *socium negligentem*, vel *rixosum*, qui *solo suo arbitrio omnia fieri vult*, *excludere possunt*. Idem nimirum est, ac si *societati renunciarent*, ac postea *novam inter se contraherent*. *Mutuo autem dissensu*, sicuti *pactum omne* ^{L. 64. pro socio.} (§. 444.), ita etiam *societatem dissolvi posse*, fatis liquet.

§. 649.

Quicquid pro usu rei, quæ *usu consumitur*, seu *fungibilis*, in primis *pecuniæ datur*, sive sit *pecunia*, sive *res alia*, *Usura* dicitur. Cum *usus rei*, quæ *usu consumitur*, non minus aliquid *æstimabile sit*, quam *rei*, quæ *usu non consumitur*, prouti evidenter apparet, si ponamus *pecuniam in emtionem fundi fructiferi*, aut *negotium quoddam lucrosum impendi*, nemo autem De usu-
ris.
alteri

alteri gratis dare teneatur, qui vicissim dare potest (§. 473.); *usura in se illicita non sunt*, naturaliter autem *quantitas definienda ex usu pecuniæ, cujus causa creditur debitori*. Nimirum usuræ spectari possunt tanquam pars lucri, cujus particeps fit socius pecuniam solam conferens, habita ratione periculi, quod solus in se suscipit debitor. Atque hinc patet, *naturaliter usuras nunc esse posse majores, nunc minores*. Hinc *usura mordentes* dicuntur, si exiguntur ab eo, qui usu pecuniæ vix tantundem lucrari potest, quantum ad vitæ necessitatem sufficit, vel si excedunt lucrum, quod usu pecuniæ facere potest debitor; & eas *naturaliter illicitas esse*, patet (§. 513.). Usurarum vero illicitarum exactio *usuraria pravitas* vocatur.

§. 650.

*De contractu
sænebri.*

Quoniam mutuum non est, si usus pecuniæ non datur gratis, sed pro pecunia (§. 533.); ac ideo quoque pecunia sub usuris debita *Pecunia usuraria* dicitur; contractum, quo pecunia sub usuris creditur, in Jure naturæ part. 4. §. 1423. *Contractum sænebrem* appellamus;

mus: sicuti in Jure Romano *Pecunia fœnebris* dicitur, pro cuius usu usuræ solvuntur. Poterat etiam dici *contractus usurarius*.

§. 651.

Anatocismus vocatur pactum, quo convenitur, ut usuræ convertantur in sortem & debeantur etiam usuræ usurarum. Cum usuræ solutæ, quamprimum solvuntur, sint sors accipientis, pecuniam vero credere liceat ei, cui jam antea sub usuris credidisti; *usuras acceptas sub usuris rursus credere eas debenti ob justam usurarum causam naturaliter licet*. Quamobrem apparet, *anatocismum in se illicitum non esse*.

De Anatocismo.
i. 28 l. de usuris.

§. 652.

Chirographum sunt literæ, in quibus quis fatetur, se rem quandam fungibilem ab altero accepisse, & eam in genere restituere promittit. Contractus, qui mediante chirographo perficitur, dicitur *Contractus chirographarius*. Unde porro patet, quinam sit *creditor*, quinam *debitor chirographarius*, & quodnam *debitum chirographarium*. Liqueat etiam, *contractum chirographarium esse*.
(*Wolffii Instit. J. N. & G.*) Aa se

Chirographum & contractus chirographarius quid sit.

se mutuum scriptura perfectum (§. 528.), aut contractum scēnebrem scriptura perfectum (§. 650.).

§. 653.

*De contractu
chirographa-
rio tenenda.*

Cum in chirographo promittatur restitutio ejus in genere, quod acceptum (§. 652.); *qui spe rei fungibilis, veluti pecuniæ, accipiendæ chirographum tradit, eam autem non accipit, ad nihil quoque restituendum obligatur.* Ne vero casus emergant, in quibus dubium videtur, num ea accepta sit; *quamprimum chirographum traditur, res fungibilis tradenda, vel pecunia numeranda, nec antequam hoc fiat, debitor chirographarius chirographum tradere, nec creditor chirographarius accipere debet.* Idem intelligitur, si non integra quantitas in chirographo expressa traditur. Eadem de causa *quamprimum solvitur, chirographum reddendum.* Ceterum *naturaliter in chirographo non exprimenda causa debendi (§. 407.).* Quamobrem cum naturaliter perinde sit, ac si causa debendi non fuisset adscripta, etiamsi adscribatur; *chirographum valet, etiamsi falsa causa debendi exprimitur, modo verum sit, tantum deberi.*

§. 654.

*L. 2. C. de cond.
ex lege.*

§. 654.

Apocha, vulgo *Quittancia*, dicuntur ^{De apo-} literæ, in quibus creditor fatetur, debi- ^{chis.} torem solvisse, seu se ab eodem accepisse, quod debebat. Quoniam itaque apochæ productione probatur solutio facta; *nec danda, nec accipienda, nisi solutione facta*, consequenter *spe solutionis data aut repetenda, aut debitor ad solutionem compellendus*. Idem intelligitur, si apocha accepta pebitum non integre solvitur. Cum apocha probari possit solutio; *si chirographum casu amissum, vel reperiri non potest, in apocha id exprimendum*.

§. 655.

Permutatio pecuniæ cum pecunia, quacunque tandem lege fiat, vulgo *Cambium* dicitur; in specie autem permutatio specierum monetæ, *Cambium manuale*, veluti si moneta grandior cum pecunia minuta permutetur. Græcis *Collybus* appellatur. Hinc *Collybista*, item *Nummularius* & *Trapezita* dicitur, qui pecuniam in hoc paratam habet, ut eam cum aliis permutet speciebus. Et quod collybista specierum monetæ

De cambio manuali.

netæ permutandarum causa deducit, *Lagium* vulgo vocatur. Dicitur etiam *Collybus*, sed non sine æquivocatione; cum ipse etiam contractus hoc nomine veniat. Si pretium rerum, vel operarum definitur valore extrinseco monetæ, & ut pecunia commodius erogari possit, certa monetæ species cum alia permutatur, cum perinde sit, quænam monetæ species detur; in cambio manuali non spectandus nisi monetarum valor extrinsecus (§. 580.). Enimvero si tua intersit, ut monetam habeas, cujus major bonitas intrinseca, quam ejus, quam nunc habes, nec minus mea intersit, ne speciem meliorem cum viliori permutem, cum interesse aliquid æstimabile sit; in cambio manuali attendendus est valor intrinsecus, consequenter *lagium* non illicitum. Et quoniam collybista usu pecuniæ suæ, quem alias facere poterat, in gratiam permutationis pecuniæ cum pecunia carere & operam huic negotio impendere tenetur, utrumque autem æstimabile quid est; collybiætæ tantum deducere licet, quantum valet usus pecuniæ, quo carere, & opera, quam huic negotio impendere debet, cumque etiam ipse *lagium*

gium dare teneatur, si speciem vilio-
rem cum meliori permutat (*per demonstra-*
ta), quantum etiam valet differentia bo-
nitatis intrinsecæ specierum permutan-
darum (§. 473.). Pro diversitate circum-
stantiarum in definienda quantitate la-
gii alia quoque accidentia æstimabilia
attendenda sunt.

§. 656.

Contractus, quo pecunia alicui ita
datur, ut is pro certa mercede ean-
dem alio in loco sive danti, sive alii
cuidam solvi certo die curet, proprie
Cambium dicitur, subinde *Cambium*
trassatum. Ad cambium itaque concur-
runt quatuor personæ principales, ni-
mirum persona, quæ pecuniam alio
loco solvendam dat; persona, quæ
eandem accipit & alio loco solvendi
curam in se suscipit; persona, quæ pe-
cuniam alio loco solvit & persona, cui
alio loco solvitur. Prima dicitur *Cam-*
psarius, sive *Remittens*, secunda *Cam-*
psor, sive *Trassans*, tertia *Acceptans*, sive
Trassatus, & quarta *Præsentans*. Patet
autem, unum subinde duplicem repræ-
sentare posse personam, veluti ut tras-
sans idem sit cum trassato, vel cam-

*De Cam-
bio tras-
sato.*

psarius cum præsente. Literæ, quæ
 a trassante inscribuntur trassato, pecu-
 niæ præsenti solvendæ causa, & pro
 pecunia numerata dantur campfario,
 seu remittendi, dicuntur *Literæ cambia-*
les: ast literæ, quibus de cambio cer-
 tior redditur trassatus, & quomodo
 eidem rursus satisfieri debeat propter
 pecuniam pro literis cambialibus, a præ-
 sentante exhibitis, solutam vocantur
Literæ advisoriæ. Pretium cambii, de
 quo remittens trassanti satisfecit, *Val-*
uta; summa vero pecuniæ in literis
 cambialibus expressæ, quatenus a præ-
 sentante exigenda, respectu Remitten-
 tis *Remissa*, quatenus a trassato solven-
 da, respectu Trassantis *Trasta* vocatur.
 Utilitas hujus contractus inde elucet,
 quod *beneficio cambii pecunia in locis ma-*
xime dissitis solvi & a peregrinantibus
ubivis locorum in ea monetæ specie, quæ
ibidem usitata est, accipi possit. Quid ju-
 ris naturalis sit in cambio, quod sicuti
 omnes actus humanos, ita etiam cam-
 bium regit, quoad obligationes con-
 trahendas, jura inde quæsitæ, defini-
 endum est ex iis, quæ de promissio-
 ne, de damno resarciendo & præstan-
 do

do interesse, & de se non locupletando cum damno alterius demonstrata sunt. Ita statim patet, *trassantem obligari remittenti, ut curet pecuniam conventam loco & tempore convento presentanti solvi, remittentem vero ad præstandum valutam (§. 380.)*: *trassatum autem presentanti ad solutionem non obligari, antequam literas cambiales acceptavit, cum acceptando eidem promittat, se pro literis solvere velle (§. 380.)*; *trassantem vero obligari ad valutam cambii restituendum & præstandum interesse, nisi trassatus solverit (§. 271. 415.)*. Sed nolumus plura addere, quæ in opere majore part. 5. c. 1. legantur.

§. 657.

Ad imitationem cambii trassati, a mercatoribus ad facilitanda commercia introducti, alii commenti sunt *cambium siccum*, quo quis ab alio accipit literas cambiales, pro quibus ipsi, vel alii causam ab eo habenti, eodem loco, sed certo tempore, certa pecuniæ summa, de qua conventum, solvendum; *quod naturaliter non differre a contractu chirographario* manifestum est (§. 652.). Quamobrem Juris mere po-

De cambio sicco.

fitivi est omnis differentia, quæ inter contractum chirographarium & cambium fictum intercedit.

§. 658.

De con-
tractu
æstima-
torio.

Contractus æstimatorius dicitur, quo res æstimata certo pretio vendenda traditur alteri, ut eam vel reddat, vel pretium determinatum solvat. Quamobrem si accipiens rem pluris vendere possit, excessum supra pretium determinatum lucratur, & si pretium ipse solvere velit, eam tradenti reddere non tenetur. Ex adverso autem cum sine consensu tradentis minoris vendere nequeat (§. 317. 199.); si minoris vendat, defectum supplere debet (§. 269. 438.). Ex ipsa autem definitione liquet, *contractum æstimatorium* iniri posse circa res omnes, quæ vendi possunt.

§. 659.

L. 68. De
rei vend.
De pre-
tio ven-
ditionis
& taxa-
tionis
L. 10. gratia
S. 4. De adjuncto.
iure
Dolium.

Pretium rei taxationis gratia adjici dicitur, quando adjicitur eo fine, ut constet nunc & in posterum de ejus valore: *venditionis gratia* vero, ut constet, quanti res emta esse debeat. *Taxationis* itaque *causa* adjiciendum, quoties res in eadem bonitate restituenda, ut in com-
modato, mutuo, deposito; *venditionis*
autem

autem gratia in contractu æstimatorio. Etenim si rei vendendæ pretium taxationis gratia adjicitur, contractus vel mandatum est (§. 551.), vel locatio conductio operarum (§. 620.); & si certo pretio æstimata vendenda traditur alteri ea lege, ut, si majus accipiat, excessus sit communis, societas contrahitur quoad excessum (§. 639.). Cum contrahentes legem contractui dare possint, quam voluerint (§. 314.); in contractu æstimatorio vel dominium transferri potest in accipientem, vel tradens idem sibi retinet.

§. 660.

Constitutum dicitur contractus, quo quis promittit se soluturum, vel facturum, quod vel ipse, vel alius jam antea solvere, vel facere debebat, salva manente priori obligatione. Is, qui constituit, *Constituens*; is autem, cui constituitur, *Constituarius* appellatur. Quamobrem *debitum proprium constituendo firmatur*, veluti si hæres legatario promittit solutionem legati: si vero *debitum fuerit alienum, constituens solutionem in se suscipit, nisi debitor principalis solverit*, reluti si promittit solutionem

De constituto.
L. 5. §. 2. De pec. constituta.

ultimo Septembris, nisi Sempronius interea solvat, qui jam quarta Julii solvere debebat. *Constitutum debiti alieni naturaliter non differre a fidejussione*, ex collatione definitionum patet (§. 569.): unde vero veniat in Jure Romano differentia, dictum alibi. Facile quoque patet, si quis majorem quantitatem promittit, quam quæ debetur, nisi debitor principalis solverit, debitum non constitui, sed contractum mixtum esse ex constituto & pacto de donando, vel pactum de donando conditionatum.

§. 661.

De adjecto.

Adjectus dicitur is, cui nihil debetur, voluntate tamen creditoris solvendum debitum, aut saltem solvere licet. Quod si ergo adjecto solvitur, debitor ab obligatione sua liberatur: aliter cum eodem debitor obligatus non sit, adjectus debitorem ad solvendum adigere nequit, sed solutionem sponte oblatam saltem accipere potest. Immo solvere quoque potest debitor ipsi creditori: quod si tamen se obligavit ad solvendum adjecto, cum obligationi suæ defuerit, eidem tenetur ad id, quod interest, adjecto solutum non fuisse (§. 415.).

§. 4. J. de in d. ob.
Sipulationibus.

(§. 415.). Nimirum solutionis causa alius adjici potest, vel in gratiam debitoris, vel creditoris. Ceterum cum tertium adjiciendo non mutetur obligatio debitoris; *in constituto tertius adjici potest, qui in priori obligatione non erat adjectus* (§. 660.); & alius adjici potest, quam qui fuerat in obligatione priori adjectus, consequenter tunc solvi in priori obligatione adjecto nequit.

§. 662.

Contractum institorium appellamus, De contractu institorio.
quo quis negotiationi quæstuariæ aliquem administrandi gratia universaliter præponit.

Dicitur autem *negotiatio quæstuaría*, quæ lucri faciendi causa exercetur. Et *Institor* vocatur, qui præponitur; *Præponens* autem, qui alterum præponit. Cum Romani servos & filios, quos in potestate habebant, negotiationi præponere solerent; nullus contractus institorii, sed saltem institoris & actionis institoriae in Jure Romano fit mentio. Hoc tamen non obstante, eadem ex præpositione descendunt obligationes & jura, quæ inde oriuntur, quando quis ex pacto fuit præpositus. Patet autem, *institorem obligatum* l. 2 de institor. actione.

ligatum esse ad negotiationem administrandam, præponentem in eum conferre jus ad omnes actus ad negotiationem exercendam necessarios, nisi specialiter fuerit conventum, ut quædam sine consensu suo fieri non possint, consequenter institorem terminos conventionis excedere non debere. Institorio nomine agere dicitur institor, quicquid negotiationis, cui præpositus est, causa fit, seu id, sine quo administrari negotiatio nequid. Quicquid igitur institorio nomine facit, id nomine præponentis facit, consequenter quoties institor cum tertio negotium est, per se patet, eum institorio nomine egisse, si actus negotiationi proprius; alias necesse est, ut expresse dicat, se institorio nomine agere, nisi aliunde alteri hoc jam notum fuerit. Hinc porro sequitur, ut institor institorio nomine contrahens non se, sed præponentem aliis, nec alios sibi, sed præponenti obliget: quod si vero præponens institorem specialiter obligavit, ne quid faciat, aut ne faciat sine consensu suo, necesse est ut hoc notum faciat iis, quibus contrahendo ab institore obligandus. Enimvero quoniam institor præponentem obligare nequit,

nisi

nisi institorio nomine agat; *si proprio nomine contrahit, etiam negotiationis causa, se aliis, non præponentem obligat.* Cum tamen nemo re alterius locupletior fieri debeat (§. 271.); *in tantum præponens tenetur ex contractu negotiationis causa inito, quantum locupletior factus.* Et quia negotiatio præponentis est, quam ipsius nomine administrat institor: *lucrum & damnum ex negotiatione sine culpa institoris, quæ omnino ab ipso præstanda (§. 270.), ad præponentem pertinet (§. 271. 243.).* Denique cum institor negotiationem, cui præpositus, omni diligentia administrare obligetur (§. 21.); *proprio nomine negotiationem exercere nequit, quæ ullo modo vergit in præjudicium domini; secus, si hoc non fiat.* Cumque finito officio institoris jus extinguatur; *finito officio nihil institorio nomine valide agit sine consensu domini vel expresso, vel tacito, veluti si administrationem adhuc eidem permittit, consequenter, cum damnum, si quod detur, dolo detur (§. 17.), si ex actu, vel contractu institoris emergat damnum, id domino resarcire obligatur (§. 270.): ei autem, cum quo dolo se contrahit, tenetur*
ad

*c. quædam
co. qui*

ad id, quod interest (§. 415.). Unde per se sequitur, si dominus institorem nondum finito officio dimittat, id sine mora intimandum esse iis, cum quibus negotium habet.

§. 663.

De pluribus institutoribus eadem negotiationi præpositis.

L. l. §. 15. De executoria actione.

Si plures fuerint institores, cum nullus eorum plus juris habeat, quam dominus negotiationis, sive præponens in eum conferre voluit (§. 317.); ex lege præpositionis dijudicandum, quænam sit singulorum obligatio, & quantum juris quoad administrationem negotiationis unicuique competat. Quoniam tamen unusquisque eorum damnum omne a domino avertere obligatur (§. 269.); si unus eorum videt alterum facere, quod in damnum domini vergit, id tempestive indicandum. Quod si plures ita præponantur negotiationi, ut eam communi consilio administrarent, cum omnes simul unam repræsentent personam; ex facto unius tenentur omnes pro rata, nisi unus dolose clam ceteris quid fecerit, cum ignorantia invincibilis imputari nequeat (§. 34.); sicuti & manifestum est, ex facto ceterorum eum non teneri, qui contradixit.

§. 664.

Quatenus con-

Contractus institorius hoc commune habet

habet cum mandato, quod negotium ali- tractus
quod alteri gerendum committatur; cum instito-
locatione conductione, quod pro operis rius cum
præstitis merces solvatur, prouti ex defi- mandato
nitionum collatione statim patescit & loca-
(§ 551. 620. 662.). Atque hinc intelligi- tione
tur, quatenus de mandato & locatione condu-
conductione demonstrata ad contra- ctione
ctum institorium applicari possint. conve-
niat.

§. 665.

Contractum exercitorium appellare De con-
lubet, quo quis navi exercendæ præpo- tractu
nitur, veluti eidem locandæ, vectori- exercito-
bus conducentis, armamentis emen- rio.
dis & ita porro. Is, qui præponit,
Exercitor vocatur, sive ipse sit dominus L. 1. §. 15. de exerc.
navis, sive eam per aversionem con- actione.
duxerit: qui vero navi exercendæ præ- affidens, & p. p. p. p. p.
ponitur, Magister navis vocatur. Quo- p. p. p. p. p. p. p.
niam itaque magister in navi exercenda L. 1. §. 1. eod.
exercitorem repræsentat; quod ipse fa- affidens, & p. p. p. p. p.
cit, id exercitor fecisse putandus, & hic in capitulum.
ipsum contulisse intelligitur jus ad omnes L. 1. §. 8. eod.
actus ad navim exercendam necessarios.
Cum vero exercitoris sit, qua lege ma-
gistrum præponere velit navi (§. 317);
si magister certa lege præpositus, jus ipsi L. 1. §. 12. eod.
us ex lege præpositionis æstimandum.

Dicitur

Dicitur autem *exercitorio nomine agere* magister, quicquid navis exercendæ causa facit, cui præpositus est. Ceterum quia magister spectari potest tanquam institor respectu navis exercendæ; ad eum quoque facile applicantur, quæ de institore demonstrata sunt, ut ideo opus non sit sigillatim de his dicere.

§. 666.

*Denau-
tis.*

Nautæ dicuntur, qui agendæ navis causa in navi sunt. Quoniam ipsis jus nullum vavis causa contrahendi competit; *ex nautarum contractu nec magister, nec exercitor obligari potest.*

*L. 1. §. 2. de exerc.
actione.*

§. 667.

*De con-
tracti-
bus do ut
des, do
ut facias.
ut facias
et facio
ut fa-
cias.*

Contractus onerosi omnes ad tria genera revocantur, nimirum ad contractum do ut des, do ut facias, facio ut des (§. 468.). Sub iis itaque contractus omnes, de quibus hætenus egimus, tanquam species continentur, quarum quotidianus usus est. Enimvero si qui præterea contractus occurrunt, de iis ex natura contractuum do ut des, do ut facias, facio ut des, statuendum. Quid igitur Jure naturali de iis statuendum sit, a nobis explicandum: cum enim

facias,

enim Jus Romanum ab eo abeat, diximus alibi, ubi monuimus, differentiam inter contractus nominatos & innominatos esse mere Juris Romani, not. §. 879. part. 4. & not. §. 145. part. 5. Jur. nat. Cum hominibus competat jus ad certas præstationes sibi alterum obligandi (§. 97.), aliter autem se obligare non possint nisi promittendo (§. 380.); *quamprimum voluntatem dandi & faciendi sibi invicem declarant, contractus perfectus est* (§. 379. 97.), consequenter *mutuo consensu perficiuntur contractus do ut des, do ut facias, facio ut des* (§. 27.). Quamobrem *si statim ea præstentur, de quibus conventum fuit, contractus consummatur, quamprimum perfectus fuit.* Et quoniam contractu perfecto necessitatis est, quod antea erat voluntatis (§. 97.); *contrahendo, sive paciscendo ex imperfecte debito, sive officio, & ex naturaliter licito fit perfecte debitum* (§. 49. 80.), vel ubi quis se obligat ad non præstandum, quod præstare erat licitum, *illicitum* (§. 49.). Ast cum nemo se ab obligatione naturali liberare possit (§. 42.); *ex naturaliter illicito fieri nequit licitum.* (Wolffii Instit. J.N. & G.) Bb Cum-

Cumque ab uniuscujusque voluntate dependeat, quomodo jus quoddam suum in alterum transferre velit (§. 314.); *arbitrii paciscentium est, quomodo de prestationibus mutuis convenire velint, & standum est eo, de quo conventum fuit (§. 438.).* Quoniam vero *fraus omnis tam consilii, quam eventus illicita (§. 286.); in contractibus quoque do ut des, do ut facias, facio ut facias neuter contrahentium defraudandus.*

CAPUT XIII.

DE

CONTRACTIBUS QUI ALEAM
CONTINENT.

§. 668.

De con-
tracti-
bus
aleam
conti-
nentibus
in gene-
re.

Contractus aleam continentes dicuntur, quibus super ineerto eventu convenitur, ut eodem utrinque stetur, veluti si convenitur de pretio pro jactu retis solvendo, ut pisces capti sint eementis. *In his igitur contractibus, quod dari, vel fieri debet, sive ex utraque, sive ex una contrahentium parte suspenditur ab eventu.* Cum abusus domini naturaliter quidem illicitus sit, unicuique tamen permittendus, quamdiu nil fit

fit contra jus tuum (§. 202.), consequenter in contractibus non attendendus; contractus equidem aleam continentibus inire non debet, qui in dando dominio, in faciendo libertate naturali abutitur: si tamen init, jure externo subsistunt. Et cum in contractibus onerosis observanda æqualitas (§. 581.), in contractibus autem aleam continentibus fieri nequit, ut quantum unus præstat, tantum vicissim recipiat ab altero, nisi forsan casu rarissimo, minime prævidendo; utriusque saltem contrahentium eadem esse debet conditio, nempe eadem spes lucri & idem metus damni, consequenter contrahentes ab omni fraude alienissimum habere debent animum (§. 286.). Ceterum contractus aleæ etiam benefici esse possunt (§. 466.).

§. 669.

Sors dicitur res quæcunque, a cuius fortuita determinatione suspenditur acquisitio rei alterius corporalis, vel incorporalis; seu est signum ejus, quod nobis esse debet acquisitum, fortuito determinatum. Unde patet, sorte dirimenda non esse ea, quæ certo consilio fieri possunt, sed quæ eo expediri nequeunt.

Est vero *sors* vel *electrix*, qua definitur, quid ex duobus electum esse debeat; vel *attributrix*, quæ rem certam alicui attribuit; vel *divisoria*, qua definitur, quamnam rei divisæ partem quis habere debeat. Additur hisce *sors divinatoria*, qua quis, quid futurum sit, determinare vult. *Divinatio* enim est futurorum prædictio. Cum eventus rerum in hoc universo per causarum seriem determinatos esse constet, consequenter etiam *sors*, quomodo cadere debeat, per eandem determinata sit; *præscientia* eventus futuri *sorti* committi nequit, consequenter *sors divinatoria superstitioni debetur*, ac ideo *legi naturæ repugnat* (§. 182.).

§. 670.

14. d. De con-
tractu
sortis
electri-
cis.
ut sorti
committatur

Contractus sortis electricis est, quo convenitur inter duos, vel plures, quamnam ex rebus pluribus quis habere debeat, vel utrum aliquid, an nihil habere debet. *Sors* igitur *personam eligentis repræsentat*, cumque ex contractu oriatur obligatio (§. 514.), eadem standum, consequenter *quod sors indicat, id statim acquiritur, si nihil indicat, quoque acquiritur.*

§. 671.

§. 671.

Contractus sortis divisoriae est, quo facta rei communis divisione partium distributio sorti committitur, ut scilicet per eam determinetur, quamnam partem unusquisque habere debeat. *Sors igitur divisoria unicuique tribuit dominium in certa rei divisae parte, & quamprimum sortis iudicium manifestatur, dominium in ea, quam ostendit, parte singulari acquisitum.* Facile autem intelligitur, si in rebus indivisis duo, vel plures habeant dominium pro parte inaequali, tot fieri debere partes aequales, quot unitates continet summa terminorum rationis, & unicuique per sortem assignandas esse tot partes, quot terminus rationis ipsum respiciens habet unitates, veluti si termini rationis sint ut 2 ad 3, divisio fieri debet in partes quinque, & uni sorte attribuendae partes duae, alteri tres.

De contractu sortis divisoriae.

§. 672.

Contractus sortis attributricis est, quo ita convenitur, ut res aliqua, ad quam duo, vel plures aequale jus habent, sit ejus, quem sors ostenderit. Cum pacta sint servanda (§. 438.);

De contractu sortis attributricis.

dum in contractu sortis attributricis simpliciter intra terminos conventionis. Etenim contrahentes ut contractui cuiunque (§. 314.), ita etiam huic legem dare posse, quam voluerint, satis patet.

§. 673.

De lotaria.

Lotaria est contractus, quo res certæ pecunia collatitia emuntur, vel etiam certa pecuniæ summa confertur ea lege, ut per sortem definiatur, utrum quis aliquid & quid habere, an vero symbolæ suæ dispendium facere debeat. Cum lotaria contractus aleæ sit; licita est, in quantum contractus liciti, qui aleam continent. Ast quia lex naturæ dat jus ad ea, sine quibus officio erga Deum, vel erga alios satisfacere non possumus (§. 46.); lotaria in casu altero jure interno licita, si contrahitur eo fine, ut satisfaciamus officio cuiusdam erga Deum, vel erga alios, quando scilicet pecunia collatitia lotaria instruitur, tuncque pars lucri debetur finis consequendi causa impendenda, in quam consentiunt contrahentes; quia mutuo consensu contractus perficiuntur (§. 668.). Enimvero si lotaria contrahitur eo fine,
ut

ut res emta sorte uni attribuatur, non majus pro re pretium exigendum, quam quod ab aliis emtoribus dari solet, habita tamen ratione impensarum, si quæ eo fine fieri debent a venditore; quoniam nulla ratio est, cur majoris vendi debeat.

§. 674.

A lotaria parum differt *Olla fortuna*, *De olla fortuna.* quando in urnam immittitur certus numerus schedularum partim inscriptarum, partim inanium, & pro certo pretio emitur jus schedulam unam extrahendi ea lege, ut, qui eam extrahit, accipiat rem, quam inscriptio indicat. Atque hic contractus cum quolibet in singulari statim perfectus est, quamprimum pretium pro jure unam extrahendi fuerit solutum. Et quoniam omnes schedularum emtores res omnes sorti expositas emunt; omnium schedularum pretium determinandum est per pretium omnium rerum sorti expositarum, opportunitatem omnes simul vendendi, impensas in venditionem faciendas atque periculum, si pretiosissima primo loco una exeant, relictis schedulis plerisque inanibus, ut nemo amplius contrahere

velit. Quoniam vero nemo locupletior fieri debet re aliena (§. 271.); *iure interno olla fortunæ & lotaria illicita est, quæ fit solo lucri faciendi animo.*

§. 675.

De præmio certantibus proposita.

Contractibus aleam continentibus affinis est is, quo præmium exponitur ea lege, ut certo quodam modo inter se certent de eodem aliqui, & id sit ejus, qui vicerit. *Qui præmium exponit, cum singulis contrahit sub hac conditione, si certamen iniverint & vicerint, consequenter qui præmium exponit, obligatur ad dandum præmium victori, qui autem cum eo contraxit, non obligatur ad certamen subeundum, sed jus idem subeundi consequitur (§. 318.).* Cumque duo victores unam representent personam, quia *præmium nonnisi semel promissum; idem commune est, si simul vicerint.* Dicitur autem *vincere*, qui conditionem, sub qua præmium promissum, adimplet.

§. 676.

De sponsionibus.

Sponsio est contractus aleam continens, quo super eventu *incerto*, ita convenitur, ut ei, qui existentiam affirmat, ab altero, qui negat, certum quid

quid detur, vel etiam ut detur ei, penes quem erit veritas. Unde liquet, sponſionem non valere, ſi alteruter certo ſcit, quid evenit; immo nec ſcientiam ſuam doſe diſſimulare, aut reticere licet (§. 286.). Quoniam quilibet de ſuo ſtatuerre poteſt pro lubitu (§. 195.), & unicuique permittendus etiam eſt ſui abuſus, quam diu nil facit contra jus alterius (§. 202.); *jure externo ſponſiones ſubſiſtunt*: quia tamen nemo locupletior fieri debet re alterius (§. 271.), cum ſponſiones non fiant niſi lucri faciendi, conſequenter re, vel pecunia alterius ſe locupletandi animo; *jure interno illicitæ ſunt*.

§. 677.

Serium dicitur id, ad quod dicendum, vel faciendum ratio, quædam nos urget. Verba non ſeria & facta iis æquipollentia, quibus nimirum idem, quod verbis ſignificatur, *Joci*; facta vero cetera non ſeria, *Ludi* dicuntur. *Joci* igitur & *ludi animi tantummodo, aut temporis fallendi gratia ſunt*. Cum nihil temere ſit loquendum & faciendum (§. 360.); *joci & ludi temerarii illiciti ſunt, ad ſerudiendum vero vel emen-*

*De jociſ
& ludis.*

dandum alios compositi liciti (§. 134.). Et quia neminem offendere debemus (§. 154.); joci quoque, quibus offenduntur alii, illiciti. Quoniam voluptas transitoria, innoxua, licita est (§. 120.); si joci nihil insit, quod officio cuidam repugnet, solius voluptatis percipiendæ gratia jocari licet, immo etiam solius voluptatis percipiendæ causa ludere licet. Denique cum lex naturæ nos etiam obliget ad actiones indecoras omittendas (§. 55.); a joci quoque & ludis indecoris abstinendum.

§. 678.

De contractu
lusorio.

Contractus lusorius vocatur, quo inter collusores ita convenitur, ut certum quoddam lucrum, communi consensu determinatum, sit ejus, ex cujus parte extiterit certa quædam conditio, vel etiam damnum quoddam, in lucrum imputandum, sit ejus, ex cujus parte alia quædam conditio existit. *Lucrum primarium* dicitur, quod ejus est, penes quem finito lusu certa quædam conditio existit; *secundarium* vero quod ei cedit, ex cujus parte conditio quædam durante lusu existit. *Damnum* vero *ordinarium* est, quod patitur is, qui

qui perdit, quod ad lucrum primum contulit; *ast extraordinarium*, quod inter ludendum incurrit lusor, certa quadam conditione existente. Patet facile, *de contractu lusorio eadem valere, quæ de sponsione demonstrata sunt*. Ceterum *si in contractu lusorio æqualitas observanda, periculum amittendi & spes lucrandi ex utraque parte contrahentium eadem esse debet* (§. 668.). Et *quando ludi illiciti sunt, contractus quoque lusorii illiciti sunt*: quamvis supponatur nihil vitii hære in lucro, aut, si mavis, in præmio, de quo certatur.

§. 679.

Assicuratio, seu *contractus avertendi periculi* dicitur, quo quis periculum mercium per mare transvehendarum, aut in genere indemnitis circa casus fortuitos præstationem pro certa mercede, seu lucro in se recepit. Qui periculum in contractu assécurationis in se suscipit, *Assécutor* dicitur. *Assécutor* itaque *se obligat ad præstandam indemnitatem, si casus contingat; dominus vero pure ad certum quid dandum pro periculo in se suscepto*: seu, quod perinde est, *assécutor promittit periculi avert-*
sio-

De assécuratione.

sionem, dominus pro periculi aversione mercedem. Unde sequitur, ut assessor dominum indemnem præstare teneatur; dominus vero ipsi solvere mercedem, sive casus contingat, sive non. Cum merces detur pro aversione periculi; contractus nullus est, si assessor noverit, rem jam extra omnem periculi aleam esse constitutam; aut dominus noverit, damnum in re asscuranda jam contigisse. In utroque casu committitur fraus non toleranda (§. 286.). Et quoniam æqualitas observanda inter aversionem periculi & mercedem, quæ pro ea datur (§. 580.); merces determinanda est ex magnitudine damni, quod datur, & ex probabilitate existentiae ipsius casus, consequenter res taxanda, antequam asscuretur. Quoniam res omnes asscurari possunt, quæ casu quodam fortuito interire, aut deteriorari possunt, vel quarum jacturam dominus casu quodam facere potest; contractus aversionis periculi, etsi inter mercatores in mercibus per mare transvehendis receptus sit, multo tamen latius patet, & ad alios quoque contractus, veluti ad depositum accedere potest. Quod si ita conveniatur, ut asse-

assecurator lucrum capiat, si res salva pervenerit in locum destinatum, seu casu non existente, si vero perierit, mercium asscuratarum aestimatio præstetur, ne melior sit conditio asscurati casu existente, quam non existente; merces in aestimatione rerum asscurandarum a vero earum pretio detrahenda.

§. 680.

Pecunia nautica, vel trajectitia dicitur, quæ per mare transvehenda periculo creditoris; *quasinautica*, vel *quasi trajectitia* vero, quæ per alia loca periculosa periculo creditoris transferenda. Usuræ, quæ pro pecunia trajectitia solvuntur, *fœnus nauticum*; quæ vero pro quasi trajectitia solvuntur, *quasi nauticum* appellantur. Hinc *contractus fœnebris nauticus* est, quo de fœnore nautico; *quasinauticus*, quo de quasi nautico convenitur. Communi nomine *contractus trajectitii* appellantur. Fœnus itaque *nauticum* & *quasi nauticum* excedere debet *usuras*, quæ dantur pro solo usu pecuniæ, quantum valet periculum in pecunia transferenda *subeundum*, consequenter pro magnitudine periculi augetur & minuitur *fœnus nauticum* & *quasi*

De con- (A. de
tracti- nautica
bus tra- fœnore
jectitiis.

L. 1. de naut. fœne.

26 A. C. de
fœnebris.

quasi nauticum, in infinitum. Cum pecunia debitori non ante data intelligatur, quam si salva in locum destinatum pervenerit; si casus in pecunia contingat, nihil debetur (§. 243.); si vero salva fuerit, sors debetur cum fœnore (§. 438.). At quia periculum cessat, quando pecunia trajectitia salva pervenerit in locum datum; fœnus quoque nauticum, quod pro periculo datur, cessat, & usuræ ordinariæ ab eo tempore succedunt. Cum vero perinde sit, si pecunia ipsa per loca periculosa transvehatur, si pecunia in merces impendatur & eadem per loca periculosa transvehantur; si pecunia credita in merces comparandas impenditur, quæ periculo creditoris per mare, vel alia loca periculosa transvehendæ, fœnus nauticum, vel quasi nauticum debetur.

§. 681.

De bodemeria.

Bodemeria dicitur contractus, quo pecunia numerata creditur in ipsam navim ea lege, ut sors pereat creditori, si navis interierit, vel in locum destinatum non venerit, creditor autem lucrum conventum capiat, si salva in portum venerit. Patet autem, *nautam*, cum

cum ad navem ducendam obligatus sit, si in itinere pecunia indigeat, ut sine ea navem ducere non possit, bodemeriam contrahere posse. Cum vero contractus hic non permittatur nautæ nisi in extrema necessitate; si proprias habet merces, quas vendere potest, in navi, bodemeriam contrahere non licet. Sane si nemo sit, qui bodemeriam contrahere velit, nec nauta proprias habeat merces quas vendere possit, merces alias, urgente quippe necessitate, vendere potest.

§. 682.

Reditus annui dicuntur jus ab altero annuatim exigendi certam pensionem, constitutum vel super re alterius, vel super obligatione personali. *Reditus annui* determinati ad vitam emtoris, vel venditoris, vel tertii cujusdam, vocantur *Reditus vitalitii*. Cum etiam res incorporales emi possint (§. 588.); *reditus* quoque *annui* & *vitalitii* emi ac vendi possunt, consequenter si *reditus vitalitii* emuntur, mortua persona, ad cujus vitam determinantur, sors venditori data repeti nequit; sicuti nec venditori quicquam restituitur, si pensio ad finem usque vitæ percepta superet sortem

*De redi-
tibus an-
nuis &
vitali-
tius.*

sortem pro redditibus vitalitiis datam. Dicitur autem contractibus vitalitiis, quo pro sorte alteri data redditus vitalitios stipulamur; seu quo redditus vitalitii emuntur ac venduntur. *Reditus autem vitalitii determinandi sunt ex eo, quantum valet usus pecuniæ, quo carere debes, & ex probabilitate termini vitæ, quem attinges.* Cumque perinde sit, siue pecunia detur, siue res, quæ pecunia æstimantur; *reditus vitalitii etiam in fructibus & rebus aliis consistere possunt; in casu fructuum determinandi vel ad mensuram, vel ad ratam fructuum singulis annis percipiendorum; cum, quod solvendum, certum esse debeat.* Hinc *Reditus vitalitius* dividitur in *fructuarium & pecuniarium.*

§. 683.

*De contractu
metallico.*

Si in metallifodina, tanquam toto pluribus communi, concipiantur partes æquales quotcunque, quælibet istiusmodi pars indivisa dicitur *Pars metallica*, vel etiam, a voce Germanica *Rur*, *Kuckus*. Quamobrem qui *kuckum* habet, pro ea parte dominium habet in fodina, consequenter in metallis in ea contentis, sed
com-

communi sumtu eruendis ac præparan-
dis. Quamobrem cum pecunia a ku-
 ckuum dominis in metalla eruenda &
 præparanda impendenda, *Symbola me-*^{zabuffa}
tallica; excessus vero pretii metallorum
 super impensas, *Reditus kuckuum* dicantur. ^{aut baula}
quamdiu pretium metallorum ab
impensis deficit, aut nihil metalli eruitur,^{zabuffa}
symbolæ conferendæ; si vero illud has ex-^{aut baula}
cedit, reditus distribuendi in ratione ku-
ckuum, consequenter symbolæ conferun-
tur spe redituum. Cum kuckus sine par-
 tes fodinæ, rei immobilis; ipsi quoque
rebus immobilibus accensendi: est quia
 metalla ad substantiam metallifodinæ
 pertinent; *reditus kuckuum fructus non*
sunt (§. 198.). *Contractus metallicus*
 est, quo ita convenitur, ut dominium
 pro parte in metallifodina in nos trans-
 feratur & nos vicissim obligati simus ad
 metalla, quæ in fodinis latent, aut latere
 putantur, nostro sumtu eruenda ac præ-
 paranda. Quamobrem *kuckum suum*
pro arbitrio suo alienare potest dominus
 (§. 257.), cum vero nemo aliter rem in
 alium transferre queat, quam quomo-
 do eandem ipse habet; *qui eum emit, seu*
alio quocunque titulo accipit, tacite in-
 (Wolffii Instit. J. N. & G.) Cc con-

contractum metallicum consentit. Et quoniam dominus rem suam derelinquere potest (§. 203.); dominus kuckum infœcundum derelinquere potest, symbolæ conferendæ pertæsus. Si societatem metallicam contraxerit, aliunde venit, quod derelinquere nequeat, nisi vel fociorum consensu, vel alio in locum suum substituto, qui symbolam confert.

§. 684.

*De em-
tione
spei.*

Emtio spei dicitur contractus, quo ita convenitur, ut, quod certo actu, in quo eventus dubius est, fuerit acquisitum, tuum sit, & tu pro eo, quod incertum est, pretium certum solvas; vel brevius: est emtio rei acquirendæ incertæ. Quod si ergo eo actu, super quo contractum, nihil acquiratur, emtor nihil accipit, pretium tamen solvere tenetur: nec ex adverso ultra pretium conventum quid solvere obligatur, etiamsi, quod acquiritur, idem plurimum excedat. Patet autem, cum spes ematur, pretium determinandum esse ex probabilitate spei, acquisitum iri. Enimvero quia non emitur nisi spes istiusmodi quid acquirendi, quod actu, super quo conventum,

tum, acquiri solet; si casu extraordinario eo actu, super quo contractum, acquiritur aliquid, quod istiusmodi actu alias acquiri non solet, emptio spei non valet, consequenter nec pretium conventum pro eo solvitur.

§. 685.

Missilia dicuntur res, quæ jactantur in vulgus eo animo, ut fiant occupantis. Factu igitur missilium dominium transfertur in personam incertam, eam nimirum, quæ occupaverit. Facile patet si quis missilia emit, quæ aliquis occupaturus est, antequam jactentur, contractum esse emtionem spei (§. 684.).

D. missilibus. l. 9. §. 7. de acq. rer. dom. l. 8. §. de contr. em. v.

CAPUT XIV.

DE

QUASI CONTRACTIBUS.

§. 686.

Quasi contractus dicitur conventio facta, in qua consensus unius expressus est, consensus autem alterius tantummodo præsumitur. Quoniam vero contractus celebrantur utilitatis causa; consensus in contrahendo præsumi nequit, nisi manifesta appareat ejus, cuius consensus præsumitur, utilitas.

Quid sit quasi contractus.

Cc 2 §. 687.

§. 687.

De obligatione ex quasi contractu veniente.

Quoniam in quasi contractu utraque pars consensisse supponitur in id, quod pars altera in alterius utilitatem facit (§. 686.); *ex quasi contractu alter nobis obligatur ad id, ad quod obligatus fuisset, si revera contraxisset, & nos eidem vicissim obligamur, tanquam ex contractu vero.*

§. 688.

Quando quasi contrahi licitum.

Quia præsumptioni locus non est, ubi de veritate constare potest, quod ultro admittendum; *si consensus alterius expressus haberi potest, quasi contractus non valet, consequenter quasi contractus tantummodo valet, si quod faciendum est alterius nomine non fert moram, ut consensus ejus expressus requiri possit, vel si alter, cujus utilitatis causa faciendum, propter ætatem, vel inopiam mentis consentire nequit.*

§. 689.

An quasi contrahere sint juris naturalis.

Quoniam naturaliter obligamur utilitatis alterius gratia facere, quod in potestate nostra est (§. 133. 134.), & ad idem alteri nos perfecte obligare possumus contrahendo (§. 667.),
alte-

alterius autem consensus, qui ad perficiendum contractum requiritur (§. 438.), præsumi potest (§. 686.); *quasi contractus* utique juris etiam naturalis est, ac ideo quoque naturaliter consensus præsumtus tunc idem operatur, quod expressus.

§. 690.

Negotiorum gestio est quasi contractus, quo negotium alienum sine mandato domini gerendum sua sponte suscipitur, animo eum sibi obligandi. *Negotiorum* itaque gestio est quasi mandatum, negotiorum gestor quasi mandatarius, & dominus negotii quasi mandans (§. 552.); ac ideo in mandatum abit, si dominus gestionem ratihabet sive expresse, sive tacite, consequenter negotiorum gestor domino ad id obligatur, ad quod mandatarius mandanti, & dominus vicissim eidem ad id, ad quod mandans De negotiorum gestione.
mandatario (§. 687.). At quoniam quasi contractus validitas tota pendet a manifesta domini utilitate (§. 686.); negotiorum gestor negotium omni diligentia, quæ adhiberi potest, gerere debet (§. 21.), consequenter domino tenetur ob ea, quæ 60. de A. J.
gerere debuit, non autem quæ gessit; ne L. 6. §. 12. de negot. gestis.

que enim facere debet, nisi quod dominum ob manifestam utilitatem facturum præsumit (§. 686.). Unde sequitur, *ut non debeat facere impensas utiles, quas domino fore onerosas præsumere poterat; in casu autem dubio ab iis pror-*

L. 27. de negotiis gestis.

sus, a voluptuariis semper abstinere (§. 279. 280.). Cum negotiorum gestio supponat consensum præsumtum; si quis contra prohibitionem domini negotium ejus quamvis utiliter gessit, domi-

L. 24. C. de negotiis gestis.

nus perfecte ipsi ad nihil obligatur, consequenter si is prohibet, ne quis gestionem continuet, ab ea statim abstinendum.

Et quoniam in alieno negotio gerendo respicienda partim necessitas, partim utilitas domini, dominum autem repræsentat negotii gestor; *necessitas negotii alieni gerendi adesse intelligitur, si eo non gesto damnum inevitabile emergat, quod ab alio avertendum naturaliter obligamur (§. 269.): utilitas vero domini non ex opinione gerentis, sed ex rei, temporis ac personæ domini qualitate aestimanda.*

L. 10. §. 1. de negotiis gestis.

§. 691.

*De quasi
emtionem,
quasi*

Dantur etiam *Quasi emtio*, quando scilicet quis ex consensu domini præsumto

sumto rem sibi vult esse emtam, veluti ^{mutuo} si quis rem fungibilem apud te depo- ^{& quasi} sivit, quæ, cum propter absentiam de- ^{locatio-} ponentis restitui non possit, diutius ser- ^{ne con-} vando peritura, tu eam animo solven- ^{ductione.} di pretium consumis: *Quasi mutuum* quando nimirum quis ex consensu præsumto domini rem fungibilem consumit, animo eam in genere restituendi, veluti in casu præcedenti rem fungibilem depositam: *Quasi locatio conductio*, quando scilicet ex consensu domini præsumto uteris re ejusdem, animo solvendi mercedem, quam conductor alius præstiturus erat, aut eidem operas præstas pro eadem mercede, quam pro iis alii locatori præstare debebat quasi conductor, veluti si domum domini locare alicui teneris, ipse animo solvendi pensionem, quam daret conductor alius, domum inhabites.

§. 692.

Communio incidens dicitur, in quam ^{De com-} quidam casu incidunt, hoc est, sine ul- ^{muniōe} la prævia conventionē, quod eadem ^{inciden-} communis esse debeat, veluti si do- ^{te.} mus, vel prædium mihi ac tibi done- ^{L. 31. pro socio.} tur. *Qui in communionem incidunt*, cum

dominium pro parte in re indivisa acquirant (§. 196.); ac ideo in id consentire præsumantur, ut lucrum & damnum commune sit, antequam vel in rei divisionem, vel communem administrationem expresse consentiant, *quasi societatem contrahunt* (§. 639.). Unde obligationes personales, quæ ex contractu societatis oriuntur, etiam in casu communionis incidentis non spectantur tanquam æquitati consentaneæ, sed tanquam perfectæ.

§. 693.

De solutione indebiti.

*l. 26. §. 3. 7c
cond. indebiti.*

Indebitum dicitur id, ad quod præstandum alteri non sumus obligati. Ac propterea *Indebiti solutio* est præstatio indebiti, tanquam debiti; & *Acceptio indebiti* est acceptio ejus, quod nobis non debetur, tanquam debiti. Cum nemo locupletari debeat re aliena (§. 271.); *si quis per errorem alteri indebitum solvit, hic idem ipsi restituere, aut, si restitui non possit, æstimationem præstare tenetur*, cumque nemo animum alterum defraudandi habere debeat (§. 286.); *indebitum accipiens in id consentire præsumitur*. Unde sequitur, ut *Indebiti solutio* sit

fit quasi contractus, quo accipiens obligatur ad indebite acceptum restituendum, aut, si id restitui non possit, ad præstandam æstimationem (§. 686.). Cum *indebite solvens* indebitum det tanquam debitum; *dominium rei in alterum transfert* (§. 258.), consequenter *qui eam accepit, alienare* (§. 257.), ac ideo *qui dedit, eam vindicare nequit* (§. 262.). *Qui novit alterum sibiolvere indebitum*, cum re aliena locupletari non debeat (§. 271.); *id accipere non debet, ne sine animo defraudandi accipere potest* (§. 286.), *Et si sciens indebitum accipit, equiparatur possessori male fidei* (§. 201.).

§. 694.

Ob causam dari dicitur, quod datur cum in finem, ut aliquid detur, vel fiat ab accipiente; consequenter accipiens, quod *ob causam datur, se dare ac facere id, propter quod datur, obligat* (§. 317.). Dicitur autem *causa non sequi*, quando ab altero non præstatur, quod ab ipso præstandum erat, seu ad quod præstandum se obligaverat vel expresse, vel tacite (§. 27.). Quoniam ob causam dans gratis dare non vult, nec

Cc 5

qui

qui accipit, tanquam gratis accipit; ob causam datum causa non secuta restituendum, & si causa non sequitur, sequi tamen adhuc potest; dans accipientem adigere potest vel ad implendum promissum, vel ad restituendum, quod accepit. Quoniam obligatio nascitur vel ex consensu expresso, vel tacito; *datio ob causam non est quasi contractus* (§. 686.). Ast *prænumeratio mercedis locatori facta*, vel in genere *prænumeratio pecuniæ pro eo, quod dabitur, vel faciendum in posterum, dandæ, datio ob causam est.*

§. 695.

De eo,
quod
sine cau-
sa, vel
quasi
acce-
ptum.

Sine causa acceptum dicitur, quod jure accipi non poterat, veluti si quid indebite per errorem solvitur; ast *quasi sine causa acceptum*, quod jure quidem accipi, sed non retineri poterat, veluti si chirographum datur spe numerandæ pecuniæ, sed quæ postea non numeratur. Facile patet, *sine causa, vel quasi sine causa acceptum esse restituendum* (§. 271.), cumque ideo, *si quis inscius quid sine causa accipit*, in hoc consentire præsumitur, ut sine causa acceptum sit restituendum; is *ex quasi contractu jure*

jure quoque externo obligatur ad restituendum: ast quoniam quasi sine causa accipiens id jure accipere, sed non retinere poterat; obligatio restituendi jure externo nascitur ex eo, quod tacite actui alii inest.

§. 696.

Cum contractus compositi, sive *De contractibus compositis & colono partiario.* mixti ex definitionibus simplicium, qui ita iisdem concurrunt, facile dignoscantur; non opus esse videtur, ut de iis multa in specie dicantur. Id saltem notamus, contractum, quem colonus partarius cum domino init, mixtum esse ex locatione conductione & societate (§. 620. 639.). Quoniam enim Colonus partarius dicitur, qui agrum conducit pro rata fructuum perceptorum; coloni partarii ac domini damnum & lucrum commune est.

CAPUT XV.

DE

JURE IN RE ALIENA CONSTITUTO,
SEU PIGNORE ET SERVITUTIBUS.

§. 697.

Jus pignoris est jus creditori in re sua *De pignore & hypotheca.* constitutum, ut, nisi debito tempore

re solvatur debitum, ex eadem ipsi satisfiat. Res dicitur *oppignorari*, in qua istiusmodi jus constituitur; ipsa vero res oppignorata *Pignus* vocatur. Atque ideo patet, *jus pignoris constitui in securitatem crediti*, consequenter *si res oppignorata fuerit mobilis, cam esse tradendam*. Quod si pignus fuerit res immobilis, *Hypotheca* speciali nomine appellatur. Ex ipsa autem definitione sequitur, *ut creditor rem oppignoratam vendere possit, nisi debito tempore solvatur, & de pretio tantundem retinere, quantum ad hoc sufficit, ut ipsi satisfiat, residuum autem debitori restituendum* (§. 271.). Et quoniam nemo defraudandus (§. 286.); in distractione pignoris *fraus omnis vitanda*, consequenter *a peritis & impartialibus taxanda res oppignorata, antequam vendatur, & res plus licitanti danda*. Pars autem pretii pignoris, quæ id, quod creditori debetur, excedit, *Hyperocha* appellatur; quæ itaque debitoris est. Ex adverso autem, cum debitor debitum integrum solvere teneatur; *si pignoris distracti pretium non adæquet debitum, defectum implere tenetur*.

§. 698.

Quoniam jus pignoris, vel hypothe- De do-
minio rei
oppigno-
rata.
cæ constituens in re sua in creditorem
tantummodo transfert jus conditiona-
tum vendendi (§. 697.); *dominium in re
oppignorata retinet*, consequenter *eam
alienare potest* (§. 257.), sed cum jus cre- Nov. 112. cap. 1.
ditori, quod in ea habet, invito adimi
nequeat (§. 100.); *alienatione non extin-
guitur jus pignoris, vel hypothecæ*. Et ex
eo, quod dominium in re oppignorata
retinet debitor, porro sequitur, *ut a cre-
ditore alienatio fiat non proprio, sed debi-* L. 11. §. 16. De
cust. embi venditi
toris nomine, etsi ipso invito fiat.

§. 699.

Pignus, vel hypotheca lui dicitur, si de- De lui- L. 7. §. 12
tione pi- comu-
gnoris. dicitur
bitum solvitur, in cuius securitatem jus
pignoris, vel hypothecæ constitutum.
Quamobrem cum *lutione facta pignus*
fine causa sit penes creditorem; *restituendum*, cumque jus hypothecæ ces-
set, *debitore solvente*; eodem *solvente*
hypotheca libera efficitur. Cum pignus
luere debeat debitor (§. 697.); *creditor*
rem oppignoratam vendere nequit, an-
tequam id denunciaverit debitori, con- L. 4. c. si ven-
sequenter *quamdiu non denunciatur*, *jus*
luendi semper saluum manet. *Nolo pignore agatur.*

§. 700.

§. 700.

De oppi-
gnora-
tione rei
aliena.

Cum rem oppignorans in creditorem transferat jus alienandi conditionatum (§. 697.), jus autem alienandi nemini nisi domino competat (§. 257.); nemo quoque oppignorare potest, nisi rem suam: dominus tamen rem suam oppignorare potest pro debito alieno (§. 195.). At cum jus suum quilibet in alium transferre possit (§. cit.); rem sibi oppignoratam alteri oppignorare potest creditor, inscio eo, qui eam ipsi oppignoraverat, non tamen pro debito majore, quam pro quo ipsi erat obligata. Quod si tamen aliter conveniatur, inscio te oppignorari res tua alii nequit (§. 438.).

L. 2. C. si aliena
res pignori

L. 1. C. si pignus
pignori dat.
Sub oppignora-

§. 701.

De ea-
dem re
bis oppi-
gnorata.

Quoniam jus, quod in re oppignorata habes, tibi a debitore auferri nequit (§. 100.); res tibi oppignorata alii denuo oppignorari nequit, nisi salvo jure tuo, consequenter si utrique creditori inde satisfieri nequit, praefertur primus secundo.

L. II. qui pot-
iores in pign.

§. 702.

De usu
pignoris
& da-
mino in eo
dato.

Quia pignus tantummodo constituitur in securitatem debiti (§. 697.); creditori pignore uti non licet (§. 317.); §. 6. 7. de Obligat. quae ex delicto. nisi

nisi ejus usus a constituyente ipsi concedatur, pacto scilicet adjecto (§. 105.).

Quodsi dolo, vel culpa creditoris pignus interit, vel deterioratur; damnum constituti. actione.

stituendi resarciendum (§. 270.): quo-

niam tamen constituentis causa penes creditorem est; si casus in eo contingit, de eo non tenetur creditor. At cum ratio cesset, si creditor fuerit in mora resti-

tuendi; casum, qui in eo non contigisset, si restitutum fuisset, prestare tenetur

(§. 419.). Quoniam vero pignus constituitur in securitatem debiti, non da-

tur vero res oppignorata pro debito

(§. 697.); si pignus casu perit, aut ita deterioratur, ut inde satisfieri non possit

creditori, hic nihilominus debitorem sibi obligatum habet.

§. 703.

Cum culpa creditoris pignus perire, aut deteriorari minime debeat (§. 702.); impensas necessarias in id facere tenetur creditor (§. 279.), a constituyente restituendas (§. 271.).

§. 704.

Contractus pignoris dicitur, quo debitor pignus, vel hypothecam constituit in re sua, vel alius loco ipsius. Atque

que tum *pignus* dicitur *conventionale*, item *hypotheca conventionalis*. Est autem *Hypotheca* vel *specialis*, quæ constituitur in re certa in specie, veluti in domo, prædio, aut bibliotheca sua, vel certa rerum universitate; vel *generalis*, quæ constituitur in omnibus bonis tam præsentibus, quam futuris; consequenter *generalis etiam jura & nomina comprehendit* (§. 207.).

§. 705.

De op-
pignora-
tione na-
turali.

Quoniam debitor ad præstandum id, quod debet, obligatur (§. 336.), consequenter si ei, cui obligatus est, satisfacere nequit, nisi quædam ex bonis suis vendat, ideo ea vendere obligatur, creditori autem competit jus exigendi debitum (§. cit.), ac propterea quoque jus eum compellendi ad res quasdam, vel, si necesse sit, omnia bona sua vendendum, ut sibi satisfiat; *naturaliter cuilibet constitutum est jus in bonis debitoris, ut, nisi debito tempore solvatur debitum, ex iisdem ipsi satisfiat*, consequenter *naturaliter bona debitoris obligata pro quolibet debito*. Ad hanc obligationem naturalem cum accedit contra-

Sta

Et ex contractu pignoris, quo res quædam in specie, vel omnia quoque bona oppignorantur (§. 514.), fortior autem obligatio vincat debiliorem; *oppignoratio conventionalis in casu collisionis vincit naturalem.*

§. 706.

Cum bona debitoris jam naturaliter obligata sint pro ipsius debitis (§. 705.); *si debitor pignus luit, pro alio debito retineri potest.* Et quoniam pignus constituitur in securitatem debiti (§. 697.), & per consequens pretium rei oppignoratæ debitum in infinitum excedere potest; *si pars debiti quocunque modo tollitur, pro reliqua pignus, quantumcunque fuerit, retineri potest, nec aliud minoris pretii accipere tenetur creditor.*

§. 707.

Pignus, vel hypotheca solvi dicitur, quando res oppignorata liberatur ab obligatione sua. Pignore igitur soluto, creditori nullum amplius jus in eodem est. Cum a voluntate creditoris dependeat, num debitori absque pignore, (Wolffii Instit. J. N. & G.) *De pignoris & hypothecæ solutione.* Dd vel

vel hypotheca credere velit; si jus pignoris, vel hypotheca remittit, pignus, vel hypotheca solvitur: non tamen ideo debitum remittere intelligitur creditor.

L. 3. De pignus

Per se autem patet, pignus, vel hypothecam solvi, si res oppignorata, cui quippe inhæret jus creditori in ea constitutum (§. 697), interit.

§. 708.

Servitus
quid &
quotu-
plex.

Si jus in re aliena constituitur, quo ejus dominus ad alterius utilitatem aliquid pati, vel non facere tenetur, id *Servitus* vocatur; tumque *res*, in qua jus istud constitutum, *servire* dicitur alteri, cujus est utilitas. Quod si res serviat certæ cuidam personæ, *Servitus personalis*; si vero rei alterius, seu possessori ejusdem cuicunque, *realis* appellatur. Estque vel *affirmativa*, qua dominus rei servientis pati tenetur, ut alter faciat; vel *negativa*, qua alter pati non tenetur, ut ipse quid faciat.

§. 709.

De præ-
diis &
servitute
prædia-
li.

Notandum vero *Prædium* dici rem immobilem quamcunque, quæ ob certum fructum, quem nobis præstat, aut usum pecuniæ æstimabilem, qui instar fru-

fructus est, possidetur. Cumque *usus* alius sit *rusticus*, qui ad rem agrariam, seu ad œconomiam ruralem quocunque modo spectat; *urbanus* vero, qui ad habitationem, commercia, opificia pertinet; *prædium* quoque vel *rusticum* est, quod usum rusticum habet; vel *urbanum*, quod usum habet urbanum. Quamobrem cum prædia rustica & urbana saltem distinguantur usu, quem habent, non vero loco, in quo sita sunt; *non minus prædia rustica in urbe, quam urbana rure dantur*. Hinc vero *Servitutes* reales etiam prædiales vocantur; & *servitus prædiorum urbanorum* dicitur, si usus ab alieno prædio præstatur in utilitatem prædii urbani; *servitus autem prædiorum rusticorum* est, si idem præstatur in utilitatem prædii rustici. Unde *eadem servitus & prædii urbani, & rustici esse potest*, prouti scilicet vel urbano, vel rustico debetur. In servitute prædiali *Prædium serviens* dicitur, quod servit alteri; *Prædium vero dominans* id, cui servit alterum. *Fundus*, qui servitutem debet, *servus*; qui servituti nulli obnoxius, *liber* vocatur; *optimus* autem

L. 19 §. de V. S.

f. 2. §. de fructib.

L. 2. de fructib.

præd. rusticor.

coll. L. 2. de senil.

præd. & Urb.

d. 48. de civit.

appellari solet, qui ab omni servitute & obligatione hypothecæ immunis est.

§. 710.

Quinam
servitu-
tem im-
ponere
& ac-
quirere
possint.

L. 8. com-
prædior.

L. 33. §. 1. de præd.
rur. hic.

Cum servitus sit jus in re alteri constitutum (§. 708.); *nemo nisi dominus alteri in re sua servitutem constituere potest* (§. 260.), & a voluntate constitutentis unice pendet, num & qua lege eandem constituere velit (§. 314.); consequenter contra hanc legem nihil facere licet (§. 438.). Et quoniam qui dominium revocabile habet, rem restituere tenetur, qualem accepit (§. 314.), consequenter liberam, si libera fuerit; is prædio suo servitutem imponere nequit, nisi quæ dominio resoluta expirat. Quia vero nemo sine acceptatione sua jus quoddam acquirere potest (§. 316.); *nemo quoque prædio alieno servitutem acquirere potest*. Denique quia quilibet jus suum remittere potest (§. 342.); *dominus quoque prædii dominantis servitutem remittere potest*. Prædia spectantur instar personarum, quarum una alteri ad quid obligatur, & domini prædiorum, qui nunc sunt, prædia repræsentant, a quibus obligationes & jura prædiis inhærentia in ipsos derivantur.

§. 711.

L. 5. com. prædior.
L. 25. de servitut.
præd. urban.

§. 711.

Quoniam servitus constituitur eo ^{Quot} fine, ut is, cui constituitur, ex re alie- ^{sine ser-} na utilitatem quandam capiat (§. 708.); ^{vitutum} ^{species.} tot sunt servitutum species, quod modis certa quædam persona, vel possessor alicujus prædii, ex re aliena, seu prædio alieno usum quandam habere, vel fructum percipere potest.

§. 712.

Servitutes prædiales usitatiores peculiare nomen in Jure civili adeptæ sunt. Ita Servitus operis ferendi vocatur, qua vicini paries, vel columna onus ædificii nostri sustinere tenetur; quam ideo, qui servitutem debet, reficere tenetur. Cum vero ad refectionem parietis, vel columnæ non pertineat fultura domus; dominus prædii dominantis suo sumtu domum incumbentem fulcire tenetur.

Dicitur Servitus tigni immittendi, qua trabem, vel quid aliud, quod contignationi ædium inservit, in parietem vicinum immittere licet, ut in eo requiescat; unde eadem, quæ ante, oritur obligatio domini prædii servientis. Porro Servitus projiciendi dicitur, qua aliquod ædificatum alienæ aræ, aut eidem su-

De speciebus

L. 33. De servitu-
tum præ-
dialem. urbanor.
sa. q. in infligat

L. 2. De serv. p. v.
tam jam infligat

L. 242. J. l. de p. s.

perstructo imminet, in vicinis tamen ædibus nusquam requiescit. *Servitus*

l. 12. de servit. ad. præd. urban. *altius non tollendi* est, qua dominus prædii dominantis prohibere potest, ne dominus servientis ædes suas altius tollat:

l. ex 2. de serv. præd. urban. *ex adverso Servitus altius tollendi* appellari potest, qua quis in gratiam vicini habere nequit ædes magis depressas, quam nunc habet. *Servitus luminum*

l. 40. de serv. præd. urban. vocatur, qua quis fenestras luciferas etiam in suo, aut communi pariete excipere cogitur; *Servitus autem prospiciendi*, seu *prospectus*, qua vicinus pati tenetur, ut fenestras prospectivas habeamus in ædibus nostris. Dicuntur *Fenestra*

l. 15. de serv. præd. urban. *lucifera*, per quas lumen immittitur in ædes nostras; *prospectiva* autem, per quas prospectus datur in loca alia, veluti in ædes, vel hortum alterius. *Servitus*

l. 4. de serv. præd. urban. *ne officiatur luminibus*, vocatur, qua quis in prædio suo facere non potest, quo ædium nostrarum quævis lumina obscurantur & imminuantur; *Servitus*

l. 15. de serv. præd. urban. *autem, ne prospectui officiatur*, qua quis in prædio suo nil facere potest, quo liber prospectus in loca quævis vicino grata

l. 17. de servit. atque amena ullo modo impeditur. *Servitus stillicidii avertendi*, vel *recipiendi* est,

est, qua quis pati cogitur, ut vicinus
 aquam ex tecto suo destillantem, vel per
 canales defluentem in tectum, aream,
 vel cloacam suam deriveret; *Servitus* au-
 tem *stillicidii non avertendi*, qua quis stil-
 licidium suum alio, quam in ædes, vel
 hortum tuum dirigere nequit. *Servitus*
cloacæ immittendæ est, qua quis pati co-
 gitur, ut colluviem sordidam in sua area
 collectam vicinus in ipsius aream com-
 mittat; *ast Servitus cloacæ habendæ*, qua
 vicinus pati cogitur, ut juxta parietem
 ipsius cloacam habeamus. Unde simul
 intelligitur, quid sit *Servitus sterquilini*
habendi. *Iter* est servitus, qua pati
 cogimur, ut homo per prædium no-
 strum eat ad suum, ipsius prædii causa:
ire autem in Jure dicitur etiam, qui alie-
 nis pedibus incedit, veluti si eques eat,
 aut lectica portatur. *Actus* est servitus,
 qua quis pati cogitur, ut alterius prædii
 dominus jumentum, vel vehiculum
 agat per prædium ipsius ad suum; is-
 que vel *plenus*, si etiam jumenta vehi-
 culo juncta agere licet; *minus plenus*,
 si saltem pecora & armenta, non vero
 jumenta vehiculo juncta. *Via* servitus
 est, qua quis pati debet, ut per præ-

leg. de servitutib.
 l. 1. §. 1. de servitutib.
 l. 1. §. 1. de servitutib.
 l. 1. §. 1. de servitutib.
 l. 1. §. 1. de servitutib.

leg. de servitutib.
 l. 1. §. 1. de servitutib.

leg. de servitutib.
 l. 1. §. 1. de servitutib.
 l. 1. §. 1. de servitutib.

dium ipsius non modo eas & agas, verum etiam ad prædium tuum vehas, ducas, feras atque trahas, quæcunque ad prædii tui utilitatem faciunt. Aquæ haustus est servitus, qua quis pati cogitur, ut alius ex puteo suo, aliove loco ipsius ad fundi sui necessitatem hauriat aquam; Aquæ ductus autem, qua pati cogitur, ut quis per fundum suum ducat aquam ad utilitatem fundi ipsius quocunque modo; & Servitus aquæ educendæ; qua pati cogimur, ut quis aquam superfluam, vel inutilem ex fundo suo educat per nostrum. Pecoris ad aquam appulsus est servitus, qua pati cogimur, ut pecora alieni prædii aquandi causa appellantur ad fontem, vel etiam aquam nostram; Jus vero pascendi servitus, qua pati cogimur, ut quis pecora prædii sui pascat in prædio nostro. Jus calcis coquendæ servitus est, qua pati cogimur, ut quis calcem coquat in fundo nostro, ad commoditatem prædii sui. Quid vero sit Jus arenæ fodiendæ, lapides cædendi, colligendi ramos aridos, legendi glandes, venandi, ex ipsius nominibus intelligitur. Ast Jus pedamenta sumendi servitus est, qua pa-

De
leg. 9. §. 1. præd. n. r. t.

De feras
leg. 1. §. 1. præd. n. r. t.

leg. 2. §. 1. de ser. præd. n. r. t.

leg. 5. §. 1. de ser. præd. n. r. t.

leg. 4. de servit. præd. n. r. t.

leg. 3. §. 1. de servit. præd. n. r. t.

leg. 2. §. 1. de ser. præd. n. r. t.

constituto, seu pignore & servitutib. 425

ti cogimur, ut quis ex sylva nostra surmat adminicula arborum, vel vitium, ac perticas lupulum, vel fabas excipientes; *Jus* vero *lignandi* servitus, qua pati cogimur, ut ligna ad certum usum cadat in sylva nostra, ad utilitatem prædii sui. De his omnibus intelligitur, ea concessa esse prædio dominanti, sine quibus *jus suum* exercere nequit; cum alias servitus foret inutilis: & *jus prædii dominantis* lege constitutioni adjecta omni possibili modo ampliari & restringi posse (§. 710.).

leg. 20. §. 1. de serv. mal. urban. leg. 33. §. 1. de pro. proas. n. l. 1. §. 1.

leg. 20. §. 1. de serv. mal. urban. leg. 33. §. 1. de pro. proas. n. l. 1. §. 1.

§. 713.

Quæ de servitutibus realibus modo dicta sunt, valent etiam de personalibus. Eminent inter has *Ususfructus*, quæ est servitus personalis, qua dominus pati cogitur, ut alius re sua utatur fruatur, salva substantia. Qui usumfructum habet, *Ususfructuarius*, subinde etiam *Fructuarius* dicitur. *Proprietas* itaque manet apud dominum, consequenter quicquid vi proprietatis dominus facere potest, id ususfructuario non licet. Quamobrem rem, quæ usumfructum debet, non alienare (§. 257.), non

De usufructu.

L. 14. et 15. §. fin. de usufr.

immutare (§. 256.), non oppignorare (§. 700.), neque eidem servitutem imponere potest (§. 710.): *ast de usufructu, cum sit jus ipsi proprium, pro libitu disponere licet (§. 195. 206.).* Patet etiam, quod *re aliter uti nequeas, quam sicuti est; & non minus manifestum est, usumfructum constitui posse in omnibus rebus, mobilibus ac immobilibus, etiam incorporalibus, quibus uti frui datur, ut ipsæ integræ supersint, eaque lege, quæ placuerit constituenti (§. 314.).*

§. 714.

*De rebus
dubii,
an sint
in usu-
fructu
compre-
hensæ.*

Quia *metalla & mineralia* non brevi quodam temporis spatio renascuntur; non tam fructus fundi censentur, quam ad substantiam potius ejus pertinent, ac ideo *ad usumfructum non pertinent* (§. 713.). Idem intelligitur, ob rationem eandem, *de arboribus annosis, quarum, si quos edunt, fructus in usufructu sunt (§. cit.).* Enimvero quia *sylva cædua*, quæ succisa ex stirpibus & radicibus brevi quodam annorum numero renascitur, & cujus usus in sola succisione consistit; eadem *in usufructu est, ad eum scilicet modum, quo fecerat usumfructum concedens, seu quem consuetudo pro-*

L. 19. §. 7. de usufructu

constituto, seu pignore & servitutib. 427

probat, ligna succidere potest usufructuarius. Quamobrem etiam, si moris sit, ut in sylva non cædua stipites cer- *L. 10. de usufr.*
to quotannis numero excidantur, eodem numero excidere potest, consequenter arbores vi ventorum dejectæ domini sunt, non usufructuarii, qui eas, si dominus velit, in compensationem cædendarum accipere tenetur; cum dominus sic disponat de substantia sylvæ, ne scilicet deterioretur, salvo jure usufructuarii. *L. 12. cod. de usufr.*

§. 715.

Cum finito usufructu res, quæ in eodem fuit, restituenda sit a fructuario (§. 713.); *Quamvis usufructu finito L. 68. §. 2. ad huc et L. 70. sint fructuarii.* si ususfructus in grege constituitur, in locum pecudum demortuarum, vel alienatarum alia capita substituere debet fructuarius. Cumque finito usufructu cesseret jus percipiendi fructus fructuarii; *L. 13. quibus modis usufructuarius.* fructus tunc pendentes domini, seu proprietarii sunt. Ast quoniam fructus industriales non minus fructus industriæ sunt, quam fundi (§. 226.); finito usufructu prorata communes sunt, quantum scilicet valet usus fundi & cultura atque cura fructuarii. Similiter quoniam *L. 2. §. 6. de usufr.* redditus propter usum, qui continuo percipitur, solvendi tempori proportion-

portionales sunt; *usufructu ante terminum solutionis finito pro rata temporis inter proprietarium & usufructuarium dividendi*. Enimvero *reditus, qui præstantur ratione juris in re, veluti decimæ, cum assimilentur ante terminum solutionis fructibus pendentibus, proprietarii sunt.*

§. 716.

Ad quem nam casus pertineat. Cum fructus usufructuarii sint, res vero, quæ est in usufructu, proprietarii (§. 713.); *si damnum in fructibus contingit, ad usufructuarium pertinet, si in re, ad proprietarium.*

§. 717.

De oneribus & impensis. Ob eandem rationem *usufructuarius solvere tenetur omnia onera sive ordinaria, sive extraordinaria, ratione fructuum & reddituum præstanda, & facere impensas, sine quibus esse & fructus percipi nequeunt: quod si vero onera extraordinaria exsuperant fructus, cum ratione rei imposita intelligantur, non solum fructuum; quod ultra eos impenditur, a proprietario præstandum*. Nimirum quod solus facere deberet proprietarius, si pleno jure esset dominus, id ab usufructuario & domino una faciendum. §. 718.

§. 718.

Cum *ususfructus* jus personale sit ^{Quando} (*§. 713.*); *morte usufructuarii* ^{ususfru-} *extin-* ^{ctus fi-} *guitur* (*§. 400.*). *Extinguitur* etiam, ^{natur.} *si eum fructuarius remittat*, cumque ^{S. S. 3. de usufr.} rei non amplius existentis nullus sit usus atque fructus, *interitu quoque rei*, denique & *tempore praestituto elapso*, ^{L. 15. quibz modis} *si temporarius fuerit* (*§. 317.*). ^{usufructus} Hinc sequitur, ut, *si domo vetustate* ^{S. S. 2. quibz modis usufr.} *collapsa, vel incendio conflagrata, nova extruatur*, *fructuarius in ea usumfructum non habeat.*

§. 719.

Quasi ususfructus dicitur *servitus* ^{De quasi} *personalis*, qua quis pati cogitur, ut ^{S. 2. usufr. S. de usufr. quasi usufr.} *alius re sua, quæ usu consumitur, utatur fruatur*, ita ut finito *quasi usufructu* vel rem in genere, vel ejus æstimationem restituat. Quoniam *dominium rei in quasi usufructuarium transferendum* (*§. 195. 198.*); *si casus in re quasi fructuaria contingit*, *ad quasi fructuarium is pertinet.*

§. 720.

Cum in securitatem debiti *fidejussio* ^{De cautione} (*§. 569.*) & *oppignoratio* ad quemlibet actum obligatorium accedere possit ^{præstanda.} (*§. 697.*);

l. 1. usufructus quem adm. cau. (§. 697.); si metuendum sit, ne ^{non} quasi usufructu finito rem quasi usufructuariam restituere possit, vel ne ^{non} usufructuarius ea præstare queat, ad quæ finito usufructu proprietario tenetur, uterque proprietario vel quasi per fidejussores, aut hypotheca cavere tenetur. Enimvero si cavere non possit, quia neutri invito jus suum auferri potest (§. 100.); res usufructuaria vel quasi pro certa pecunia fructuario vel quasi præstanda, vel proprietario, si ipse velit, vel tertio committi debet.

§. 721.

De usu. *§. 1. 3. de usufr. habitatione.* Usus est servitus personalis, qua quis pati cogitur, ut alius re sua, sive ea fructifera fuerit, sive minus, utatur salva substantia. Dicitur nimirum *Re uti*, in significato Juris Romani, qui ex ea percipitea commoda & emolumenta, quibus ipse cum suis indiget ad vitæ necessitatem & commoditatem. Is, cui usus constituitur, *Usuarius* appellatur. Enimvero cum usus iste certus esse debeat, jus autem usuario competens æstimandum sit ex constituentis voluntate (§. 314.); *naturaliter constituens usum determinare debet, qualis esse debeat.*

beat. Dicitur autem *usus plenus*, quo ex re aliena capere licet, quicquid ad quotidianam vitæ necessitatem ac commoditatem requiritur; *ast minus plenus*, quo certa quædam pars emolumentorum ex re percipiendorum usuario conceditur ad sublevandam vitæ necessitatem; *usus itaque plenus aestimatur ex indigentia usuarii.* Quamobrem cum *usus plenus* per se indeterminatus sit, *usus autem minus plenus determinatus*; *minus plenus in alium transferri potest, sed non plenus.* Cumque usuario saltem competat jus sumendi ex fructibus, quantum indigentia suæ sufficit, dominus vero habeat jus fruendi; *usuarius agrum colere non tenetur, sed dominus.* Quodsi tamen *usus sine impensis obtineri nequit*, veluti si boum usus ad arandum concessus, cum talis concessus intelligatur, qualis esse potest; *impensæ ad usuarium pertinent*, veluti pabulum bobus præbendum. Ceterum ex definitionum collatione patet, *non repugnare, ut in una eademque re uni usus, alteri usus fructus constitutur.*

h. A. §. 1. De usu et habitatione.

l. 14. §. fin. et l. 15. De usu et habitatione.

§. 722.

*De quasi
usu.*

Quasi usus dicitur, qui constituitur in re consumptibili, quæ cum in specie restitui non possit, finito quasi usu in genere restituenda, veluti si tibi usus pecuniæ concedatur, quam vel ipse in rem tuam vertere, vel sub usuris aliis credere potes.

§. 723.

*De habi-
tatione.*

Denique *Habitatio* est servitus personalis, qua dominus pati cogitur, ut alius in ædibus suis sive integris, sive in aliqua earum parte habitet. Cui servitus hæc constituitur, *Habitator* dicitur. Cum habitatio distinguatur ab usufructu ædium; *habitator ædes, aut partem sibi concessam solus inhabitare debet, non vero hanc, vel illam partem alii pro certa pensione locare potest.* Et quoniam jus habitandi proprietario ademptum & in habitatorem translatum; *si habitator ædibus integris uti non possit, non tamen dominus partibus vacuis ipse uti, aut frui potest.* Ceterum cum jus habitatoris metiendum sit ex voluntate constituentis (§. 314.); *naturaliter habitatio ita concedi potest, ut habitator jus suum alii pro certa pensione locare & hanc percipere possit.*

CAPUT

CAPUT XVI.

DE

DOMINIO UTILI, AC INPRIMIS
FEUDO.

§. 724.

Dominium utile dicitur, in quo jus *De do-*
utendi fruendi prorsus liberum, *minio*
proprietas vero aliquo modo restricta *utili in*
est ad alium. Qui dominium utile ha- *genere,*
bet, *Dominus utilis* appellatur. *Domi-*
nium vero *directum* dicitur pars pro-
prietatis, quæ per ejus restrictionem
domino utili adempta ad alium pertinet.
Et qui dominium directum habet, *Do-*
minus directus vocatur. Quoniam pro-
prietas jus alienandi & fundum immu-
tandi continet (§. 198. 256. 257.); *natu-*
raliter proprietas restringi potest aut
quoad jus alienandi, aut quoad jus rem
immutandi, aut quoad utrumque, con-
sequenter si jus alienandi restringitur,
aut dominus utilis per se prorsus nequit,
aut nonnisi certa lege rem alienare potest.
Per se autem patet, dominium utilem so-
lum omnem ex re capere utilitatem. Ce-
terum quoniam dominium originarium
plenum est (§. 195. 198.); dominium
(*Wolffii Instit. J. N. & G.*) *Ecce uti-*

utile, vel directum originarie acquiri nequit nisi pactione ab eo, qui plenum habet (§. 314. 438.), & concedens legem adjicere potest, quam voluerit (§. 314.). In concessione domini utilis duo in primis spectanda sunt, nimirum lex, seu conditio, sub qua id conceditur, & lex, sub qua proprietas restringitur.

§. 725.

Emphyteusis est dominium utile in re immobili sub conditione certæ pensionis annuæ in recognitionem domini directi præstandæ concessum, cum proprietate certa lege restricta. *Res* in qua emphyteusis constituta, dicitur *emphyteutica*, vel *bonum emphyteuticarium*; qui emphyteusin in re habet, *Emphyteuta*; is vero, a quo emphyteusin habet, *Dominus emphyteuseos*. Pensio, quæ in recognitionem domini directi solvitur, *Canon* appellatur, vel etiam *Canon emphyteuticus*; & *contractus emphyteuticus*, quo emphyteusis constituitur & acquiritur.

§. 726.

De ca-
none em-
phyteu-
tico.

Quoniam canon datur in recognitionem domini directi (§. 725.), consequenter ejus solutio tantummodo pro-

probare debet emphyteutam domini-
 um directum in re emphyteutica
 agnoscere; *quantitas canonis utilitati
 ex re emphyteutica percipiendæ propor-
 tionanda non est*, consequenter defi-
 ciente ratione determinationis intrin-
 seca, *mutuo consensu emphyteutæ ac do-
 mini in contractu emphyteutico determi-
 nandus*, quo cum sit standum (§. 438.);
 ob meliorationem, seu reddituum incre-
 mentum, aut ipsius exiguitatem augeri
 minime debet, idemque consistere potest
 tam in pecunia, quam rebus quibuscun-
 que, prouti scilicet conventum fuit.
 Cum emphyteusis contractu nitatur
 (§. 725.); *emphyteuta obligatur ad ca-
 nonem quotannis solvendum* (§. 514.), &
 domino competit *jus eum exigendi* (§. 80);
 consequenter ob solutionem neglectam,
 vel detrectatam *emphyteusis non amitti-
 tur, nisi expresse ita fuerit conventum*
 (§. 667.). Similiter quia canon non da-
 tur pro utilitate, quæ ex re percipitur;
 solvendus is est, etiamsi eo anno *parum*
 aut nihil ex re emphyteuticaria percepe-
 rit utilitatis, nisi de remittendo aut mi-
 nuendo certo casu *canone expresse fuerit
 conventum* (§. cit.). Quoniam *jus exi-
 gendi*

*L. 1. C. de iure em-
 phyteusos.*

gendi canonem domino competit vi domini directi, cujus recognoscendi causa datur (§. 725.), consequenter jus in re est (§. 334.); *dominus emphyteuseos canonem ab emphyteuta non solum a quocunque possessore exigere potest.*

§. 727.

*De contractu
emphyteutico.*

Cum a sola voluntate domini emphytheusin constituentis dependeat, qualege dominium utile in eum transferre velit (§. 314.); *in contractu emphyteutico cum primo acquirente inito*, quo omnis emphyteusis nititur (§. 725.), *definiendum, quomodo proprietas restricta esse debeat, tum quoad alienationem, tum quoad immutationem rei emphyteutica-* *riae* (§. 256. 257.), *Et singula, quæ per naturam emphyteuseos determinata non sunt, adeoque non uno modo determinari possunt, determinanda.* Unde consequitur, *ut jus omne tam domini, quam emphyteutæ metiendum sit ex contractu cum primo acquirente inito.* Quoniam re emphyteutica alienata novus emphyteuta dominum emphyteuseos pro domino recognoscere tenetur; *contractus emphyteuticus cum novo emphyteuta renovandus.* Et si idem valeat, si dominium

*L. 2. C. de iure
emphyteutic.*

minium directum alienetur: quoniam tamen emphyteuta se expresse obligare potest, quod non modo dominum praesentem, verum etiam alium quemcunque successorem legitimum pro domino superiori recognoscere velit, si ad hoc se obligavit emphyteuta, ut quemlibet legitimum successorem domini praesentis pro domino superiori recognoscere velit, renovatione contractus opus non est.

§. 728.

Laudemium est honorarium, quod pro renovatione contractus emphyteutici domino directo solvendum. Consistit igitur in pecunia (§. 525.); & in contractu emphyteutico determinanda ejus quantitas & definiendum, utrum tantummodo solvendum sit emphyteuta mutato, an vero etiam mutato domino. Patet autem, ut ante de canone (§. 726.), ius exigendi laudemium esse ius in re; utpote descendens ex dominio directo, jure utique in re (§. 334.), ne id sit prorsus inutile.

De lau. l. d. C. de demia. iura emphyteut.

§. 729.

Quoniam ius emphyteuticum ex contractu emphyteutico definiendum

Ee 3

(§. 727.)

Quando emphyteusis finitur.

(§. 727.); si emphyteusis pro certis personis conceditur, his omnibus extinctis & ipsa extinguitur; si ad certum vero tempus concessa, tempore elapso, vel etiam si emphyteuta in gratiam domini, vel dominus in gratiam emphyteutæ remittit emphyteusin (§. 337. 342.). Per se autem patet, re emphyteuticaria per cunte emphyteusin extingui. Enimvero si dominus emphyteuseos moritur sine successore, cum dominium directum pertineat ad bona ejus (§. 207.); naturaliter fit nullius, consequenter occupabile (§. 210.), ac propterea emphyteusis non extinguitur.

§. 730.

*Quid
fiat em-
phyteusi
finita.*

Quando emphyteusis constituitur, dominium utile a directo separatur vel ad certum tempus, vel quamdiu fuerint successores legitimi, prouti in contractu emphyteutico definitum (§. 727). Quamobrem non alia mens esse intelligitur constituentis, quam ut tempore elapso, vel successore legitimo deficiente, dominium utile cum directo iterum esse debeat conjunctum, consequenter *emphyteusi finita, dominium uti-*

utile redit ad dominum emphyteuseos, ac ideo is fit pleno jure dominus.

§. 731.

Emphyteuticatio vocatur constitutio *De em-*
emphyteuseos in re adhuc libera ab *phyteu-*
emphyteusi: *ast Subemphyteuticatio* ap- *ticatione*
pellatur constitutio emphyteuseos in re, *& sub-*
in qua emphyteusin habet constituens. *emphy-*
Tumque emphyteusis in emphyteusi *teutica-*
constituta, dicitur *Subemphyteusis*. Cum *tione.*
de dominio utili, tanquam re incorpo- *altruismu -*
rali sibi propria, emphyteuta pro lubi- *zine angl.*
tu disponere possit (§. 195.), sed salvo
jure domini emphyteuseos (§. 86.) &
contractu emphyteutico (§. 727.); *sub-*
emphyteuticatio, salvo jure domini *em-*
emphyteuseos & contractu emphyteutico fa-
cta, licita, sed ea in emphyteuticatione
nihil immutatur, & emphyteusi quomo-
docunque finita subemphyteusis perimi-
tur, consequenter subemphyteusi extin-
cta emphyteusi adhuc existente, emphy-
teuta jure emphyteuticario integro frui-
tur. Cum subemphyteutæ jus ab em-
phyteuta adimi nequeat (§. 100.), sal-
vum tamen manere debeat jus domini
(per demonstrata); quando emphyteuta
emphyteusin in alium transfert, vel

E e 4

trans-

transmittit, jus suum, quod ex contractu subemphyteutico ipsi quæsitum, transfert, vel transmittit, respectu domini autem ipsa emphyteusis translata, vel transmitti intelligitur.

§. 732.

*De jure
libellario.*

Contractus libellarius dicitur, quo dominus alteri rem suam certo pretio interveniente ea lege dat, ut quotannis certum canonem solvat, ac statuto tempore, possessore licet non mutato contractum certo pretio, vel arbitrario numerato renovet. Jus ex eo contractu acquisitum libellarium vocatur. In contractu igitur libellario pretium, quod pro re solvitur, imminui debet pro ratione canonis ac pretii in renovatione contractus statuto tempore solvendi. Quoniam solutio canonis & pretii pro renovando contractu inhæret ipsi rei libellariæ; dominus juris libellarii jus in re libellaria habet (§. 334.), consequenter si canon & pretium non fuerit solutum, a quolibet successore solvi debet, Enimvero quia solutio ista saltem onus est emptioni rei adjectum (§. 409.); qui rem ex contractu libellario habet, pleno jure dominus est, consequenter eandem pro lubitu

bitu alienare & immutare potest sine consensu domini juris libellarii (§. 256. 257.).

§. 733.

Jus censiticum est jus annui redditus ex re aliena immobili recipienpi: ipse autem redditus *Census* vocatur; qui *reservativus* appellatur, si dominus rem vendens censum in eadem sibi reservat; & *constitutus*, quando quis eum sibi emit, aut donatum accipit. Patet autem, *jus censiticum* esse *jus in re* (§. 334.). Res, ex qua census præstandus, *Bonum censiticum*; qui censum solvit, *censualis*; & qui accipit *census dominus* vocatur; *contractus* autem, quo de censu convenitur, *censualis*. Census cum saltem onus sit (§. 409.); *censualis pleno jure dominus* est. *Census consistere potest in pecunia, vel in re quacunque alia corporali mobili*, prouti nimirum de eo convenitur. *Quodsi census liberaliter constituitur, vel in re donata reservatur, quantitas voluntate constituentis definitur* (§. 314.); *si vero ematur, intra limites usurarum licitarum contineri, vel utilitati ex re percipiendæ proportionari debet in ratione pretii, quod solvitur, ad pretium verum rei*; si denique in re ven-

De jure
censiti-
ca.

data reservatur, ejus pretium, a pretio rei detrahendum. Cum dominus census jus censiticum remittere possit (§. 342.); si remittat, sive gratis, sive pro certo pretio, quia tunc extinguitur (§. 337.), bonum censiticum fit liberum.

§. 734.

De jure
superfi-
ciario.

Jus Superficieï, seu superficiarum dicitur jus habendi suo sumtu superficiem, veluti ædificium, in solo alterius. Qui jus superficieï habet, Superficiarius; qui dominium fundi, Dominus fundi audit. Pensio annua, quam superficiarius domino fundi pro hujus usu solvit, solarium vocatur: contractus autem superficiarius, quo de jure superficiario, quod constituitur, inter se conveniunt superficiarius & dominus fundi; & ex hoc metiendum est jus superficarii & domini fundi (§. 314. 438.). Cum donator donationi & venditor venditioni rei suæ adjicere possit legem, quam voluerit (§. 314.); ædes quoque jam extructæ donari ac vendi possunt ea lege, ut dominium in solo retineat donator & venditor, atque ita in ædibus jam extructis constituitur jus superficiarium. Enimvero

vero siue ædes superficiariæ sumtu superficialiarii extruantur, siue jam extructæ & quocunque titulo iusto acceptæ habeantur in solo alterius; superficialarius superficiem, dominus soli autem soli pleno jure dominus est. Et quia jus superficiem non perit, etiam si ædes colabantur, vel conflagrent; si casu quodam intendant, novas extruere licet. Cumque domino soli nullum jus competat in superficie (§. 195.); solutio solarii non est *jus in re* (§. 334), nec dominus soli pro eo superficiem sibi obligatam habet, nisi in contractu superficialario hypotheca in eodem ipsi expresse fuerit *constituta* (§. 697.). Similiter quia nemini jus suum auferri potest (§. 100.); ædes superficialariæ alienantur cum jure superficialario, & fundus salvo jure superficialarii & cum jure adversus superficialarium. Quoniam jus superficialarii metiendum est ex contractu; dominium quoque saltem utile concedi potest in ædibus superficialariis ad certum tempus, vel pro certis personis, tumque jus superficialarium æmulator emphyteuticarium (§. 725.). Atque hic casus est Juris Romani. Ex ipsa definitione patet, *jus superficialarium naturaliter*

realiter extendi ad alias superficies, quam
ædes, veluti ad habendum hortum, vi-
neam, sylvam, piscinam, immo arborem
in solo alieno; cum concessio istiusmodi
in notione domini contineatur (§. 195.),
unde realitas definitionis pendet.

§. 735.

Fideli-

tas quid

Fidelitas appellari solet promptitu-
do præstandi quævis officia humanita-
tis, ea præsertim, quibus damna quæ-
vis avertuntur ac commoda promoven-
tur, & si qua specialiter conventa fue-
rint.

§. 736.

De feu-

dum

Feudum dicitur dominium utile in
re sua alteri a domino concessum, sub
conditione fidelitatis mutue. Quam-
obrem cum dominium plenum conti-
neat & utile, & directum; in constitu-
tione feudi dominium plenum in utile ac
directum inter duas personas dividitur.

Res infeudari dicitur, in qua feudum
constituitur; & ipsa Res feudal voca-
tur, in qua feudum constitutum est; &
in ejus oppositione, Allodium significat
universa, quæ infeudata non sunt. Qui
dominium directum in re feudali ha-
bet, Dominus feudi; qui utile, Vasallus

ap-

appellatur *Contractus feudal*is est, quo de feudo, quod constituitur, inter se conveniunt dominus feudi & vasallus, seu quo feudum constituitur & acquiritur. *Ex contractu itaque feudali metiendum est jus domini feudi & vasalli* (§. 314. 438.).

§. 737.

Substantialia feudi dicuntur determinationes essentielles, per quas feudum concipitur in genere; consequenter ea a nullo feudo abesse possunt, ac propterea respectu vasalli sunt dominium utile in re feudali & fidelitas domino directo præstanda; respectu domini feudi dominium directum & fidelitas vasallo præstanda (§. 736.). *Naturalia feudi* dicuntur determinationes essentielles, quæ constituunt differentiam specificam feudi communiter auctoritate legis, vel moribus recepti, veluti ut promissio fidelitatis sit jurata: *Accidental*ia vero determinationes essentielles, quæ constituunt differentias specificas specierum feudorum a specie juris auctoritate, vel moribus communiter recepta diversorum, veluti obligatio vasalli ad officia insolita. Unde patet, distinctionem inter natura-

De substantialibus, naturalibus & accidentalibus feudi.

*not promissa
a vasallo
domino
Sunt Essentialia.*

alia

lia & accidentalia feudi nullum habere usum in Jure naturæ. Naturaliter enim valent ea, de quibus in contractu feudali conventum (§. 736.). Nimirum quia naturalia & accidentalia per substantialia non determinantur, consequenter ex hisce demonstrari nequeunt; *quando feudum constituitur, a domini rei infeudandæ voluntate dependet, quænam substantialibus superaddi velit (§. 314.), in contractu feudali ideo definienda.*

§. 738.

Defendo
dato &
oblato.

Feudum datum vocatur, quando dominus alteri constituit feudum in re sua: *feudum vero oblatum*, quando danti constituitur in re data.

De modo
disfeudum con-
stituen-
di.

Quia modus constituendi feudum a voluntate domini rei infeudandæ dependet (§. 737.); ideo constitui potest vel ad certum tempus, vel in perpetuum, sive simpliciter, sive determinative, nominatis personis, ad quas transmitti queat, & de certis præstationibus vasalli, veluti servitiis militaribus, ac domini conveniri potest. Quod si vero ita conveniatur, ut canon certus præstetur, cum emphyteusi

misc-

miscetur (§. 725.). Quæ vasallus domino ex contractu feudali præstare tenetur, *servitia feudalia* appellantur, quæ inprimis sunt militaria. Hinc *Feudum francum* est, si vasallus ad nulla servitia præstanda domino obligatur; *ligium*, si servitia militaria præstare tenetur adversus omnes; *non ligium*, si quidam excipiuntur. Et Juri naturæ convenienter *Feudum masculinum* vocatur, quod pro solis masculis constitutum, ita ut ex lege contractus in fœminam nunquam deferri possit; *fœmineum*, quod pro solis fœminis constitutum; *mixtum*, quod pro utrisque simul. Similiter *Feudum oppignoratitium* appellatur, quando dominus, cui pecunia creditur, loco pignoris feudum in re sua constituit.

§. 740.

Quoniam in re, quæ usu non consumitur, dominium directum ab utili separabile (§. 724.); *res quælibet, quæ usu non consumitur, infeudari potest, etiam incorporalis* (§. 736.), consequenter etiam *jus percipiendi proventus metallicos, immo etiam jus utendi certa vini, vel frumenti portione ex cella, horreo aut pecu-*
nuario

De re. Res non
bus, quæ
infeudari
ri pos-
sunt, ubi
de feudo
cavena,
soldata,
pecunie
et quasi
feudo.

nuario domini ad dies vitæ præstanda.

*Lib. x. Feud. Tit. 12.
§. 1.*

Dicitur autem *Feudum de cavena*, quod ita constituitur, ut alicui ex cella domini certa vini, vel ex horreo aut penuario ejus certa frumenti quantitas ad dies vitæ præstetur. Immo facile patet, *naturaliter feudum de cavena extendi posse ad res alias consumptibiles*, veluti ut præstetur certa portio piscium ex piscina domini, vellignorum ex sylva, vel ferarum in sylva capiendarum. Differt

Lib. x. Feud. Tit. 10. §. 2.

autem a feudo de cavena *feudum soldata*, quo ex gratia alicui certâ pecunia, vinum, vel annona, aut res quæcunque alia consumptibilis præstatur; quod in eodem res conventa vasallo præstanda, siue rerum istiusmodi copia domino sit, siue iisdem careat, ut eas aliunde comparare necesse habeat; cum in feudo de cavena præstatio restringatur ad ea, quæ dominus habet: & in illo eadem restringatur ad personam constituentis; in hoc vero etiam transcat ad successores. Ita quoque *Feudum*

Lib. x. Feud. Tit. 10. §. 5.

habitationis dicitur, quando jus habitandi in domini ædibus alicui ad dies vitæ conceditur. Tenendum vero in genere est, *res consumptibiles & pecuniam*

cuniam fieri quasi inconsumptibiles, quatenus per fidejussores, aut hypothecam cavetur, ut semper restitui possit, si restitutione opus sit, tum enim perinde est, ac si ea uteremur frueremur salva substantia, consequenter easdem fieri hoc modo ad infeudandum aptas, quatenus scilicet in quasi adhuc extantibus dominium directum subsistere potest. Dicitur autem quasi feudum, quod constituitur in re per se ad infeudandum minus apta, sed quæ ad infeudandum apta efficitur arte. Unde Feudum pecuniæ, quod constituitur in pecunia, est quasi feudum. Ceterum pecunia, in qua feudum constitutum, feudalis est (§. 736.); in qua nullum constitutum, allodialis (§. cit.), consequenter pecunia, qua feudum venditum est, feudalis non est, sed allodialis. Et eodem modo patet, cum res, quæ pro feudo datur æqui polleat pecuniæ, quæ pro eodem datur, si res feudalis cum allodiali permutatur, allodiale minime fieri feudalem.

Res fungibiles non ad feudum verum gaudere

Enfub. Pecunie

Lib. II Feud. Tit. 26. § 21.

§. 741.

Cum qui dominium utile habet, præter jus utendi & fruendi integrum etiam partem proprietatis habeat (§. 724.), (Wolffii Instit. J. N. & G.) Ff quam

De sub. infeudatione.

quam aliis adhuc modis restringi posse per se patet; qui dominium utile habet in re, eam alteri in feudum dare potest (§. 736.), salvo tamen jure domini directi (§. 100.), consequenter salvo jure domini directi in bonis emphyteuticis & rebus feudalibus feudum constitui potest.

Feudum in re feudali constitutum alteri, dicitur Subfeudum; & res feudalis subinfeudari, quando feudum in eadem constituitur: vasallus vero, cui res feudalis in feudum datur, Subvasallus, vulgo Subinfeudatus; vasallus denique subinfeudans, dominus subfeudi; & contractus, quo de subfeudo convenitur, Contractus subfeudalis; ex quo itaque jus subvasalli & domini subfeudi metiendum

(§. 736.). Cumque subinfeudatio tota pendeat a subinfeudantis voluntate (§. 314.); in contractu subfeudali substantialibus superaddere licet determinationes, quæ in feudali non continentur, salvo tamen jure domini feudi superaddi possunt, consequenter quæ contractui feudali non adversantur (§. 736.). Et quia subinfeudatio intactum relinquit jus domini feudi; ejus consensus ad subinfeudationem non requiritur. Cete-

rum

rum per se porro patet, si quis rerum universitatem sibi infeudatam habet, eum pro libitu rem unam atque alteram uni, vel pluribus subinfeudare posse. Denique hoc etiam satis liquet, subinfeudatione non totum dominium utile in subvasallum transferri, sed partem quandam proprietatis remanere apud vasallum, & jus subvasalli non augeri, imminui tamen posse, immo subinfeudationem fieri posse tam gratis, quam pro certo pretio.

§. 742.

Cum vasalli & subvasalli sint fructus omnes (§. 736. 741.); periculum omne fructuum ad vasallum & subvasallum spectat.

Cajus-
nam sit
pericu-
lum sym-
licum.

§. 743.

Successor feudalis dicitur is, ad quem vi legis constitutionis mortuo vasallo feudum devolvitur. Successore igitur deficiente, res, quæ fuerat feudal, pleno jure domini est, consequenter etiam subfeudum extinguitur (§. 741.). Quamobrem cum vasallus nihil facere possit, quod est contra jus domini, vel successorum (§. 86.); rem feudalem deteriorare nequit, nec servitutem eidem ideo impo-

De suc-
cessore. Polyn-
feudali.
& im-
mutatio-
ne rei
feudalis.

Lib. II. Feud. Tit. 9.

Lib. II. Feud. Tit. 9.

§ 1.

successor feudalis deficit; ut ideo *apertura feudi* sit vacuitas juris succedendi in feudo. Et idem *apertura proximum* dicitur, si spes sit fore, ut aperiatur; consequenter ut brevi nullus extet successor feudal. Atque propterea *feudum apertura proximum*, cum alienatio foret contra jus domini (§. 83.), in *extraneum alienari nequit*.

§. 745.

In constitutione feudi dominium directum reservatur domino feudi (§. 736.), & tanquam res incorporalis accensetur bonis ejus ceteris (§. 207.). Quamobrem *nisi in contractu feudali* *expressè conveniatur de dominio directo, successore in eodem deficiente, idem non acquirit vasallus* (§. 318.); consequenter nec jus vasalli in simili casu subvasallus (§. 741.).

§. 746.

Quoniam ex contractu feudali vasallus domino directo saltem ea prestare obligatur, de quibus conventum (§. 438.); consequenter *dominus eum ad præstandum compellere* (§. 80.), *aut si præstatio non amplius integra sit, ad præstandum interesse adigere posset* (§. 415.),

nisi expresse fuerit conventum, quo in casu committi debeat, cum tunc, quod conventum, valeat (§. 736.); naturaliter ob facta, vel non facta contractui feudali repugnantia feudum non committitur. Quoniam contractibus pœna ad-
jici potest (§. 410.); de factis quoque, vel non factis, ob quæ feudum committi debeat, conveniri potest (§. cit.).

§. 747.

De obli-
gatione
feudali
& felo-
nia.

Obligatio feudalis dicitur, quæ ex contractu feudali oritur; & in mutua domini & vasalli obligatione Nexus feudalis consistit. Obligatio igitur feudalis & nexus feudalis ex contractu feudali estimari debet. Factum omne tam po-
sitivum, quam negativum, obligationi feudali contrarium, Felonia dicitur; quæ ideo tot modis committi potest, quot sunt obligationes feudales, non modo a vasal-
lo, verum etiam a domino, non tamen omnis ejusdem est gradus. Quoniam naturaliter facto, vel non facto contra-
ctui feudali contrario feudum non com-
mittitur (§. 746.); juris naturalis non est, ut feudum committatur propter felo-
niam: ut amitti possit, ex pacto venit. Enimvero in hoc casu felonia commissâ
remit-

remitti potest (§. 342.), tumque feudum non amittitur (§. 337.). Cum nemini imputari possit factum alienum (§. 3.); si vassallus ob feloniam feudum amittit, eodem mortuo, domino id restituere tenetur ei, ad quem post mortem ipsius devolvitur, consequenter per feloniam feudum commissum non finitur.

§. 748.

Feudum refutare dicitur vassallus, si significat domino, se id diutius habere nolle sive simpliciter, sive in favorem tertii. Unde in casu priori domino; in posteriori tertio refutari in specie dicitur. Quando itaque domino refutatur feudum, jus suum remittit vassallus (§. 337.); quando autem tertio, eidem jus suum cedit (§. 338.). Cum quilibet jus suum remittere possit, si nihil committitur, quod est contra jus alterius (§. 342.); feudum quoque domino vel invito refutari potest, quando refutatio non sit contra jus ipsius: si autem in præjudicium ejus vergat, veluti ne vassallus servitia militaria, quibus dominus nunc indiget, præstare teneatur, vel eo animo, ut hostilia in eum securius moliri possit, refutari nequit. Ast quoniam

De feudi l. 2. §. 1. in
refuta-
tione &
revoca-
tione.

nec refutatio fieri potest contra jus successoris (§. 86.); si feudum domina, aut cognato remotiori refutatur, mortuo refutante, successor feudum revocare potest. Etenim feudum revocari dicitur, si quis jure compellitur ad rem feudalem restituendam, feudo in ipsum translato. Per eandem vero rationem patet, feudum contra jus domini, vel eorum, ad quos id aliquando devolvi potest, alienatum, consequenter etiam extraneo refutatum, quippe quod alienatio est, a domino, vel successore revocari posse. Ex ipsa autem definitionum collatione patet, revocationem feudi esse feudi vindicationem (§. 262.). Cum alienatio feudi non uno modo determinari possit; arbitrii paciscentium est, quomodo de ea convenire voluerint, Et standum est eo, quo conventum fuit (§. 667.), nisi jus alienandi per alia, quæ expresse conventa sunt, tacite definiatur.

CAPUT XVII.

QUOMODO OBLIGATIO EX CONTRACTU TOLLATUR.

§. 749.

*Quid sit
obligatio
et ligamen-
tum*

Obligatio tolli dicitur, quando quial-
teri obligatus erat ad dandum,
vel

vel faciendum, eidem obligatus esse ^{tollere &} definit. Et sublatio obligationis ^{Libe-} ratio vocatur. *L. 47. de V. O.*

§. 750.

Cum pacto dissoluto contrahentes ^{De libe-} liberentur ab obligatione, qua sibi in- ^{ratione} vicem ex eodem tenebantur, eaque ^{per pacti} mutuo dissensu dissolvi possint (§. 444.); ^{dissolu-} quamprimum pactum, sive contractus ^{tionem.} mutuo dissensu dissolvitur, vel etiam con- ^{§. 4. §. quibus} tractus beneficis solo dissensu ejus, qui ^{modis tollit} ex eo utilitatem solus percipit; quia al-
terius non interest pactum adimpleri, obligatio tollitur (§. 749.), consequen-
ter jus acquisitum, utpote inde pen-
dens (§. 46.), extinguitur.

§. 751.

Solutio dicitur actualis perfecte de- ^{De libe-} biti præstatio. Per solutionem igitur ob- ^{ratione} ligatio ex contractu tollitur (§. 749.). ^{per solu-} Quoniam vero solutione præstatur, ad ^{tionem.} quod præstandum sumus obligati; ^{sol-} vendum est præcise id, quod debetur ^{§. 2. §. 1. de rebus} nec ^{creditis.} res alia pro alia solvi potest, nisi credito-
re, qui jus suum remittere potest (§. 342.), consentiente (§. 337.). Solvendum ^{§. 98. §. 6. 9.} quoque præcise eo die & loco, quo de- ^{solutionibus.} betur, ^{§. 157. §. 2. de} ^{V. O.}

betur, nisi, ob rationem eandem, *moram*
indulgere velit creditor (§. 417.), *Et res*
tota, quæ debetur, solvi debet, conse-
quenter cum solutio particularis dica-
tur, si quod debetur, non totum solvi-
tur, sed aliqua tantummodo pars, solu-
tio vero partis alterius differatur in
aliud tempus, solutionem particularem
non acceptare tenetur creditor. Facile
 autem intelligitur, *si res debita ipsa sol-*
vi non possit, æstimationem ejus esse præ-
standam (§. 271.) *Et accipiendam* (§. 37.).
 Et cum dies, quo solvendum, debitoris
 gratia adjiciatur, ne ante eundem ad sol-
 vendum compelli possit, creditoris au-
 tem gratia, ne ante diem solvatur, id-
 que tacite conventum intelligatur, si ex
 præstatione appareat, interesse credito-
 ris, ne ante diem solvatur; *quod in cer-*
tum diem debetur, ante eundem invito
etiam creditori solvi potest, si dies debi-
toris causa adjectus: non potest, si adje-
ctus sit creditoris causa, vel ex ipsa præ-
statione appareat interesse creditoris, ne
ante diem solvatur. Enimvero si debi-
 tor præstet, quod interest creditoris, ne
 ante diem solvatur, cum tunc solutione
 anticipata nil committatur, quod est
 con-

contra jus creditoris (§. 83.); creditor solutionem ante diem acceptare tenetur. Et quoniam solutio ab arbitrio debitoris dependet; si tempus solutionis arbitrio debitoris relictum, debitor semper solvere, sed creditor ante ipsius mortem debitum exigere nequit.

§. 752.

Interpellatio est actus, quo ex conventionione significatur, quod quis alteri ex contractu ultra istud tempus obligatus esse nolit. Vocari etiam solet a nonnullis *Resignatio*. De interpellatione.

In specie debitor *interpellare* idem significat, ac solutionem debiti ab eo petere. Si quid igitur certo die debetur, naturaliter interpellatione opus non est; si vero ita fuerit conventum, ut præcedat solutionem interpellatio, utrique permissa: cum standum sit eo, quod conventum est (§. 438.); debitor ante solvere nec debet, nec potest; nec ex adverso creditor ante ad solvendum debitorem compellere potest, nec debitum accipere tenetur, quam interpellatio convento modo facta fuerit.

Enimvero si ita conveniatur, ut creditori liceat debitum exigere, quocunque tempore voluerit, cum debitor se non obli-

l. 12. C. de contra-
henda stipulat.
De interpellat.
pro homine.

obligaverit ad non solvendum, antequam interpellatus fuerit, in hoc tamen tacite consensisse videatur, ne creditor solutionem cum incommodo suo accipere teneatur, *debitor non interpellatus solvere potest, & creditor solutionem accipere tenetur, nisi justam habeat causam, cur accipere nolit, utique probandam.*

§. 753.

l. 19. c. De obligatione debiti. Oblatio debiti verbalis dicitur, si debitor creditori verbis tantummodo declarat, se esse ad solvendum paratum; *realis* autem, si res debita, quamolvere vult debitor, fuerit ipsa præsens; & quidem *realis nuda*, si ad oblationem nullus alius actus accedat; quæ *naturaliter verbali æquipollet*: at *solennis*, si res debita actu oblata, sed a creditore non accepta, ob signatur & deponitur. Cum oblatio realis solennis *in re immobili, aut quæ ob signari, vel commodè deponi nequit*, locum minime habeat; *oblatio verbalis solenni æquipollet* (§. 37.). Et quoniam perinde est, ac si debitum fuisset solutum, si solutio solenniter offeratur (§. 751.); *solenni solutione obligatio debitoris tollitur* (§. cit.), consequenter etiam

Oblatione

etiam oblatione verbali rei immobilis, aut quæ obsignari, vel commodè deponi nequit, ac propterea dominium trans-^{l. 19. C. de off. iud.} fertur in creditorem, & ideo omne periculum ipsius est (§. 243.). Quia creditor solutionem accipere obligatur; si eam accipere nolit, rem debitam in edibus inviti relinquere, & rem immobilem vacuam præstare, omnemque ejus curam abjicere periculo creditoris potest naturaliter debitor. Cumque debitor in mora non sit, si solutionem oblatam acceptare recuset creditor (§. 417.); a mora liberatur, ex adverso autem creditor in mora esse incipit.

§. 754.

Acceptum ferre dicitur creditor, si <sup>De acceptilatio-
ne.</sup> sufficienter declarat, se debitum acceptum habere, perinde ac si revera solutum fuisset. Qui igitur acceptum fert, debitum & jus suum remittit (§. 337.), consequenter per acceptilationem debitor liberatur, & jus creditoris extinguitur ^{l. 1. de acceptil.} (§. cit. & §. 749.), atque debitor solvisse putatur. Cum a creditoris voluntate dependeat, ut de jure suo pro arbitrio statuatur; pars etiam debiti acceptilari <sup>§. 1. 3. quibus mo-
dis tollit oblig.</sup> potest, & acceptilatio fieri potest vel gratis,

tis, vel re quadam alia, aut facto quasi in debitum imputato.

§. 755.

L. 3. De pacto *Pactum de non petendo* dicitur, quo
§. 3. de non inter debitorem ac creditorem ita con-
de li. petendo. venit, ne debitum sit solvendum.
berab. legata Cum per pactum de non petendo debitum
L. 7. §. 8. de pact. remittatur (§. 337.); debitor liberatur
 (§. cit. & §. 749.). Unde & *Pactum libe-*
ratorium appellatur. Pactum de non
 petendo iniri quoque posse de parte
 debiti, & fieri vel gratis, vel re qua-
 dam alia, aut facto quasi in debitum
 imputato, patet, ut ante de acceptila-
 tione (§. 754.).

§. 756.

L. 1. De De com- *Compensatio* dicitur sublatio debiti
compensatio- unius per debitum alterius partis; seu
latio. ne. actus, quo debitor debitum soluturus
 in solutum imputat creditori, quod ipse
 debet. Facta igitur compensatione utra-
 que pars ab obligatione debitum solvendi
L. 10. §. 2. cod. liberatur, & compensatio est solutio re-
 ciprocā, brevi manu facta (§. 323.). Cum
 res alia pro alia solvi nequeat, & præcise
 solvendum sit (§. 751.); qui sibi mutuo
 sunt creditores & debitores, eandem rem
 ut debeant, & ut terminus solutionis
 præ-

præterlapsus sit, quando compensatio fieri debet, necesse est. Patet autem, compensationem fieri ipso jure, consequenter ad compensandum non requiri peculiare quoddam factum, ac propterea non opus esse, ut creditori, qui idem est debitor tuus, denuncies te compensare velle, sed solutionem a te petentem per compensationem repellere potes. Cum compensationi renunciare liceat (§. 342); si eidem renunciatum fuit, compensare non licet (§. 340.). Quoniam in compensatione utriusque debitum certum esse debet, cum ad solvendum compelli nequeat, nisi is, quem debere certo constat; debitum vero liquidum vocatur, si certo constat, quod ad id præstandum aliquis sit obligatus; illiquidum vero, si idem certo nondum constat; liquidum cum illiquido compensari nequit. Et quia præcise solvendum (§. 751.); debiti liquidi solutio compensationis gratia differri nequit: quoniam vero quilibet damnum quodvis a patrimonio suo avertere debet (§. 269.); si verendum sit, ne interea temporis is, cui solvitur, fiat non solvendo, aut res debita solenniter offerenda (§. 753.), aut qui accipit, cave.

14. §. 1. c. 2. compensat.

cavere debet solutum iri (§. 697. 569.). In compensatione quod tu mihi solve-
re debes succedit in locum ejus, quod
ego tibiolvere debeo. Quoniam ita-
que res alia pro alia solvi nequit (§.
751.); compensari nequeunt nisi res
fungibiles, in genere debita (§. 527.).
Nimirum res fungibiles tales esse de-
finunt, quando in specie debentur (§.
515. 527.). Hæc vero ratio est, cur
compensatio non habeat locum adver-
sus depositum (§. 541.) & commoda-
tum (§. 515.).

§. 757.

*l. 46. §. 1. De da-
tione in
solutum.*

In solutum dari dicitur res, quæ
loco ejus rei solvitur, quæ debeba-
tur. *In solutum igitur dari potest res
quæcunque, ast cum præcise sit solven-
dum* (§. 751.), *non nisi volenti, aut quan-
do præcisa solutio impossibilis* (§. 60.);
cumque operæ æquiparentur rebus in
dominio existentibus (§. 225.); etiam
operæ in solutum dari possunt. Ec-
quia jus tuum mihi cedere potes (§.
342.); *in solutum quoque dare mihi
potes, quod alius tibi debet, jus tuum
mihi cedendo*. Quamobrem cum de-
bitor invitus ad dationem in solutum
com-

*l. 4. §. 3. De re
vindican-
da*

l. 27. C. mand.

compelli possit a creditore, si impossibile sit, ut rem debitam solvat (§. 80.); si quod alius debet, in solum dat jus suum cedendo, *cessio necessaria* vocatur; qualis etiam revera est. *Datione in solum debitorem liberari*, abunde liquet (§. 749.).

§. 758.

Novatio dicitur mutatio obligationis prioris in aliam, scilicet quoad debiti causam, vel modum debendi, eodem creditore ac debitore manente, veluti si inter nos convenit, ut ducentos thaleros, quos ex emto debes, ex mutuo debeas. *Novatio itaque obligationem veterem perimit, & novam in ejus locum substituit*, consequenter debitor a prior debito liberatur (§. 749.), & unice ex posteriore obligatione tenetur. Quamobrem cum omne jus creditoris, quod ex priori obligatione habebat, extinguatur (§. 46.); creditor fidejussores non amplius sibi obligatos habet & jus prioritatis præ aliis debitoris sui creditoribus amittit, nec fidejussio, ut pote semel extincta, reviviscit, etiamsi a novatione discedant partes & ad veterem obligationem redeant, reditu revera non existit. (Wolfii Instit. J. N. & G.) Gg sten-

De novatione.

*§. 3. 7. quibz mo-
dis obligatio*

*L. 18. de novatione
L. 29. eod.*

stente nisi nova novatione. Cum mora pertineat ad veterem obligationem (§. 417.); per novationem mora purgatur (§. 418.). Ex eadem ratione novatio impedit commissionem pœnæ, priori obligationi adjectæ. Quia invito jus semel quæsitum auferri nequit (§. 100.); novatio fieri nequit nisi mutuo creditoris & debitoris consensu, qui cum de jure suo, prouti ipsis visum fuerit, dispo- nere possint (§. 314.); novando in obli- gatione veteri mutare possunt, quæ pla- cuerint, atque ideo debitum conditiona- tum vel in diem converti potest in pu- rum; vel contra. Huc vero referri non debet, si debitum sub conditione vel in diem pure novetur, cum saltem obli- gatio mutetur, non vero modus deben- di; in casu priori novatio non fit nisi con- ditione existente eadem, in posteriori sta- tim quidem perfecta est, sed debitum no- vum exigere nequit, antequam dies vene- rit. Quia novatio perimit obligatio- nem priorem, qua solvendo adjecto li- berari poterat (§. 661. 751.); in nova- tione adjectus non intelligitur, qui priori adjectus fuerat; atque quia novatio cuili- bet mutationi locum facit, in novatione ad-

l. 8. De novat.

l. 15. eod.

l. fin. C. de no-
vatione.

§. 3. 7. quibus
modis toll. obl.

adjici potest, qui in obligatione priori non erat adjectus. In cessione eadem manet obligatio (§. 338.); ea igitur non fit novatio. Ex eadem ratione non fit novatio, si terminus solutionis prorogetur, si ex intervallo tertius adjiciatur, cui solvi possit (§. 661.), vel accedat fideiussor (§. 569.), vel pena pbligationi adjiciatur, quæ ab initio adjecta non fuerat (§. 410.), neque fit in constituto (§. 660.). Sed cum chirographo probeatur debitum (§. 652.); si chirographum vetus redditur & eius loco aliud accipitur, novatio fit. Quoniam vero ex definitione novationis patet, quando sit novatum; naturaliter opus non est, ut quis expresse dicat, se non habere animum novandi, in casu tamen dubio, quando, quod actum est, fieri potest & novandi animo, & sine eo, veluti si tu mihi debes centum ex emto, & ego consentio ex intervallo, ut eos mihi solvas cum usuris post biennium, nisi novatum esse debeat, expresse dicendum, quod agitur, fieri absque animo novandi (§. 318.).

§. 759.

Delegatio est pactum, quo debitor vice sua alium debitorem expromit. *De delegations.*

Gg 2

ten. lex 11

L. 26. §. 2. Mand.

tentem creditori substituit. Qui substituit, vocatur *Delegans*; qui substituitur, *Delegatus*; creditor vero, cui fit delegatio, *Delegatarius*. Cum nemo alteri obligari possit ultra voluntatem suam (§. 317.), nec jus acquiri sine acceptatione (§. 316.); *delegatio perficitur delegantis, delegati & delegatarii consensu*, scilicet delegatus promittit deleganti, quod expromittere velit, delegatus delegatario, quod ipsi solvere velit, & delegatarius expromissionem acceptat. Unde statim patet, *per delegationem delegantem liberari, & delegatum solum delegatario manere obligatum*, consequenter *si delegatus non fuerit solvendo, ad delegantem non patere regressum*. Nulla vero in eo difficultas est, *naturaliter opus non esse, ut delegatio fiat inter partes omnes præsentes uno actu, & fieri posse absque animo, vel cum animo novandi*, consequenter, cum debitorem meum alteri delegans vel ita convenire possim, ut solvat creditori meo tanquam a me debitum, vel tanquam ex eadem causa, qua mihi debebat, vel denique ut nova contrahatur cum delegatario obligatio, *quando debitorem meum alteri delego,*

lego, novatio fit vel cum delegato, vel cum delegatario, vel cum utroque. Cum jus quæsitum nemini auferri possit (§. 100.); delegatio semel perfecta revocari nequit a delegante (§. 314.), consequenter nec prohiberi ab eodem potest, ne delegatario solvatur, ac ideo nec solutio a delegato sibi sponte oblata accipi. Si facultates delegati delegatario non fuerint perspectæ, nil obstat, quo minus delegans delegatario promittat, se soluturum, si in termino solutionis non sit solvendo. Quoniam itaque tunc delegatio facta sub hac conditione, si in termino solutionis delegatus fuerit solvendo; ea non ante valida, quam si in termino solutionis solvendo fuerit (§. 396.).

§. 760.

Assignatio est actus, quo debitor solviturus substituit alium, quem rogat, ut vice suâ solvet, velolvere jubet. Qui alium substituit, Assignator; qui substituitur, Assignatus vocatur. Quod si ergo creditor nomen assignatum in solutum accipit, debitor liberatur; si non accipit, non liberatur; nisi solutione ab assignato accepta (§. 757. 749.).

De assignatione.

tionem nihil mutetur in obligatione, nisi in solum accipiatur; *assignando quoque nihil novatur, nisi nomen assignatum in solum accipiatur.* In omni autem casu si assignatus solvit, & debitor principalis, & fidejussores liberantur (§. 749. 570.).

§. 761.

De confusione debiti & crediti. Confusio debiti & crediti dicitur, quando contingit, ut, qui erat debitor, idem fiat creditor, veluti si creditor fit hæres debitoris. *Confusione igitur debiti & crediti debitor liberatur* (§. 749.).

CAPUT XVIII.

DE

MODO FINIENDI LITES IN
STATU NATURALI.

§. 762.

*Quid sit
jus con-
trover-
sum &
lis.*

Jus controversum dicitur, si duo, vel plures eandem rem tanquam suam vel sibi debitam prætendunt, vel jus, quod unus habere prætendit ad præstationem alterius, alter negat. Et qui hoc faciunt, *litigare* dicuntur: ipsorum vero de jure controversia, quæ in reciproca contradictione de jure eodem sibi competente consistit, *Lis* vocatur, veluti

uti si tu affirmes, tibi competere dominium in hoc prædio, neges competere mihi, ego autem affirmo id mihi competere, tibi competere nego, vel si tu affirmas me tibi debere centum aureos, ego nego. *Res vero, de qua litigatur, litigiosa dicitur.*

§. 763.

Decessio a lite gratuita, quando scilicet jus controversum uni ceditur, alter vero nihil vicissim accipit, *amicabilis Compositio* vocatur. *Lis igitur amicabile compositione finitur, & qui nihil accipit, se obligat, quod nihil rei litigiosæ causa ab altero, qui totam accipit, petere velit, consequenter is jus suum, quod habere putat, remittit (§ 337.), ut ideo amicabile compositio naturaliter licita (§. 342.).* Quamobrem cum præsentio ipsius extinguitur (§. 337.); ea *renovari nequit, facta amicabile compositione.* Enimvero cum hoc negotium inter me & te saltem geratur, a nobis vero tertio jus, si quod habet, auferri nequeat (§. 100.); *facta amicabile compositione non tollitur jus tertii.*

De amicabile compositione.

§. 764.

Quod si litigantes inter se conveniunt, De trans actione.

ne a lite gratuito discedatur, sed aliquo dato, vel retento, vel promisso, conventio hæc *Transactio* dicitur. *Transactio*ne igitur *lis* finitur, & transigentes se sibi invicem obligant, quod rei litigiosæ causa neutra pars ab altera petere velit, quam quod conventum fuit, consequenter facta *transactio*ne prætenſio renovari nequit (§. 438.). Enimvero in *transactio*ne convenitur, quinam rem litigiosam totam habere debeat, & quid vicissim præstandum alteri, vel quomodo inter partes litigantes sit dividenda, & num ad certas præstationes alter alteri præterea obligatus esse debeat. Patet autem, ut ante (§. 763.), *transactio*ne non tolli ius tertii. Cumque *transactio* pactum sit (§. 438.); ob easdem causas a *transactio*ne discedere licet, ob quas discedere licet a pacto (§. 442.). Est autem *Transactio* vel generalis, quæ extenditur ad omnes prætenſiones speciales, quæ sub ista generali comprehendi possunt, sive tum, cum fieret *transactio*, fuerit cogitatum, sive minus, veluti si transigitur de omni quacunque prætenſione, quæ ratione prædii controversi obvenire poterat ex causa data:

data: vel *specialis*, quæ ad res certas, L. 31. C. de 2.
 five qua speciem, five qua quantitatem
 tantummodo restringitur, veluti quan-
 do transigitur de dominio prædii, vel
 de certa quantitate fructuum ex præ-
 dio, aut certa quantitate frumenti.
Quamobrem in transactione generali
renunciatur omni prætensioni ad rem
controversam, qualiscunque tandem fue-
rit; ast in speciali non renunciatur præ-
tensioni ad eandem rem, si qua posthac
appareat, sed ea salva manet (§. 340.).

§. 765.

Lis dicitur componi, si veritate in du- De diffe-
 bio relicta consensu litigantium termi- rentia
 natur, scilicet ut vel unus a prætensio- inter li-
 ne sua desistat, vel ut utriusque præ- tis deci-
 tensioni pro parte satisfiat. Sed *Lis de-* sionem
cedi dicitur, si ad facta sufficienter pro- et com-
 bata principiis juris applicatis ostenda- positio-
 tur, a cujus parte stet veritas, seu cui- nem-
 nam competat jus, quod in controver-
 siam adducebatur. *In transactione igitur*
et amabili compositione rei contro-
verse non fit decisio, sed lis saltem com-
ponitur (§. 763. 764.).

§. 766.

Cum debitum liquidum certum sit Quando-
 G g 5 nam lo-
 (§. 756.)

ous fit
amicabi-
li compo-
sitioni &
trans-
actioni.
L. 52. C. de trans-
actionibus.

(§. 756.), & ad idem solvendum debitor obligatus (§. 751. 756.), nec quisquam locupletari debeat re aliena (§. 271.); *super debito liquido transigi nequit* (§. 764.), *nec de eo locum habet amicabile compositio* (§. 763.). Quoniam tamen quilibet jus suum remittere, eidemque renunciare potest, quamdiu nil committitur contra jus tertii (§. 342.); *debitum quoque liquidum vel totum, vel ejus partem, si creditor velit, remittere, vel juri suo liquido sive in totum, sive ex parte renunciare potest.* Hæc tamen remissio & renunciatio non est amicabile compositio, vel transactio, cum in hisce conventionibus remittatur jus incertum, vel eidem renunciatur. Quamobrem patet, *amicabili compositioni, nisi vocabulorum significatui vim inferre velis, non nisi locum esse in debitis illiquidis.*

§. 767.

Quid sit
juris, si
debitum
fuerit il-
liqui-
dum,

Vi libertatis naturalis a libera litigantium voluntate unice pendet, *utrum libenter amicabiliter componere, vel de re litigiosa transigere velint, nec ne* (§. 78.): cum tamen nemo locupletior fieri debeat re, vel ex re alterius (§. 271.); *opera danda est, ut illiquidum ad liquidum per-*

perducatur. Quoniam tamen necesse est, ut lis habeat exitum; sorte definiendum, cujusnam res litigiosa esse debeat. Quodsi vero impossibile fuerit illiquidum ad liquidum perducere, ne sorti committere compositionem litis consultum videatur; parti, cujus interest, ut lis compatur, cum tum aliter componi non possit nisi per transactionem (§. 764. 765.), utique competit jus partem alteram ad transactionem vi adigendi; quia nec jus probabiliter alicui competens eidem auferri potest (§. 100.).

§. 768.

Mediator dicitur persona, quæ ad rem controversam inter alios componendam operam suam confert, jure eam componendi destituta. Actus autem, quo compositio a tercio vel perficitur, vel tentatur, *Mediatio* vocatur. *Mediator* itaque causam utriusque partis agit; in eo autem, quod ipsi visum fuerit, litigantes acquiescere non tenentur. Cum jure litem componendi destituatur; ipsius saltem est offerre conditiones, sub quibus rem controversam componi posse sibi videtur, explorare litigantium de ea sententiam, & suadere ut conditiones obla-

De Mediatione.

oblatae vel a se, vel a parte alterutra acceptentur. Et quoniam causam partis utriusque agit; non uni parti magis favere debet, quam alteri, consequenter cum Studiosus partium, seu partialis dicatur, qui hoc facit; impartialis, qui non facit; impartialis esse debet, ac propterea ex communi utilitate & secundum rationes prætensionum utriusque partis de conditionibus statuere. Unde patet, mediatoris quoque esse de conditionibus, quæ utrinque offeruntur; iudicium suum interponere & iniquas condiciones a parte alterutra oblatas rejicere.

§. 769.

De tractatibus.

Tractatus dicuntur deliberationes de pacto aliquo ineundo. Deliberationes autem sunt actus intellectus, quibus expenditur, num quid potius fieri, an non fieri debeat, & num hoc potius modo an alio fieri debeat. Quamobrem deliberationes instituuntur vel de fine, vel de mediis, vel de utrisque, consequenter si tractatus instituuntur componendæ controversiæ causa, cum in finem, controversiæ nimirum compositionem, jam consentiant litigantes, de
me-

mediis potissimum, hoc est, de modo componendi litem deliberatur. Cum nemo alteri se obligare possit nisi promittendo (§. 380.), nec obligare nisi acceptanti (§. 381.); quamdiu in modum componendi litem non consentiunt litigantes, consequenter quamdiu intra limites tractatum subsistitur, nulla nascitur obligatio, nec jus ullum acquiritur (§. cit.). Quamobrem si ad tractatus non accedat conventio, nihil actum est (§. 437.). Quoniam conventio nondum accedit, si, quod offertur, acceptatur ad deliberandum, vel a mandatario ad ratihabendum; ex hac quoque acceptatione nulla adhuc nascitur obligatio, consequenter offerentem pœnitere licet, nisi perfectio negotii sub iis, quæ offeruntur, conditionibus expresse in casu priori in accipientis, in posteriori in domini negotii arbitrium fuerit collata; cum jus conditionatum accipienti, vel domino negotii quæsitum auferri non possit (§. 396. 553.). Ceterum cum unicuique jus suum tribuere, nullius vero jus violare, & æquos nos omnibus, iniquos nemini præbere debeamus (§. 86.); intra statibus quælibet pars rationes, tam proprias,

U. in fin. C. de his, qui pro alio indignant.

referendum

prias, quam partis alterius, ob quas rem suam esse, vel sibi deberi prætendit, trutinare jure interno debet, & juxta eas conveniendum. Atque hinc patet, easdem esse mediatoris partes (§. 768.).

L. XVII §. II. de receptis.

§. 770.

De com-
promisso
in arbi-
trum &
arbitra-
tore.

L. XVIII §. I. de receptis.

L. VII §. I. eod.

L. XXIII §. I. de receptis.

Compromissum dicitur pactum, quo convenitur, ut stet eo, quod certa quædam persona, vel plures dixerint. Et *Arbiter* vocatur persona, quæ per compromissum eligitur, ut rem controversam decidat; jus rem controversam decidendi in arbitrum collatum *Arbitrium*; sententia autem, qua controversam decedit arbiter, *Laudum* appellatur. *Partes* igitur litigantes in laudo acquiescere tenentur, ideoque arbiter finem controversiæ imponit. Differt ab arbitro *Arbitrator*, qui eligitur, ut rem controversam componat, non tamen jure decidendi in eum translato; consequenter in sententia arbitratoris acquiescere non tenentur partes, vel ubi ea displicuerit parti uni, aut utrique, nihil actum, sed utriusque prætensio salva est. Quoniam itaque arbitrator se habet per modum mediatoris (§. 768.); idem arbitratoris, quod mediatoris officium est. Arbitrator

cor quasi medius inter mediatorem & arbitrum. Non deliberat cum partibus, quemadmodum mediator, nec sententiam definitivam fert, sicuti arbiter, sed partibus deliberandum relinquit; quid de sententia sua statuere velint. Cum promissio acceptata revocari nequeat (§. 427); *compromissum parte altera invita revocari nequit* (§. 438.), *mutuo tamen dissensu*, sicuti pactum aliud quodvis (§. 444.), *dissolvi potest*, consequenter *arbitrium mutuo consensu revocare possunt partes*, adeoque *rem quoque controversam amicabiliter componere, vel de ea transigere, etiamsi arbiter arbitrium jam receperit*, immo *si ejus arbitrio uti displicuerit, alium sibi arbitrum eligere.*

§. 771.

Vi libertatis naturalis *nemo ad arbitrium suscipiendum cogi potest* (§. 78.). Enimvero cum arbitrium recipiens promittat ipso facto, quod controversiam decidere velit (§. 379.), consequenter partibus sese ad hoc faciendum obliget (§. 380.); *arbitrium receptum partibus invitis renunciari nequit* (§. 100.). *Renunciare nimirum arbitrium dici.*

De arbitrio suscipiendo & renuncian-
do.

dicitur arbiter, si partibus significat, se
controversiam decidere nolle.

§. 772.

De offi-
cio arbi-
tri &
qualis es-
se de-
beat.

Quoniam *arbiter* controversiam, seu
litem decidere debet (§. 770.); *dijudi-
care debet*, *cujusnam sit res controver-
sa*, *vel cuinam parti quid debeat*, *cui-
nam non debeat*, consequenter *pro-
nunciare*, *utrum ei*, *qui jus aliquod ad-
versus alterum habere prætendit*, *reve-
ra competat*, *nec ne*. Ex in hoc pronun-
ciato laudum consistit (§. 770.). Hinc
sua veluti sponte sequitur, *ut arbiter
sit impartialis* (§. 768.), cumque *respe-
ctus personarum* sit determinatio vo-
luntatis, vel noluntatis per motiva a
persona desumpta, in cujus gratiam ali-
quid fit, seposita veritate; *nullo prorsus
habito respectu personarum*. Cumque
vir bonus dicatur, qui justitiam & hone-
statem amat, quicquid eidem adversum
odit; *qualis quilibet esse debet* (§. 86. 49),
consequenter *vir bonus intelligere de-
beat*, *quid justum & honestum sit*, *quid
injustum & inhonestum*, adeoque &
æquum atque iniquum (§. 83.), *veri-
tatis id circo amans*; *arbiter quoque
vir bonus esse debet*, ac per consequens
intelli-

intelligere, quid justum & injustum, æquum & iniquum sit, ac veritatis amans esse, & propterea a neutra parte se muneribus corrumpi ~~minime~~ pati tenetur. L. 1. de receptis

§. 773.

Quando partes de jure litigant, Actor Quomodo is munere suo fungatur. vocatur, qui jus præ tendit, quod pars adversa ipsi competere negat: Reus autem vocatur, a quo tributio juris petitur. Quamobrem cum arbiter litem decidere debeat (§. 770.); pronunciare debet, utrum actori competat jus, quod præ tendit, consequenter reus ad hoc tributandum ipsi sit obligatus, nec ne (§. 765.). Quamobrem in facti notitiam L. 1. de receptis inquirere & ut quoad omnes circumstantias contra negantem probetur curare, ac tandem ad factum leges, hoc est, in statu naturali jus naturæ applicare debet. Unde patet, arbitrum legum, & in statu naturali juris naturæ peritum esse debere.

§. 774.

Cum arbiter ad factum leges applicare debeat (§. 773.); actor factum narrare & quod a reo negatur probare, reus De eo, quod actori & reo incumbat. autem ad narrationem facti respondere debet. (Wolfii Instit. J. N. & G.) Hh de-

debet, utrum id pro vero habeat, nec ne, aut num saltem circumstantias quasdam neget & quænam contra ea, quæ admittit, excipiat, ab eo sufficienter probanda contra actorem negantem (§. cit.).

§. 775.

De probatione
per instrumenta.

Quoniam *Instrumentum* scriptura est, in quam ea, de quibus paciscentes inter se convenerunt, redacta sunt, vel factum quoddam, ob quod alteri jus quoddam competit, aut non competit, relatum est; *per instrumenta*, quæ pars adversa, contra quam producuntur, tanquam vera admittit, & adversus quæ nihil excipere valet, probantur facta.

Nov: LXXIII
Cap: I

Quamobrem cum hunc habeant usum instrumenta, si de negotio bilaterali, quando scilicet utraque pars se obligat ad certas præstationes, *instrumentum* conficitur, ab utraque parte subscribendum & utrique parti exemplar [ab utroque subscriptum] tradendum: si vero de negotio unilateralis, quando saltem una pars alteri ad quasdam præstationes se obligat, non nisi ab ea parte subscribendum, quæ se alteri obligat, & tradendum ei, cui obligatur. Ne vero lis oriatur de instrumento, quæ vitari poterat; quando duo in

LXXVII
de fide m.
Instrumentum
totum

instrumenti exemplaria conficiuntur, in eo exprimendum est, duo fuisse confecta, ab utraque parte subscripta ac unicuique parti unum traditum fuisse. Ex definitione instrumenti patet, *epistolam*, qua absenti quid significatur, esse instrumentum, veluti in qua debitor fatetur debitum centum aureorum, *chirographum* item (§. 652.) & *apocham* (§. 654.), nec non *protocollum*, cum hoc nomine significetur brevis annotatio rei gestæ, memoriæ causa facta, si in statu naturali a parte adversa subscribatur, vel etiam personis aliis præsentibus fide dignis; cum ab his recognitum pro vero habendum sit. Ceterum hinc etiam patet, *protocolla* quoque fieri, ut ex iis conficiantur instrumenta. Istiusmodi autem protocollum, ex quo instrumentum conficiendum, *Functatio*, a nonnullis *Imbreviatura* dicitur. In casu dubio si instrumentum dissentiat a protocollo, præsumtio est pro protocollo; cum enim facti sit, ut paciscentes aliquid in instrumento mutuo consensu immutaverint, de quo ante convenerunt, id a parte affirmante probandum. Lis igitur hæc ut evitetur; instrumentum ab alio conse-

Lxxv
de fide
instrum.

ctum, antequam subscribatur, relegendum & cum protocollo conferendum (§. 52.): id quod facere etiam tenentur testes qui adhibentur, ut veritatem rei sic gestæ attestentur, non vero sit tantummodo adhibentur, ut attestentur, instrumentum hoc partium consensu esse confectum; cum in hoc casu opus non sit, ut norint, quænam in instrumento contineantur. *Instrumentum originale* vocatur, quod mutuo partium consensu confectum; *Copia* vero, sive *Exemplum*, quod ex originali descriptum. *Copia* igitur *per se* nil probat, nisi quatenus constat, eam cum originali instrumento consentire, consequenter cum *Copia vidimata* dicatur, cujus cum originali conformitatem attestantur personæ fide dignæ, *si vidimata fuerit.*

§. 776.

*De charta
blanca.*

Charta blanca dicitur charta vacua, quam a se subscriptam & sigillo suo munitam quis tradit alteri, ut eam certi negotii causa scriptione sua repleat. Cum utique chartam blancam dans fidem accipientis sequatur, quod non scripturus fit, nisi quæ scribi voluit, & accipiens ab omni fraude animum alienum habere de-

debeat (§. 286.); *charta blanca* obligat *subscribentem* & *sigillantem* ad id *præstandum*, quod in *scriptione* promittitur, & accipiens danti tacite se obligat ad nihil in ea *scribendum*, nisi quod is in ea *scribi* vult, vel *intentioni* ejusdem *convenit*, quod si vero quidpiam *scripsit*, ad quod te obligare noluit, vel quod a *veritate rei* gestæ abhorret, ad id *præstandum*, vel eo *standum* *minime* obligaris. At cum per se pateat, nude asserenti *credi* non posse; *contra voluntatem tuam*, vel *rei veritatem* quædam *scripta* esse, *probandum*. Litis ergo *evitandæ* causa in *subscriptione chartæ blancæ*, si fieri potest, *determinate* exprimendum, in quem *finem* detur.

§. 777.

Bacilla fissa dicuntur, quæ *incisis* cre-
nis demonstrant, quantum pars una de-
derit, altera acceperit, vel etiam una al-
teri præstiterit, quæ ad certum præsta-
tionum numerum fuerat obligata. Quo-
niam utraque pars in hoc consensit, ut
per bacilla fissa probari facta possint; per
ea data & accepta, vel ab alterutra parte
præstita probantur, consequenter de-
bitum in casu priori & solutum in poste-
riori probatur.

De bacil-
lis fissis. §. 777.

Carpzovius
Part. II. cap. II.
De iur. m.

§. 778.

De proba-
tione
per te-
stes.L. XIX de
Testibus.

Testis dicitur persona, quæ ad fidem faciendam de re gesta, seu facto aliquo adhibetur. Quamobrem *facta per testes probantur*. Quoniam itaque pro vero habendum, quod testis narrat; *in eo requiritur* & *facti notitia*, & *animus moraliter verum loquendi* (§. 347.), ne scilicet vel ipse fallatur; vel fallat (§. 356.), consequenter ut de notitia facti minor sit dubitatio; necesse est ut præsens fuerit, quando id fiebat, de quo quæritur. *Testis oculatus* dicitur, qui narrat, quæ præsens sensu percepit; *auritus* vero, qui ab alio audita narrat. Et *Testis verus* vocatur, qui moraliter verum loquitur; *falsus* vero qui moraliter verum non loquitur. Quodsi non desint rationes, ob quas verum moraliter non dicitur, vel dicere præsumitur, *Testis suspectus* audit; qui ideo *ad testimonium afferendum non admittendus*: ast in quem nulla cadit suspicio, quod moraliter verum non dicat, *Testis integer*. Quoniam *testis* ad probanda facta adhibetur; *ad dicendum verum naturaliter obligatur* (§. 134.); consequenter *falsum testimonium mendacium est* (§. 351.) & ;
ut

ut testimonio tanto securius fides haberi possit, *testis promittere debet, se moraliter verum dicturum* (§. 380.), utque tanto minus suspicari possimus, testem moraliter verum non dixisse, cum iuramentum arceat omnes tacitas exceptiones ac conditiones, neque admittat reservationes mentales (§. 369.), *iurare, quod verum sit dicturus, aut testimonium suum iuramento confirmare*. Enimvero cum logice falsum esse possit, quod moraliter verum est (§. 347.), ad probationem vero facti requiratur veritas logica, quod per se patet; *testis unus, etiamsi juratus ac minime suspectus sufficienter non probat*, ac ideo *probatio per testem unum minus plena est*; cum *Probatio simpliciter plena* dicatur, qua factum minime sufficienter probatur; sicuti ex adverso *Probatio plena*, qua factum sufficienter probatur. Quoniam veritas logica nonnisi unica est (§. 347.); *quod duo, vel plures testes jurati*, qui jurando a se dimoverunt suspicionem, quod moraliter verum non dicant, *simul affirmant, id pro logice vero habendum, ac ideo pro sufficienter seu plene probato, consequenter negans hoc contra se pro vero admit-*

L. ix de Testibus.

L. g. c. de testibus.

L. xii de Testibus.

tere tenetur, & propterea pro convicto habendus. Nimirum cum probatio aliter exitum habere nequeat, etsi absolute impossibile non sit, ut logice falsum sit, quod per testes hoc modo probatur; ea tamen admittenda. Eam enim certitudinem, quæ demonstrationibus mathematicis debetur, hic frustra requisiveris.

§. 779.

*Quinam
testari
possunt.*

Cum voluntas determinetur per motiva, repræsentationem scilicet boni, vel mali, consequenter testimonium falsum dicatur vel spe boni obtinendi, vel mali fugiendi causa, vel in favorem ejus, pro quo, aut in odium ejus, contra quem juratur; *si testis suspectus est, necesse est, ut vel spe boni, vel metu mali, vel in favorem, aut odium falsum testimonium dicturus videatur, etiam juratum.* Atque hinc obstetricantibus circumstantiis singularibus, per quas ea probantur, suspicio oritur. Inde autem sequitur, *ut testis suspectus non sit admittendus*, cumque ob rationes dictas *testis in propria causa suspectus sit*, ex qua nempe commodum quoddam sperat, vel in-

*L. II. De
Testibus.*

*cap. 6. L. De
Testimon.*

incommodum metuit; is *ad testimonium afferendum admitti nequit*, consequenter *nec socius in causa communi testis esse potest*. Et quia in teste requiritur noticia facti (§. 778.); *nemo testari potest de rebus, quæ in intellectum ipsius non cadunt, aut ad quæ animum non attendit*. Nulla vero ratio naturalis est, cur *fœminæ* testari nequeant; consequenter *admittendæ*. Quamvis autem ex rationibus generalibus a qualitate certarum personarum desumptis, veluti quando quæritur, an debitor testis esse possit in causa creditoris, & contra, socius in causa focii non communi, consanguineus in causa consanguinei, levis aliqua moveri possit suspicio, cur testes minus idonei habeantur, ac ideo, si alii haberi queant, iisdem postponendi sint: ex iisdem tamen solis, nisi accedant rationes particulares manifestæ, vix ac ne vix quidem adeo suspecti reddi possunt, ut ad dimovendam suspensionem ne quidem juramentum sufficiat. Ne vero pars ulla de integritate testis querelas movere possit; *qui per testes pro se aliquid probare vult, ipse eos producere debet; si vero contra quem per te-*

Capitulum 1. x. §. 1. an fidem eorum suspectam reddere velit, an possit, quam admittantur.

§. 780.

*De qua
re &
quomo-
do testi-
monium
perbi-
bendum.*

Cum facta per testes probanda non aliter, quam sensu cognoscantur (§. 778.); res, de qua testimonium perhibendum, in sensus incurrere debet, ac per consequens testis narrare non debet, nisi quæ sensu percepit; si vero dicat, quæ sensu percipere non potuit, testimonium nullum est. Et ne falsæ interpretationi testimonium sit obnoxium; narrare debet, quæ sensu percepit, verbis propriis, neque vagis, sed fixis (§. 346.).

§. 781.

*De pro-
batione
per ju-
ramen-
tum.*

Si res controversa aliter probari nequit, veluti deficientibus idoneis instrumentis (§. 775.), vel testibus (§. 778.), aut saltem non sufficienter, cum aliter lis exitum habere nequeat, quem tamen habere debet; per juramentum in casu priori probanda, in posteriori defectus probationis supplendus. Et ob rationem eandem. si adversus aliquem militent præsumptiones, aliter non elidendæ, per juramentum elidendæ sunt; cum

is

Hebr. 6.

is probare debeat, falsum esse, quod contra ipsum præsumitur.

§. 782.

Juramentum assertorium est, quod præstatur de veritate dictorum, quibus aliquid affirmatur, vel negatur: *suppletorium*, quo defectus probationis suppletur; ut ideo *juramentum suppletorium ex probatione semiplena efficiat plenam* (§. 778.): *purgatorium*, quo quis præsumptiones adversus se militantes elidit; cum *purgare* se dicatur, quia suspicionem, in quam adductus est, se liberat: *juramentum litis decisorium*, quod eo fine præstatur, ut lis sit decisa; consequenter *juramento litis decisorio finis liti imponitur*. Dividitur autem hoc in *voluntarium*, quando partes inter se conveniunt, quod per juramentum decidi debeat res controversa; & *necessarium*, quando deficientibus aliis probationibus factum, a quo pendet decisio rei controversæ, aliter probari nequit, quam per juramentum, aut saltem supplendus probationis defectus. Denique *juramentum promissorium* est, quo jurato quid promittitur; seu quod promissionem continet.

De speciebus juramenti.

§. 783.

L. II. De iure iurando §. 783.

De delatione iuramenti.

L. 31. De iure iurando.

L. 35. De iure iurandi.

cap. x. De probationibus.

Juramentum alteri deferre dicitur, qui sufficienter significat velle sese, ut juret. Quamobrem si alia probationes deficiunt, aut quod probandum erat, non plene probatum fuit, arbiter juramentum deferre potest (§. 781.), consequenter juramentum ab arbitro delatum partibus necessarium est, ac in specie supplementum. Ex eadem ratione juramentum quoque coram arbitro deferri par-

ti a parte potest, cum tamen ipsius sit omnis cognitio (§. 770.), eodem approbante: immo ob eandem rationem actor reo super eo, quod hic negat, & reus actori super exceptionibus a se propositis; cum nemo testis esse possit in propria causa (§. 779.), consequenter nec juramento probare, quod negatur a parte altera. Quoniam tamen ad juramentum non deveniendum, si probatio alia in promptu sit (§. 781.); si pars partium coram arbitro juramentum defert, & ea, quod juramento probandum, aliter probare velit, ad probationem admittenda: qua tamen deficiente juramentum adhuc præstandum (§. cit.),

§. 784.

Juramentum referre dicitur, qui, cum juramentum sibi delatum acceptare nolit, sufficienter declarat, malle sese, ut pars altera, quæ dicit, juramento confirmet: *ast juramentum recusare*, qui sufficienter significat, se jurare nolle, seu juramentum sibi delatum, vel relatum acceptare nolle. Enimvero quoniam jurare nolens nondum vult alterum jurare; *qui juramentum recusat, ideo id deferenti nondum referre intelligitur.* Quoniam partes stare tenentur eo, quod arbitro visum fuerit (§. 770.); *juramentum ab arbitro delatum recusari a parti adversæ referri nequit.* Enimvero si pars parti juramentum defert, cum tunc liberum sit ei, cui juramentum delatum, an ipsa jurare velit, an vero alteram jurare malit (§. 78.); nulla existente obligatione contracta, qua libertas naturalis restringitur; *juramentum referri potest,* cumque deferens voluerit juramento decidi, quod controversitur, ne temere Deum testem invocari velle debet (§. 360. 361.); *relatum recusari nequit.* Et quoniam acceptans juramentum tacite promittit, ac ideo se obli-

De relatione & recusatone juramenti.

L. 34. §. final. de jur. jur.

L. 34. §. 7. cod.

obligat ad jurandum (§. 380.); *juramentum delatum, si acceptatum fuerit, recusari nequit. Ceterum juramentum suppletorium & purgatorium per se tale est, ut recusari, aut referri nequeat (§. 782.).*

§. 785.

De eo, qui jurare non vult, cum debeat.

Quoniam qui jurare obligatur, jurare autem non vult, sufficienter significat, se salva conscientia jurare non posse; id contra non jurantem pro vero habetur, cujus causa jurare debebat. Quamobrem si juramentum acceptatum, vel ab arbitro delatum recusatur, contrarecufantem pro vero habetur id, cujus causa jurandum erat.

§. 786.

De juramenti remissione.

Juramentum remitti dicitur, si facta acceptatione pars altera declaret, sese nolle ut actu præstetur, sed id pro præstito habere. Quamobrem, qui juramentum remittit, contra eum pro vero habetur id, cujus causa jurandum erat (§. 318.). Cum ejus, contra quem juratur, unice interfit, utrum actu juretur, necne (§. 781. 415.); ab ipsius quoque unice voluntate dependet, utrum jurari velit, necne (§. 78.), ac propterea *juramentum ab arbitro delatum, quam*

*quam a se sive delatum, sive relatum, ubi
viderit alterum ad jurandum paratum,
remittere potest.*

§. 787.

Pugna dicitur actus, quo duo vi sese *De duell-*
lo.
invicem impetunt. Quando unus vi im-
petit res alterius, id saltem causa pugnae
est, quatenus defensor rei suae vim ad re-
sistendum adhibet. Pugna, de qua duo
inter se conveniunt, quod per victoriam
res controversa decisa, vel pugnalis di-
remta esse debeat, *Duellum* dicitur. Quo-
niam homo obligatur corpus suum &
integritatem omnium membrorum
ejus conservare (§. 112.), ac omne peric-
ulum vitae atque mutilationis membro-
rum a se avertere (§. 43.), atque eadem
obligatio eundem tenet quoad alios
(§. 141.); *omne duellum naturaliter illicitum*,
consequenter *nemini competit jus
alterum ad duellum vi adigendi, & nemo
alterum ad duellum provocare, nec pro-
vocatus id suscipere debet.* Enimvero si
quis eo animo vi adoritur alterum, cum
unicuique natura competat jus se de-
fendendi (§. 90.); *ubi hic se defendit,
duellum non est.*

§. 788.

§. 788.

*Quisquam
in pugna
vincat.*

In pugna vincere dicitur, qui alterum ab eadem desistere cogit; aut vinci, qui desistere cogitur. Unde sequitur, eum victum esse, qui occiditur, qui vulneratur, ut diutius pugnare vel non possit, vel nolit, qui in fugam conjicitur, tum etiam qui sufficienter indicat, se diutius pugnare velle, veluti arma abjiciendo, vel expressis verbis idem declarando.

§. 789.

*An per
duellum
litium de-
cidere ac
famam
tueri li-
ceat.*

Cum ex eo, quod alterum in pugna viceris, intelligi minime possit, victorem habere causam justam (§. 788.); duellum non est modus aptus decidendi causam controversam (§. 765.). Similiter quia famam aliter defendere non datur nisi ostendendo falsa esse, quæ alter famæ nostræ adversa dixit (§. 126.); duellum quoque non est modus aptus tuendi famam (§. 787.). Et quia naturaliter illicitum (§. cit.); nec convenire licet, ut per victoriam in duello, quasi per sortem (§. 669.), causa controversa sit decisa, aut per duellum, sive vincas, sive vincaris, inacula famæ, quæ adpersa fuerat, iterum sit absterfa.

§. 790.

*An in
casu
sa du-*

Quoniam jus vi adversus alterum per-

persequi non possumus, antequam certo constet, nobis id competere (§. 88-89); *in causa dubia nemini jus belli per se competit*, consequenter bello lacessere alterum, ut vi armorum extorqueas, quod prætendis, minime licet. Quamobrem cum in causa dubia lis finienda sit vel per amicabilem compositionem (§. 763.), vel transactionem (§. 764.), adhibitis, si ita visum fuerit, mediatoribus (§. 768.), vel per arbitros (§. 770.), vel denique per sortem (§. 670.); *in causa dubia vel amicabilis compositionis, aut transactionis causa, adhibitis mediatoribus, sive absque iis, colloquia instituenda sunt, vel in arbitrum compromittendum, vel diremtio litis sorti committenda.* Quoniam tamen nemini jus suum auferri potest invito (§. 100.), etsi adhuc dubium sit, cum periculum supersit, ne jus eadem adimatur, quamdiu dubium fuerit, cuinam litigantium parti revera competat; *si quis in causa dubia colloquium amicabilis compositionis, aut transactionis causa acceptare noluerit, nec in arbitrum compromittere, nullo minus in sortem consentire velit, offerenti competit jus eundem vi ad transactionem* (Wolfii Instit. J. N. & G.) *li ad-*

bia jus belli competit.

adigendi, consequenter jus belli transactionis causa gerendi (§. 98.). Eodem modo patet, si quis in colloquio, vel etiam per mediatores æquas condiciones oblatas acceptare nolit, adversus eundem alteri competere jus belli, ut is vi ad transactionem adigatur. Cumque homines
nella ~~non~~ *urgente obligatione periculum vitæ, aut integritatis membrorum amittendæ, vel statum suum imperfectiorem reddendi subire non debeant (§. 131.), nec bello locum faciat natura, sed malitia hominum, obligationi suæ satisfacere nolentium (§. 99.); in causa dubia pars utraque obligatur querere æquas condiciones, quibus bellum vitetur.*

§. 791.

An propter possessionem jus belli competit.

Cum possessor de possessione vi dejecti nequeat, antequam pars altera jus suum probavit (§. 288.); *in causa dubia nemini competit jus alterum cogendi, ut de possessione decedat, consequenter si res controversa ab altero possideatur, occupatio bellica possessionis illicita (§. 98.), ac propterea condiciones, quibus bellum vitetur, magis querere obligatur, qui petit, quam qui possidet.*

§. 792.

§. 792.

Quoniam naturaliter cuilibet constitutum est jus in bonis debitoris, ut, nisi debito tempore solvat, ex iisdem ipsi satisfiat (§. 705.); si, qui rem tuam detinet, eam restituere non vult, aut non solvere, quod debet, naturaliter rem aliam ipsi auferre licet, non ante reddendam, donec tuam, vel tibi debitum acciperis. Cum in eo pignoris capio consistat: pignoris capio naturaliter licita est & de ea porro tenenda, quæ de pignore demonstrata sunt (§. 697. & seqq.). Patet autem, pignoris capionem esse opipignorationem necessariam.

§. 793.

Cum nemini jus suum invito auferre liceat (§. 100.), nemo quoque hoc pati teneatur (§. 89.); si quis rem tuam, quam detinet, tibi restituere, aut debitum solvere noluerit, locorei tuæ, vel tibi debitæ auferre eidem licet aliam ipsius, quæ tantundem valet; cum tamen locupletior fieri nequeas ex re aliena (§. 271), quantum ea pluris est, detentori, vel debitori restituere debes. Per se autem patet, si is statim restituere velit, quod tuum est, aut debitum solvere, quoniam

tum cessat ratio, cur ex re alia ipsius tuum consequaris, *res ablata restituenda*. Ablatio rei alienæ loco suæ, vel sibi debitæ, si eam a detentore, vel debitore consequi non possumus, *expletio juris* appellatur. *Expletio* itaque *juris naturaliter licita*. Pater autem, *expletionem juris non ante perfici, quam ubi constiterit, detentorem rem tuam restituere, aut debitorem debitum solvere nolle, ut suam recipiat, consequenter spatium aliquod deliberandi in casu dubio indulgendum*. Quoniam vero necesse est, ut de re expletionis juris causa ablata disponere pro lubitu possis, modo nil committatur, quod juri detentoris, vel debitoris adversum (§. 86.), siquidem ex ea tibi satisfieri debet; *expletione juris facta, dominium in re ejus causa ablata acquiritur* (§. 195.). Immo alias expletio juris prorsus inutilis foret.

CAPUT XIX.

DE

INTERPRETATIONE.

§. 794.

*Interpretatio
quid sit.*

Interpretari idem est ac certo modo colligere, quid quis per verba sua, aut signa

signa alia indicare voluerit. Unde *Interpretatio* est investigatio mentis per verba aliaque signa indicata.

§. 795.

Si singula verba fixum ac determinatum haberent significatum, ut scilicet Cur opus sit interpretatio-
na. semper in eodem significato acciperentur, neque nunc plus, nunc minus per ea indicaretur, & loquentes semper mentem suam iisdem sufficienter exprimerent; nulla opus foret *interpretatione*: contrarium vero cum obtineat, *interpretatione opus est*.

§. 796.

Quoniam jus ex promissione acquisitum (§. 379.) promissario auferri nequit (§. 100.), sed contra promissorem pro vero habendum, quod sufficienter indicavit (§. 318.); in promissis, consequenter etiam in pactis nemo verborum suorum esse potest interpretes, cumque acceptatione non plus iuris acquiri possit, quam transferens in eum transferre voluit (§. 317.); nec promissario permittendum, ut verba promittentis interpretetur eo sensu, quo eadem intellecta velit. An promittens verba sua, vel promissarius eadem interpre-
tari possit de pactis.
L. 69.
L. 34. de con-
trah. emt. vend.

§. 797.

Recta interpretatio dicitur, quæ fit De recta interpre-
tatione. per

per regulas interpretandi demonstratas; quas ideo & promittens & promissarius admittere tenetur. Quamobrem *adversus promittentem valet, quod recta interpretatio jusserit, consequenter ad id cogendi promissorem jus promissario competit (§. 378.).*

§. 798.

*Quam-
diu signi-
ficatui
proprio
inheren-
dum.*

Quoniam *paciscentes* loqui obligantur, ut a se invicem intelligantur (§. 437. 438.); ideo *uti debent verbis in eo sensu, quem fert usus loquendi, hoc est, proprio, & terminos accipere in significato recepto, consequenter scientes ac volentes a verborum significato proprio & significato terminorum recepto recedere non debent, ac propterea nec recessisse præsumuntur, quamdiu non adsunt rationes in contrarium.* Unde porro sequitur, *in promissis & pactis interpretandis, a communi usu loquendi non esse recedendum, nisi adsint rationes urgentes in contrarium.* Ast quia usum loquendi successu temporis variari constat; *pacta & promissa interpretanda sunt secundum usum loquendi ejus temporis, quo facta fuerunt.*

§. 799.

*l. 50. §. 1. D.
legatis 1.*

§. 799.

Etymologia est expositio originis vocabulorum. *Etymologus* itaque inquit in rationem, cur vocabula primitiva primitus ad has, vel illas res denotandas fuerint adhibita, & a quibusnam derivativa deducantur, ex quibusnam composita componantur, ac quinam sit vi derivationis ac compositionis significatus. Qui ab etymologia petitur significatus etymologicus, item grammaticus dicitur: quem cum non attendi constet in usu loquendi; in pactis & promissis interpretandis significatus etymologicus non attendendus. Vocabula nimirum significatum habent ab arbitrio hominum; ideoque tantummodo quæritur, quid iisdem significare velint.

§. 800.

Quia paciscentes loqui obligantur, ut a se invicem intelligantur (§. 437. 438.); in pactis & promissis interpretandis non admittendæ sunt reservationes mentales (§. 355.). Hisce sane admissis promissa quælibet eludi possunt.

§. 801.

Cum ex intentione promissarii constet, quid sibi promitti voluerit; si manifeste-

l. 21. de reb. dub. l. 7. §. 2. de sup. pelled. l. 9. de
 nifestum fuerit, quinam verborum sensus
 conveniat intentioni promissarii, non li-
 cet eum perducere ad alium, intentioni
 ipsius e diametro contrarium. Ita paci-
 scentes, ne urbe dedita sanguis effun-
 datur, vivi defodi nequeunt.

§. 802.

*De ter-
 minis
 techni-
 cis.*

Quia *termini technici* cum habent
 significatum, quem inter artis peritos
 obtinent; iidem accipiendi sunt in signi-
 ficatu apud artis peritos recepto, nisi
 adsint rationes urgentes in contrarium
 (§. 798.). Quod si vocabula aliquid signi-
 ficient secundum gradus, etsi definitio-
 nes fiant, prout res sunt in gradu per-
 fectissimo, cum tamen iisdem non sem-
 per utamur in tam rigoroso significato,
*definitioni eorum non semper stricte in-
 herendum, sed orationi, cujus pars est
 vocabulum explicandum, conveniens de-
 finitio formanda, veluti si dicatur,
 standum esse iudicio philosophi, aut
 medici.*

§. 803.

*De ho-
 monymia
 & am-
 phibolia.*

Si obscuritas oritur ex homonymia, &
amphibolia, cum tunc vocabulum, vel
 complexio verborum plurium plures
 habet significatus, qui vero locutus
 est

est ad eum animum advertisse intelligatur, qui ipsi succurrere potuit; *significatus conveniens materiæ, de qua agitur, ceteris præferendus*. Vulgo dicitur: *verba intelligenda esse secundum substratam materiam*. Ita si triginta dierum induciæ fuerint pactæ, dies quoque noctem comprehendit.

§. 804.

Quia nemo absurdum velle præsumitur; *ea interpretatio rejicienda, ex qua absurdum sequitur*. Ita prohibitio, ne in platea quis sanguinem eliciat, non trahi potest ad chirurgum in platea venam secantem, consequenter *interpretatio ita facienda, ut absurdum vitetur*. Cumque absurdum sit, paciscentem, vel promittentem nihil agere voluisse; *ea interpretatio non admittenda, qua stante sequitur, nihil actum esse*. E. gr. Si maritus vxori certam bonorum partem in pactis dotalibus permittit; quod ipsi legat in testamento, eo comprehendi nequit.

§. 805.

Cum quis idem velle tamdiu præsumatur, quamdiu manifestum non est quod mutaverit voluntatem; *si quæ ob-*

tibus & scire dicuntur, in antecedentibus, vel consequentibus, vel alio loco & occasione sine obscuritate dicta sunt; obscure dicta ita interpretanda sunt, ut cum verborum

L. 50. §. finali. De Legatis. perspicuorum significatu conveniant.
Cumque brachyologiam amantes verba sua vel ad antecedentia, vel ad consequentia referant; ita facienda interpretatio, ut inferiora & superiora textus inter se concordent, nisi manifesto appareat, per inferiora superiora fuisse mutata.

§. 806.

De interpretatione ex motu voluntatis. Constat voluntatem determinari per motiva, quæ sunt ratio sufficiens volitionis. Quod si ergo constet, quænam ratio unice moverit voluntatem alterius, seu cur hoc voluerit; verba ita interpretanda sunt, ut eidem conveniant, consequenter

L. 1. §. 2. de Patronat. si rationes plures conjunctim motivum constituent, iisdem conjunctim: si divisim, ut conveniant singulis divisim.
L. 12. de vulg. et pupill. substitutione. Exemplum esto de ægroto, qui mansit in navi cum legis navis & res deberent esse ejus, qui remanserit.

§. 807.

De verbis cum relatione ad aliquid. Facile per se patet, si verbum quoddam, vel verborum complexio sumatur cum relatione ad aliquid, significatum, quem

quem habet, quando simpliciter sumitur, quod ita immutandum esse, ut relationi isti con- ^{sumtis.}
veniat. Ita majore anni parte possedisse ^{L. 156. de}
 intelligitur, qui duobus mensibus posse- ^{Verb. oblig.}
 dit, si adversarius diebus paucioribus, ^{significat.}
 aut nullis possedit.

§. 808.

Si qua in pactis ad communem utilita- ^{De la-}
tem spectant & utrique parti æqualiter ^{tiori in-}
consulunt, cum nil obstat, quo minus ^{terpre-}
verba sumantur in eo significato, quem ^{tatione.}
habere possunt, nec ulla ratio urgeat,
cur ullo modo restringantur; sumenda
utique sunt secundum totam propieta-
tem usus popularis, aut, si plures sint,
eum, quæ latissime patet, nisi vel absur-
dum quid, vel pacti inutilitas inde se-
quatur (§. 803.). Dicitur autem signi-
ficatus latior, quando eadem verba plu-
ra significant, quæ etiam pauciora signi-
ficare possunt, ac interdum solent, velu- ^{L. 62. de lega-}
ti si qui de masculis loquitur etiam fœmi- ^{111.}
nas complectitur, aut quando idem est
nomen generis, quod specie, vel pro
substrata materia verborum aliqua com-
plexio ad plura extenditur.

§. 809.

Si qua partem alteram saltem one- ^{De stri-}
rant, ^{ctiori in-}

*terpre-
tatione.*

*terpre- rant, aut plus onerant alteram, cum ne-
tatione. mo præsumatur se nimis onerare velle;
in casu dubio verba sumenda in significa-
tu strictiori, immo etiam admittitur ali-
quantulum figuratus, ut onus nimium
vitetur. Ita auxilia promissa ab una par-
te potentiori, intelliguntur promissa im-
pendiis ejus, cui promittuntur. Simili-
ter cum pœna promissioni adjecta onus
sit (§. 409. 410.); verba, quæ pœnam con-
tinent, in strictiori quoque significato ac-
cipienda, scilicet ut admittatur justa ex-
cusatio, quæ liberet a pœna, nec quævis
culpa ad pœnam imputetur. Dicuntur ni-
mirum verba sumi in significato strictio-
ri, si pauciora significant, cum etiam
plura significare possint.*

§. 810.

**Regula
genera-
les inter-
pretan-
di.**

**Regula
genera-
les inter-
pretan-
di.**

Cum in interpretatione id agatur, ut ostendatur, quid per verba qui locutus est significare voluerit (§. 794.), consequenter de quonam cogitaverit, cum loqueretur; *interpretatio facienda de eo, de quo verisimiliter fuit cogitatum, non vero contra idem.* Exemplum est argentum legatum uxori pauperi a marito divite, si paucum sit in arca, plus in tabulis. Quoniam vero non semper animo nostro

L. fin. de deya
Commissio

Jan 6 1898

~~Lib. de Prob.~~
L. 5. de reb
creditis.

stro observantur omnes circumstantiæ, quæ circa negotium occurrere possunt, ut qui loquitur in exprimendis animi sui sensus earundem rationem habere possit; interpretatio ita facienda, quemadmodum eam faceret, qui locutus est, si præsens esset, vel si eidem cognita fuissent, quæ nunc palam sunt. Ita prætor in confirmando tutore sequitur utilitatem pupillorum, non verba testamenti.

§. 811.

Interpretatio extensiva dicitur, qua ob identitatem rationis volitionis, vel nolitionis mens ejus, qui locutus est, extenditur ad casus, sub verbis, quibus promissio, vel pactum continetur, secundum totam eorundem proprietatem minime comprehensos. Cum posita ratione sufficiente volitionis, vel nolitionis, ponatur etiam ipsa volitio, vel nolitio; dubitandum non est, si decasu emergente cogitasset qui locutus est, eum verba sua ad eundem quoque extensurum fuisse, consequenter *interpretatio extensiva admittenda* (§. 810.).

§. 812.

Fraudem legi, vel pacto facere dicitur, qui quidpiam facit, quod verbis quidem

*l. 10 de confirm.
Tut.*

*l. 4 de vulg. et
pupill. sub test.*

*De fran-
de legi (§ 286)*

vel pacto
facta.

L. 29, § 10. de Ll.

dem legis, vel pacti non repugnat, menti tamen legislatoris, vel paciscentis adversatur. Et tale *quid fieri in fraudem legis, vel pacti* etiam dicitur. Cum extra verborum significatum ostendendum sit, quænam in fraudem legis, vel pacti fiant, consequenter id patere debeat per rationem, cur lex data, vel pactio facta; *interpretatio extensiva reprimi*.
L. 5. C. de Ll. mit. fraudem legi, vel pacto faciendam.

§. 813.

De in-
terpre-
tatione
restricti-
va.

L. 6 § 2. de Patrim.
jure.

Interpretatio restrictiva est, qua casus aliquis sub verbis legis, vel pacti eundem comprehensus, ob defectum tamen rationis sufficientis, cur legislator, vel paciscens hoc fieri voluit, vel noluit excipitur. Eodem vero, quo ante (§. 811.), modo patet, *interpretationem restrictivam esse admittendam*. Quoniam interpretatio facienda de eo, de quo verisimiliter cogitatum (§. 810.); si *materiæ, de qua agitur, parum convenit ut verba tam late sumantur, quemadmodum patere videntur, per interpretationem restrictivam eidem convenienter restringenda sunt*; deficiente utique ratione sufficiente volitionis & nolitionis. Et quia nemo absurda velle præsumitur, consequenter in casu emergente, quo quis

L. de servit. leg.

quis absurdum velle debebat, cessat volitionis ratio sufficiens; *si inde sequatur absurdum aliquod, quod eam mentem illi, qui locutus est, tribuere velis, quam verba generaliter posita indicant, hæc ita restringenda sunt, ut absurdum evitetur.* *l. 1. De similitudine legata.* Enimvero si res, quæ ratio sub se comprehendit, spectentur non secundum existentiam, sed quatenus existere possunt; ubi certum non est, eas existere non posse, restrictio facienda non est; manifestum enim est, restrictionem fore menti ejus, qui locutus est, adversam.

§. 814.

Cum ex ratione sufficiente promissionis intelligatur, cur promissor quid promiserit; *si status rerum præsens in ratione sufficiente promissionis non continetur* *Detacta conditione, si res maneant, quo sunt loco.* promissa in se non habent tacitam conditionem, si res maneant, quo sunt loco: ast habent in casu opposito.

§. 815.

Quoniam obligatio naturalis immutabilis (§. 38.); *si casus emergit, quo verba sequi legi naturæ repugnaret, casus hic excipiendus.* *De casibus tacite exceptis. cap. 23. x. de iure iurando.* Et cum naturaliter non obligemur aliorum commoda promoveri, nisi quatenus citra neglectum officii erga se ipsum fieri potest (§. 133. 134.);

*l. 73. §. 1. De
iure dotium.*

134.); *si casus emergit, in quo verba sequi nimis grave foret ei, quem quis ad aliquid præstandum obligare sibi voluit, vel qui se alteri obligare voluit, casus iste excipiendus.*

§. 816.

De casibus excipiendis.

Cum in pactis promissarius promittentem sibi obliget ad hoc faciendum (§. 438. 380.); pacta, quatenus promissa continent, assimilantur legibus (§. 39.). Quamobrem quæ de legum collisione valent, supra explicata (§. 64.), ea etiam valent de collisione pactorum. Ceterum cum casus emergentes referri debeant inter ea, de quibus cogitatum non est, cum promitteretur, vel conveniretur; si rationes particulares ad sunt, per quas apparet, quid excepturus fuisset, qui locutus est, siquidem de casu collisionis cogitasset, id excipiendum, etiamsi alio ducant regulæ de pactorum collisione.

§. 817.

Cujusnam verba in interpretandis pactis magis attendenda.

Denique quia promissarius promissorem sibi obligare nequit ultra voluntatem suam (§. 317. 379.), contra hunc vero pro vero habetur, quod sufficienter indicat (§. 318.), & conditionem offerre dicitur, qui declarat, quid sibi

sibi promitti velit; accipere vero, qui illi promittit; in pactis interpretandis magis attendenda sunt verba conditionem accipientis, quam offerentis; nisi verba illius ad verba hujus referantur.

CAPUT XX.

DE

MORTUIS ET NONDUM NATIS.

§. 818.

Quando homo moritur, omni potentia agendi privatur, nec rebus ullis amplius indiget. Quamobrem nullius amplius obligationis & juris capax (§. 37. 46.). *Quamprimum* itaque moritur, omne jus suum amittit, & omnis ejus obligatio cessat, consequenter quoque dominium, quod habuit in rebus, ac jus omne aliud inde pendens, omne quoque jus ad rem amittit.

§. 819.

Enimvero quia homo dominium rerum suarum & jus quodcunque aliud in re, vel ad rem in alterum transferre potest, quacunque lege voluerit (§. 314.), nisi personale fuerit (§. 400.); dominium quoque rerum suarum & jus quodcunque aliud, nisi personale fuerit, (Wolffii Instit. J. N. & G.) Kk in

Effectus mortis quoad jura & obligationes.

Quomodo bona defuncti in alios transferantur.

in eventum mortis in alium transferre potest, consequenter id morte sua in eum transmittit, in quem in eventum mortis id transtulit, ac ideo jus ab eo amissum non extinguitur, & qui fuerant illius debitores, ipso mortuo nunc sunt hujus.

§. 820.

*De jure
credito-
ris ad
bona de-
functi.*

Similiter quia bona debitoris naturaliter oppignorata sunt pro debitis creditori (§. 705.), & jus creditoris iisdem inhæret (§. 697.), quod eidem auferri nequit (§. 100.); debitore mortuo, jus creditoris, ut ex iis eidem satisfiat, subsistit, ac cum rebus transit in eum, in quem dominium rerum defuncti transmittitur, si vero defunctus res nullas relinquit, dabitum interit.

§. 821.

*De jure
trans-
missibili
& non.*

Jus transmissibile appellamus, quod amissum ab eo, qui habuit, in alium ab it: non transmissibile, quod amissum ab eo, qui habuit, in alium non ab it. Jus igitur transmissibile morte sua in alium transmittit defunctus, veluti ususfructum ipsi & liberis ejus constitutum in liberos.

§. 822.

§. 822.

Quoniam fama etiam post mortem *De officiis erga mortuos.* superest, & bene a recte factorum memoria conservatur; officia quoque quoad famam, existimationem, honorem ac laudem aliis debita (§. 142.), etiam post mortem eorum subsistunt. Similiter quia mors benefactoris non delet memoriam beneficiorum; iis etiam mortuis gratias agere debemus, beneficia nobis tributa narrando & prædicando (§. 474.): cumque aliis quoque benefacere possimus in iis, quos amant, quippe quorum felicitatem perinde expetunt ac propriam; mortuis benefacere debemus in iis, quos amarunt, quantum in potestate nostra est (§. 133.), veluti in liberis ipsorum, vel agnatis.

§. 823.

Quoniam natura homines omnes *De honore humanitatis.* æquales sunt (§. 70.), omnes etiam amare debemus tanquam nosmetipsos (§. 136.), & quod perfectione naturali superent res creatas omnes, per se patet; eos quoque spectare debemus tanquam æque homines amore nostro dignos & omnium creaturarum præstantissimos,

Kk 2

con-

consequenter etiam *id externis actibus testari*: in quibus cum *Honor humanitatis* consistat, qui homini defertur, quatenus homo est; *honorem humanitatis unicuique exhibere debemus*, consequenter etiam *in modo, quo mortuos ex conspectu nostro removemus.*

§. 824.

*De Jure
sepul-
tæ.*

Quamobrem cum mortuos e conspectu nostro removeri necesse sit, modus autem hoc faciendi omnium commodissimus sit, si humentur, seu cadavera eorum humo tegantur, quod facile patet; *mortuos sepelire* (§. 48.), & *in exequiis*, quæ sunt actus sollemnis, quo corpus mortui effertur ad sepulchrum, *non modo ea fieri debent, quæ humanitati conveniunt* (§. 823.), *verum etiam quæ officiis erga mortuos consentanea sunt* (§. 822.). Patet itaque, *Jus sepulturæ humanitati deberi, seu homini ideo competere, quia homo est.*

§. 825.

*De sectione
cadaverum
humano-
rum.*

Cum sectione cadaverum humanorum distincta notio totius corporis humani & singularum ejus partium acquiratur, quæ non modo ad sanitatis & morborum cognitionem acquirendam

ne-

necessaria (§. 113.), verum etiam Deum ex structura corporis humani agnoscamus, quod nemo in dubium vocare potest; *sectio cadaverum humanorum licita est naturaliter* (§. cit. & §. 163.). Quia inde minime inferitur, nos eos, quorum cadavera secamus, non habere pro æque hominibus & creaturarum omnium præstantissimis, aut qui amore digni sint; *sectio cadaverum humanorum honori humanitatis non repugnat* (§. 823.). Qatenus tamen officia mortuis debita non respectu omnium eadem sunt (§. 822.); *fieri potest, ut illa cum iisdem consistere nequeat.* Et facile patet, *eam in cadaveribus omnibus administrari non posse.*

§. 826.

Luctus dicuntur actus externi, qui *De luctu* tristitiam indignant; suntque vel *naturales*, qui per essentiam & naturam corporis humani tristitiam comitantur; vel *mortuorum causa.* *voluntarii*, quibus tristitiæ significatum imponimus. Cum jactura amicorum, benefactorum & bene de nobis atque aliis meritorum ad mala fortunæ pertineat, homini autem naturale sit, ut ma-

la praesentia tristitiam gignant; *amicos mortuos, benefactores atque eos, qui bene de nobis atque aliis meriti sunt, ne lugeamus, lex naturæ prohibere nequit* (§. 60.). Quoniam tamen officia lege naturæ praescripta inviolabilia sunt (§. 42.); *luctus mortuorum ita moderandus, ne quid committatur officio in adversis* (§. 130.) & *fiduciae in Deo atque acquiescentiae in providentia divina contrarium* (§. 173.). Cumque nobis jus sit ad ea, sine quibus officiis erga mortuos satisfacere non possumus (§. 46.); *luctus quoque voluntarius officiis erga mortuos conformis naturaliter licitus, veluti si veste lugemus mortuos.*

§. 827.

An nondum nati habeant jus.

Qui nondum natus est, aut in utero materno adhuc existit, aut ne a matre quidem conceptus est. Quamobrem cum qui nondum existit, agere nequeat, & qui in utero materno adhuc latet, inter homines agere non possit, consequenter nondum natus subjectum juris esse nequeat (§. 46.); *nondum natus jus nullum habere potest, consequenter nec ullum acquirere, & pro-*

propterea nec *fætus in utero jus acquirere potest*. Quamobrem si quis dicat, *se jus quoddam transferre in nondum natum*, veluti in *fœtum in utero latentem*, id intelligitur velle, ut quando nascitur, seu per *nativitatem* idem acquirat.

§. 828.

Cum jura transmissibilia per *nativitatem* acquirantur (§. 827. 821.); si *in non-*
jus aliquod tibi ac a te descendantibus dum
 (per *nativitatem* scilicet) collatum una *natos*
tibi & a te descendentem competere potest, trans-
quamprimum hic nascitur, idem acquirit: quodsi vero in te transfertur jus, missibili.
certa lege in nondum natos trans-
tendum successive morte possidentis,
quamprimum illi nascuntur, acquirunt
jus succedendi in jus in te translatum,
conditione lege definita existente, quod
conditionatum esse per se patet.

§. 829.

Quamprimum quis in utero mater- *De spe*
 no conceptus est, spes est eum natum *jus per*
 iri, consequenter jus, quod per *nati-*
 vitem acquiritur, ab eo acquisitum *tatem*
 iri. Quamobrem cum ea æquipol- *acqui-*
 leat spei, quam habet promissarius ex *tum iri.*

conditionata promissione, atque hæc eidem auferri non possit (§. 396.); *fœtui in utero spes acquirendi per natiuitatem jus quoddam auferri nequit.*

§. 830.

Dere-
nuncia-
tione pro
nondum
natis.

Quoniam qui nondum natus, nec in utero materno adhuc conceptus est, nec jus, nec spem jus acquisitum iri habere potest (§. 827.), ast fœtus in utero non quidem jus habet, spem tamen jus excitaturam, si nascatur, auferri ipsi nesciam (§. 829.); *juri per te in nondum natos transmittendo renunciare potes pro te & nondum natis, nec adhuc conceptis, citra eorum injuriam (§. 87.), ast non pro fœtu in utero.* Cum renunciatio a voluntate renunciantis unice dependeat, & qua lege renunciare velit (§. 342.); *naturaliter non repugnat, ut, si quis renunciaret juri per se in nondum natos transmittendo, sibi reservet jus idem in nondum natos transmittendi, cumque repudiatio non contineat renunciationem pro nondum natis (§. 339. 340.); repudiatio juris in nondum natos transmissibilis nondum natis minime nocet.*

§. 831.

§. 831.

Jus, quod certa lege successive ab uno in alios transmittitur, dicitur *providentia majorum quasitum*: transmittens nimirum non sua voluntate transmittit, sed necessario; non idem habet a transmittente, qui acquirit, verum a primo acquirente.

§. 832.

Posterii in genere dicuntur, qui mortuiis iis, qui jam vivunt, demum nascuntur; ac in specie *posterii tui*, qui te mortuo per nativitatem a te descendunt; sicuti ex adverso *Majores*, qui ante parentes nostros vixerunt. Cum posterii sint homines in locum nostrum, nobis mortuis, succedentes, homines autem conjunctis viribus se statumque suum perficere obligentur (§. 44.); quicquid in utilitatem posterorum facere possumus, ad id faciendum sumus obligati, veluti si operam demus, ut scientiæ ac artes virtutesque morales ad eos propagentur, & ne desint arbores fructiferae, nec sylvestres lignandi causa.

PARS III.

DE
IMPERIO ET OBLIGATIONIBVS
ATQVE JURIBVS INDE
NASCENTIBVS.

SECTIO I.
DE IMPERIO PRIVATO.

CAPUT I.

DE
IMPERIO ET SOCIETATE IN
GENERE.

§. 833.

*Impe-
rium
quale
jus.*

Imperium dicitur jus determinandi actiones liberas alterius pro lubitu suo; & qui imperium habet, *imperare* dicitur. Imperium itaque involvit jus obligandi alterum ad actiones suas sic & non aliter determinandum; cum alias esset inutile. Jus in actiones alterius *Potestas* etiam vocatur.

§. 834.

*An impe-
rium in
alios na-
tura
competere
pos-
sit.*

Cum natura actiones hominis independentes sint a voluntate alterius cujuscunque, nec is in agendo dependeat nisi a seipso (§. 77.); natura quoque *nemini imperium in alios homines competit*: cumque cuilibet permittendum sit,

fit, ut in determinandis actionibus suis suum sequatur iudicium, nec ulli hominum rationem reddere teneatur, cur hoc faciat, vel non faciat (§. 78.); *nemo sibi in alium invitum imperium arrogare potest.*

§. 835.

Is, in quem alter imperium habet, *Deco,*
subjectus eidem dicitur. *qui alte-*
nemo alteri subjectus est (§. 834.), *ri subje-*
vitur quis alteri subjici potest (§. cit.). At
 quoniam imperans subjectum obliga-
 re potest ad actiones suas sic & non
 aliter determinandas (§. 833.); *subje-*
ctus obligatur actiones suas, ad volunta-
tem imperantis componere, consequen-
 ter cum *parere* vel *obedire* dicatur, qui
 actionem suam ad voluntatem alterius
 componit; *inobediens* vero sit, qui hoc
 facere recusat; *subjectus imperanti pa-*
rere, vel obedire obligatur, nec inobe-
diens esse debet. Facile autem patet,
subjectum quoad eas actiones, in quas
imperanti jus est, liberum non esse
 (§. 77.), consequenter *qui se alteri sponte*
subjicit, libertati naturali quod eas
actiones renunciare, in quas imperanti
jus concedit (§. 340.).

§. 836.

§. 836.

De socie-
tate ac
inde ori-
ento jure
& obli-
gatione.

Societas in genere est pactum, vel quasi pactum de fine quodam conjunctis viribus consequendo. Ipsa quoque multitudo hominum finis cujusdam consequendi causa consociatorum *Societas* dici solet. *Societates* igitur differunt fine, qui intenditur, seu cujus gratia ineuntur. Qui societatem contrahunt, *Socii*, vel *Membra societatis* vocantur. Quilibet itaque socius facere obligatur, quod ad finem consequendum facere potest, & quod ut faciat specialiter conventum (§. 438.), consequenter sociis competit jus cogendi consocium, ut satisfaciat obligationi. Quamobrem universis competit jus in singulos: obligationes vero ac jura singulorum metienda sunt ex fine, in quem consensere omnes, atque ex iis, de quibus in pacto specialiter conventum (§. 438.), & universis competit jus determinandi ea, quæ ad finem societatis consequendum necessaria, seu ad media, quibus, finem ut consequantur, studere velint.

§. 837.

De salu-
te socie-
tatis &
bono.

Non impeditus progressus ad finem societatis consequendum, *Salus societatis*

tis dicitur; ipse autem finis, quatenus commu-
ni socio-
rum. obtinetur, utpote singulis utilis, *commune bonum*. Quamobrem quilibet socius commune bonum promovere pro virili & modo convento debet, nec quicquam committere, quod sit salutis societatis adversum, consequenter quantum datur curare, ut ceteri quoque socii faciant; quæ ad finem ~~civitatis~~ Societatis consequendum conducunt, ac removere impedimenta, quæ obstant, quo minus eundem consequi detur, ideoque socios ope ac consilio juvare.

§. 838.

Jus universis competens in singulos, De impe-
rii ortu
in socie-
tate. cum in determinandis ipsorum actionibus consistat (§. 836.); *imperium est* (§. 833.). Quamobrem cum ex pacto, vel quasi illud oriatur (§. 836.); *in societate imperium ex pacto oritur*, vel quasi, atque universis competit, consequenter singuli obedire tenentur universis (§. 835.).

§. 839.

Cum ex pacto obligationes ac jura De socie-
tate
æquali
& inæ-
quali. singulorum merienda sint (§. 836.); *si societas simpliciter contrahitur, omnium eadem est obligatio & jus idem*, consequenter socii omnes æquales sunt (§. 70.),
rumque

tumque *societas* dicitur *æqualis*; ac ideo in *societate æquali* nulla est *prærogativa* (§. 71.); alit si *expressè* conveniatur, ut unus *sociorum* ad quid *præstandum* obligatus sit, ad quod ceteri non teneantur, vel uni *cuidam* jus competat, quod ceteri non habent, *socii inæquales* sunt (§. 70.), atque tunc *societas inæqualis* appellatur; ac ideo in *societate inæquali* uni *præ ceteris* *prærogativa* quædam competere potest.

§. 840.

De præcedentia
socio-
rum.

Quoniam in *societate æquali*, in qua *socii* omnes *æquales* sunt, nulla datur *ratio intrinseca*, ab ipsa nimirum *sociorum* *natura* derivata, *præcedentiæ* (§. 75.), *ordo* tamen *necessario* quidam observandus est; qui *societatem æqualem* contrahunt, de *præcedentia* pro *lubitu* convenire possunt. Quod si vero post ea *quidam* accedunt, cum *nemini* *jus suum* auferri queat (§. 100.), eum servare debent *ordinem*, qui in *societatem* veniunt, nisi *extra ordinem* *locum alium* *accedenti* *cedere ceteri* velint; quippe quod *arbitrii ipsorum* est (§. 342.). Enimvero cum in *societate inæquali* *socii alii* *plus juris* habeant aliis, vel *plus ad bonum commu-*
ne

L. de albo fructu.

ne promovendum conferre obligentur (§. 839.); *qui plus juris habet, veletiam ad commune bonum plus conferre debet ceteris, ei præcedentia naturaliter competit*, nimirum si supponitur rem decidendam esse per rationem naturalem, in conventionibus regnante arbitrio convenientium. Hinc vero ulterius sequitur, *ut, qui in locum ejus, cui præcedentia per rationem intrinsecam competit, succedit, eidem quoque præcedentia competat.* Non vero in societate attendi præcedentiam, quam quis habet extra eam, facile inde patet; quia in societate non attenduntur, nisi jura & obligationes, quæ socium tanquam personam moralem faciunt (§. 96.).

§. 841.

Cum socii adjunctis viribus ad finem societatis consequendum contendere debeant, & ad hoc singuli sese universis obligaverint (§. 836.); *quicquid finis consequendi gratia fieri debet, communi sociorum consensu determinandum.* *De consensu singulorum ad decernendum requisito*

Quamobrem quando societas contrahitur, omnium consensu statuendum est de iis, quæ constanter ac semper eodem modo fieri debent, & casu emergente, qui ad societatem spectat, quid in eo sit faciendum.

§. 842.

§. 842.

De voto-
rum dif-
ferentia.

Declaratio voluntatis suæ de eo, quod plurium consensu determinandum, dicitur *Suffragium*, usitatus *Votum*; idque *affirmativum*, quo declaratur voluntas de eo, quod fieri debet; *negativum*, quo declaratur noluntas de eo, de quo consultatur. Dicuntur autem *Vota consentientia* eorum, qui ejusdem sunt sententiæ; *diversa* illorum, quorum sententiæ in diversum abeunt. *Vota unanima* sunt, quando vota omnium sunt consentientia; *majora* sunt vota consentientia majoris partis; *minora* partis minoris. Sed *paria* sunt vota, quando consentientium & dissentientium idem numerus.

§. 843.

Quomo-
do per
vota con-
cluden-
dum.

Concludere dicuntur consultantes, quando votis inter se collatis determinatur, quid fieri, aut non fieri debeat; & quod fieri, aut non fieri debere per vota determinatum, *Conclusum* vocatur. Cum *vota meliora* dicantur eorum, quorum judicium de eo, quod fieri debet, verius est: facile autem intelligatur, unumquemque votum suum habere
pro

pro meliori, negotium tamen exitum habere debeat; *vota meliora concludere nequeunt*, consequenter *majora concludant necesse est*. Qui itaque societatem contrahunt, inter se convenire debent, ut, quod majori parti visum fuerit, id habendum sit pro sociorum omnium voluntate, sicque per partem majorem obligetur minor. Quoniam itaque vota numerantur, si concludendum, non vero ponderantur, inquirendo scilicet, quænam sint meliora; *vota paria non concludunt* (§. 842.). Quamobrem res manent in eo statu, in quo sunt, consequenter quoties nihil concludendo negotium exitum habere nequit, veniendum est vel ad sortem (§. 669.), vel necesse est, ut uni competat votum decisivum, quo parti uni accedente efficiuntur majora; aut si negotium fert moram, consultatio repetenda. Dicitur autem decisio negotii controversi per paritatem votorum *Calculus Minervæ*. Enimvero si *vota majora haberi nequeunt*, ob diversarum scilicet sententiarum pluralitatem, cum tamen curandum sit, ut negotium exitum habeat; plus valere debent illa vota, quibus pauciora adversantur, (*Wolffii Instit. J. N. & G.*) Ll quam

quam quibus plura, ideoque *sequendum erit id, quod paucioribus displicet*; cum sequi non liceat id, quod plurimis placet, veluti si tres reum damnent in viginti florenos, quatuor in decem, duo absolvant, prævalere debet secunda, quæ quinque sibi vota adversa experitur, primæ sex, tertiæ septem contrariis,

§. 844.

*De votis
absentium.*

Qui absens est, nec ad consultationem vocatus votum suum alteri præsentì committit, aut præsens suffragium ferre non vult, aut alio modo ferre impeditur, cum in casu primo tacite, in secundo expresse juri votandi renunciaret (§. 340.), idque facere liceat (§. 342.), in tertio autem jus non habeat; ejus in votis numerandis nulla habenda ratio est. Vulgo dicitur: vota absentium, aut cum Grotio, jus absentium accrescere præsentibus. Habetur vero præsens, qui votare non vult, vel non potest, pro absente. Possunt autem de votis ferendis multa conveniri ex pacto servanda (§. 348.).

§. 845.

*De voto-
rum in-
equali
valore.*

Quoniam duplicem socium repræsentat, qui ad finem societatis consequen-

quendum plus confert aliis sociis, & ita porro; si quis ad finem societatis consequendum plus confert aliis sociis, valor voti æstimandus est in ratione collati sui ad collatum minimum. Atque hinc porro intelligitur, si rem, in qua fundamentum habet societas, non æqualiter omnes participant, vota æstimanda esse in ratione ejus, quod unus quisque participat, veluti si in fundo alius partem dimidiam, alius sextam, alius tertiam habeat, quo in casu vota erunt ut 3. 1. & 2.

§. 846.

Conventiones sociorum de iis, quæ finis consequendi causa semper eodem modo fieri debent, leges sunt (§. 39.). Quælibet itaque societas suas habere debet leges, & eidem competit jus ferendi leges (§. 841.). Quoniam itaque leges præscribunt media, quibus finis societatis obtinetur; sine legum custodia salus societatis subsistere nequit, nec transgressio earundem ferenda (§. 837.), consequenter societati quoque competit jus sancienti pœna legum observantiam (§. 35.), & per consequens transgressores legum puniendi. Hinc porro conficitur,

Ll 2

citur,

De legibus
societatis.

citur, qui in societatem recipitur, eum vel expresse promittere debere, vel tacite promittere intelligi legum observantiam. Cum vero leges vim suam habeant a consensu sociorum; societati integrum est leges, quando visum fuerit, tollere & immutare, atque novas etiam condere.

§. 847.

De concordia sociorum.

Cum concordēs dicantur, qui idem volunt, aut nolunt; discordēs vero, quorum voluntas & noluntas in diversa abit; consequenter socii concordēs sint, si legibus societatis se subjiciunt (§. 846.), eorumque vota vel unanimia fuerint, vel si majoribus se non opponunt (§. 842.), iidem concordēs esse debent (§. 846. 843.). Hinc autem porro patet, concordia sociorum salutem societatis conservari (§. 837.).

§. 748.

De mutuo adiutorio.

Adjutorii nomine veniunt actus, quibus vel ad factum alterius concurrimus vel bonum alterius promovemus. Ideo mutuum adiutorium est, quod duo, vel plures sibi invicem præstant. Socii igitur ad mutuum adiutorium obligantur (§. 837.).

§. 849

§. 849.

Si finis societatis illicitus est, societas quoque illicita est (§. 49.). Ex societate autem illicita nulla nasci potest obligatio, nec jus acquiri ullum.

§. 850.

Quoniam in societate socii conjunctis viribus agunt (§. 836.); *quaelibet societas spectanda est instar unius personæ.* Quamobrem cum homines naturaliter liberi sint (§. 77.), & dum societatem contrahunt, sese sibi invicem tantummodo obligant, non aliis (§. 836.); *quaelibet societas naturaliter libera est.* Ac propterea *societates plures diversæ spectandæ sunt tanquam personæ singulares liberæ.*

§. 851.

Cum omnium sociorum actiones tendant ad finem societatis (§. 836.); *perfectio societatis consistit in aptitudine finem ejus consequendi (§. 9.), æstimanda ideo ex sufficientia virum, quas socii conjungunt.* Atque hinc sequitur, *ut ad societatem quamlibet tot requirantur personæ atque tales, quot & quales ad finem societatis consequendum sufficiunt.*

Ll 3

§. 852.

§. 852.

*Quando
a socia-
tate di-
scedere
liceat.*

Cum finis societatis, quatenus obtineatur, bonum societatis commune sit (§. 837.); si quid sit, quod fini consequendo adversatur, damnum societati datur (§. 269.). Quamobrem cum nemo sociorum damnum societati dare debeat (§. 837.); a societate recedere non licet, cum damno sociorum, immo si ita fuerit conventum, nunquam recedere licet sine sociorum consensu (§. 438.). Et quoniam alio æque idoneo in locum suum substituto damnum societati non datur; a societate discedere licet, si quis socium alium æque idoneum in locum sui substituit.

§. 853.

*De socio
exclu-
dendo.*

Quoniam socius a pacto, quo societas nititur (§. 836.), discedit, si præstare nolit, ad quod præstandum vi societatis tenetur (§. 442.); ex societate ea de causa excludi potest. Et si socius unus solo arbitrato suo omnia fieri velit, cum tunc auferre velit ceteris jus suum (§. 841.), quod pati ceteri minime tenentur (§. 100.); eundem excludere licet, vel etiam ei, qui hoc pati non vult, a societate discedere (§. 442.).

CAPUT

CAPUT II.

DE

MATRIMONIO, SEU SOCIETATE
CONJUGALI.

§. 854.

Cum membra genitalia utriusque sexus genus humanum faciant aptum ad speciem suam conservandam, & præterea homines, perinde ac animalia cetera, natura ferantur ad coniungendum usum membrorum genitalium, qui ad procreandam sobolem requiritur; *homines universim spectati obligantur ad speciem suam conservandam, & singuli ad coitum non appetendum, nisi sobolis procreandæ causa (§. 43.), consequenter coitus omnis, qui solius voluptatis percipiendæ gratia appetitur, omnisque membrorum genitalium usus eodem fine factus illicitus.* Hinc *fornicatio*, seu *fornicatio*, qui est concubitus cum *meretrice*, hoc est, *scæmina* se pluribus prostituente; *stuprum*, qui est concubitus cum *scæmina* soluta pluribus sese non prostituente; *sodomia*, concubitus hominis cum *bestia*; *pædestria*, concubitus *masculi* cum *mare*; *mastrupatio*, qua homo *propriis* manibus venerem secum exercet;

De obligatione generis humani conservandi & coitu licito.

cet, lege naturæ prohibentur, ac ideo actus naturaliter illiciti sunt (§. 49.).

§. 855.

De edu-
catione
prolis &
modo
propa-
gandi ge-
nus hu-
manum

Infantes in lucem editi nondum apti sunt ad sibimet ipsi prospiciendum de iis, quibus ad conservationem sui indigent, & ad actiones suas juxta naturæ legem determinandum, seu ad vitam hominis ex sese vivendum. Quamobrem cum homines speciem suam conservare debeant (§. 854.); qui prolem generant eandem quoque aptam efficere debent ad vitam hominis ex sese vivendum, consequenter cum studium, quo id efficitur, educatio sit, qui prolem generant, eandem quoque educare debent. Unde sequitur, ut, qui prolem per concubitum illicitum genuit, veluti stuprator, eandem educare obligetur. Cumque ad educationem & matris & patris cura atque industria requiratur, uterque etiam ad educationem prolis conferre debet, quantum potest. Quoniam itaque concubitus promiscuus est, si scemina quemvis concubere secum volentem admittit, sicque incertus est; genus humanum per concubitum promiscuum propagari minime debet, consequen-

cap. 5. x. de
eo qui stuprat in
matrimonio
eum quem
polluit ad-
ulterio
§. 2. De
agnos. l. alien
bis liberis

quenter sobolis procreandæ ac educandæ gratia inter marem & fœminam societas ineunda (§. 836.).

§. 856.

Societas inter marem ac fœminam, sobolis procreandæ ac educandæ causa inita, dicitur *Societas conjugalis*, seu *Matrimonium*. Quamobrem ad prolem generandam inepti sive per ætatem, sive ob vitium quoddam corporis, matrimonium contrahere nequeunt; & si qua alia de causa inter marem & fœminam contrahitur societas, veluti mutui adjutorii in re œconomica & aliis vitæ humanæ casibus gratia, ea *matrimonium non est*.

Matri. l. 1. §. 1. de matrimonio patria quid sit potest. & qui. nam con. trahere possint. l. 59. §. 1. de iur. dotum.

§. 857.

Quoniam matrimonium non contrahendum, nisi sobolis procreandæ & educandæ causa (§. 855. 856.), experientia autem domestica constat, genus humanum abunde propagari per *monogamiam*, hoc est, si matrimonium inter marem unum & fœminam unam contrahatur, eademque educationi prolis axime convenit (§. 855.), & imaginem quoque juris naturæ conspiciamus in utrisque, quando mas & fœmina ad prolis

An matrimonium uni consistere debeat in monogamia,

educationem concurrere tenentur; *quin legi naturæ consentaneum sit, ut matrimonium contrahatur inter scēminam unam & marem unum, dubitandum non est, consequenter polygamia, matrimonium personæ unius cum pluribus contractum, legi naturæ parum convenit, & si solius voluptatis percipiendæ causa contrahitur, manifesto illicita (§. 854.).*

§. 858.

De obligatione
& jure
conjugum
in
matrimonio.

Qui matrimonium contraxerunt, communi nomine *Conjuges* appellantur; & mas in specie *Maritus*, scēmina *Uxor*. Quando igitur *matrimonium* contrahitur, mas scēminæ & scēmina maris se obligat, quod corporis sui usum generationis causa velint sibi invicem & quidem solis concedere, atque ambo ad educationem prolis conferre, quod possunt (§. 856. 855.), consequenter scēmina in marem, mas in scēminam transfert jus in corpus suum quoad hunc usum. Cumque ideo jus alterius conjugis violetur, si unus conjugum cum persona alia coitum celebret (§. 83.); *injuriam eidem facit* (§. 87.), atque a pacto, quo matrimonium contractum (§. 836. 856.), discedit (§. 442.).

§. 859.

1. Cor. VII, 4.
Debitum conjugale.
Debitum conjugale.

§. 859.

Concubitus personæ conjugatæ cum ^{Adulterium} *Adultera* sive soluta, sive conjugata, altero ^{num sit} *conjugate* in scio, vel invito, ^{illicitum.} *Adulterium* dicitur. *Adulterium* itaque *illicitum* est. *Adulter* tamen *prolem ex adulterio genitam educare tenetur* (§. 855.).

§. 860.

Pellices dicuntur *fœminæ*, quas *ma-* ^{De pellice. l. 174.} *ritus* præter uxorem concubitus causa ^{catu. de y. s.} *abet*. Cum per *pellicatum* intendatur *rimario* voluptatis *venereæ* perceptio; undem *naturaliter illicitum* esse patet (§. 854.), *nec concubitus cum pellice ab adulterio differt* (§. 859.).

§. 861.

Liberi ex matrimonio nati *legitimi* di- ^{De differe-} *untur*; extra matrimonium prognati, ^{rentia li-} *eluti* ex stupro, adulterio, *spurii*; ex ^{berorum.} *meretricibus* vero geniti *vulgo quæsi*.

§. 862.

Pudicitia dicitur *animus* ab omni ^{De pudici-} *concubitu illicito alienus*; *Impudicitia* ^{cia &} *animus* in concubitum illicitum pro- ^{virginitate ac} *us*. *Virginitas* vero appellatur im- ^{jura eam} *munitas* ab usu membrorum genitalium ^{defen-} *in* ^{dendis.}

in coitu cum mare; quæ ideo in primo coitu amittitur. Patet igitur, si virgo vi comprimitur, virginitatem eidem vi eripi; si vidua, vel conjux, pudicitiam ejus violari, consequenter virgini competere jus virginitatem, viduæ ac conjugi pudicitiam defendendi (§. 46. 90.), idque infinitum (§. 94.), consequenter stupratorem violentum occidere licet, si periculum aliter evitari non possit.

§. 863.

Quomo-
do matri-
monium
perficia-
tur.

Cum matrimonium pacto contrahatur (§. 856. 836.); mutuo maris ac fœminæ consensu naturaliter perficitur (§. 438.), consequenter ad declarationem consensus mutuam copula carnalis, quæ est conjunctio corporum maris & fœminæ, qualis ad generationem requiritur, statim accedere potest.

§. 864.

De spon-
salibus.

Pactum de matrimonio ineundo dicuntur Sponsalia; & personæ, quæ ita contraxerunt, Sponsus & Sponsa. Quamobrem ex sponsalibus oritur obligatio ad matrimonium ineundum, prouti conventum fuerit (§. 393.), & mutuo tamen dissensu sponsalia dissolvi possunt (§. 444.), si sibiina fuerint celebrata, priora præferuntur

f. c. x. d. de spon-
salibus.
c. xx. x. cod.

runtur (§. 421.), quod si vero persona, in
cujus præjudicium posteriora fuerunt ce-
lebrata, jus suum remittit, quod facere
utique potest (§. 342.). posteriora sunt va-
lida (§. 337.). Patet vero, si personæ non
conjugatæ in copulam carnalem consen-
tiunt, naturaliter easdem matrimonium
actum contraxisse (§. 863.). Cum sponsa-
lia contrahendo matrimonium promit-
tatur; tot modis fieri possunt, quot pro-
mitti potest, & de iisdem valent, quæ
de promissionibus ostensa fuerunt.

§. 865.

Arrhæ sponsalitiae dicuntur, quas *De ur. l. 3. c.*
sponsus sponsæ, & sponsa sponso dat; *rbis & de sponsa*
Munera autem *sponsalitia* sunt dona, *muni- l. 16. c.*
quæ persona desponsata una alteri dat, *bus spon- de donat*
ad declarandum amorem. Dantur ita, *salitii. ante*
que *arrhæ sponsaliorum probandorum*
& *confirmandorum causa* (§. 619.), & si
in iis dominium transfertur, ea simul ra-
tionem muneris sponsalitii habent (§.
475.). Cum munera sponsalitia dentur
spe matrimonium consummatum iri;
sub tacita hac conditione data intelligun-
tur, ut restituantur, si matrimonium
consummari non contingat, nisi expresse *l. 16. c. & d.*
aliud dicatur (§. 318.), consequenter si
spon-

sponsalia dissolvuntur, arrhæ & munera sponsalia sunt restituenda.

§. 866.

*De cohabitacione
& æconomia
conjugali.*

Res domesticæ dicuntur, quibus utimur ad vitæ necessitatem, utilitatem ac jucunditatem; & earum administratio Oeconomia vocatur. Quoniam conjuges sine coitu prolem generare nequeunt, & prolem communi cura educare (§. 855.), consequenter & conjunctim de rebus ad vitam necessariis eidem prospicere, atque impensas in educationem facere tenentur (§. cit.); ideo cohabitare & ækonomiam communem habere debent, & uterque conjux ad res domesticas acquirendas, comparandas & conservandas conferre debet, quantum potest. Ac propterea usus rerum ab utroque conjuge acquisitarum communis est, quantum ad ækonomiam communem sufficit, res tamen ipsæ, quæ usu consumuntur, uniuscujusque propriæ manent. Ceterum hinc apparet, etiam uxorem, quantum datur, acquirere debere ad communem ækonomiam & liberorum educationem necessariam.

§. 867.

*De rebus
conjugum.*

Cum unusquisque alteri jus prohibitu

libitu constituere possit in rebus suis (§. 260.); *uxor* quoque *marito* *jus pro libitu constituere potest in bonis suis*, veluti *usumfructum* (§. 713.), & *contra*. Immo *de bonis suis, quæ habent, dum matrimonium contrahunt, vel quæ durante matrimonio acquiruntur, pro libitu convenire possunt* (§. 195.), veluti *ut sint communia*.

L. 16. §. 5. De aliment. legatis

§. 868.

Cetera matrimonii dicuntur omnes *De oneribus matrimonii.* *impenſæ matrimonii causa faciendæ, consequenter communis œconomix & educationis liberorum causa* (§. 866.): *id* *quas impenſas cum uterque conjux conferre debeat ratam suam, prouti circumstantiæ permittunt* (§. cit.); *con-* *L. 20. C. De iur. conjug. conjunctim onera matrimonii fer-* *dati.* *e tenentur pro modo facultatum suarum.*

§. 869.

Cum Conjuges cohabitent, & non modo corporum suorum in generanda *De præstatione officiorum humanitatis & mutuo adjutorio.* *role, verum etiam rerum suarum usum inter se communicent* (§. 858. 66.), & *sic arctius inter se uniantur, quam cum persona nulla alia conjuncti sunt; sese invicem quoque sibi obligasse intel-*

intelliguntur ad quævis officia humanitatis præstanda, in quibus itaque, accedente ad obligationem naturalem contracta, conjux unus alterum præferre debet in casu collisionis: nec sine injuria eadem non præstantur (§. 87); cum respectu conjugis sint perfecte debita (§. 667.). Atque in præstatione horum officiorum & eorum, quæ matrimonii causa alias fieri debent simul sumtorum mutuum adiutorium conjugum consistit (§. 848.).

§. 870.

De impetio seu potestate maritali.

Quoniam ex pacto, quo matrimonium contrahitur, eadem nascuntur jura & obligationes conjugum (§. 856. & seqq.); *matrimonium societas æqualis est (§. 839.), & quæ in ea fieri debent, communi consensu determinanda, consequenter imperium conjugale, quod ex societate conjugali nascitur (§. 838.), mutuum conjugum in se invicem est: quatenus tamen uxor jus suum remittere potest (§. 342.), maritus idem pacto acquirere potest vel expresso, vel tacito, quatenus tacite in mores consentitur, tuncque uxor subiecta marito (§. 835.).*

§. 871.

De diversis

Cum conjuges liberos educare teneant.

eantur (§. 855.); *matrimonium dissolvi & sequitur, liberis nondum educatis* (§. 444. ^{cundis nuptiis.} 56.), consequenter *nec marito pro lubitu uxorem dimittere, nec uxori licet pro libitu a marito discedere* (§. 444.). Inimvero cum nulla obstat ratio, quominus dissolvatur, *si nulli adhuc geniti sint liberi, aut qui nati fuerant, mortui* (§. 856.); in eo casu *naturaliter matrimonium dissolvi potest*. Cum adulterium committens a pacto discedat (§. 859.); *propter adulterium matrimonium dissolvi potest, salva tamen obligatione educandi liberos legitimos; quippe a qua nemo se facto suo liberare potest* (§. 100.). Cum conjux alterum *malitiosæ deferens, vel debitum conjugale*, quod in actuali copula carnali consistit, præstare recusans a pacto discedat (§. 856. 444.); *propter malitiosam desertionem & debiti conjugalis delegationem matrimonium dissolvi potest*. In statu naturali, vi libertatis naturalis, *unicuique permittendum, ut matrimonium pro lubitu dissolvat* (§. 78.). Quoniam matrimonio dissoluto mutua conjugum obligatio cessat (§. 444.); *utraque pars cum personâ alia matrimonii* (Wolfii instit. J. N. & G.) Mm mo-

1. Cor. vii, 13.

monium contrahere potest. Et quia per se patet, *morte conjugis unius dissolvi matrimonium*; ideo quoque *viduus vel vidua ad secundas nuptias*, quæ dicuntur, *transire potest*, consequenter *polygamia successiva*, quæ vocari solet, *licita*. Dicitur autem dissolutio matrimonii *Divortium*; sicuti dissolutio sponsaliorum *Repudium*. Quoniam vero conjux superstes ab obligatione educandi liberos ex priori matrimonio susceptos liberari nequit (§. 38.); *si ad secundas nuptias transitur*, *novus conjux liberorum ex priori matrimonio natorum curam gerere*, & nisi propriæ bona habeant, *sumtus educationis de suo sustentare tenetur*; cum nonnisi sub hac conditione matrimonium contrahi possit.

§. 872.

De partu agnoscendo.

l. 6. de his, qui faciunt vel alieni iuris

Matrem certam esse, quod proles ex se nata sit, per se patet. *Pater prolem agnoscere dicitur*, si eam ex se genitam vel expressis verbis, vel ipso facto declarat; & *agnoscere tenetur, quamdiu probare nequit, eam ex adulterio natam esse*. Similiter *stuprator, qui concubitus fatetur eo tempore factum, quo-*

quo stuprata concepisse præsumitur, cum præsumptionem elidere teneatur, parum agnoscere tenetur, donec probaverit eam isto tempore cum alio, vel pluribus adhuc rem habuisse: si vero concubitum neget, fœmina eundem probare lebet, juramenti scilicet delatione, testibus quippe deficientibus (§. 783.).

§. 873.

Quoniam factum alienum, ad quod *De im-*
nullo modo concurrat, nemini imputatio-
ari potest (§. 3.); factum unius conjugum ne factio-
is imputari nequit alteri, ad quod non rum a
concurrat, nec factum liberorum paren- bu. &
ibus, nec parentum liberis, consequen- liberis.
ter nec conjux propter factum conjugis,
nec parentes propter factum liberorum,
nec liberi propter factum parentum pu-
iri possunt, consequenter nec liberis
imputari potest, quod ex concubitu ille-
gitimo nati, nec naturaliter a parenti-
us macula quædam in ipsos derivatur.

§. 874.

Cum donationes a libera voluntate *De con-*
donantis dependeant (§. 475.); eadem jugum
inter conjuges naturaliter illicitæ non donatio-
nt. nitæ.

CAPVT III.

DE

COGNATIONIBUS ET AFFINITATIBUS.

§. 875.

De co-
gnatis
& eorum
stipite.

Cognati dicuntur personæ, quæ vel continuo a se invicem, vel ab una persona, von vero a se invicem per generationem descendunt. Persona autem, a qua aliæ per generationem descendunt, *Stipes communis* appellatur qui adeo in *masculinum* & *fæmineum* dividitur. A stipite masculino descendentes in specie *Agnati* vocantur.

§. 876.

Delincis
cogna-
tionum.

Series personarum per continuas generationes a se invicem descendentium dicitur *Linea recta*, quamdiu in se spectatur; eaque vel *ascendens*, vel *descendens*, prouti vel ascenditur ad eas personas, a quibus per generationem descendis, vel descenditur ad eas, quæ a te descendunt. Duæ autem lineæ rectæ in communi stipite concurrentes, quando ad se invicem referuntur, dicuntur *linea obliqua*; quasi sint duæ partes ejusdem lineæ.

§. 877.

Defa-
milias.

Personæ omnes, quæ ab eodem stipite descendunt in pluribus rectis, simul sum-

imæ faciunt *Familiam stipitis*, veluti
imiliam patris, quæ a patre meo; *fa-*
miliam avi, quæ ab avo meo & ita por-
 o descendunt.

§. 878.

Cognati directi dicuntur personæ *Deco-*
 i eadem linea recta constitutæ; *cogna-* *gnatione*
i autem a latere, sive *collaterales* per- *directa*
 onæ, quæ sunt in lineis ad se invicem *& colla-*
 obliquis, seu, ut vulgo dicitur, in *terali.*
 linea obliqua.

§. 879.

Diversitas cognationis inter stipi- *De gra-*
em & personam quamcunque in linea *dibus co-*
recta oritur ex numero generationum, *gnatio-*
per quas a stipite descendit (§. 875.). *nis in li-*
 Quamobrem cum ea *gradus* dicatur, *nea re-*
generatio facit gradum, ac persona de- *cta.*
scendens stipiti in eo gradu cognata est,
quem indicat numerus generationum,
per quas a stipite descendit: ita filius patri
 cognatus in primo gradu, avo in secun-
 do, proavo in tertio. Atque hinc intel-
 igitur, quinam *cognati* sint propiores
 quinam *remotiores*, quinam *proximi*.

§. 880.

Gradus superioris ordinis sunt, qui *De gra-*
 obtinent in cognatione personæ alicu- *dibus su-*
 jus *perioris* *grad.*
& infe-

rioris ordinis. jus cum aliquo ascendente; ast *inferioris ordinis*, qui obtinent in cognatione cum aliquo descendente. Dicuntur autem cognati ordinis superioris in linea recta communi nomine *Parentes*; cognati ordinis inferioris *Liberi*.

L. 51. de V. S.
L. 220. de V. S.

§. 881.

De gradibus familiarum.

Cum generatio gradum faciat (§. 879.); *eadem numero gradus in lineis obliquis simul sumti gradum familiarum faciunt*. Ita liberi omnes primi gradus constituuntur in primo gradu familiarum, patris nimirum sui; horum autem liberi in secundo gradu familiarum, quæ est familia avi, cujus illi sunt liberi secundi gradus. *Continet autem familia avi familiam patris mei, & familia proavi familiam avi & patris, ac ita porro.*

§. 882.

De gradibus in linea inæquali

Linea obliqua dicitur æqualis, quando duæ lineæ rectæ in eodem stipite terminatæ æquales sunt; ast *inæqualis* si hæ fuerint inæquales. Cum cognati collaterales ideo cognati sint, quia ab eodem stipite descendunt (§. 878.); *collaterales in linea æquali inter se cognati sunt in eo gradu, in quo cognati sunt stipiti.*

piti. Enimvero si in linea inaequali remotior duobus, tribus, quatuor gradibus distet a communi stipite, propior uno; erit ille huic cognatus in gradu secundo, tertio, quarto familiae patris sui: quod si propior a communi stipite distet duobus gradibus, remotior tribus, quatuor &c, erit hic cognatus in gradu tertio, quarto &c. familiae avi sui, & ita porro (§. 877. 881.). Unde sequitur, ut cognatus mihi in gradu quocunque familiae patris mei uno gradu mihi propior sit, quam cognatus in eodem gradu familiae avi mei, & duobus gradibus propior, quam cognatus in eodem gradu familiae avi mei, & ita porro. Atque hæc est famosa illa graduum computatio canonica, naturæ maxime conformis, quæ recte attenditur in iis causis, in quibus ratio habenda propinquitatis sanguinis, veluti in matrimonialibus & criminalibus.

§. 883.

Cum omnis cognatio prodeat a generatione (§. 875.); naturalis cognatio eadem est, sive quis ex matrimonio fuerit natus, sive concubitu quocunque illicito. Quamobrem hæc etiam atten-

Decog-
natione
ex illicito-
Lst. de
to concu-
bitu na-
upt.
torum.

denda venit, ubi propinquitatis sanguinis ratio habetur.

§. 884.

De affinitate.

Quoniam conjuges arctissime uniuntur, ut singulari quodam modo spectentur tanquam una persona (§. 858.); cognati unius conjugis eundem quasi respectum habent ad conjugem alterum, quem ad illum habent. Hic respectus cognatorum conjugis unius ad conjugem alterum cum *Affinitas* dicatur; *cognati conjugis unius sunt affines conjugis alterius, & in quo gradu persona quaedam cognata est conjugi uni, in eo affinis est alteri.* Per se autem patet, *affinitates contrahi per matrimonia, sive nuptias, nondum vero per sponsalia (§. 864.).*

§. 885.

De quasi affinitate.

Cum, qui copula carnali junguntur, sibi invicem concedunt usum corporis sui instar conjugum (§. 858.), qui copula carnali matrimonium consummant; *quasi conjuges sunt, consequenter personæ, quæ alteri carnali copula jungitur, cognati sunt hujus quasi affines.* Inde sequitur, *ut stupratori virginis quasi affinis sit soror ejusdem, & virgo stuprata affi-*

affinis fratri stupratoris. Copula carnalis quasi nuptiæ sunt, quas ideo quasi affinitas contrahitur (§. 884.).

CAPUT IV.

DE

SOCIETATE PATERNA ET POTESTATE PATRIA.

§. 886.

Cum parentes obligentur liberos, quos procreaverunt, conservare, ut adolecant, & eos aptos efficere, ut sibimetipsis prospicere possint de iis quibus ad conservationem sui indigent (§. 855.); *parentibus non competit jus enecandi infantes, nec jus infantes exponendi* (§. 51.).

An parentes habeant jus enecandi, aut exponendi liberos.

§. 887.

Similiter cum parentes liberos aptos efficere debeant, ut actiones suas juxta legem naturæ determinare valeant (§. 855.); *quamdiu liberi per se officiis satisfacere nequeunt, parentes actiones ipsorum determinare debent, consequenter iisdem competit jus in actiones liberorum.*

De jure parentum in actiones liberorum.

Mm 5

§. 888.

§. 888.

De patria potestate.

Jus parentum in liberos imperium quoddam est (§. 833. 887.), cumque ex obligatione educandi liberos oriatur (§. 855.); tam matri, quam patri commune (§. cit.). Dicitur vulgo *Potestas patria*, & per errorem longe ultra limites suos extenditur.

§. 889.

De obedientia liberorum & jure eos obligandi ac puniendi.

L. 5. C. de patria potestate.

Liberi igitur parentibus subiecti sunt, & iis obedire obligantur (§. 835.), cumque imperium, parentibus competens (§. 888.), involvat jus obligandi (§. 833.); *parentes liberos ad obedientiam obligandi, ac per consequens jus puniendi inobedientes habent* (§. 35.); quæ poenæ a parentibus inflictæ liberis *castigationes paternæ* appellantur: cum eadem emendatrices esse debeant (§. 93.); & intra officiorum liberis debitorum terminos coercendæ sint. *Legi autem naturæ adversa præcipientibus liberi obedire non tenentur* (§. 38.).

§. 890.

De liberis ad virtutem perducendis,

Cum *parentes liberos aptos efficere* debeant ad actiones suas juxta legem naturæ determinandum (§. 855.); eos *efficiis*

officiis erga seipsum, erga alios atque erga Deum adsuesfacere (§. 57.), & per consequens cum habitus actiones suas ad legem naturæ componendi Virtus sit, habitus contrarii vero vitia sint, eos ad culturam virtutis adducere, a vitiis vero avocare debent. Quamobrem cum maxima vis sit exemplorum, præsertim in tenellis puerorum animis; liberis exempla bona præbere, mala proderennine debent.

§. 891.

Similiter quia parentes liberos aptos efficere debent ad sibimetipsi prospiciendum de iis, quibus ad conservationem sui indigent (§. 855.); eos destinare debent certo vitæ generi, ad quod apti sunt, & omnem dare operam, ut carite addiscant, quæ id vitæ genus exigit.

§. 892.

Ex eadem ratione operam quoque dare debent pro virili, ut liberi consequantur bona fortunæ, & eos aptos efficiant ad eadem consequenda, consequenter curæ habere, ut fiant fortunati.

§. 893.

Cum parentes speciali obligatione li-
bero.

*a vitio
avocan-
dis.*

*De vitæ
generi
cui liberi
desti-
nandi.*

*De for-
tuna li-
berorum
promo-
venda.*

*De amo-
re libera-*

rum suo-
tam.

berorum suorum ac status eorundem perfectionem promovendi teneantur (§. 855.), & hominibus perinde ac brutis natura insitus sit amor prolis suæ, qui *σεργή* appellari solet; *liberos suos non modo amare debent parentes, sicuti ceteros homines* (§. 136.), *verum etiam eos in amore, ac per consequens officiis omnibus, qui aliis debentur, ceteris præferre* (§. 44.).

§. 894.

De offi-
cio libe-
rorum
erga pa-
rentes.

Quoniam liberi non modo parentibus debent vitam suam, sed propter educationem etiam eos agnoscere debent maximos benefactores suos, (*per demonstrata in antecedentibus vi* §. 470. 471.); ideo *gratum erga parentes animurn habere debent, & quacunque data occasione ipsis, quantum possunt, vicissim benefacere, eosdem amare, magnificere ac singulari honore prosequi, qui Reverentia filialis dici solet* (§. 474.).

§. 895.

An ma-
trimoni-
um inter
parentes
& libe-
ros lici-
tum.

Reverentia filialis cum consistere nequeat cum illa familiaritate, quæ inter conjuges intercedit; *matrimonium quocunque inter liberos & parentes naturaliter illicitum.* Nimirum ob immutabilia-

bilitatem obligationis naturalis (§. 38.),
*lege naturæ matrimonia permissa non
 sunt, quæ tollunt, aut labefactant offi-
 cia, quæ pars una alteri debet.*

§. 896.

Quoniam sumtus in educationem fa- De pro-
videntia
 ciendi a parentibus debentur (§. 855.); paren-
 iisdem curæ esse debet, ut, si ipsos mo- tum cir-
 ri contingat, antequam liberi fuerint ca educa-
 educati, ipsis relinquunt bona, de qui- tionem
 bus sumtus educationis sustentari pos- libero-
 sunt, & curam educationis atque admi- rum in
 nistrationis bonorum, quæ ipsis relin- casum
 quunt, aut quæ aliunde iisdem obve- mortis.
 niunt, personis aliis demandare, quas
 eam diligenter curaturos confidunt.

§. 897.

Cum generis humani propagandi De cura
 causa generentur homines (§. 854.); educatio-
 parentes superioris gradus generarunt nis pa-
 liberos, ut ex iis porro procreentur alii. rentibus
 Quamobrem cum prolis educatio a ge- superio-
 neratione inseparabilis sit (§. 855.); si ribus &
 parentes moriantur, antequam liberi cognatis
 fuerint educati, parentes superioris gra- incum-
 dus eos educare obligantur, aut his præ- bente.
 defunctis, cum beneficia etiam reddan- S. S. 2. de ag.
vel alien. Li
 tur

tur parentibus in liberis ipsorum, cognati curam educationis in se suscipere debent (§. 894. 875.).

§. 898.

De tutoribus

Tutores dicuntur personæ, quibus educatio pupillorum curæ est; & *pupilli*

vocantur liberi nondum educati, quorum parentes defuncti, aut qui uno saltem, præsertim patre, orbi. Atque jus educandi liberos parente orbos *Tutela* dicitur. Dicuntur autem

Tutores testamentarii, qui voluntate ultima parentum constituuntur; *legitimi*,

qui jure cognationis tales sunt; & *dativi*, qui in statu civili a magistratu dantur.

Quodsi liberi ea sint ætate, ut bonorum administrandorum causa saltem, aut potissimum aliena ope indigeant, cum persona, cui competit jus bona alterius administrandi, quæ vel propter ætatem, aut corporis quoddam, vel animi vitium rebus suis ipsa met præesse nequit, *Curator* dicatur; in

Jure Romano curatores a tutoribus distinguuntur: *nostris* tamen *moribus tutela tamdiu durat, donec educatio prorsus absoluta*; id quod Juri naturæ convenientius.

§. 899.

§. 899.

Quoniam *Vicarius* dicitur, qui vi- De offi- L. 13
cio tuto- de le
rum. gationis
cibus alterius fungitur; *tutores sunt vi-*
carii parentum defunctorum in educatio-
ne pupillorum, ac per consequens idem
ipsis curæ esse debet in educandis liberis,
quod parentibus, nisi quod proprios sum-
tus in eandem facere non teneantur; cum L. 3. § 6. ab
Pup: educat de
le ad
nulla ad sit ratio, cur quis liberos alienos
suo sumtu educare debeat. Nimirum si
pupilli propria habeant bona, non opus est,
ut alieno sumtu educentur; cum alteri
præstanda non sint, quæ ipsemet in po-
testate sua habet (§. 133.): si iisdem ca-
reant, quoniam mendici sunt (§. 487.),
de eleemosynis prospiciendum ipsis est (§.
488. 491.). Distinguendum vero est,
quod tutoribus faciendum, ab eo,
quod parentibus superioris gradus in-
cumbit (§. 897.).

§. 900.

Cum non repugnet, ut tutori uni De tuto-
rum di-
versitate.
tantummodo cura educationis, alteri
administratio bonorum committatur,
ne unus nimium oneretur, immo ut
melius consulatur pupillo, alii saltem
inspectio tutelæ demandetur; alii sunt
Tuto-

generalis ad-
ministrator
generalis.

Tutores educatores, alii administratores, alii inspectores. Educatores & administratores communi nomine Tutores inferiores; inspector autem Tutor superior, seu honorarius dicitur. Et, si plures fuerint tutores, a parentum, vel constituentium voluntate dependet, utrum tutelam inter eos dividere, an iis conjunctim indivisam committere vel dividendam tuteli sint (§. 314.).

L. 3. §. 2. de
administra-
tione Tutori:

L. 2. Cod. de
dividenda tutela

§. 901.

De inba-
bilitate
tutorum.

Excusationes
necessariae.

non solum
in iudicio
sed et in
re ipsa
non solum
in iudicio
sed et in
re ipsa

Excusationes
voluntariae.

Quia tutores pupillos ad virtutem perducere, a vitiis avocare debent (§. 890. 899.); ad tutelam inhabiles sunt, qui vitiis dediti, aut propter aetatem, vel animi quoddam vitium aut corporis ipsimet tutore vel curatore indigent: cumque nemo obligari possit ad id, quod in potestate sua non est (§. 60.), aut non nisi cum neglectu officii erga seipsum praestare potest (§. 133.); a tutela excusantur, qui ob infirmitatem corporis, vel ob aetatem nimis propectam aut multitudinem negotiorum tutelam ea diligentia, quae requiritur, administrare nequeunt.

§. 902.

De inven-
tario
conficien-

L. 4. §. 1. de
administra-
tione Tutorum.

Inventarium dicitur consignatio bonorum pupilli vel curandi administratorum.

dorum. Ut igitur constet, quænam administranda fuerint; *tutor inventarium conficere debet.*

§. 903.

Cumque tutor bona pupilli administrare debeat omni diligentia, ne damnum pupillo detur (§. 21. 269.), ut de eadem constet; *rationem administrationis singulis annis reddere tenetur.* Et quia is, cuius bona administrat, dominus est; *bona Puppilli immobilia alienare nequit* (§. 257.): quoniam tamen in administrando personam pupilli repræsentat, ac ideo ea facere tenetur, quæ ipse necessitate urgente facere cogetur; *si ea adsit necessitas, quæ ipsum pupillum ad alienandum cogit, eadem alienare potest, consequenter si æs alienum solvendum, nec ex rebus aliis solvi possit, si sumtus in educationem ex rebus aliis fieri nequeant, si prædii reficiendi causa contrahendum sit æs alienum & usura prædium inutile reddant.* Ut vero tutor omnem suspicionem a se amoveat; *si res pupillares distrabendæ, a peritis taxandæ & tutori curæ esse debet, ut inveniat emtorem justum pretium offerentem* (Wolffii Instit. J. N. & G.) Nn tem.

De alienatione bonorum pupilli.

L. 22. de admiss. Tutor.

tem. Enimvero cum patrimonium pupilli conservare & quantum in potestate est, amplificare debeat (§. 208.); bona mobilia supervacua, ac ea in primis, quæ servando servari non possunt, vendere, ac pecuniam inde redactam vel sænori dare, vel in emtionem prædiorum collocare debet, nisi pater res quasdam alienari expressè prohibuerit, nec ulla eas alienandi necessitas adsit (per demonstrata).

L. 22. C. de adm. m. p. bonor.

§. 904.

Si tutor dolo, vel culpa damnum in administratione dederit, id resarcire tenetur (§. 270.), cumque hoc respectu sit debitor pupilli (§. 336.); naturaliter pupillo bona tutoris obligata sunt pro iis, quæ finita tutela ipsi restituenda (§. 705.).

L. 1. de tutela y mmo a rad. d. i. tutore dato.

L. 20. C. de adm. m. p. bonor.

§. 905.

Cum tutori, vel curatori competat administratio bonorum (§. 898.); pupillus sine consensu tutoris, & qui curatorem habet, sine consensu curatoris se alteri ad aliquid præstandum obligare nequit. Quoniam vero administratio ideo committitur tutori, vel curatori, ne pupillus, aut curandus defraudetur (§. cit.); si is alterum sibi obligavit ad aliquid præstandum,

De pupillo, vel aliis ei dem obli. gandis.

L. 1. de v. b. p.

L. 59. de d. et A.

dum, vel cum eo in commodum suum contraxit, actus validus est. *l. 9. §. 2. in ad-
scriptation*

§. 906.

Quoniam nemo alteri gratis facere te-
netur, si is vicissim dare possit (§. 473.),
per se autem patet, tutelam haud exi-
guum esse onus, præsertim si ampla
fuerit bonorum administratio; *natura-*
liter illicitum non est, ut tutori, vel cu-
ratori pro administratione, si ampla sint
bona pupilli, salarium aliquod constitua-
tur. *De sala-
rio &
bonora-
rio tuto-
ris.*
Cumque beneficia, qualis est ad-
ministratio tutelæ, si ea gratis fiat, sint
rependenda (§. 474.); *æquum omnino*
est, ut finita tutela pro eadem fideliter
ac utiliter gesta honorarium quoddam
solvatur (§. 525.).

§. 907.

Et quia pupillus, vel curandus locu-
pletior fieri nequit ex re tutoris, vel
curatoris (§. 271.); *pupillus & curan-*
aus obligantur tutori & curatori resti-
tuere impensas administrationis causa-
factas, & damnum occasione ejus da-
tum resarciendum, adeoque si pupilli,
vel curandi causa res proprias oppigno-
ravit tutor, vel curator, aut fidejussit,
*De inde-
mnitate
tutoris
& cura-
toris.*
*l. 3. §. 1. de tut. et
tut. distrak.*
*l. 3. §. 1. de
contraria tut.
admissa*
*l. 6. de contrari-
et solut. h. art.*

*L. 6. de
contr.* finita tutela, vel cura eum liberare tene-
tur pupillus, vel curandus.

§. 908.

*De quasi
pacto tu-
toris.*

Tutor in administrationem tutelæ consentit expresse, dum eandem in se suscipit, & cum eam exigat manifesta pupilli utilitas, ejus consensus recte præsumitur (§. 686.). Tutela igitur acquiritur quasi pacto (§. cit.): unde perfecta etiam nascitur obligatio & jura perfecta acquiruntur (§. 687.).

*§ 2. In illis
de obligat.
quasi contr.*

§. 909.

*De socie-
tate pa-
terna.*

Non absimili modo ostenditur, inter parentes & liberos educationis causa intercedere quasi pactum, & per consequens inter eosdem societatem quandam, ipsa natura duce, contrahi: quæ societas paterna appellari solet. Ac ideo obligationes & jura ad educationem liberorum spectantia non solum officii sunt lege naturali præscripti, verum etiam ex quasi pacto, perinde ac ex pacto vero oriuntur (§. 687.). Educatio liberorum duplici modo spectatur, tum quatenus ad utrumque conjugem spectat, tum quatenus a parentibus in utilitatem liberorum fieri debet. Priori re-
spe-

pectu ad societatem conjugalem, posteriori ad paternam pertinet.

§. 910.

Quoniam parentes actiones liberorum determinare debent, quia ipsi in iis rite determinandis sibi non sufficiunt (§. 887.); successive autem eas ipsi per se determinare discunt; *potestas patria crescente ætate successive intra arctiores limites redigitur* (§. 888.): *id quod etiam de tutela valet* (§. 899.). Enimvero cum educatio non ante absoluta intelligatur, quam ubi liberi per se ea acquirere possunt, quæ ad vitæ necessitatem & commoditatem necessaria sunt (§. 855.); *quamdiu in domo paterna vivunt*, quia sibimetipsis nondum prospicere possunt de victu & amictu, aliisque necessariis vitæ subsidiis, *voluntati parentum subjiciuntur quoad ea, quæ ad domum spectant.*

§. 911.

Patria potestas cum parentibus nulla comperat, nisi quæ ex obligatione educandi liberos nascitur (§. 888.); *finita educatione patria potestas tollitur, & liberi fiunt sui juris*; consequenter etiam *tutela finitur.* Enimvero cum tam of-

An patria potestas parentum eadem.

De duratione patriæ potestatis & officiorum.

ficia parentum erga liberos, quam liberorum erga parentes lege naturæ præscribantur, (*per demonstrata*), consequenter obligatio ad ea prorsus immutabilis sit (§. 38.); officia liberorum erga parentes durant per omne vitæ tempus, nec minus parentum erga liberos officia ab educatione sejuncta perpetua sunt. Unde sequitur ut liberi, quamvis desinat obedientia, quam patria urget potestas (§. 889.), *toto tamen educationis tempore studere debeant, ut placeant parentibus.*

§. 912.

De consensu parentum ad matrimonium liberorum.

Quoniam liberi toto vitæ tempore studere debent in omnibus suis actionibus, ut placeant parentibus (§. 911.); *sine eorum quoque consensu matrimonium contrahere non debent*, cumque matrimonia non contrahant nisi ubi iudicium eorum jam satis maturum est, suo potius iudicio stare licet, quam parentum sine justa causa contradicentium (§. cit. & §. 78.), consequenter matrimonium dissensu parentum irritum effici nequit, ac ideo consensus eorum honestatis est (§. 49.), non necessitatis (§. 80.).

§. 913.

cap. 6. §. 2. de rationibus.

§. 913.

Cum filia nubentes in eum perdu- ^{De dote uxoris.}
cantur statum, quo parentes non am-
plius opus habent iisdem prospicere
de iis, quæ ad ipsarum conservatio-
nem requiruntur (§. 866.), onera au-
tem matrimonii conjuges conjunctim
ferre teneantur pro modo facultatum
suarum (§. 868.), & Dotis nomine ve- ^{L. 56. §. 1. De iure dotium.}
niant res, quas uxor affert ad maritum
onerum matrimonii sustinendorum
causa; si parentes filiam elocant, quæ ^{L. 69. §. 1. De iure dotium.}
propria bona nulla habet, pro modo fa- ^{L. fin. C. 3. De dotis promissione.}
cultatum suarum eam dotare debent;
non tamen tenentur, si maritus indota-
tam ducere velit, aut, quod per se pa-
tet, si non possint (§. 60.). Et quia pa-
rentum est judicium de facultatibus
suis (§. 78.); dotis determinatio tota ab
ipsorum arbitrio dependet. Quoniam
vero dos datur ad sustinenda onera
matrimonii; ususfructus saltem in ea
impendendus, & substantia salva esse de-
bet uxori, consequenter si pecunia, vel
res æstimata in dotem detur, cum usus
pecuniæ nullus sit, nisi erogari possit,
dominium dotis in maritum transfe-
rendum, & idcirco bona mariti natura-

liter oppignorata sunt pro dote (§. 705.). *Pacta*, quibus de dote convenitur, tum & aliis ad utilitatem conjugum spectantibus, vocantur *dotalia*. Cum in hisce regnet paciscentium voluntas (§. 667.); *de quibus in pactis dotalibus conventum iis standum*.

§. 914.

De donatione propter nuptias.

In Jure Romano *Donatio propter nuptias* appellatur donatio mulieri a viro in securitatem dotis facta; quæ ideo *non minor esse debet dote*; *naturaliter vero eadem opus non est* (§. 913.).

— §. 915.

De morgengaba.

Morgengaba dicitur donum, quod sponsus dare solet sponsæ altero nuptiarum die in præmium virginitatis, seu pudicitiae ereptæ. Cum ex pacto matrimoniali sponsa obligetur sponso ad concedendum corporis sui usum (§. 858.); *sponsus quoque naturaliter pro concessione primi coitus nihil solvere tenetur*, consequenter *morgengaba*, quæ moribus veterum Germanorum introducta, *Juris naturalis non est*. Vi tamen ejusdem *uxor in morgengaba accepta dominium acquirit* (§. 317.).

CAPUT



CAPUT V.

DE

DE JURE HÆREDITARIO, SEU
TESTAMENTIS ET SUCCESSIONE
AB INTESTATO.

§. 916.

In bona defuncti succedere dicitur, qui post mortem defuncti jus in bonis, quæ habuerat, acquirit. Qui in ea succedit, *Hæres* dicitur; & jus succedendi in bona defuncti *Jus hæreditarium*. Rerum a defuncto relictarum universitas *Hæreditas*; & dominium, quod in ea acquiritur, *Dominium universale* appellatur. Denique *hæreditatem suscipere* dicitur, qui verbis, vel facto sufficienter declarat, quod hæres esse velit. Quodsi voluntas verbis, vel signo, sine ullo tamen facto declaratur, in specie *Hæreditatis aditio*; si vero facto, *Gestio pro hærede* vocatur.

*De hære.
de &
jure hæ-
redita-
rio.*

*L. 87. de acquir.
l. omitt. hæred.*

*§. 4. §. de hæred.
qualit. & differ.*

§. 917.

Hinc statim patet, cum hæres eadem persona moralis sit cum defuncto quoad bona ab hoc relictæ (§. 916.); in eodem omne jus defuncti & omnes obligationes quoad ipsius bona continuari. Et quia susceptio hæreditatis est ac-

*De ac-
quisitio-
ne juris
hæredi-
tarii &
hæredi-
tatis.*

N n 5 cepta-

ceptatio juris hæreditarii (§. cit. & §. 316.); *aditione hæreditatis, vel gestione pro hærede jus hæreditarium & cum eo dominium universale (§. 916.), occupatione autem possessionis hæreditas acquiritur (§. 200.).*

§. 918.

Quam ad hæreditatem pertinent.

Patet hinc porro, *ad hæreditatem pertinere res omnes corporales tam mobiles, quam immobiles, siue fuerint in potestate defuncti, siue alterius, nomina etiam & jura omnia, qualiacunque fuerint, solis personalibus exceptis (§. 400.); res vero alienas, quippe quæ non fuerunt defuncti (§. 207.), & restituendæ sunt domino (§. 261.), ad hæreditatem non pertinere, & æs alienum ab ea deducendum esse (§. 207.).*

§. 919.

An ultra vires hæreditatis hæres debitorius teneatur.

Cum per se pateat, neminem pro alio solvere teneri, nec ipse defunctus si esset in vivis, plus solvere posset, quam in bonis ejusdem est; *naturaliter hæres ultra vires hæreditatis non teneatur, si æs alienum massam superet, nec alio animo eandem suscipere intelligitur, quam ut ultra vires ejus non teneatur. Quamobrem ut de viribus hæreditatis*

con-

constare possit, si hæreditas æri alieno obnoxia fuerit; inventarium conficiendum (902.): a quo in statu naturali jurata specificatio non differt; cum quæ per testes probari nequeant, per juramentum probanda (§. 781.).

§ 920.

Hæreditatem repudiare dicitur, qui jus hæreditarium sibi delatum acceptare non vult. *A voluntate igitur unius cujusque dependet, utrum hæreditatem sibi delatam suscipere, an repudiare velit* (§. 316.).

De hæred. l. 15. de ditionis abjuratione repudiatio. l. 1. de heredit.

§. 921.

Cum parentes fortunam liberorum, quantum possunt, promovere debeant (§. 892.); si moriantur, bona sua liberis relinquere debent. Quoniam vero curæ habere obligantur, ut, si eos mori contingat, bona liberis nondum educatis relinquunt, ex quibus sumtus educationis sustentantur (§. 896.); si quidam liberorum fuerint educati, alii non fuerint, & quæ ab ipsis relinquuntur bona vix educationi horum sufficiunt, ea naturaliter ad nondum educatos pertinent; aut si fructus huic sufficiant, usus fructus, donec fuerint educati. Ex eadem ratio-

De suc. Nov. 118. cessione cap. 1. liberorum, Dulce officium & N. A. C. de his qui sibi adscrib.

ne

ne idem intelligitur de parentibus superioris ac liberis inferioris gradus (§. 897.). Quamobrem cum sui hæredes dicantur, qui per generationem a defuncto descendunt; *liberi primi & ulterioris gradus sunt hæredes sui*. Cum quæ fortunæ non minus liberorum ulterioris, quam primi gradus consulere debeamus (*per demonstrata*); si defuncto fuerint liberi & primi, & ulterioris gradus, naturaliter quoque hi subeunt in locum parentum suorum. Quamobrem quia jus subeundi in locum parentum suorum, cum liberis primi gradus ad hæreditatem concurrentibus liberis ulterioris gradus competens, *Jus representationis* vocatur; hoc jus naturale est, seu juri naturæ convenit.

§. 722.

De successione
parentum.

Nov. 118. cap. 2.

Quoniam liberi parentibus beneficia rependere obligantur, quantum possunt (§. 894.); si quis improles moritur, naturaliter bona sua relinquere debet parentibus suis primi gradus, aut his deficientibus, gradus ulterioris. Nimirum beneficia parentibus nostris primi gradus exhibita a parentibus suis, qui nobis sunt parentes ulterioris gradus (§. 879.), per illos etiam in nos derivantur.

§. 923.

§. 923.

Atque hinc patet *in linea recta natura hæreditatem deferri descendantibus, observato jure repræsentationis: his autem deficientibus, parentibus secundum gradus* (§. 921. 922.).

De hæreditatis delatione in linea recta.

§. 924.

Cum *jus succedendi liberorum atque parentum* non modo natura sit constitutum, sed etiam ex quasi pacto oriatur (§. 921. 922.); non modo per modum officii (§. 57.), verum etiam tanquam *jus ex pacto quæsitum subsistit* (§. 900. 687.), *ipsis auferri nesciunt* (§. 100.). Accedit, quod societas paterna, quæ ab initio consensu liberorum præsumto nitebatur (§. 909.), ubi ad maturiorem ætatem perveniunt, tacita eorundem ratihabitione confirmetur, quasi pacto in expressum transeunte. Tacitus iste consensus extenditur etiam ad familiam parentum superiorum (§. 876. 881.); saltem Jure naturæ extendi debet.

Quale sit jus succedendi liberorum & parentum.

§. 925.

Liberi abdicari dicuntur, si parentes sufficienter declarent, quod eos pro libe-

De abdicatione de patrum liberorum.

liberis agnoscere nolint. *Quodsi liberi scientes ac volentes ea committunt, quæ e diametro ipsorum erga parentes officio, reverentiæ inprimis filiali repugnant, vel a vita scelestâ sese revocari minime patiuntur, cum a pacto vel quasi, quo niti-
titur societas paterna (§. 909. 924.), discedant (§. 442.); naturaliter eos abdicare licet (§. cit.).* Per se autem patet, *abdicatos amittere jura liberorum.*

§. 926.

De
quanti-
tate ju-
ris hære-
ditarii
libero-
rum &
paren-
tum.

Cum liberis ac parentibus jus suc-
cedendi competat, quia liberi ac pa-
rentes sunt (§. 921. 922.); *naturaliter liberi omnes ejusdem gradus æquale jus habent ad hæreditatem parentum, & vicissim parentes ejusdem gradus ad hæreditatem liberorum, consequenter singuli hæreditatem æqualiter inter se dividere debent, & qui jure repræsentationis succedunt (§. 921.), eam partem accipere debent, quam parens ipsorum accepisset, si adhuc in vivis fuisset.*

§. 927.

De Te-
stamen-
to.

Expressa declaratio voluntatis defuncti de translatione dominii rerum post mortem suam relictarum, & de eo, quod præterea post mortem suam fieri vult,

vult, ea lege facta, ut nonnisi post mortem suam acceptatio fieri possit, *Testamentum* dicitur. Quamobrem cum dominium ea lege in alterum transferri possit, ut nonnisi post mortem suam acceptari possit (§. 314.); *testamentum juris naturalis est, nec de voluntate Testatoris ante mortem ejus, ut hæredi constet necesse est, & ante mortem testamentum revocari ac pro lubitu mutari potest* (§. cit.). Quamobrem patet, *testamentum morte demum testatoris validum effici, seu irrevocabile.*

*4. 4. dim. et
transf. legal.*

§. 928.

Liberi exhæredari dicuntur, quibus a parentibus expressa voluntate aufertur hæreditas. Quoniam iidem abdicari possunt, abdicati autem amittunt jus succedendi (§. 925.); liberi quoque exhæredari possunt. Cum tamen jus ipsis in se auferri nescium (§. 924.), pro lubitu a parentibus auferri nequeat; sine justa causa exhæredari nequeunt: quæ quales esse debeant, ex anterioribus colligitur (§. 925.). Quæ de exhæredatione liberorum dicta sunt, ob eandem rationem etiam applicanda ad exhæredationem parentum.

*De ex-
hæreda-
tione li-
berorum
& pa-
rentum.*

§. 929.

§. 929.

De legatis.

Quoniam obligatio naturalis fortunam aliorum promovendi, quantum in potestate sua est, etiam parentes atque liberos tenet (§. 134. 38.); si parentes absque neglectu liberorum suorum, & liberi absque neglectu parentum fortunam aliorum promoverere possunt, in gratiam quoque extraneorum & mendicorum ac egenorum de bonis post mortem suam relictis disponere possunt, veluti si parentes habeant patrimonium amplum, vel liberis jam adsint, quæ vitæ necessitati, commoditati ac jucunditati sufficiunt, vel contra. Quamobrem cum donatio rei cujusdam, vel etiam certæ pecuniæ summæ, ultima voluntate facta, Legatum dicatur; inde patet, quatenus legata Juri naturæ convenient. Dicitur autem Legatarius persona, cui legatum relinquitur. Et quia legata spectanda sunt tanquam onus hæreditati adjectum (§. 409.), cum hæreditas nonnisi sub hoc onere acquiri possit (§. 317.); ab hærede legatariis præstanda. Per se autem patet, legata in præjudicium liberorum relictæ naturaliter non subsistere.

§. 930.

§. 5. F. de oblig. (§. 317.); ab hærede legatariis præstanda. Per se autem patet, legata in præjudicium liberorum relictæ naturaliter non subsistere.

§. 930.

Cum cognatis collateralibus ad pro-
movendum ipsorum fortunam non ali-
ter obligemur speciali quadam ratione,
quam quatenus parentibus in ipsis be-
neficium rependimus (§. 894. 878.), ac
ideo non quia ipsis per se beneficium
debetur; bona quoque post mortem ipsis
relinquere perfecte non obligamur; con-
sequenter in testamento præteriri iidem
possunt, hærede extraneo instituto, vel
ex collateralibus cum, qui placuerit, vel
etiam conjuge superstite.

An co-
gnati-
collate-
rales in-
testa-
mento
præteri-
ri pos-
sint. *27. C. de
inoff. testam.*

§. 931.

Ab intestato succedere dicitur, qui in
bona defuncti succedit testamento nul-
lo facto, vel a defuncto in testamento
non institutus hæres. Quamobrem cum
posthumus, qui post mortem demum
patris nascitur, sit quoque hæres filius
patris sui, immo etiam parentum supe-
rioris gradus (§. 921.); si in testamento
prætereatur, una cum ceteris liberis ad
hæreditatem admittendus, & testamen-
tum naturaliter quoad cetera subsistit,
etiam quoad legata, nisi ideo relicta intel-
ligantur, quia hæredum numerum mino-
rem putavit defunctus. Ob eandem
(*Wolfii Instit. J. N. & G.*) O o ra-

De suc-
cessione
ab inte-
stato &
præteri-
tione li-
berorum
in testa-
mento.

rationem *idem intelligitur*, si unus ex liberis fuerit præteritus, non exheredatus (§. 928.).

§. 932.

*De modo
testandi.*

Cum naturaliter ad testamentum faciendum non aliud requiratur, quam ut testator voluntatem suam expresse declaret (§. 927.); *testamentum naturaliter validum est*, si quocunque modo constet hanc esse defuncti voluntatem, consequenter si eam coram testibus declaret, vel in scripturam redigat, aut ab alio in scripturam redactam subscribat. Per se autem patet, si testamentum scriptum a testibus subscribatur, opus non esse, ut ejus tenor ipsis si notus (§. cit.). Dicitur autem *Testamentum nuncupativum*, quando testator voluntatem suam declarat coram testibus, siue præsens sit hæres, siue absens; *Testamentum scriptum*, quando testator voluntatem suam in scripturam redactam relinquit.

§. 933.

*De modo
succeden-
di ab
intesta-
to.*

Quoniam non uno casu contingere potest, ut quis voluntatem suam ultimam non declaret; ex eo minime sequitur, quod voluerit, ut, bona sua post

post mortem sint res nullius, consequenter occupanti cedant (§. 209. 210.). *Si quis ergo intestatus decedit, præsumendum est, cujusnam esse voluerit bona post mortem relicta.* Quamobrem qui ab intestato succedit, nisi hæreditas ipsi debita sit (§. 924.), ex præsumpta defuncti voluntate succedit. Quoniam itaque id præsumendum, quod officiis maxime congruit, collateralibus autem quatuor talibus speciali ratione obligamur ad promovendum eorum fortunam, quatenus in ipsis beneficium redditur parentibus communibus primi, vel ulterioris gradus (§. 930.); deficientibus hæredibus in linea recta, ab intestato succedunt, qui sunt in familia patris, vel matris secundum gradus familiæ, & his deficientibus similiter, qui sunt in familia avi, vel avia, ac ita porro, ut non fiat transitus de familia in familiam, nimirum de arctiori in diffusiores, nisi ubi in illa nulla extet persona, ubi vis nulla habita differentia sexus.

§. 934.

Cum dominium amittatur, quam- *De hære.*
primum quis moritur (§. 818.), conse- *de defi.*
quenter si deficiat hæres, & res ab eodem *ciente.*

relictæ fiant nullius; *hæreditatem occupare potest naturaliter, qui voluerit* (§. 210.), *aut is, a quo jus occupandi occupatum est* (§. 214.).

§. 935.

*Quot
modis
hæres in-
stitui &
legatum
relinqui
possit.*

In hæredem transfertur dominium rerum a defuncto relictarum (§. 916.), & legatario dantur, quæ ipsi legantur (§. 929.). *Quot modis igitur aliquid dari potest, seu dominium transferri, tot etiam modis hæres institui & legatum relinqui potest. Quamobrem quæ ex diverso modo dandi fluunt, ea etiam valent de hærede hoc, vel isto modo instituto, & de legato hoc, vel isto modo relicto.*

§. 936.

*De testa-
mento
sine hæ-
redis in-
stitutione
facto.*

Ceterum si testator velit, eum hæredem sibi esse, qui ab intestato succedit, legatum tamen uni, vel alteri relinquere, vel alia quædam fieri post mortem suam; *naturaliter in testamento, nulla facta hæredis institutione, legata relinqui possunt, immo de aliis disponi potest, quæ post mortem suam testator fieri vult* (§. 927.), *tumque hæres est, qui ab intestato succedit, & ultimam voluntatem testatoris adimplere tenetur* (§. 317.).

§. 937.

§. 937.

Et quia in testamento mutare pro
lubitu potest, quicquid vltimum fuerit,
testator, quamdiu vixerit (§. 927.); na-
turaliter testamento adjici possunt non
minus, per quæ nonnulla in eodem mu-
tantur, tum quæ nihil mutationis affe-
runt.

De iis,
quæ ad
testa-
menta
adji-
ciuntur.
d. A. de adm. vel
transf. legat.

§. 938.

Prælegatum dicitur legatum hære-
di uni, vel alteri relictum. Quoniam a
voluntate testatoris dependet, cuinam
legatum relinquere velit (§. 929. 475.),
consequenter nil obstat, quo minus
etiam hæredi relinquatur; prælegata
furi naturæ non contrariantur.

De præd. 77. §. 4.
legatis. De lega-
lis III.

§. 939.

Si hæres unus hæreditatem, legata-
rius legatum repudiet, cum perinde sit,
ac si hæres non fuisset institutus, velle-
gatum nullum relictum (§. 920. 339.);
portio illius, vel res legata huius hæredi-
tati accrefeit: cumque hæres facto suo
ius legatario adimere non possit (§. 100),
& naturaliter in testamento etiam de le-
gatis tantummodo disponi queat
(§. 936.); si hæres institutus hæredita-

De here-
ditate,
vel lega-
tis repu-
diatis.

*tem adire nolit, vel non possit, legata ta-
men subsistunt,*

§. 940.

*De sub-
stitutio-
ne hære-
dis, vel
legata-
rii.*

Cum hæredis institutio & legati reli-
ctio a voluntate testatoris dependeant
(§. 930. 938.); *testator quoque hæredi
instituto alium substituere potest, ut illo
deficiente quacunque de causa hic succe-
dat, vel deficiente legatario substitutus
legatum accipiat.*

§. 941.

*De fidei-
commis-
sis.*

*L. 69. §. 3. de
legatis. II.*

Hæreditatis delatio ea lege facta, ut
vel tota, vel certa ejus pars, prouti testa-
tor jusserit, restituatur alteri, *Fideicom-
missum* dicitur; in casu primo *universa-
le*, in secundo *particulare*. Ac in spe-
cie *Fideicommissum* *familiæ* dicitur,
quod familiæ relictum; vel si testator
prohibet, ne res extra familiam alie-
nentur. *Fideicommissa esse naturaliter
valida*, patet per liberam testandi vo-
luntatem (§. 930.).

§. 942.

*De pa-
ctis suc-
cessoris.*

Cum dominus vi domini de rebus
suis pro lubitu disponere possit (§. 195);
*naturaliter valida sunt pacta de hæredi-
tate inita, consequenter etiam pacta suc-
cessoria conjugum.*

§. 943.

§. 943.

Per se patet, mortuo conjuge uno matrimonium dissolvi, consequenter usum rerum, quas quisque habet, quantum ad communem œconomiam sufficit (§. 866.), cessare, cumque res ipsæ uniuscujusque propriæ sint; conjugem superstitem recipere quod suum est, nullum vero jus habere ad bona defuncti. Quoniam tamen conjux unus in casu collisionis alterum præferre debet in præstandis officiis humanitatis (§. 869.); si conjux superstes non habeat propria bona, vel ea non sufficiant ad vitæ necessitatem, commoditatem aut jucunditatem, qui moritur, post mortem suam eam pro modo facultatum suarum bonorum partem ipsi relinquere debet, quæ vel vitæ necessitati soli, vel etiam commoditati, immo jucunditati sufficiunt, aut saltem usumfructum in ista parte bonorum, vel bonis etiam omnibus, sive ad dies vitæ, sive donec in statu viduitatis permanserit, prouti circumstantiæ particulares suadent, consequenter deficiente hærede in linea recta (§. 921. 922.), conjugem hæredem instituere potest, aut si non deficiat, vel alia de causa hæredem instituere

De suc- Non. 55.
cessione cap. 7. et
naturali Non. 117.
conjugum.

*re hunc nolit, legato (§. 929.), aut fidei-
commissò (§. 941.), aut usufructu consti-
tuto eidem prospicere debet.*

§. 944.

*De in-
dissolu-
bilitate
matri-
monii.*

Quoniam parentes non modo libe-
ros conjunctim educare (§. 856.), com-
munique sumtu (§. 866.), verum etiam
pro virili fortunam eorum promove-
re (§. 892.), ac ipsis post mortem bona
sua relinquere debent (§. 921.), immo
etiam tacite se invicem sibi obligant ad
quævis humanitatis officia præstanda
(§. 869.), & conjux unus alteri post mor-
tem suam de iis prospicere debet, quæ
ad vitæ necessitatem, commoditatem ac
jucunditatem requiruntur, quantum
datur (§. 943.); *Jure naturali matri-
monium perpetuum esse debet.*

§. 945.

*De libe-
ris ex il-
licito
concubi-
tu natis*

Liberis imputari nequit, quod ex
concubitu illegitimo nati (§. 873.).
Quoniam itaque naturaliter inter libe-
ros legitimos & ex concubitu illicito na-
tos nulla datur differentia; *naturaliter
ex illicito concubitu nati æquale jus ha-
bent ad hæreditatem parentum suorum
cum liberis ex justis nuptiis natis.*

§. 946.

stas dominica. Est autem *Servitus perfecta*, si operæ, quæ perpetuo debentur, determinatæ non sunt; consequenter a domino pro lubitu determinandæ; *imperfecta* vero, si operæ saltem certæ debentur, aut non perpetuo, vel non continuo.

§. 948.

De Ser-
vitate
volunta-
ria.

Cum qui per operas ad victum & amictum necessaria acquirere tenetur, eas alteri locare possit pro mercede (§. 620.), & de operis a se præstandis pro lubitu statuere (§. 225. 195.); *si quis non habet nisi operas, quarum præstatione sibi comparare valet ea, quæ ad vitæ necessitatem faciunt, eidem jus est sese alteri in servitutem dandi* (§. 947.). Quoniam itaque ex pacto tunc oritur *servitus*, quæ *voluntaria* dicitur; *in servitute voluntaria ex pacto metienda sunt jura atque obligationes.* Et vi libertatis naturalis *unicuique permittendum, ut se alteri in servitutem det pro lubitu suo* (§. 78.), consequenter *etiam se vendere* (§. 587.), *aut quocunque modo alio alienare licet.*

§. 949.

An pa-
rentibus
liceat li-
beros

Quoniam parentes liberos educare obligantur (§. 855.); *si aliter liberis suis de iis prospicere non possunt, quæ ad edu-*

educationem requiruntur, eos in servitu- vendere,
tem vendere licet (§. 46.). Ast cum nec vel ma- L. X. C.
liberi æs alienum parentum solvere te- rito uxo- de his
neantur, nec uxor mariti (§. 873.); ob rem, qui libet
æs alienum parentibus liberos, marito d. 1. 1. 1. 1.
uxorem vendere non licet.

§. 950.

Enimvero cum naturaliter bona De Ser-
debitoris obligata sint pro quolibet de- vitute
bito, ut ex iisdem satisfiat creditori debito-
(§. 705.), operæ autem æquiparentur ris.
rebus in dominio existentibus (§. 225.);
creditor debitorem, qui solvendo non est,
in servitutem redigere potest, donec sibi
operis præstitis ex asse fuerit satisfa-
ctum, consequenter eundem etiam alii
pro eo solventi in servitutem addicere,
aut pro pretio convento (§. 338. 342.).
Dicitur autem servitus coacta, quam
quis præter voluntatem suam subire
cogitur.

§. 951.

Cum servus domino operas præstare De jure
teneatur (§. 947.); eidem non competit domini
jus nisi in operas a servo præstandas, & in ser-
in actiones ceteras, quatenus respectum vum.
quendam ad illas habent, consequenter
etiam jus eam ad operas præstandas obli- v. C. de
gandi emendat. servum

gandi, & præstare nolentem, vel in præstandis negligentem puniendi, ac ideo minis & verberibus ad præstandum operas debitas compellendi (§. 35. 93.).

§. 952.

De officiis humanitatis servo debitis.

Cum servus non desinat esse homo; dominus quoque servum amare & cetera officia humanitatis præstare debet, quæ homo homini debet (§. 38. 133.), consequenter non permittere, ut is sit vitio deditus, sed curare, ut virtuti studeat (§. 139.), ipsique competit jus præcipiendi servo, quæ legi naturæ conveniunt, prohibendi, quæ repugnant (§. 951.).

§. 953.

De operis a servo exigendis.

l. x. de his, qui sui vel al. iur. st.

Quoniam operæ præstantur pro alimentis (§. 947.); dominus servo alimenta salubria iusta quantitate, & vestes aptas ad corpus contra injurias æris tuendum dare debet (§. 114. 115.); nec operas exigere, ultra quod sanitas permittit (§. 124. 37.).

§. 954.

Cuinam servus acquirat & de peculio servi.

Operæ servi, quæ ante erant in dominio servi (§. 225.), nunc sunt in dominio domini (§. 951.). Quicquid igitur per operas servi acquiritur, domina acqui-

acquiritur (§226.). Enimvero si servus aliunde quid acquirit, vel per operas suas horis subsecivis, in quibus voluntate domini a labore vacat, id servi manet.

Dicuntur autem Peculium servi res & pecunia, quas servus quomodocunque extra ministerium domini acquirit: quod dominus in rem suam vertere nequit (§. 195.). Non tamen permittere tenetur, ut servus eodem abutatur (§. 952.), & de eo satisfaciendum domino, si servus dolo, vel culpa sua damnum dederit (§. 270.), alias nonnisi puniendus (§. 93.).

§. 955.

Cum potestas dominica sit jus determinandi actiones servorum, prouti si bi visum fuerit, & prouti legi naturæ convenit (§. 951. 952.); ea imperium est (§. 833).

Unde & imperium herile appellari nonnunquam solet. Domino igitur jus nullum in corpus & vitam servi competit; consequenter naturaliter jus vitæ ac necis in servum non habet.

Ac propterea, cum in servum servire dicatur, si dura verba jugiter ferat in servum, in præstandis operis licet assiduum, aut ob non præstitas operas nimias,

aut

aut solo odio sine ulla ejus culpa nimis duriter tractet; *in servum servire non licet.*

§. 956.

De obli-
gatione
servi

Quoniam *servi domino* subjecti sunt (§. 955. 835.); eidem *obedire debent* (§. 835.), & per consequens *facere, quæ jubet, non facere, quæ prohibet* (§. cit.). Et *operas debitas omni diligentia præstare obligantur* (§. 947. 21.).

§. 957.

De alie-
natione
servi.

Quia quilibet jus suum alienare potest pro lubitu (§. 257.); *dominus* quoque *servum*, hoc est jus, quod in ejus operas & ceteras actiones habet, *alienare potest, cui & quomodo voluerit, veluti vendere.*

§. 958.

De ma-
nuffio-
ne.

Cumque etiam jus suum remittere possit (§. 342.), quo facto servus fit liber (§. 337.), servus autem *manumitti* dicatur, si dominus libertatem suam eidem restituit; *dominus servum manu-mittere potest, non tamen invitum, si pacto servitus contracta* (§. 438.).

§. 959.

De natis
ex ancil-

Quoniam partus ancillæ sumtibus domi-

domini educandus, & is præterea operis carere debet, quas mater propter partum præstare impedita fuit; *ex ancilla natus naturaliter tamdiu servilis conditionis est, donec sumtus educationis & si quid præterea interest restituantur.* la & de contubernio. Pactum, quod ancilla cum servo init liberorum procreandorum causa, *matrimonium est*, utut a Romanis *Contubernium servile* vocetur. L. 35. de ad. lib. edicto. Quoniam tamen dominus partum suo sumtu educare debet; *ad contubernium consensus domini requiritur.*

§. 960.

Qui alicui certas operas ad certum tempus pro alimentis & certa mercede locat, *Famulus*; & eorum conductor *Herus* dicitur. *Ex pacto igitur metienda sunt jura & obligationes heri atque famuli.* Quatenus vero eodem utriusque partis commodum promovetur, De societate herili. cujus causa famulus operas locat, herus eas conducit, *Societas* quædam inter famulum & herum initur (§. 836.), quæ *herilis* vocatur. Convenit cum ea servitus voluntaria (§. 948.), & *famuli imperfectam servitutem subeunt* (§. 947.).

§. 961.

§. 961.

De obli-
gatione
famuli.

Cum famulus hero perfecte obligetur ad certas operas præstandas (§. 960. 438.); hero competit jus famulum obligandi ad faciendum, quod intra conventum modum imperare potest; si præstare nolit, vel negligens fuerit, eum ante diem dimittere potest (§. 442.). Quoniam itaque famulus negotia domini negligere non debet; eo tempore quo heri negotia obeunda sunt, sua curare nequit, nisi domino consentiente (§. 337.); utpote qui jus suum remittere potest (§. 342.). Cum vero domino nullum damnum detur, si famulus tempus in utilitatem suam collocet, quo a negotiis liber est; id prohiberi nequit.

§. 962.

De hero
vel fa-
mulo non
obtru-
dendo.

Cum nemo alterum tertio obligare possit contra voluntatem suam (§. 78.); intra tempus contractus nec herus famulo herum, nec famulus hero famulum alium loco sui obtrudere potest. Quod si vero dominus velit, ut operas quasdam, alias sibi debitas, quibus interea carere vult, præstet alteri, cum in eo nihil fiat, quod est contra jus famuli (§. 83.); herus famulum alteri ad aliquot dies commodare potest (§. 515.).

CAPUT



CAPUT VII.

DE

D O M O.

§. 963.

S*ocietas composita* dicitur, quæ ex aliis simplicibus, aut minus compositis constat: *simplex* autem, cujus membra sunt individua physica. *Membra* igitur *compositæ sunt integræ societates*, tanquam individua moralia (§. 96.).

§. 964.

Domus dicitur societas composita ex conjugali, paterna & herili; vel saltem ex binis. Illa *perfecta* est, hæc *imperfecta*. Dicitur autem *Paterfamilias*, qui in societate conjugali maritus, in paterna pater, in herili herus appellatur; *Materfamilias* vero, quæ in conjugali uxor, in paterna mater, in herili hera vocatur. Liberi autem & famuli, quatenus sunt membra minus digna domus, *Domestici* dicuntur; etsi vocabulum subinde ad solos famulos & famulas restringatur. Quoniam societates simplices, ex quibus domus componitur, in eadem subsistunt; singulorum quoque membrorum domus jura & obligationes ex fine societatum simplicium

(Wolfii Instit. J.N. & G.) Pp me-

De societate composita & simplicibus.

Domus quid sit.

L. 195. §. 2. de V.S.

L. 6. quod ruinosa universitat. non

metienda: quia tamen societates simplices in unam coalescunt; unusquisque sibi cavere debet, ne alteri quomodocunque impedimento sit, quo minus aliqua ex parte officio suo deficiat.

§. 965.

*De fine
domus
& obli-
gatione
ac jure
inde na-
scente.*

Cum societas finis cujusdam conjunctis viribus obtinendi causa contrahatur (§. 836.); *domus* quoque finem quendam habere debet, societatibus simplicibus subsistentibus, non alium, quam ut conjunctis viribus eorum, qui membra societatum simplicium sunt, salus societatum simplicium rectius promoveatur, consequenter quando quis sit membrum societatis simplicis, quæ composita cujusdam, veluti domus membrum est, eo ipse tacite se obligat, quod salutem simplicium, quantum datur, promovere velit, ac propterea tacite quoque acquirit jura obligationi isti respondentia (§. 46.).

§. 966.

*De im-
perio in
domo.*

Quoniam in societate conjugali conjugum (§. 870.), in paterna parentum (§. 888.), in herili heri ac heræ commune est imperium (§. 955.); *naturaliter in domo imperium patri & matri fami-*

familias commune est, convenire tamen possunt, ut patrifamilias soli competat partim per se, partim per matremfamilias exercendum, & de modo exercendi (§. 667.).

§. 967.

Hinc consequitur, cum domus tanquam societas (§. 964.) suas habere debeat leges (§. 846.); *leges in domo tuo patris & matrisfamilias consensu determinandas esse, nisi quatenus de imperio & ejus administratione specialiter quid fuerit conventum.* Vocantur autem *leges istæ domesticæ*, quæ cum præscribere debeant media, quibus finis domus obtinetur, (§. 846.); *ex fine domus derivandæ.*

§. 968.

Quoniam itaque finis domus obtineri nequit absque legum domesticarum observantia (§. 967.); *pater & materfamilias diligenter attendere debent ad actiones domesticorum, consequenter cum vigilantia consistat in diligentia animum attendendi ad omnia, quæ fiunt & quæ nosse interest, ne scilicet facile quid notitiæ nostræ subducatur; pater & materfamilias vigilantes esse debent.*

§. 969.

*De aucto-
ritate
patris
& ma-
tris fa-
milias.*

Et quia pater ac mater familias conjunctim imperium domesticum exercent, vel saltem pater familias id ex parte per matrem familias exercet (§. 967.); & patri, & matri familias curæ esse debet, ut in altera parte hæreat auctoritas & neutra pars propriam auctoritatem imminuere debet.

§. 970.

*De cura
atrius-
que in
domo.*

Naturæ autem domus apprime convenit, ut pater atque mater familias provide prospiciant, ne liberorum mores per famulos & famulas, nec vicissim famuli ac famulæ per illos corrumpantur, & propterea permittere minime debent, ut liberi implicentur familiaritatibus famulorum & famularum, nec in hos sibi jus quoddam arrogant.

§. 971.

*De officiis hu-
manita-
tis.*

Quia denique officia humanitatis a quovis debentur cuivis, quantum in potestate est (§. 133.); qui in eadem domo sunt quævis officia humanitatis data quacunque occasione sibi invicem præstare debent.

SECT.

SECTIO II.

DE IMPERIO PUBLICO, SEU JURE CIVITATIS.

CAPUT I.

DE

ORIGINE CIVITATIS ET IMPERII PUBLICI.

§. 972.

Domus singulas sibi non sufficere in iis, quæ ad vitæ necessitatem, commoditatem ac jucunditatem, immo felicitatem faciunt, nec ut jure suo quiete frui & quod ab aliis tribuendum satis tuto consequi, seque ac sua adversus vim aliorum defendere possint, haud difficulter assequimur. Necesse igitur est, quæ domus singulæ per se consequi nequeunt, adeoque societates contrahendæ (§. 836.). Societas eo fine contracta *Civitas* appellatur. Unde patet, *pactō hominum civitates fuisse constituendas* (§. 836.), & *finem civitatis consistere in vitæ sufficientia*, abundantia eorum, quæ ad vitæ necessitatem, commoditatem & jucunditatem requiruntur, ac mediorum felicitatis; *tranquillitate civitatis*, vacuitate a metu

Cur civitates introducenda & de fine earundem.

injuriarum, seu a violatione juris sui (§. 87.); & *securitate*, seu vacuitate metus a vi præsertim externa; *Salutem* autem *civitatis in fruitione vitæ sufficientiæ, tranquillitatis & securitatis* (§. 837.), *quæ quatenus obtinetur, bonum publicum est* (§. cit.).

§. 973.

*Resp.
quid sit.*

Civitatis ordinatio *Respublica* dicitur, quamvis civitas & *Resp.* a nonnullis pro synonymis habeantur, sed perperam; cum aliud sit pactum, quo civitas constituitur, alia conventio, qua consentitur in media finem civitatis consequendi. Ex illo nimirum civitas formam suam specificam nondum nanciscitur, quam ex hac demum acquirit.

§. 974.

*Quid sit
gens, ci-
vis, pere-
grinus,
incola.*

Multitudo hominum in civitatem consociatorum *Populus*, sive *Gens* dicitur. *Multitudo* itaque *hominum alio sine, quam qui civitatis est* (§. 972.), *consociatorum gens non est*. Membra civitatis, seu singuli, qui societatem civilem ineunt, dicuntur *Cives*; qui vero membrum civitatis nostræ non est, *Peregrinus* appellatur. Et peregrinus, cui

cui habitare & rem suam gerere permittitur in aliena regione, *Incola* audit. / 239. §. 2. de P. S.

§. 975.

Cum ex pacto, quo civitas constituitur (§. 972.), oriatur obligatio (§. 438.); ^{De obligatione singulorum & universorum.} singuli obligantur universis ad communem & ne bonum pro virili promovendum, & universi singulis, quod sufficientiæ vitæ ipsorum tranquillitati & securitati prospicere velint (§. 972.), consequenter a neutra parte fieri debet, quod huic obligationi contrariatur, ideoque universis competit jus cogendi singulos, ut obligationi suæ satisfaciant.

§. 976.

Quoniam itaque in civitate nihil faciendum, quod salutem ejusdem adversetur (§. 972. 975.); ^{De lege suprema civitatis.} salus publica in eadem suprema lex est, consequenter si salus publica exigit, ut certo modo de rebus civium disponatur, immo de ipsis civibus quibusdam, jus ita disponendi universis seu populo competit.

§. 977.

Cum singuli, qui in civitatem coeunt, liberi sint (§. 77.), & dum in eandem ^{De libertate Civitatis.} dem

tum, seu
gen-
tium. dēm coeunt, nonnisi sibi invicem se obligant (§. 972.); *natura civitates diversae inter se spectantur tanquam personae liberae in statu naturali viventes* (§. 850.): id quod etiam inde patet, quod civitas societas sit (§. 972. 850.).

§. 978.

De jure
determi-
nandi
ea, quae
finis con-
sequendi
causa
fieri de-
bent. Quoniam *quaelibet civitas natura, seu qualis est vi originis suae, libera est* (§. 977.), ac ideo in actionibus suis independens ab omni alia gente ac homine quocunque (§. 77.); *jus quoque habet determinandi pro lubitu modum, quo salus publica promoveri debet, seu media, quibus finis civitatis obtinetur, consequenter non modo constituendi ea omnia, quae eo fine necessaria sunt, & determinandi ea, quae constanter eodem modo fieri debent, adeoque leges ferendi* (§. 39.); *verum etiam decernendi, quid in casu quolibet emergente fieri debeat.* Patet autem, *ea omnia determinanda esse communi omnium consensu* (§. 841.). At cum fieri non possit, ut semper consentiant omnes; *majori quod visum fuerit parti, id pro voluntate omnium habendum, sicque minor pars obliganda per majorem.*

§. 979.

§. 979.

Jus universis competens in singulos, cum in determinandis eorum actionibus consistat (§. 978.); *imperium est* (§. 833.), quod *civile*, vel etiam *potestas civilis* appellari solet, atque *oritur ex pacto. quo civitas constituta* (§. 972.), & *originarie penes populum est* (§. 974), *tanquam res incorporalis propria* (§. 206.).

Imperii civilis origo.

§. 980.

Imperium civile cum metiendum sit ex fine civitatis (§. 976. 972.); idem *non extenditur ultra eas civium actiones, quæ ad bonum publicum consequendum pertinent*, consequenter cum nonnisi quoad easdem *libertas naturalis* singulorum restringatur (§. 975. 77), quoad *ceteras actiones ea illibata manet.*

De limitibus imperii civilis.

§. 981.

Quoniam *imperium civile* quoad exercitium liberum est ab omni alia gente & homine quocunque (§. 977. 77.); *nullus quoque actus ad imperii exercitium spectans ab ullo homine irritus fieri potest.* Quamobrem cum *imperium summum* dicatur, cujus actus a nullo homine irriti fieri possunt; *imperium civile*

De summitate imperii civilis.

le in se, quale scilicet originarie populo competit (§. 979.), *summum est.*

§. 982.

Quomodo ac imperio disponere possit populus & de jure Reſtoris civitatis.

Cum imperium civile originarie sit penes populum, seu in dominio ejusdem (§. 979.); si civitas ordinanda, populus, sive universi inter se convenire debent, *utrum imperium sibi retinere, an in personam unam, vel in plures conjunctim, utrum totam, an divisum, & num certa lege, an absque ulla lege transferre velint, num revocabiliter, an irrevocabiliter, num ad certum tempus; an ad dies vitæ, num tanquam transmissibile in certos alios, an tanquam non transmissibile, num saltem quoad exercitium, vel quoad ipsam substantiam.* Quamobrem cum Reſtor civitatis is dicatur, cui imperium in civitate delatum est, ut id exerceat; *Reſtoris civitatis jus metiendum ex voluntate, quæ populo fuit, cum imperium transferret.*

§. 983.

De divisione imperii.

Quoniam imperium civile consistit in jure determinandi ea, quæ ad bonum publicum promovendum requiruntur (§. 980.); pro horum diversitate varia complectitur jura, quæ *Partes imperii* *potentiales* vocantur a Grotio. Atque ideo

ideo *Imperium plenum* dicitur, quod nulla sui parte deminutum; *minus plenum*, quod una, vel altera parte deminutum. Est autem *Imperium limitatum*, cujus exercitium certis legibus adstrictum, vel consensu alterius indiget; *absolutum* vero, quod limitatum non est. *Imperium* itaque *minus plenum absolutum* esse potest, idemque *summum* (§. 981.); *plenum vero limitatum*, immo pro aliqua parte *limitatum*, pro reliqua *absolutum*. Ad certum tempus si confertur *Imperium*, vocatur *temporarium*; quod *absolutum & summum* esse potest; si sub clausula, quamdiu placuerit, *precarium*; quod quovis momento *revocabile* consequenter *summum* esse nequit (§. 981.), etsi *absolutum* esse possit.

§. 984.

Leges, ad quas exercitium imperii ^{De legibus fundamentalibus.} adstringitur, *fundamentales* dicuntur. Quamobrem *lex* quoque *fundamentalis* ^{est.} est, ut *Rektor civitatis* in certis negotiis requirat *consensum* vel *populi universi*, vel *certorum quorundam*, & qua disponitur de modo transmittendi, vel deferendi *imperium*. Patet præterea, *Rectorem civitatis* obligari ad *legum fundamentalium observantiam*, nec eas pro lubitu

lubitu suo mutare posse (§. 982.). Cum vero leges fundamentales fiant consensu populi (§. 978.); eodem quoque tolli & mutari possunt, modo jus Reſtori civitatis, aut ejus ſucceſſoribus inde quaſitum non diminuat (§. 86. 100.). Enimvero quia leges fundamentales a populo fiunt pro lubitu imperium in Reſtorem civitatis transferente (§. 982.); *ſi Reſtor civitatis, qui abſolutum imperium habet, ipſe certas leges conſtituit, juxta quas imperium exercere velit, veletiam concilium, ſine cujus approbatione quid facere nolit, eadem leges fundamentales non ſunt, ac per conſequens Reſtor civitatis non ſemper neceſſario easdem obſervare tenetur, immo ſi ita viſum fuerit, eas prorsus tollere poteſt. Quamobrem nec ea de cauſa imperium eſſe deſinit abſolutum (§. 983.) atque ſummum (§. 981.). Idem valet, ſi populus ſaltem exprimit voluntatem ſuam de nonnullis, quæ Reſtor civitatis facere, aut non facere debeat, non vero expreſſe declarat, ſe ejus judicio ſtare nolle, nec concilium conſtituit, ſine cujus conſenſu nihil eorum decernere valet; cum nullum ſibi jus in actus Reſtoris reſervet populus.*

§. 985.

§. 985.

Cum bonitas & malitia actus, quippe de qua non omnium idem est iudicium, non sit apta ad distinguendum ius Rectoris civitatis & populi; *imperium transferri nequit ea lege, ut populus universus recte imperanti resistere debeat, male autem imperanti resistere eumque coercere possit; consequenter mutua populi & Rectoris civitatis subiectio perpetua esse nequit (§. 835.).*

Quomodo imperium deferri nequeat.

§. 986.

Si *Imperium* in Rectorem civitatis saltem transfertur quoad exercitium, *usufructuarium* vocatur; si simul quoad substantiam, *patrimoniale*. Quamobrem *imperium patrimoniale* habetur pleno jure, *usufructuarium minus pleno* (§. 198.). Patet autem, *imperium usufructuarium plenum, absolutum & summum* esse posse: *imperium autem patrimoniale minus plenum & limitatum* (§. 983. 981.). *Modus habendi imperium*, cum non sit pars imperii, sed ab eo distinguatur tanquam res diversa; in ipso imperio nihil mutat, nec is ad exercitium imperii spectat (§. 66.).

De modo cens. habendi. Grotius imp. lib. 1 c. 6. rium. §. 11.

§. 987.

§. 987.

De in-
feuda-
tione im-
perii.

Quia res etiam incorporales infeudari possunt (§. 740.); *imperium* quoque *infeudari potest* (§. 121. 979.). Cum infeudatio ad modum habendi *imperium* pertineat; *imperium infeudatum absolutum plenum & summum esse potest* (§. 986.), *habetur tamen minus plene* (§. 736. 986.).

§. 988.

De im-
perio per
modum
fideicom-
missi de-
lato.

Quoniam delatio *imperii* tota dependet a voluntate populi transferentis (§. 982.); *imperium* quoque *transferri potest per modum fideicommissi*, hoc est, ea lege, ut post certum tempus, vel moriens id restituat certo cuidam alteri (§. 941.). Et ut ante (§. 987.) patet, hoc modo delatum absolutum, plenum ac summum esse posse.

§. 989.

De capi-
tulatio-
ne.

Pacta, in quibus de modo administrandi *imperii* inter Rectorem civitatis & populum convenitur, vel eos, qui populi jus habent, *Capitulatio* dicitur. Est igitur *capitulatio* lex fundamentalis (§. 984.), consequenter eadem opus est, si *imperium limitatum* esse debet (§. 983.),



(§. 983.), *nullæ autem sunt leges fundamentales perpetuæ. Pacta cum servanda sint (§. 438.); absque consensu ejus, cum quo capitulatio facta, nihil in eadem mutari potest.*

CAPUT II.

DE

DIVERSIS RERUM PUBLICARUM
FORMIS.

§. 990.

Si imperium est penes totum populum, forma Reip. dicitur *Democratia*, subinde etiam *status popularis*. Quoniam *Libertas civilis populi* est independentia, quoad actus ad bonum publicum promovendum requisitos, voluntate alterius; in *democratia* *populus libertate civili fruitur, nec tantummodo liber est respectu aliarum gentium* (§. 977.), *verum etiam respectu sui ipsius.*

§. 991.

Monarchia dicitur, si imperium, quale originarie in populo est, consequenter plenum, absolutum & summum, est penes unum. Quamobrem in *monarchia* *monarcha tantundem potest, quantum populus universus in democratia.*

Cum

Cum tamen modus habendi imperium in ipso imperio nihil mutet (§. 968.); *nihil interest, num imperium sit in patrimonio, an in usufructu.* Et quia in monarchia jus populi in monarcham translatum; *monarcha populum repræsentat.*

§. 992.

*Aristo-
cratia.*

Aristocratia dicitur, si imperium quale originarie in populo est, penes certas quasdam personas est, qui *Optimates* appellantur. *Optimates* itaque in *aristocratia tantundem possunt, quantum populus potest in democratia, & imperium plenum, absolutum & summum habent.* De modo habendi imperium idem tenendum, quod de monarcha diximus (§. 991.). Et quia *optimates* jus populi habent; *conjunctim populum repræsentant.* Quamobrem cum *Dignitas civilis* sit præcellentia supra personas alias in Rep. ex *juribus personæ competentibus æstimanda*, *optimates* autem *conjunctim* jus habeant, quod monarcha solus habet; *major est dignitas monarchæ, quam optimatum singulorum.*

§. 993.

*Resp.
mixta.*

Respublica mixta est, quæ in aliis ad
me-

monarchiam, in aliis ad aristocratiam, in aliis ad democratiam accedit, aut saltem ex binis Reip. formis aliquid participiat. Oritur Reip. forma mixta ex imperii divisione in partes potentiales (§. 983.), & ejus limitatione (§. 980.). Utrumque cum variis modis fieri possit; mixtæ Reip. formæ pluribus modis differre possunt, & earum forma per leges fundamentales definienda (§. 984.).

§. 994.

Regnum dicitur ea Reip. forma, in qua imperium sive plenum, absolutum ac summum, sive quomodocunque limitatum aut deminutum penes unum est, salva tamen summitate civitati manente. Persona, penes quam in regno imperium est, *Rex* dicitur. *Regnum* igitur est vel monarchia, vel mixta quædam Reip. forma (§. 991. 993.). Rex tamen quilibet in negotiis cum aliis gentibus populum repræsentat, nisi per leges fundamentales aliis gentibus notas quoad nonnulla aliter fuerit cautum.

§. 995.

Imperium polyarchicum, a nonnullis *Condominatus* dicitur, si duo, vel tres habent imperium indivisum in uno
(*Wolfii Instit. J. N. & G.*) Qq re-

*Imperi-
um poly-
archi-
cum, seu*

condominatus. regno commune, veluti si duo, vel tres fratres simul imperent. Duo autem isti, vel plures *Condomini*, vel *Correges* dicuntur, in quibus quasi singulis regia potestas & dignitas tota residet.

§. 996.

Superior *Superior* in civitate dicitur is, cui *quinam* competit jus in actiones singulorum; *& sub-* hi autem vocantur *Subditi*. Quamobrem *in democratia* populus universus *superior* est (§. 990.); *in regno & monarchia* Rex sive monarcha (§. 991. 994.), *in aristocratia* sunt optimates conjunctim (§. 992.); *ast singuli in democratia, monarchia & aristocratia, & in hac etiam singuli optimates subditi sunt.* Enimvero *in condominiumu* condomini sunt singuli superiores, nec unus eorum subditus alteri (§. 995.).

§. 997.

Dere- *Regnum herile* dicitur, in quo Regi *gno herili.* idem jus competit in subditos & res subditorum, quod domino in servum; seu in quo Regi præter potestatem civilem etiam dominica competit; consequenter *in regno herili* Rex de operis subditorum sibi præstandis & de rebus subdito-

ditorum pro lubitu disponit, & actiones publicas ad suam præcipue utilitatem dirigit, nonnisi secundario utilitatem subditorum intendens; id quod cum pacto, quo civitates constitutæ, repugnet (§. 972.); imperium herile inde ortum suum non trahit, nec a fine civitatis derivatur. Quoniam tamen populus imperium alii deferre potest, prouti visum fuerit (§. 982.); si imperium herile in Regem deferre velit, hoc ipsi permittendum (§. 977. 78.). Et quoniam in regno herili subditi omnes subeunt servitutem personalem, servitus autem personalis in se illicita non est (§. 948.); regnum quoque herile in se illicitum non est, nec si populus in idem consentit, injustum (§. 83.). Quia vero etiam dominus servum amare & cetera humanitatis officia præstare debet, quæ homo homini debet (§. 952.); in regno quoque herili Rex, seu imperans subditos amare debet & officia humanitatis præstare, consequenter in exercendo imperio herili nil committere, quod officiis istis repugnat. Per se patet, possibilem etiam esse aristocratiam herilem, de qua eadem tenenda, quæ de regno herili.

Qq 2

§. 998.

§. 998.

De ma-
jestate
& jure
majesta-
tico.

Majestas est dignitas ejus, penes quem summum imperium est indivisum. Non obstat, quod ejus exercitium in nonnullis ad leges quasdam fundamentales adstringatur; cum actus hisce conformes a nullo homine irriti fieri possint. Arque hinc *Jura majestatica* appellantur, quæ ad imperium summum ejusque exercitium pertinent. Patet autem, in *democratia majestatem convenire populo universo* (§. 990.), in *aristocratia collegio optimatum* (§. 992.), in *monarchia & regno Regi* (§. 991. 994.).

§. 999.

De sena-
tu.

2. S. 9. De O. V.

Senatus dicitur cætus certarum personarum, cui regimen publicum quoad ea, quæ quotidianæ administrationis sunt, vel quæ moram non ferunt, & executio illorum, quæ a superiore decreta sunt, committitur, & qui ad consilium de rebus publicis superiori subministrandum adsciscitur. In *democratia* itaque *senatus necessario constituendus*, cum populus non quotidie convenire possit (§. 990.), & *tanto plus auctoritatis & potestatis in eum conferendum, quan-*

*quanto rarius populus, aut difficilius
convenire potest.*

§. 1000.

Conventus negotiorum publicorum *De comi-*
agendorum causa celebrati dicuntur *tiis.*

Comitia. Quamobrem in democratia
populus universus negotia publica, sena-
tui non permitta (§. 999.), per se non nisi
in comitiis agere potest (§. 990.), cum-
que de iis, quæ ad exercitium imperii
spectant, pro lubitu statuere possit
(§. 978.); a voluntate ejus unice depen-
det, utrum comitia statuto tempore sem-
per sint habenda, an vero saltem in casu
emergente, quo de re quadam ex præsentis
tempore statuendum. Patet (§. 999.),
jus convocandi comitia competere sena-
tui debere, cumque eidem status præ-
sens rerum optime perspectus sit; ei-
dem quoque conferendum esse jus ea in
comitiis proponendi, aut saltem sugge-
rendi, de quibus deliberandum, utut
etiam, cum in democratia natura
omnium æquale jus sit (§. 70. 972.),
quilibet suggerere possit, quod ipsi ad
promovendum bonum publicum condu-
cere videtur, ut de eo deliberetur. Et
quoniam concordia sociorum salus so-

Qq 3

cic.

cietatis conservatur (§. 847.), ut evitentur discordiæ; *leges de comitiis celebrandis condendæ* (§. 978.), veluti quinam *jus comitiorum* habere debeat, ut scilicet in iis votum habeant, quomodo populus in certos ordines, & hic in cætus quosdam minores sint distribuendi, qui certas eligant personas ipsorum nomine ad comitia mittendas, seu deputatos; quinam in comitiis Directoris munere fungi debeat, & ita porro. Denique cum *in Rep. mixta* retineri possint, quæ in statu populari necessaria sunt (§. 993.); in ea quoque *locus esse potest comitiis*.

§. 1001.

De aristocratia formanda.

Quoniam vi libertatis, populo competentis (§. 977.), formam Reip. eligere is potest, quam voluerit (§. 78.); *a voluntate populi in aristocratia unice dependet determinare, quantus esse debeat optimatum numerus, num ex omnibus populi ordinibus, an saltem ex eminentiore ejus parte optimates constituendi, num eorum regimen annuum, vel temporarium, an perpetuum esse debeat, utrum successores eligendi, an certa successionis lex statuenda; num jus optimatum ad certas familias, an ad possessionem prædio-*

diorum, vel aliam personarum conditionem restringendum. Hinc Aristocratia alia annua vel temporaria, alia perpetua, alia electiva, alia successiva est, alia denique laxa, quando ingens admodum fuerit optimatum numerus, et si is minorem populi partem faciat; alia strictior quando numerus optimatum non major est, quam qui quotidie convenire, aut citra moram convocari possit.

§. 1002.

Cum monarcha imperium plenum absolutum & summum habeat (§. 991); *De jure monarchæ & regno æsymmetico.* de omnibus negotiis publicis pro lubitu statuere potest (§. 983.), & ejus judicio standum (§. 981.). Et quia non a tempore dependet jus monarchæ, sed imperium plenum, absolutum ac summum ad tempus quoque haberi potest; Rector civitatis temporarius monarcha esse potest. Et quoniam Regnum æsymmetricum dicitur, si imperium saltem ad tempus in aliquem transfertur; idem monarchia esse potest, non tam necessario est. Ceterum monarcha non habet imperium herile: quippe quod ab eo, quale originarie in populo est, & in monarcham translatum (§. 991), dissentit (§. 997).

§. 1003.

Qq 4

§. 1003.

§. 1003.

De Re-
gno La-
conico.

Regnum Laconicum dicitur, in quo exercitium imperii quidem uni commissum, sed qui id exercere tenetur juxta populi, vel procerum voluntatem. In regno igitur *Laconico* Rex magis suadendi, quam jubendi potestate pollet, & inter monarchiam & regnum *Laconicum*, cum imperium Regi competens variis modis limitatum, aut deminutum esse possit (§. 981. 983.), plures regni species interjectæ sunt. Paret etiam, in regno *Laconico* Regem assimilari senatui (§. 999.).

§. 1004.

De re-
gno legi-
timo.

Regnum legitimum dicitur, in quo Rex imperium exercere tenetur juxta leges fundamentales vel perpetuas, vel in delatione imperii ipsi in specie præscriptas, seu capitulationem. Regna igitur legitima sunt Resp. mixtæ (§. 993.), & species inter monarchiam & regnum *Laconicum* interjectæ. Paret etiam, in regnis legitimis jus Regis omne metiendum esse ex legibus fundamentalibus (§. 984.).

§. 1005.

De re-
gno ele-
ctivo &

Regnum electivum dicitur, quando populus eligit successorem, Rege deficiente

ciente, aut jus eligendi in alios trans-^{interre-}
tulit. Rege mortuo imperium ad popu-^{gno.}
lum redire, per se patet, consequenter
a voluntate ipsius dependet, num Regem
novum eligere velit, an aliam Reip. for-
mam introducere. Cumque Interre-
gnum dicatur status Reip. in quo sedes
vacat; populus in interregno imperium
vel per se vel per alium, aut certos alios
administrare potest, consequenter Vica-
rios regni constituere; quorum jus ex le-
ge fundamentali metiendum (§. 984.);
Et ideo in ipso momento incipit, quo Re-
gis jus finitur.

§. 1006.

Cum jus transferendi imperium ^{De Re-}
originarie penes populum sit (§. 982.); ^{gis ele-}
jus eligendi Regem vel populus univer- ^{ctione.}
sus sibi reservare, vel idem simpliciter in
alios certos transferre, vel denique certas
electionis leges condere potest (§. 984.),
veluti determinando personæ eligibili-
tatem, tempus & modum electionis. Di-
citur autem *Electio legitima*, quæ juxta
leges de electione Regis conditas facta;
illegitima, quæ legi cuidam contraria-
tur. Quamobrem cum electorum jus
ex legibus fundamentalibus metien-
dum;

dum; *populus non tenetur, Regem illegitime electum agnoscere.*

§. 1007.

De jure
& obli-
gatione
Regis
electi.

Cum salus publica suprema lex sit (§. 976.); *Rex electus promittere tenetur, quod imperium salutis publicæ convenienter & cum populus velit, id secundum leges fundamentales administrari (§. 984.), si certæ leges eidem præscribuntur, secundum easdem administrare velit.* Quoniam pactum intercedit inter Regem electum & populum, quo ille se obligat ad imperii exercitium, hic jus exercendi in ipsum transfert (§. 438.); *nec Rex imperium sine consensu populi abdicare, nec ipse a populo abdicari potest (§. 100.).* Quoniam vero pactum, cui lex commissoria addita, statim resolvitur, conditione resolutive, quæ eidem inest, existente (§. 609.); *si Regi defertur imperium sub lege commissoria, ut regno cadat, quando hoc fecerit, vel non fecerit, regnum amittit, si fecerit, vel non fecerit,*

§. 1008.

De re-
gno suc-
cessorio.

Regnum successorium dicitur, quando in locum Regis deficientis certa lege succedit alius. Lex successionis, qua designan-

signantur personæ regni capaces, & modus succedendi definitur; *in delatione imperii primo Regi facta consensu populi, aut eorum, qui jus populi habent, condenda (§. 984.). Quodsi quædam huc spectantia in eadem fuerint prætermiſſa, cum ea tanquam per se nota populus supposuerit; more gentium vicinarum, quem tacite approbasse intelligitur, succeditur.* Et quia regna successoria introducuntur eo fine, ut successor sit certus, evitandarum nimirum turbarum causa, quæ in electione facile oriuntur: *in casu dubio populus de successione id voluisse præsumitur, quod successionem certam facit.*

§. 1009.

Cum *in regno patrimoniali* Rex præfens disponere possit de ipsa substantia imperii (§. 986.); *successorem sibi eligere potest, quem voluerit, personam sibi cognatam, vel nullo sanguinis vinculo junctam, etiam extraneam, seu peregrinam, immo quoque filium exheredare, ne succedere possit.* Et cum *Regnum patrimoniale* vel sit perfecte tale, si omnis proprietas imperii fuerit penes Regem; vel imperfecte tale, si saltem jus transferendi

De successione in regno patrimoniali.

rendi imperium pro lubitu fuerit pene Regem; *in perfecte tali imperium dividere potest in partes non modo potentiales (§. 983.), verum etiam subjectivas.*

§. 1010.

Nimirum *partes subjectivæ imperii* dicuntur imperium in personas, quæ incolunt certam territorii partem. *Territorium* vero vocatur locus, in quo aliqui imperium civile competit: unde *civitatis territorium* est regio, quam populus inhabitat, & in qua originarie imperium habet. Cum ad finem civitatis pertineat defensio sui adversus vim externam (§. 972.); *imperium in se in partes subjectivas divisibile non est*, consequenter *populus non intelligitur imperium transtulisse in alium, nisi ea lege, ne in partes subjectivas dividatur.*

§. 1011.

De modo
succeden-
di
hæredi-
tario.

Modus succedendi hæreditarius est, si eodem modo in regno succeditur, quo in hæreditate ab intestato succedi solet, nimirum qui eo tempore, quando imperium primo Regi deferretur, apud populum deferentem in usu est (§. 810.). Cum nonnisi unus in regno succedere possit

possit (§ 994.); si Regi defuncto plures extiterint hæredes, deficienteratione intrinseca electionis, natu major præferatur natu minori; utpote qui prior jus succedendi acquisivit per nativitatem (§ 828.). Et nisi expressa populi voluntate sceminæ admittantur, aut non admittantur, nisi deficientibus masculis; in casu priori sceminæ prætereuntur, in posteriori ultimo Regi filia, vel agnata proxima succedit (§. 1008.). Patet etiam, si in successione in bonis obtineat jus representationis, idem quoque obtinere in successione in regna.

§. 1012.

Actus Regis regii sunt, qui pertinent ad exercitium imperii; privati vero, qui ad idem non pertinent. Rex igitur quoad actus privatos tanquam persona privata spectandus, consequenter quoad eos non fruitur nisi jure privatorum. Similiter Bona Regis regia, seu publica sunt, quorum usus ad imperii administrationem & splendorem regium perpetuum destinatus. Bona vero Regis privata, seu propria sunt, quæ ad usus ipsius privatos destinantur, aut quocunque modo ab ipso acquiruntur. Bona igitur

De actibus & bonis Regis regii & privati.

patrimonialia
Chancel, Gubern.

igitur Regis privata cum regis in unam massam confundi nequeunt, consequenter regia ad hereditatem ipsius minime pertinent (§. 916.). Quamobrem etsi modo hereditario succedatur in regno (§. 1011.); qui in regno succedit, non ideo succedit in bonis Regis privatis, & hereditate repudiata in regno succedere potest, nec debita antecessoris privata solvere tenetur.

§. 1013.

De successione
lineali.

Successio linealis est, in qua regnum continuo ab uno in alterum devolvitur in linea recta; nec ad aliam propiorem fit transitus, nisi illa extincta. In successione itaque lineali mortui habentur pro vivis, & regnum per eos devolvitur ad eum, qui in vivis est, in eadem linea semper a persona gignente ad genitam; quando vero fit transitus ad aliam lineam, ab ultima in regnatrice ad primam in eadem proxima. Dicitur autem successio linealis agnatica, si foeminae a successione in æternum excluduntur; cognatica vero, si cum masculis promiscue admittuntur, vel masculis deficientibus succedit foemina Regi ultimo proxima. Patet autem, ut ante (§. 1011.),
natu

natu majorem præferri natu minori. Ceterum cum regna successori ideo fuerint introducta, ut successor certus sit (§. 1008.); si deficiente agnatica substituitur successio linealis cognatica, regnum devolvitur ad filiam ultimi Regis & ejus liberos masculos, vel ad cognatam proximam & ejus liberos masculos.

§. 1014.

Cum modus succedendi a libera po- De aliis
succe-
dendi
modis.
puli imperium deferentis voluntate de-
pendeat (§. 982.); tot modi succedendi in
regno possibiles sunt, quot concipi possunt,
& is obtinebit, quem tempore instituti re-
gni populus elegerit. Sed de his in spe-
cie plura dici nil attinet.

§. 1015.

Quoniam in regno successorio ideo Unde jus
successio-
nis ha-
beatur
in regno
successo-
rio.
quis succedit, quia populus voluit, ut
hac lege succedatur; successor jus suum
non habet ab eo, cui succedit, sed a volun-
tate populi, seu primo acquirente. At-
que jus succedendi providentia majorum
quæsitum est (§. 831.), & de ejus renun-
ciatione ac repudiatione valent, quæ de
jure per te in alios transmittendo alibi
ostendimus (§. 830.).

§. 1016.

§. 1016.

*De jure
deciden-
di con-
trover-
siam de
successio-
ne.*

Quia jus succedendi in regno acquiritur independententer a Regis præsentis voluntate (§. 1015.), nec populus, imperio in primum Regem certa successionis lege delato, quicquam in ea pro lubitu immutare potest, invitis iis, quibus aliquod jus inde quæsitum (§. 100.); *controversiam de jure succedendi suo ordine nec Rex præsens, nec populus decidere potest.* Quoniam tamen initio imperium deferre potest populus ea lege, qua placuerit (§. 982.); *Et primo regi jus decidendi controversiam de jure succedendi deferre, Et idem sibi reservare potest.*

CAPUT III.

DE

REPUBLICA CONSTITUENDA.

§. 1017.

*Constitutio
Reip.
quid sis.*

Constitutio Reip. est determinatio modi, quo finis civitatis obtinendus. Quamobrem ut jura sub imperio civili contenta agnoscantur, & officium tam imperantium, quam parentium pateat, ac jura singulorum intelligantur; de constitutione Reip. hic agendum (§. 978.).

§. 1018.

§. 1018.

Cum in civitate conjunctis viribus *De numero civium.* finis civitatis obtinendus (§. 972.); *tantus esse debet civium numerus, qui bono communi civitatis promovendo & defensionem adversus insultus hostiles sufficit, & ut sint tales, quales ad hunc vel istum finem particularem apti, consequenter ne sit major cum universum, tum in specie in quolibet vitæ genere, quam ut ne desit sufficiens copia eorum, quæ ad vitæ necessitatem, commoditatem ac jucunditatem requiruntur, nec minor.*

§. 1019.

Hinc consequitur, ut a civitate discedere liceat iis, quorum opera ad promovendum bonum publicum & defendendam civitatem Resp. carere potest: *De discessu a civitate.* de quo cum sit superioris judicium (§. 996.); sine consensu superioris sive expresso, sive tacito a civitate discedere non licet. Quamobrem cum Reip. inter sit, ne discedant divites aut locupletes, vel qui in aliquo vitæ genere præclaram Reip. operam præstare valent, aut quorum opera ad defendendam Remp. opus est; superior id permittere non tenetur. Per eandem rationem gregatim discedere (Wolfii Instit. J. N. & G.) Rr non

non licet, nisi ea sit rerum penuria, ut extremæ vitæ necessitati discedentium prospicere non detur (§. 442.). Qui a civitate discedit, cum civis esse desinat; fit peregrinus (§. 974.), nec civitati in eum amplius jus est (§. 975.).

§. 1020.

Dereceptione
peregrinorum.

Sequitur hinc porro, ut a voluntate superioris dependeat, num & qua lege peregrinum recipere velit, num eum civibus æquiparare, an non omnia civium jura in eum conferre, an saltem permittere, ut in regione sua habitet & rem suam agat, an tanquam incolam recipere. ^{velit} Appellantur autem Indigenæ, qui ex parentibus civibus in ea regione, in qua habitant, nati sunt; Advenæ vero, qui aliunde eo veniunt, ubi habitant, vel ex adventis nati sunt. Et Jus civitatis, vel etiam Indigenatus dicitur jus, quo cives fruntur. Sunt vero etiam Advenæ temporarii, qui aliunde veniunt non eo animo, ut perpetuo apud nos habitent, sed saltem aliquo temporis intervallo commorentur: qui cum nec civibus, nec incolis annumerandi sint (§. 974.); qui ex ipsis apud nos nascuntur, nec cives nostri sunt nec incolæ. Nimirum jus indigenatus & inco-

consequenter vult eum tamquam civem vel æqualem vel in æqualem.

incolatus transmissibile est (§. 821.), cum alias civitas conservari non posset.

§. 1021.

Sufficientia vitæ exigit, ut res indu- ^{Deiis} *striales & artificiales*, quantum datur, ^{qua suf-} *multiplicentur*, ne permittatur, ut otio ^{ficientia} *diffuant*, quibus vires ad laborandum ^{vita exi-} *suppetunt*, ne cuiquam desit, qui labora-
re vult, labor, ut quilibet studio ac labore suo tantum acquirere possit, quantum ad res, si non utiles & voluptuarias, saltem necessarias comparandum sufficit (§. 972.), consequenter huic fini convenienter pretia rerum ac laborum determinanda, & curæ maxime habendum, ne subditi in paupertatem, vel egestatem incidant, vel ad mendicitatem redigantur. Ac propterea non ferendum, ut an- ^{l. 2. ad leg. Jul. de annonæ.} *nona flagelletur*, & quantum datur, sub-
diti sublevandi, ne annonæ caritas ipsis sit damnosa. Cumque maximus isque indispen-
sabilis sit lignorum usus; curandum ne desit sufficiens lignorum copia, & iis rarefcentibus ad eorum parsimoniam subditi obligandi. Et quoniam luxur consistit in sumtuosiori cibi, potus, vestitus & aliarum rerum cura (§. 509.), & eo bona dilapidari constat; nimius, quo

Rr 2

sci.

scilicet ad paupertatem, aut mendicitatem rediguntur cives, *non tolerandus*. Ob rationem eandem *usuraria pravitas non permittenda* (§. 649.), *nec tolerandi sunt ludi*, quibus bona dilapidantur, ac ideo *nec lutores*, qui lusum tanquam artem exercent, immo *nec lotariæ ac ollæ fortunæ*, nisi boni publici causa, quod aliter promoveri nequit (§. 46.), concedendæ (§. 673. 674.).

§. 1022.

*Ea porro ex-
penduntur
quoad
pauperes
& men-
dicos.*

Eadem vitæ sufficientia exigit, ut etiam egenis ac mendicis prospiciatur de iis, quæ ad vitæ necessitatem requiruntur, & ne subditi nimis eleemosynis graventur, ea curæ esse debent, quæ lex naturæ de eleemosynis constituit (§. 488. & sqq.). Hinc instituenda sunt ergastula, in quibus opus facere coguntur, qui, cum laborare possint, mendicare malunt; *ptochotrophia*, in quibus aluntur egeni, qui labore suo ea acquirere nequeunt, quibus ad vitæ necessitatem indigent, ac cognatis, vel amicis destituuntur, qui indigentia ipforum prospiciunt; *nosocomia*, in quibus ægrotantes pauperes aluntur & curantur; *orphantrophia*, in quibus educantur pupilli egeni; *Scholæ pauperum*, vel *piæ*, in quibus

bus liberi pauperum parentum gratis instituuntur in iis, quorum notitia ipsis necessaria ac utilis.

§. 1023.

Immo quia præcavendum, ne subditi in paupertatem incidant (§. 1021.); *superiori quoque curæ habendum, ut pupillis sint tutores, qui eorum educationem diligenter curant & eorum bona fideliter administrant (§. 898. & sqq. §. 972.), consequenter tutores testamentarii & legitimi prævia cognitione confirmandi, antequam administratione submittant; ne scilicet inhabiles admittantur: & ut tutela rite administretur; certis personis publico nomine omnis cura tutelarum committenda.*

§. 1024.

Cum felicitas in statu voluptatis ac lætitiæ durabilis consistat (§. 118.), voluptas autem in sensu perfectionis, & illa legis naturalis observantia acquiratur & conservetur (§. 43. 44.); felicitas exigit, ut in Rep. qui ad legem naturæ servandam proni sunt juventur, nec ab aliis impediuntur; ceteri autem vi adigantur, ut minimum actus externos ad legem naturæ componant. Quamobrem curæ habere debet superior, ut subditi officiis tam

*erga se ipsos, quam erga alios atque Deum
 satisfacere studeant (§. 57.), consequen-
 ter ut de iis atque illis, quæ in suo vitæ
 genere ipsis scitu necessaria atque utilia
 sunt, absque oneroso sumtu instituantur
 publice. Patet itaque, in Rep. constituen-
 das esse Scholas, in quibus publica aucto-
 ritate instituuntur pueri, atque adole-
 scentes & juvenes in iis, quæ ipsis addi-
 scenda sunt; & in iis Præceptores ac Pro-
 fessores instituendos, qui probe callent ea,
 quæ docere debent, dono docendi instructi
 sunt, omnem diligentiam in institutione
 adhibent ac moribus sese discantibus com-
 mendant; Academias, vel Societates
 scientiarum, in quibus a personis habili-
 bus scientiæ ac artes perficiuntur, & no-
 vis inventis locupletantur; & Academias
 artium, in quibus artifices in arte, quam
 profiteri debent, veluti architecti, picto-
 res, musici excellentes educantur. Ut
 vero subditi de Deo & voluntate ejus, de
 virtute ac vitiis, cultuque divino insti-
 tuantur, ad virtutem incitentur & a vi-
 tiis avocentur; cura quoque cultus divi-
 ni externi superiori incumbit (§. 179.), ut
 scilicet extruantur templa, in quibus
 conventus cultus divini gratia celebran-
 tur;*

tur; *determinentur dies festi*, qui cultui divino destinantur; & instituantur *Doctores publici*, qui cultui divino præsunt & ea docent, quæ in conventibus sacris docenda. Facile igitur patet, *tolerandum non esse, ut cultus divinus, seu religio*, quæ docet certum Dei colendi modum, *in contemptum adducatur* & *opiniones religioni ac bonis moribus adversæ disseminentur*.

§. 1025.

Res sacræ dicuntur, quæ cultui divi- *Derebus sacris.*
no publico dicata sunt. Hinc *loca sacræ sunt templa* & *res sacræ, imagines, quæ attributa & beneficia Dei, itemque exempla singularia pietatis in memoriam revocant, in templis collocatæ*; cum earum usus pertineat ad cultum divinum. *Res autem profanæ* vocantur, quæ sacræ non sunt. Et *usus profanus* est, qui cultui divino non inservit. *Res autem sacræ profanari* dicitur, si ad alium, quam ad sacrum usum adhibetur. Ex ipsis definitionibus patet, *res sacræ alium usum non habere præter sacrum*; & *si quis eas ad alium usum transfert, eas profanari*. Cumque *Consecratio* sit actus, quo res quædam cultui divino publico dicatur;

R. 4

con-

patet consecratione res sacras ab omni usu profano separari, & ad usum sacrum unice dedicari.

§. 1026.

De Ecclesia & rebus ecclesiasticis.

Ecclesia dicitur cœtus hominum eodem modo Deum colentium; consequenter eidem religioni addictorum. Vocatur autem *particularis*, quæ in loco quodam particulari est, veluti in una urbe, vel certa ejus parte, aut in uno pago: *Universa* autem, quæ per quæcunque terrarum loca dispersa. Hinc *Res ecclesiasticæ*, vel *Ecclesiæ* dicuntur, quæ ad unum quendam Ecclesiæ pertinent, non tamen directe & simpliciter ad cultum divinum dedicantur. Universim sumtæ vocantur *Bona ecclesiæ*, quæ tam in rebus corporalibus, quam incorporalibus consistere possunt (§. 121.). Cum tam res sacræ, quam ecclesiasticæ destinantur ad usum Ecclesiæ cujusdam particularis (§. 1025. & præf.); utraq; ecclesiæ *particularis* sunt: quoniam tamen ecclesiam non faciunt, qui nunc vivunt, verum etiam qui his mortuis in eorum locum successive succedunt, salva manente eadem communione religionis; qui nunc sunt ejus membra de iis disponere nequeunt in præjudicium ecclesiæ pro tempore futuro.

§. 1027.

§. 1027.

Repræsentationes factorum personarum siue verarum, siue fictarum, si fuerint exitus læti, *Comœdias*, si tristes, *Tragœdias* appellamus: fit ita, quod veteres comœdias a tragœdiis distinxerint personarum conditione & fortunarum negotiorumque qualitate. Quoniam *comœdiæ* & *tragœdiæ* eum, quem exempla propriæ experientiæ, præbent usum, & propter manifestum nexum inter facta & exitum efficacia majore, consequenter ad praxin officiorum hominis & civis plurimum adjumenti afferunt; ad finem hunc, quem habere debent, aptæ in Rep. tolerandæ; minime autem, si vitiorum libidinem animo instillent.

§. 1028.

Vacuitas a metu injuriarum, quæ ad finem civitatis pertinet (§. 972.), *De cura superioris circa justitiam.* exigit, ut quilibet tutus præstetur ab injuria aliorum, consequenter non ferendum, ut quis lædatur ab alio (§. 88.), vel defraudetur (§. 286.), sed curandum, ut unicuique jus suum tribuatur (§. 86.), nimirum ut consequatur, quod ipsi ab alio debetur (§. 80.), damna data resarcian-

Rr 5

cian-

3. quod metum ciantur (§. 270.), & ob injurias factas rei puniantur (§. 93.). Cum violenta juris sui persecutio bellum sit (§. 98.); *belli privati exercitium in Rep. superiori competit.* Quoniam fieri nequit, ut superior id per se exerceat, & Judices dicuntur personæ, quæ unicuique in Rep. jus suum tribui curant, ac unumquemque adversus injurias aliorum defendunt; *in Rep. constituendi sunt judices.* Patet itaque, *in Rep. judicia succedere in locum belli privati.*

§. 1029.

De jure
judicium.

Quoniam judices curare debent, ut jus suum unicuique tribuatur (§. 1028.); *causas in judicium deductas cognoscere, a cujusnam parte stet veritas pronunciare & victo injungere debent, ut præstet vincenti, quod debet, sique sponte præstare nolit, eundem vi adigere.* Cum itaque judices sint veluti arbitri a superiore constituti (§. 770.); quæ de ipsis ostendimus quoad modum finiendi lites (§. 772. & seqq.), ea de iudicibus quoque tenenda. Quia tamen in ipsos translatum est exercitium belli privati, natura singulis comperentis (§. 98.); *expletio juris (§. 793.), quæ Executio, scilicet*

G. S. 2.

licet sententiæ dicitur, & exactio pœnarum ob injurias privatas, seu in singulos commissas, ad judices pertinent. Enimvero cum jus belli privati singulis non sit ademtum, sed per judices saltem exercendum; si copia judicis haberi nequit, bellum privatum adhuc licitum est, ideoque se adversus aggressorem (§. 90.) & res suas adversus prædonem, possessionem adversus invasorem, defendere licet (§. 263. 265.).

§. 1030.

Cum universitas in civitate spectetur tanquam persona moralis (§. 972.); injuria in Remp. committitur, si quid sit quod est contra jus universorum, veluti omnium securitatem (§. 89.). Quamobrem universis, consequenter superiori (§. 996.), etiam competit jus puniendi eum, qui jus universis competens, veluti securitatem publicam, quomodocunque violat. Factum dolosum, quo alteri damnum datur, vel infertur injuria, *Maleficio* dicitur; *Quasi Maleficio* vero factum culposum. Maleficio, quo damnum datur, vel injuria infertur privato, *Delictum*; quo Reip. damnum datur, vel injuria infertur, *Crimen* appellatur.

De puniendis delictis publicis.

tur. Dicuntur quoque illa *delicta privata*; hæc *publica*. Quamobrem *judicibus* etiam *conferendum* *jus puniendi delicta publica, sive crimina.*

§. 1031.

De in-
quisitio-
ne.

Cum pœna irrogetur ob delictum, vel crimen perpetratum (§. 1030.); *ne-*
mo puniri potest, nisi delicto, aut crimine
sufficienter probato, aut si sponte id confi-
teatur: cumque circumstantiæ adhuc la-
tentes ad pœnæ mitigationem facere
possint; antequam reus convictus & con-
fessus condemnatur, ipsi permittendum
est, ut, quæ sui excusandi causa se in me-
dium afferre posse existimat, proferat,
consequenter indefensus puniendus non
est, nisi ipse confiteatur, se in defensionem
sui nihil afferre posse. Quoniam inter est
Reip. ne delicta & præsertim crimina
maneant impunita (§. 93.); *si crimen suf-*
ficienter probari nequit, opera danda, ut
qui de eodem suspectus est, in negando ta-
men perseverat, ad confessionem adiga-
tur, consequenter jus est ad ea media, si-
ne quibus confessio extorqueri nequit
(§ 46.). Atque in his consistit *Inquisitio,*
quæ dicitur, *acis, in cujus delictum pu-*

blicum inquiritur, Inquisitus vocatur

§. 1032.

factus quo
Judex con-
tra se convictus
veritatem

officio veritatem commisi criminis et eius eundem
inquisitare cogatur.

§. 1032.

Tortura dicitur actus, quo corpus *Detor-
tura.* criminis suspecti dolore ac cruciatu afficitur, ut ad confessionem criminis adigatur. *Territio* vero sunt minæ de torquendo, quæ intenduntur inquisito in loco torturæ destinato, præsentē carnifice & apparatu ad torquendum requisito. Equidem cum haud pauci mori malint, etiamsi sint innocentes, quam cruciatus torturæ perpeti; *tortura non satis apta est ad veritatem eruendam*, nec defunt exempla innocentium propter sævitiam tormentorum confessorum, ac ideo condemnatorum: quoniam tamen Reip. maxime interest, ne crimen maneat impunitum, quod e diametro securitati publicæ adversatur (§. 93.); *si inquisitus criminis istiusmodi gravioris valde fuerit suspectus*, ut scilicet ad certitudinem vix quicquam adhuc deesse videatur, quam propria inquisiti confessio, *corpore autem sano & robusto, & malitia ejus manifesta, torqueri potest*. Juramentum purgatorium criminis suspecto a iudice delatum *Tortura spiritualis* appellari solet; quæ quod *non satis apta sit ad veritatem eruendam*,

endam, si crimen pœnam capitalem, vel corporis afflictivam, vel aliam infamen meretur, facile patet; cum non omnes Deum vindicem timeant, alii se veniam facile impetraturos putent, ut ideo pejerare (§. 371.), quam crimen confiteri malint.

§. 1033.

*De in-
carcera-
tione &
salvo
condu-
cto.*

Quia crimina impunita manere non debent (§. 1032.); *si constet crimen esse commissum, opera danda, ut reus detegatur; si notus fuerit, ne aufugiat, in carcerem conjiciendus; si lateat, aut aufugerit, nihil intentatum relinquendum, ut apprehendatur.* Et exinde ulterius sequitur, *ut sit tamdiu in carcere detinendus, donec judicis sententia vel absolutus, vel condemnatus fuerit: cumque nonnisi custodiæ causa in carcere detineri debeat; executio pœnæ, nulla præsertim necessitate urgente, non differenda.* Atque hinc simul intelligitur, *incarcerationem fieri non debere, si pœnam in absentem exequi datur; posse vero etiam testem de fuga suspectum incarcerari (§. 778.). Inculpatus dicitur, qui de delicto, vel crimine aliquo postulatur. Quod si ergo inculpatus, immo etiam reus, cui non dene-*

deneganda defensio (§. 1031.), metu carceris aufugit, & absens promittit judici, quod citatus judicio semper se sistere & causam suam agere velit, præstita securitate de non incarcerando, qui salvus conductus dici solet; judex eam ipsi tribuere debet, præstita, ne judicium eludere ausit, cautione de se judicio sistendo. Enim vero, si sententia a judice lata ad pœnam capitalem, vel corporis afflictivam condemnatur, aut torturæ subjiciendus cum tunc de fuga suspectus sit; salvus conductus expirat: & si durante inquisitione crimen committat, ob quod incarcerari potest; non obstante salvo conductu, quippe qui ad id non spectat, incarcerandus.

§. 1034.

In Rep. homo conjunctis omnium viribus consequi id debet, ad quod consequendum per se naturaliter obligatur (§. 972.). Quicquid igitur superior ad hoc conferre potest, ut sanitas subditorum conservetur & amissa restitatur, ad id faciendum obligatur. Atque hinc nascitur cura de salubritate ciborum ac potuum, de apparatus medicamentorum, & ne desint medici atque chirurgi periti, ac Professores Medicinæ idonei instituan-

*De cura
superioris
circa
sanitatem
subditorum.*

stituantur, item ne subditi labore nimio sanitati officere cogantur, & qui officiis publicis præficiuntur, iis salaria sufficientia præbeantur. Huc etiam pertinet cura de viarum publicarum commoditate & securitate.

§. 1035.

*De cura
circa
ædificia.*

Ob eandem rationem patet (§. 116.), *superiori curæ esse debere, ut materia ædificiis extruendis conveniens æquo pretio comparari possit, ut adsint architecti & fabri lignarii ac murarii, alique opifices periti, & ne officio suo in extruendis ædificiis desint. Huc etiam pertinet cura circa incendia, ut tempestive restringantur & quantum datur præcaveantur. Et quoniam ædificia publica venusta splendorem conciliant civitati; ut templa, curiæ, gymnasia, collegia academica & alia quæcunque ædificia publica, non modo firma & utilia, verum etiam venusta sint, superiori curæ esse debet.*

§. 1036.

*De cura
circa
monetam.*

Quoniam pecunia comparantur & res, & operæ, quibus indigemus (§. 494): *superiori curæ habendum, ne moneta sufficiens ad res & operas comparandas desit: & quia defraudatio non permitenda (§. 1028.); ut monetæ bonitas in-*
trin-

trinfeca conveniat extrinfecæ, seu monetæ sit proba; ac propterea in monetæ adul- c.c.c. l. iii. teratores, qui vel monetam falsam cudent, veluti vilioris matalli quantitate permiscendo, quam lege publica cautum, vel etiam radendo eandem diminuunt, severe animadvertendum, nec ferendum, ut moneta proba ad externos exportetur; & ejus loco minus proba invehatur a trapezitis, aliisque lucri sordidi cupidis.

§. 1037.

Onera Reip. dicuntur omnes sumtus Reip. administrandæ causa faciendi. Quamobrem cum sine oneribus Resp. administrari & defendi nequeat; onera quoque Reip ferre debent universi (§. 972.), non imponenda ultra, quam Reip. administratio & defensio exigit, & cum nemo civium ad paupertatem sit redigendus, singuli contribuere debent pro modo facultatum suarum. Sunt vero onera ordinaria, quæ perpetuus usus exigit; extraordinaria vero, quæ casus quidam emergentes exigunt.

§. 1038.

Ærarium publicum dicitur locus, in quo pecunia publica reposita est. Pater (Wolffii Inst. J. N. & G.) Ss ita-

De oneribus Reip.

De aërario publico.

itaque, *Remp. opus habere ærario* (§. 1036.), *paratam esse debere pecuniam, quantum Reip. administratio & defensio exigit.* Immo præter ærarium totius civitatis, cætus quoque *particulares sua debent habere æraria*, in quæ reponuntur pecuniæ in usum publicum a singulis collatæ.

§. 1039.

De fisco. Differt ab ærario publico *Fiscus*, qui est receptaculum pecuniæ privatæ Regis, seu imperantis. *Quæ igitur Regis propria sunt, seu ad ejus usus privatos destinata, in fisco sunt.* Unde *Confiscatio bonorum* est actus, quo in pœnam omnia bona, quæ quis habet, eidem adimuntur, & fisco attribuuntur. Hinc simul intelligitur, quid sit *Confiscatio rei particularis.*

§. 1040.

De domaniis.

Cum Rex sine sumtu se familiamque suam sustentare nequeat, nec splendorem dignitatis regiæ, imperium vero exerceat subditorum causa; *in regno subditi Regi sumtus suppeditare tenentur ad sustentandum se familiamque suam, & obtinendum dignitatis regiæ splendorem sufficientes, consequenter fisco*

fisco assignandi sunt certi redditus, pro diversitate circumstantiarum augendi (§. 1039.). Prædia, quorum redditus Re-
 ctori civitatis ad sustentandum se fami-
 liamque suam requiruntur, dicuntur
Domania: & hi redditus sunt bona ipsius
 propria (§. 1012.). De redditibus igitur
 ex domaniis pro arbitrio suo disponere
 potest (§. 195.); ast ipsa domania, utpote
 nonnisi usufructuarius, alienare & oppi-
 gnorare nequit (§. 713.), & alienata a
 successore revocari, nec quantocunque
 tempore præscribi possunt (§. 451. 452.).
 Quoniam in regno patrimoniali perfe-
 ctæ tali omnia imperii causa constituta
 sunt in dominio Regis (§. 986.); domania
 quoque alienare & oppignorare pot-
 est (§. 257. 697.). Et si Rex habet jus ex
 nova causa tributa indicenti sine ulla re-
 strictione, domania oppignorare potest;
 cum potuisset loco pecuniæ mutuo sum-
 mæ tributa indicare.

§. 1041.

Cum unicuique honor meritis sit ex-
 hibendus (§. 142.): superior quoque de-
 terminare debet actus externos, quibus
 honor ob merita in Remp. exhiberi debet
 de eadem bene merentibus a ceteris: ad

ss. X. de
iure iurando

De titu-
lis &
præce-
dentia;

ss 2

quod

quod modi apti sunt tituli, qui sunt vocabula præcellentiam cujusdam supra alios significantia, & præcedentia (§. 75.). Quoniam itaque tituli & præcedentia esse debent signa meritorum in Remp. & per eos cives ad præclara in Remp. merita obligantur (§. 35.); tituli cum præcedentia non debent esse venales. Ceterum obeandem rationem (§. 142.) ferendum non est, ut quis ignominia afficiat alios, præsertim eos, qui dignitatibus civilibus eminent, seu ornatu sunt.

CAPUT IV.

DE

JURIBUS MAJESTATICIS.

§. 1042.

Quænam ad jura majestatica referenda.

Cum jura majestatica sint, quæ ad imperium summum & ejus exercitium pertinent (§. 998.); ad ea referenda sunt jura omnia, sine quibus imperium publicum, quantum fieri potest, promoveatur (§. 980.), consequenter qui imperium civile exercet, ei competit jus omnia constituendi, quæ ad bonum publicum consequendum ipsi facere videntur.

§. 1043.

Potestas legislatoria.

Quoniam quælibet societas, consequen-

quenter etiam civitas suas habere debet leges, & eidem competit jus ferendi leges, (§. 846.); *ad jura majestatica pertinet potestas legislativa*, jus condendi leges (§. 1042.). Quamobrem cum leges concipi nequeant sine obligatione (§. 39.); *si tales non fuerint, ut iis satisfieri nequeat per executionem*, seu vi compellendo ad præstandum, quod præcipitur (§. 1029.), *iisdem tales actione addendæ sunt pœna, quæ ad cohibendam transgressionem, quantum datur, sufficiunt*. Hinc intelligitur, *leges non esse, si superior saltem significet, quid a subditis fieri, aut non fieri debeat, non vero addit, quod secus facientes puniri, aut vi adigi debeant ad faciendum*; cum hac voluntatis declaratione saltem admonentur subditi officii sui. Facile autem patet, *leges fundamentales non subesse potestati legislativæ, Reçtori civitatis competenti* (§. 984.).

§. 1044.

Cum lege voluntatem suam declaret superior, quid a subditis fieri, vel non fieri velit (§. 1043. 39.); *jus interpretandi leges in Rep. superiori competit* (§. 794.). Quamobrem in casu dubio interpreta-

Jus interpretandi leges.

tio ab eo requirenda, quæ authentica dici solet. Leges vero fundamentales superior interpretari nequit (§. 984.).

§. 1045.

De jure
abro-
gandi &
immutandi
leges

Lex 102 de l.

Lex abrogari dicitur, quando declaratur, quod subditos non amplius obligare debeat. Cum obligatio, quæ a lege humana venit, dependeat a voluntate legislatoris (§. 39.); *superior*, qui legem tulit (§. 1043.), eam quoque abrogare potest, si ipsi visum fuerit, consequenter *jus abrogandi leges ad jura majestatica pertinet* (§. 1042.). Et quia leges mutare idem est ac veteres tollere, & alias in earum locum substituere; *in jure leges ferendi & abrogandi etiam jus leges immutandi continetur*. Enimvero quoniam obligatio naturalis, quæ a lege naturæ venit (§. 39.), immutabilis est (§. 38.); *leges naturales abrogari nequeunt.*

§. 1046.

De jure
dispensandi.

Est actus quo legislator melius
nat de obligati
me observandi
legem tam

Dispensatio vocatur permissio actus lege prohibiti in casu singulari facta. Quamobrem cum dispensare idem sit ac legem tollere in casu quodam singulari, seu aliquem ab obligatione, quæ inde venit, liberare; *superior circa leges dispen-*

*dispensare potest (§. 1045.), ac propterea
Jus dispensandi ad jura majestatica per-
tinet (§. 1042.), ob immutabilem ve-
ro obligationis naturalis (§. 38.) ad le-
gem naturæ extendi nequit. Quamob-
rem si quædam permittere tenetur supe-
rior, quæ legi naturæ adversantur, ea
tantum impune fieri permittit.*

§. 1047.

Privilegium est concessio juris cujus-
dam, sive affirmativi, sive negativi, per-
sonæ uni, vel pluribus, aut certo cuidam
personarum ordini facta, quo ceteri ca-
rent. Dicitur in specie *Privilegium fa-
miliæ*, quod datur personæ cuidam &
omnibus ab ea per nativitatem descen-
dentibus. Qui privilegium habet, *Pri-
vilegiarius*, vulgo *privilegiatus* appella-
tur. Cum concessione privilegiorum
ceteri obligentur pati, ut privilegiatus
jure suo fruatur, nec quicquam commit-
tere, quod eidem adversatur; *privilegia
revera leges sunt* (§. 39.), consequenter
cum potestas legislatoria superiori com-
petat (§. 1043.), eidemque sit jus dispen-
sandi circa legem (§. 1046.), quod in
privilegiis obtinet; *jus concedendi pri-
vilegia, ad jura majestatica pertinet.*

*De jure
dandi
privile-
gium.*

l. 10. de pact.

SS 4

Cum

Cum voluntate superioris dentur privilegia, ideoque ab eadem pendet, cui nam privilegia dare & qua lege velit; *superior privilegia concedere potest vel ad tempus, vel ad dies vitæ sub onere quocunque, sub certa conditione, præsertim potestativa, aut precario, immo etiam sub pœna, veluti ut abusu, vel certo quodam facto committatur.* Quoniam tamen salus publica in civitate suprema lex est (§. 276.); privilegia dari non debent, nisi boni publici causa, consequenter si vergant in detrimentum Reip. aut multorum civium, superior ea tollere potest.

§. 1048.

*De jure
puniendi
& jure
gladii.*

Cum a metu pœnarum vim habeat obligatio (§. 35. 93.); pœnæ legibus additæ executioni dandæ sunt. Quamobrem cum punienda etiam sint delicta tam privata; quam publica (§. 1029.); ad jura majestatica pertinet jus puniendi & pœnas determinandi. Quia pœnæ vel sunt mala fortunæ, vel corporis (§. 93.); in privatione sui & in faciendo dolore in corpore consistunt, consequenter in pœnam adinni possunt res quæcunque corporales, pecunia, jura quælibet, ideoque etiam privilegia

legia (§. 1047.), sive in perpetuum, sive ad certum tempus, delinquens infamia notari, corpus variis modis affligi, immo cum exercitium juris puniendi revera sit defensio adversus eos, qui lædendi animum habent (§. 90. 93.), in pœnam ipsa vita eripi potest (§. 94.). Pœnæ igitur capitales in se illicitæ non sunt, & si crimina aliter averti nequeunt, licitæ.

Jus pœnam capitale sumendi de maleficis *Jus gladii* dicitur, immo etiam *Jus vitæ & necis*: quod tamen latius extenditur, quatenus scilicet jus exponendi vitam subditorum periculo mortis, veluti in bello, continet. *L. 3. de iurisdic.*

§. 1049.

Talio cum sit par vindicta, qua *Antalio* tantum quis patitur mali, quantum fecit, & tanquam illicita in se in exercitio juris puniendi non attendenda *in irrogandis pœnis attendenda.* (§. 156.); *in puniendis quoque delictis tam privatis, quam publicis talio non observanda, sed pœnæ loco malum nunc gravius, nunc minus inferendum, quam quantum fecit, qui deliquit, prouti finis pœnæ exigit (§. 94.).* Qua etiam de causa *malum in se tale non est, ut puniri debeat,*

nec Rector civitatis necem malefici intendit, sed aversionem læsionis cum a singulis, tum a Rep. seu universis.

§. 1050.

Quænam puniri nequeant.

Quoniam jus puniendi natura hominibus non competit, nisi ob læsionem actu factam (§. 93.); *actus interni, quando in externos non erumpunt, puniri non possunt.* Hinc *ob errores nemo puniri potest: disseminatio tamen erroris, præsertim si fiat contra prohibitionem, pænis coerceri potest.* Quamobrem cum *atheismus & deismus* sint errores; *puniri non possunt: disseminatio tamen atheismi & deismi, aliorumque errorum religioni adversorum puniri potest.* Quoniam pænæ loco est, si quis e civitate discedere jubeatur (§. 1048.); *ad pœnam graviorem procedere non licet, nisi si discedere nolit, nec ab errore divulgando desistat.* Pœna nimis levis existimari nequit e civitate exclusio, præsertim ubi difficile fuerit fortunarum suarum sedem alibi constituere,

§. 1051,

An pænæ nominis

Cum jus sepulturæ humanitati debitum (§. 824.) in pœnam adimi possit

possit (§. 1048.), ac præterea pœnis maxime conveniat, ut eorum memoria conservetur, quatenus exemplares sunt (§. 93.); *cadavera supplicium ultimum perpefforum infepulta in conspectu publico relinqui possunt.* Immo ob eandem rationem pœnæ nomine denegatur sepultura in loco honesto contemtoribus religionis, & propter autochiriam ex causa non ininputabili minime commissam, veluti non in furore, delirio, vel ex melancholia,

§. 1052.

Quoniam scelera, seu vitia fœda superior permittere non tenetur in Rep. præsertim ubi verendum, ne invalescant (§. 1024.), aut si salutis publicæ quodammodo adversentur (§. 976.), cum eadem prohiberi possit; *punire etiam potest,* veluti scortationem, adulterium, concubitus, qui sunt contra naturam, blasphemiam, luxum nimium.

§. 1053.

Sibona parentum confiscantur, cum liberi in iisdem nullum adhuc jus proprium habeant, quippe quod demum post mortem eorum consequuntur (§. 917. 921.); *iidem ob factum parentum*

sepultura deneganda.

An scelera puniri possint.

Quomodo parentes in liberis puniantur.

tum

tum non puniuntur (§. 1048.). Quatenus tamen ipsis adimitur hæreditas, quam sperare poterant; occasione ejusdem *malum quoddam sentiunt.* Quatenus vero parentes curæ habere debent, ut liberi sint fortunati (§. 892.), atque eo ducit natura insitus amor, qui in ipsis brutis conspicitur; ipsi affliguntur, quod videant liberos privari bonis, quæ post mortem suam habituri erant. *Ac ideo parentes in liberis confiscatione bonorum puniuntur (§. 93.).* Idem intelligitur eodem modo, *si ob crimen parentum liberis adimitur, si quid habent, aut expectare possunt, in quod jus proprium non ipsis, sed populo aut Regi est; seu quod non in ipsorum, sed in populi aut Regis dominio est,* qualia sunt nobilitas, jus certarum dignitatum civilium hæreditarium, aptitudo civilis ad certa officia publica, jus possidendi prædia equestria & alia privilegia familiæ data; quippe quæ sunt talia, quæ continuo juri superioris subiecta sunt, ut de iis disponere possit, prouti *salus Reip. exigit (§. 976.).*

§. 1054.

*De jure
aggraviandi,*

Cum *salus Reip. suprema lex sit (§. 976.),*

(§. 976.), pœnarum autem qualitas & quantitas voluntate superioris determinata sit (§. 1048.); *sic re Reip. esse superiori videatur, ut pœna remittatur, vel saltem mitigetur, eandem remittere vel mitigare potest.* Sunt autem rationes ad hoc sufficientes præclara parentum, vel majorum in Remp. aut superiorem merita, ob quæ pœnæ remissio, vel mitigatio æquipollet beneficio, quod ipsis redditur in liberis vel posteris, aut eorum cognatis. Tales etiam sunt præclara delinquentium in Remp. & Rectorem civitatis merita, vel magna spes meritorum in posterum. Jus vero pœnas remittendi, vel mitigandi *Jus aggratiandi* appellatur. Quod si pœnæ lege fuerint determinatæ; aggratiatio dispensationi æquipollet (§. 1046.), & Jus aggratiandi sub jure dispensandi continetur.

§. 1055.

Accusatio, vel inquisitio aboleri dicitur, si de crimine, cujus aliquis postulat, non inquirendum; consequenter is absque omni cognitione, aut saltem inquisitione nondum absoluta e nume-

*De jure
abolendi.*

ro reorum eximitur. *Est igitur abolitio remissio pœnæ in casu dubio.* Quamobrem cum jus abolendi sub jure aggraviandi contineatur (§. 1054.); *superiori jus abolendi competit (§. cit.).*

§. 1056.

De amnestia.

Differt ab abolitione *Amnestia*, quæ est oblivio injuriarum & criminum patrorum in perpetuum decreta. Unde & *Lex oblivionis* vocatur. *Amnestia* igitur *præstita*, ante actarum rerum nemo accusari, neve puniri potest. Cum salus Reip. suprema lex sit (§. 976.); *si e re civitatis fuerit*, veluti si præteritarum injuriarum oblivione certius caveatur, ne novis iisque gravioribus pandantur fores, vel si eadem tutius finiantur, si pœna remittatur, quam si nocentes puniantur, *amnestia naturaliter licita*, & *eam*, cum sit pœnæ remissio, *superior præstare valet* (§. 1054.). Facile autem intelligitur, *si in rebellionem amnestia a superiore præstatur*, cum id fiat transactione, ut pax restituatur, ac ideo vim suam a pacto accipiat (§. 764.); *id non fieri vi imperii.*

§. 1057.

De Jure

Jus onera imponendi, superiori competens

petens (§. 1037.), *ad jura majestatica pertinet* (§. 1042.). Dicuntur autem *Tributa* pecunia, quæ pro rebus immobilibus, pro moventibus, pro bonis possessis, aut negotio quæstuoso, vel etiam pro capite suo, onerum Reip. ferendorum causa, solvitur: *Vectigal* vero pecunia, quæ eadem de causa pro mercibus & rebus consumptibilibus, pro vectura, & si qua sunt his gemina, solvitur. Ad ea etiam pertinent *Munera publica*, quando subditi sine dignitate publicæ utilitatis causa gratis, vel etiam cum damno patrimonii & sumptibus suis quid facere obligantur. Istiusmodi munus publicum est personali hospitio excipere milites, est etiam tutelæ administratio. Patet autem, *tributa & munera publica rerum immobilium pretium imminuere, vectigalia autem rerum pretium augere*. Hinc vero sequitur, *ut nova tributa & munera publica, atque vectigalia caute sint imponenda.*

onera
imponendi &
ejus generibus.

§. 1058.

Collecta dicitur pecunia, quæ a civibus usus cujusdam particularis gratia colligitur, veluti extructionis templi, vel

De jure
colle-
ctandi.

vel ædium incendio devastatarum, aut pauperum alendorum causa. Cum collectæ indirecte respiciant Remp. quatenus universi consulere tenentur singulis, vel cœtibus particularibus (§. 975.), & si fiat in usum exterorum, pecunia ex civitate exportatur, consequenter onera sint, quæ respectum ad Remp. habent *concessio juris collectandi ad superiorem pertinet* (§. 1057.), ideoque *jus collectandi sine ejus permissu exerceri nequit*. Et quamvis collectæ confundendæ non sint cum eleemosynis, quas privatus quidam colligit miseriæ sublevandæ causa, in quam quis fatali incendio, vel alia calamitate redactus est; ipse tamen *superior* etiam *de his disponere potest*, cum *jus disponendi de eleemosynis eidem competat* (§. 1022.), eademque referendæ sint ad onera, quæ indirectæ Remp. respiciunt.

§. 1059.

*De jure
monetæ
tam cu-
dendi.*

Superioris cum sit curare, ne desit monetæ probæ sufficiens copia & ne adulteretur (§. 1036.); *ius monetæ cudendæ adjura majestatica pertinet* (§. 1042.), & *superiori quoque competit jus valorem extrin-*

extrinsecum monetæ tam propriæ, quam peregrinæ determinandi, prouti e re civitatis visum fuerit. Quodsi ob temporum calamitates monetæ ex materia vili, vel exigui, aut fere nullius pretii causæ immodicus valor extrinsecus tribuendus, ne plurimi civium ad incitas redigantur, cessantibus illis superior curare debet, ut cum moneta proba permutetur.

§. 1060.

Officium publicum dicimus administrationem certorum negotiorum vi imperii civilis gerendorum & executioni dandorum. Officio igitur publico funguntur non modo illi, quibus exercitium cujusdam juris ad imperium civile pertinentis committit superior, verum etiam hi, quorum ministerio vel ipse, vel illi utuntur in executione negotiorum. In specie autem Magistratus dicitur, cui partes quædam imperii exercendæ committuntur a superiore, quales sunt magistratus oppidani, gubernatores provinciarum, immo & judices (§. 1028.). Cum superior imperium solus per se exercere nequeat, sed exercere teneatur partim per alios, confecta *De jure consue-
rendi of-
ficia pa-
blica.*

(Wolffii Instit. J. N. & G.) Tt quen-

quenter magistratus & judices ipsius nomine faciant, quicquid faciunt, & in genere, qui officio cuidam publico præsticiuntur, nonnisi exequantur a superiore sibi demandata; superiori quoque competit jus magistratus atque judices instituendi, & in genere officia publica conferendi. Ceterum ab ipsius arbitrio pendet, quatenus quoad functiones minores jus conferendi magistratibus, judicibus & qui aliis officiis funguntur, concedere velit & qua lege. Facile autem patet, hos suo jure non uti nisi dependenter a voluntate superioris.

§. 1061.

*De jure
confe-
rendi ti-
tulos
& præ-
ceden-
tias s.
dignita-
tes civi-
les.*

Et quia tituli & præcedentia per se sunt præmia bene meritorum de Rep. vel persona superioris (§. 1041.), per quos subditi ad præclare merendum obligantur (§. 35.); jus conferendi titulos & præcedentiam ad jura majestatica pertinet (§. 1042.). Cumque hi etiam adhæreant officiis publicis, quatenus, qui iisdem funguntur, bene de Rep. merentur; ideo officia publica, quæ dignitatem adjunctam habent, a Romanis *Honores* appellabantur.

§. 1062.

§. 1062.

Cum imperium publicum exerceri *Quomodo* debeat salutis publicæ convenienter *do jus* (§. 976.); *officium publicum nemini con-* *istud ex-* *ercen-* *dum.* *ferendum, nisi qui habilis est, hoc est, cui non modo sunt vires sufficientes, ut eodem recte fungatur, sed & constans atque perpetua voluntas eodem recte fungendi, consequenter officia publica non vendi debent, nec conferri plus licitanti neque etiam ferendum est, ut ab iis, qui officium aliquod ambiunt, munera accipiant, qui vel officia conferunt, vel superiori personas habiles commendare, aut præsentare debent. Quamobrem cum Crimen ambitus vocetur, quo quis data pecunia, vel alio illicito modo corruptis suffragiis officium quoddam publicum, vel dignitates civiles parat; crimen ambitus non tolerandum, consequenter pœnis coercendum. Immo si ex indigni electione damnum Reip. fecerit is, cui officii publici collatio mandata est, id resarcire tenetur (§. 270.).*

§. 1063.

Removeri ab officio dicitur, qui eodem invitatus privatur; suspendi, qui eodem fungi ad tempus certum, vel inde- *De re-* *motione,* *suspensionem*

*Et dimissione
ab officio.*

finitum prohibetur; *dimitti*, cuius precibus annuit superior, ne eodem diutius fungi obligetur. Quoniam *officii collatio pacto perficitur inter collatorem & eum, cui confertur*, quo is certorum negotiorum administrationem, vel executionem eidem committit (§. 1060.) & salarium promittit, hic vero spondet, se negotia ista diligenter administraturum, vel executurum (§. 438.); *nemo officium abdicare potest sine consensu superioris, aut ejus, qui ab eodem jus habet* (§. 341.), *nec removeri, nec suspendi potest sine justa causa, veluti si negligenter, aut fraudulenter eodem fungatur* (§. 442.), *aut in pœnam* (§. 1048.). Patet itaque, *jus removendi, suspendendi & dimittendi ab officio competere per se superiori*.

§. 1064.

*De jure
circa sacra.*

Jus circa sacra, aut *Jus sacrorum* dicitur jus disponendi de iis, quæ ad cultum divinum & Ecclesiam spectant. Cum cura cultus divini externi superiori incumbat, veluti ut extruantur templa, determinentur festa, instituantur doctores publici (§. 1024.), consequenter etiam ut rectus fiat rerum sacrarum
usus

usus (§. 1025.), & de rebus ecclesiasticis rite disponatur (§. 1026.); *jus aliquod circa sacra superiori competit*. Quoniam vero imperium, quod continet omnia jura ad id spectantia, consequenter etiam jus circa sacra, in partes potentiales divisibile (§. 983.), & idem quoque divisum transferri possit (§. 982.); *jus quoque sacrorum a seculari separari, idque vel populus sibi reservare, vel alii cuidam separatim deferre potest*. Quoniam quæ ad cultum divinum internum spectant & quæ in externo eadem inseparabiliter cohærent, vel dogmata theoretica de Deo & voluntate ejus, vel practica de agendis sunt (§. 178.), imperari vero non possit, ut pro vero habeas, de quo per rationes convictus, vel persuasus non fueris; *jus circa sacra, quatenus originarie in populo est, extendi nequit ad ea, quæ ad cultum divinum internum spectant & indivulso nexu cum eodem in externo cohærent, nisi quatenus turbarum evitandarum gratia controversia aliqua in Ecclesia orta provisionaliter decidenda, ut scilicet constet, quid publice doceri debeat, vel certi quid constituendum, veluti ut*

unicuique liberum sit, sententiam suam proponere ac rationibus defendere, citra contumeliam, vel insectationem partis alterius, aut ut de eo, quod controversum est, in cultu divino publice taceatur. *Ast de iis, quæ in cultu externo salvo interno non uno modo fieri possunt, pro lubitu disponi posse ab eo, qui jus sacrorum habet, prouti e re civitatis, vel ecclesiæ ipsi visum fuerit, nihil difficultatis habet (§. 976.).* Enimvero cum imperium civile metiendum sit ex fine civitatis (§. 980-); *jus circa sacra quoad eos actus, qui respectum quendam ad Remp. habent, vel quorum executio brachio civili indiget, & quatenus ecclesiæ tutelam civilem exigit, ab imperio civili dependens semper est.* Quoniam Rector civitatis ad legum fundamentalium observantiam obligatur (§. 984.); *si qua de jure circa sacra lege fundamentalis disponuntur, veluti ne tolerantur religiones ab ea, quam populus proficitur, diversæ, vel ne Rector civitatis alii religioni addictus sit, ea tenent Rectorem civitatis.* Si lex nulla fundamentalis obstet, cum tunc pro lubitu statuere possit de eo, quod sibi visum fuerit; *reli-*

religionem quamcunque in civitate tolerare potest, modo ea non sit statui civili adversa, & eam præscribere legem, sub qua eandem tolerare velit.

§. 1065.

Jus disponendi de rebus propriis civium salutis publicæ causa, in casu necessitatis, dicitur *Dominium eminens*; jus vero eadem de causa in casu necessitatis disponendi de ipsis personis civium *Potestas eminens*. Utrumque conjunctim *Jus eminens*, in res scilicet & personam civium, vocatur. Superiori itaque *dominium & potestas eminens*, seu *jus eminens* competit (§. 976.), & *jus utrumque* *jus quoddam necessitatis est*, nec locum habet, nisi quando ejus usus est *medium unicum salutis publicæ in casu emergente promovendæ*: cumque res sacræ & ecclesiasticæ sint ecclesiæ particularis, cujus membra sunt cives (§. 1026.); *vi domini eminentis etiam de rebus sacris & ecclesiasticis disponere potest superior*, non tamen *sine consensu ejus*, qui *jus circa sacra habet*, si id a *regimine seculari fuerit sejunctum* (§. 1064.). Cum *dominium & imperium* sint duo jura a se invicem prorsus distincta, quorum

De do-
minio &
potestate
eminens-
te.

T t 4

unum

unum ab altero prorsus independens est (§. 195. 833.); *si Rex fuerit fundorum privatorum dominus, id ad imperium non pertinet, nec quicquam in ipso imperio, aut modo habendi imperium mutat.*

§. 1066.

*De Jure
belli.*

Cum *superior* Remp. defendere teneatur adversus vim externam, consequenter etiam jura populi sui & singulorum quoque subditorum vi persequi adversus gentes alias (§. 972); *jus etiam belli in alias habet (§. 98.), idque ad jura majestatica pertinet (§. 1042.).* Atque hoc bellum, quod jure civitatis geritur cum gentibus aliis, *publicum* dici solet.

§. 1067.

*De Jure
paci-
scendi
cum gen-
tibus
aliis.*

Denique quia *superior* populi salutem quovis modo promovere debet (§. 972. 996.); *si ope atque auxilio aliarum gentium salutem civium suorum promovere possit, pacta de eo cum gentibus aliis inire potest.* Sed de jure belli & pacta ineundi cum gentibus aliis agendum in Jure Gentium.

CAPUT



CAPUT V.

DE

THEORIA NATURALI LEGUM

CIVILIIUM.

§. 1068.

Leges civiles dicuntur, quæ a superiori re feruntur subditis in civitate. *De legibus civilibus.* Cum civitates diversæ inter se spectentur tanquam personæ liberæ in statu naturali viventes (§. 977.); *leges civiles non obligant nisi membra ejus civitatis, in qua feruntur*, consequenter si *leges peregrinæ recipiuntur, eæ vim obligandi nanciscuntur a superioris voluntate, qui vult eas esse leges suæ civitatis.* Quoniam vero salus publica suprema lex est (§. 976.); *leges peregrinæ non ante recipiendæ, quam demonstratum fuerit per ea, quæ præscribunt, bonum commune hujus civitatis promoveri posse, ideoque si mutato rerum statu, vel agnito errore deprehendatur, ea non esse media commu- ne bonum promovendi, abrogandæ sunt:* id quod in genere de legibus quibusvis tenendum.

§. 1069.

Cum obligatio naturalis sit immutabilis (§. 38.), nec ullus homo ab ea

De habitu legum civilium ad natu-

Tt 5

libe-

rales
præ-
ceptivas
& pro-
hibiti-
vas.

liberari possit (§. 42.); *leges civiles contrariæ esse non debent naturalibus præceptivis & prohibitivis*, consequenter *lex civilis ex naturaliter debito facere nequit illicitum, nec ex naturaliter illicito debitum, vel licitum (§. 49.)*. Quamobrem *si lege civili tacite permittitur, quod legi præceptivæ, vel prohibitivæ contrarium; id saltem toleratur, vel concessa impunitate agendi, vel denegato auxilio judicis, majoris mali, vel damni vitandi causa, vel quod alia quacunque de causa id fieri necesse sit (§. 976.)*. Nimirum *permittendo legi præceptivæ, vel prohibitivæ naturali contrarium lege civili libertas naturalis non restringitur ultra id, quod exigit finis civitatis (§. 78. 980.)*. Enimvero cum permittendo utique velit superior, ne alius agere volentem vi impediatur, quo minus agat; *si lege civili quid permittitur, lex permissiva obligat ceteros, ne agentem vi impendant, quo minus faciat, quod permittitur, ac inde nascitur agenti jus non patiendi, ut vi impediatur (§. 46.)*.

§. 1070.

De legi-
bus civi-
libus a
natura-

Quod si obligatio naturalis non satis efficax fuerit ad legum naturalium observantiam, quas tamen in Rep. obser-

servari necesse est; *leges naturales ad-* libus
ditis pœnis, quarum metu introduci- materia-
 tur obligatio positiva naturali fortior liter non
 (§. 35. 93.), *efficiuntur civiles*, quatenus differe-
 scilicet pœnas continent lege naturali tibus.
 minime determinatas (§. 39.). Immo
 cum metus executionis a iudice facien-
 dæ (§. 1029.), & prævisio actus ab eo-
 dem irriti efficiendi aut rescindendi
 vim obligandi habeat (§. 35.); *leges*
 quoque *naturales formam civilium in-*
duunt, quatenus iisdem præstatur auxi-
 lium in foro.

§. 1071.

Quoniam in civitate libertas sin- De habi-
 gulorum restringitur quoad eas actio- tu legum
 nes, quæ ad bonum publicum conse- civilium
 quendum pertinent (§. 980.); *superior* ad natu-
ex naturaliter licito lege civili debitum, rales
vel illicitum, & ex imperfecte debito, seu permissi-
officio humanitatis perfecte debitum fa- vas &
cere potest, prouti fini civitatis convenit officia
 (§. 49. 80.). Quod vi libertatis natu- humani-
 ralis singulis per facta facere possunt
 (§. 667.); idem superior, cuius juri sub-
 jecta est libertas naturalis singulorum,
 facere potest, quatenus finis civita-
 tis id exigit (§. 980.). Hinc sequitur,
 ut,

ut, si quid pluribus modis fieri potest, superior præcipere possit, ut hoc vel isto modo fieri debeat, consequenter actus civiliter validus non sit, nisi lege præscripto modo fiat. Huc etiam pertinet, si superior determinat modum, quo obligationi naturali satisfieri potest, aut ab eo præcavetur, ne eidem adversa committantur, aut ut contractui insit, quod per pacta eidem adjici potest, vel lex detur, quam contrahentes dare poterant.

§. 1072.

De legibus civilibus materialiter a naturalibus differētib.

Cum superior curet, ut jus suum unicuique tribuatur per judicem (§. 1028. 1029.); facile patet cavendum esse, ne lites multiplicentur in nimium, & ex litibus nascentur lites, nec in foro protrakantur, atque curandum, ut exitum habere possint. Quamobrem ob minimam quamcunque læsionem litibus in foro locus concedi nequit; cum & in statu naturali ob læsiones non magni momenti a bello abstinere jubeat prudentia, vel charitas, & sæpe poena danda sit culpæ, ut posthac cautius mercari discas; & si determinationes legi naturæ adjectæ fuerint probatu difficiles, vel prorsus impossibiles, in earum locum substituen-

stituendæ aliæ probatu faciles, quæ probabiliter, seu ut plurimum iisdem æquipollent. Hinc sequitur, ut lege civili determinentur læsiones, ob quas auxilium dandum, vel denegandum in foro, & culpa pro diversitate negotiorum præstanda.

§. 1073.

Quoniam leges civiles præscribere debent media, quibus commune bonum civitatis obtinetur (§. 1068.); ratio eorum, quæ legi naturali vel addenda, vel subtrahenda, ut ex ea efficiatur civilis, vel a statu civitatis in genere, vel hujus, in qua lex fertur, in specie desumenda. Et per se patet, si legum civilium una concordia esse debeat, admitenda etiam esse juri naturali non intotum consona, quæ ex aliis legibus civilibus necessario consequuntur. Quamobrem cum voluntas legislatoris contradictoria concipi non debeat; quæ ex lege civili necessario consequuntur, ea etiam pro lege tenenda.

§. 1074.

Quoniam ex hæcenus dictis apparet, leges civiles efficiendas esse ex naturalibus; cavendum est, ne legislator errores quosdam communes pro jure natu-

ra

Unde desumenda
fit ratio
legum civilium
ex naturali
facienda
rum.

De erroribus
circa jus
naturæ
vitandis.

re sumat, consequenter si per inscitiam temporum errores quidam irrepsérunt in leges civiles, aut quædam ex aliis hac labe infectis per consequentiam fuerint erratæ, eadem abrogandæ, vel veritati convenienter emendandæ sunt.

CAPUT VI.

DE

OFFICIO SUPERIORIS ET SUBDITORVM.

§. 1075.

*De bono
& malo
regimi-
ne.*

Exercitium imperii civilis dicitur *Regimen*. Quamobrem cum boni publici promovendi causa constitutæ sint civitates (§. 972.), & imperium civile consistat in determinandis actionibus civium atque iis, quæ ad bonum publicum consequendum faciunt (§. 978. 980.); *Rektor civitatis bene regit Remp. si ea facit, quæ ad bonum publicum promovendum requiruntur, male autem regit, si ea facit, quæ bono publico adversantur, & ad bene regendum obligatur.*

§. 1076.

*De qua-
litatibus
R. c. &
consilia-
riis ad
bonum
regimen*

Quamobrem *Rektor civitatis instru-
ctus esse debet scientia eorum, quæ ad bo-
num regimen requiruntur, & habere vo-
luntatem constantem ac perpetuam non-
nisi ea faciendi, quæ ad bonum regimen
spe-*

ſpectant. Enimvero cum fieri non poſſit, ut omnia negotia publica ac ea in pri-^{requisi-}mis, quæ ad decernendum in præſenti ſupponenda veniunt, ipſi ſint intime perſpecta; ideo *uti debet relatione ac conſilio virorum prudentum, quorum alii in hoc, alii in alio negotiorum genere excellunt.* Dicuntur hi *Conſiliarii*, & dividuntur in diverſas ſpecies pro diverſitata negotiorum, ad quæ conſilium ipſorum adhibetur. *Conſiliarii* igitur non modo negotia habere debent perſpecta, verum etiam fideliter referre omnia quæ in caſu præſenti attendenda ſunt, nil quicquam celare & ab omni adulatione procul abeſſe.

§. 1077.

Cum maxima vis ſit obligandi ſub-^{De vir-}ditos exemplum Rectoris civitatis; ^{tute R. c.} Rector civitatis omni virtute ac pietate excellere debet (§. 1024.). Utque voluntas conſtans ac perpetua bene regendi ſit (§. 1075.); *populum ſuum amare.*

§. 1078.

Quoniam vero bene Remp. rege-^{De abu-}re obligatur (§. 1075.); *ſummitatem* ^{ſu pote-} *imperii non debet confundere cum pote- ^{ſtatis vi-} *ſtate arbitria, conſequenter jura ma-* ^{tando.} *jeſta-**

jestatica probe perspecta ipsi esse debent & rectus eorundem usus (§. 1042.), una cum legibus fundamentalibus, si quæ sunt, ad quorum observantiam obligatur (§. 984.), consequenter ad omnia animum attendere, quæ de Rep. rite constituenda demonstrata sunt (§. 1017.).

§. 1079.

De obedientia subditorum.

Quoniam imperium summum non admittit, ut actus ad ejus exercitium spectantes ab ullo homine irriti reddantur (§. 981.); *imperium summum in se irresistibile, consequenter populus in iis, in quibus imperii summitatem habet Rector civitatis, resistere non debet.* Cumque imperium transferri nequeat ea lege, ut populus universus recte imperanti parere debeat, male autem imperanti resistere eumque coercere possit; *populus Rectori civitatis in iis, in quibus summitatem imperii habet, obligatur ad obedientiam cum patientia seu non modo bene, sed etiam male regenti Remp. obedire tenetur; id quod durum videri nequit, cum præstet sub malo regimine, quam in statu naturali vivere (§. 972.).* At quia ab obligatione naturali nemo libera-

berari potest (§. 42.); si superior imperet legi naturæ præceptivæ, vel prohibitivæ repugnantia, obediendum non est, & patienter ferendum, si propterea puniatur, aut potius male tractetur. Et quoniam superiori nullum jus est imperandi legibus fundamentalibus adversa (§. 984.); nec obediendum, si legibus fundamentalibus adversa imperentur, immo imperanti resistere eumque coercere licet, si in jus populo, vel optimatibus reservatum involet (§. 88. 90.).

§. 1080.

Supplicare dicitur, qui cum reverentia precatur, ut quid fiat, vel non fiat. Quamobrem cum motivis opus sit, ut quis facere velit, nolit; *supplicanti licet rationes, ob quas aliquid fieri, vel non fieri debeat, demisse exponere.* Quamobrem cum fieri possit, ut superior imperet, quod nimis durum, vel iniquum videtur, quia non satis novit, cur nimis durum, vel iniquum videatur; si imperet quod nimis durum, vel iniquum videtur, subditis *supplicare licet, & Magistratibus inprimis jus supplicandi subditorum nomine competit (§. 1060.), minime autem jus resistendi injuriis imperantis; cum* (Wolfii Instit. J. N. & G.) *Uu non*

De supplicatione,

non utantur jure, nisi a superiore ipsis concesso & dependenter a voluntate ejus exercendo (§. cit.). *Quodsi supplicatio, etsi justa, non attendatur, subditis hoc patienter ferendum (§. 1079.).*

§. 1081.

*Dere-
gno ab-
dicato,
derelicto
vel com-
misso.*

Si Rex imperium abdicavit, vel derelinquit, aut regnum ex feloniam in eum, cujus est feudum, aut ex clausula in ipsa delatione imperii posita, ut, si Rex hoc faciat, subditi omni obedientiae vinculo solvantur, committit, cum Rex persona moralis sit, qui propter imperium, quod habet, Rex est (§. 994.), consequenter imperio amisso Rex esse desinat; in personam privatam recidit, ideoque in eundem licet, quod in privatum.

§. 1082.

*De cri-
mine læ-
sæ maje-
statis &
in specie
per duel-
lionis.*

Cum nemo quicquam facere debeat, quod est contra jus alterius (§. 86.); nullus quoque civis quicquam facere debet, quod est contra jura majestatica, consequenter nec machinari quicquam adversus personam ejus, qui jura majestatica in civitate, ideoque imperium summum habet (§. 998.), quo scilicet jus aliquod majestaticum, vel totum summum imperium, eidem vel aufertur, vel diminuitur, vel
usus

usus ejus quomodocunque impeditur (§. 83.). Quamobrem nihil moliri debet, quod ad Reip. everfionem & labefactionem, ac Reſtoris civitatis interitum tendit. Quoniam Crimen læſæ majeſtatis dicitur factum, quo quid adverſus jura majeſtatica, & per conſequens adverſus perſonam ejus, qui imperium ſummum habet, committitur; crimen hoc naturaliter illicitum, ſeu contra ius naturæ eſt. Et quia ſuperiori competit jus puniendi eum, qui juſ univerſis competens violat, qualia ſunt jura majeſtatica ſub imperio contenta (§. 979. 998.) & in Reſtorem civitatis translata (§. 982.); ſuperiori quoque competit juſ puniendi eum, qui crimen læſæ majeſtatis committit. Quoniam vero cum jura majeſtatica omnia non ſint ejusdem gradus, vi eorum, quæ de hiſce juribus demonſtrata ſunt (§. 1042. & ſeqq), neque etiam facta adverſus eadem commiſſa æquale nocumentum afferant Reip. non omne crimen læſæ majeſtatis eodem modo puniri poteſt. Vocatur autem in ſpecie Crimen perduellionis, quo quis Reſtorem civitatis vita, vel imperio privare, vel Remp. evertere, aut labefactare conatur:

tur: quod, cum inter crimina læsæ majestatis utique maximum sit, *gravissimis pœnis coërcendum*. Patet vero, *crimen læsæ majestatis & perduellionis committi posse in quacunque Reip. forma*. Cumque liberi & cognati puniri nequeant ob facta parentum, vel cognatorum (§. 873.); *perduellium liberi & cognati puniri non possunt*. Quoniam denique obligatio ad non committendum crimen læsæ majestatis venit ex pacto, quo civitas constituta (§. 972.), & ex pacto, quo imperium in Rectorem civitatis translatum (§. 982); *crimen læsæ majestatis & perduellionis committi nequit nisi a subditis, & qui committit, perfidus est* (§. 390.).

§. 1083.

*De jure
in inva-
sorem.*

Invasor imperii dicitur, qui cum nulum jus ad imperium capeffendum habeat, vi, vel dolo id occupat. Quamobrem cum invasor imperii raptori æquiparetur (§. 263.), consequenter in eundem tantundem liceat, quantum vi injustæ depellendæ sufficit (§. 268.); *si invasor imperii in actu invadendi constitutus, ei vi resistere, & si possessionem sola vi retineat, neque pæctio ulla secuta sit, quæ fervanda* (§. 438.), *cum vi dejicere,*
im-

immo in utroque casu occidere, si opus sit, licet. Et quoniam superior, cui hoc jus competit, id vel per se, vel per alium exercere potest; si promiscue unicuique privato permittat, ut invasorem in casu utroque interficiat, quilibet eum interficere potest.

§. 1084.

Quod si Rector civitatis in talem conjunctus sit statum, ut subditos defendere non possit, nec civium tantæ sint vires, ut invasori citra præsens exitium valeant resistere, cum cives imperium in Rectorem civitatis eo fine contulerint, ut ipsos adversus vim externam defendat (§. 972.); sui conservandi causa cum invasore pacisci licet. Et quoniam pacta servanda sunt (§. 438.); pactione facta eidem obediendum, nec quicquam animo hostili adversus eum moliri licet.

Quando cum invasore imperii pacisci liceat.

§. 1085.

Rector civitatis subditis, & subditi Rectori civitatis obligantur ad quævis officia, quæ homo homini debet. Etenim obligatio naturalis immutabilis est (§. 38.), nec ullus homo ab ea liberari potest (§. 52.). Quamobrem cum Rector civitatis non desinat esse homo, quia Rector

De officiis humanitatis a R. c. subditis, & ab his R. c. debitis.

Uu 3

civi-

civitatis est, nec subditi esse desinant homines, quia subditi sunt; obligatio inter Rectorem civitatis & subditos quoad officia humanitatis quævis subsistit, consequenter *mutuus vigere debet amor Rectoris civitatis & populi* (§. 136.). Immo eadem obligatio inest pacto, quo civitas constituta (§. 972.), & pacto, quo imperium in Rectorem civitatis translatum (§. 982.).

§. 1086.

*De iis,
qui civi-
tati se-
asso-
ciant.*

Cum *qui civitati se associat*, si non expresse, saltem tacite rati habeat pactum, quo civitas constituta & imperium in Rectorem civitatis translatum; *ad legum civitatis observantiam obligatur* (§. 978. 1068.). Accedit, quod civitati non alia lege se quendam associari patiatur superior, quam ut ad legum observantiam obligatus sit.

§. 1087.

*De ci-
vium
concor-
dia.*

Quoniam cives focii sunt (§. 972. 974.), focii autem concordēs esse debent (§. 847.); *cives concordēs esse debent*, consequenter *minime discordes*. Quamobrem *superiori curæ esse debet, ut concordia civium conservetur, nec discordiæ locus fiat*.

PARS ,

PARS IV.

DE
JURE GENTIUM.

CAPVT I.

DE
JURE GENTIUM IN GENERE.

§. 1088.

Quoniam *Gentes* diversæ inter se *De jure Gentium* spectantur tanquam personæ liberæ in statu naturali viventes (§. 977.); *necessario.* ab obligatione autem naturali, propterea quod in civitatem coivere, se liberare non potuerunt (§. 42.); *ad eadem officia tum erga se ipsas, tum erga gentes alias obligantur, qua singuli singulis tenentur; Et ex ea eadem nascuntur jura, quæ singulis in statu naturali competunt (§. 46.), ipsis auferri nescia (§. 74.), consequenter inter se utuntur Jure naturali.* Jus naturæ ad Gentes applicatum, vocatur *Jus gentium necessarium*, vel *naturale*. Vocari etiam solet cum Grotio a nonnullis *Jus Gentium internum*. Atque hoc *Jus prorsus immutabile est (§. 40.),*

nec ab obligatione, quæ inde venit, gens ulla se liberare potest (§. 42.).

§. 1089.

*De jure
natura
gentibus
compe-
tente.*

Vi Juris Gentium necessarii gentium omnium eadem est obligatio, eadem sunt jura (§. 69.), ac ideo omnes natura æquales; (§. 70.), nulli prærogativa aliqua (§. 71.), nec præcedentia competit (§. 75.). Nullius est in actiones alterius (§. 76.): singularum est libertas (§. 77.), cujus usus non impediendus a gente alia (§. 78.). Nulla gens alteram lædere, seu jus perfectum ipsius violare debet (§. 88.), seu injuriam facere (§. 87.), & adversus injuriam intentatam jus defendendi (§. 90.), adversus factam jus puniendi competit unicuique (§. 93.). Et præterea singulis quoque gentibus competit jus alias ad certas præstationes sibi obligandi, & per consequens jus perfectum acquirendi (§. 97.), auferrinefcium (§. 100.), ac denique jus belli (§. 98.).

§. 1090.

*De jure
gentium
volanta-
ria.*

Cum gentes conjunctis viribus se statimque suum perficere obligentur (§. 44. 1088.); ipsa natura societatem quandam inter

inter gentes instituit, in quam ob obligationis naturalis indispensabilem necessitatem (§. 38.) consentire tenentur, ut quasi pacto contracta videatur (§. 836.). Atque hæc societas communis salutis causa inter gentes instituta, *Civitas maxima* vocatur; cujus membra, seu veluti cives, sunt singulæ gentes. Atque hinc nascitur jus quoddam universis competens in singulas, quod *imperium universale*, sive *Gentium* appellari potest; nimirum *determinandi actiones singularum salutis communis obtinendæ causa, & cogendi singulas, ut obligationi suæ satisfaciant.* Cumque omnis societas suas habere debeat leges, quibus determinantur ea, quæ salutis communis causa semper eodem modo fieri debent (§. 846.); *civitas quoque maxima leges habere debet.* Quemadmodum vero lex naturæ præstat consensum in civitatem maximam; ita eadem quoque eundem supplet in condendis legibus. Sicuti enim in qualibet civitate leges civiles ex naturalibus condendæ, & ipsa lex naturæ præscribit modum, quo id fieri debet (§. 1068. & seqq.); ita quoque *ex legibus*

Uu 5

natu-

naturalibus fieri debent leges civiles in civitate maxima eodem modo, quo in civitate qualibet particulari, juxta theoriā lege naturali præscriptam. Atque hoc jus, quod ex notione civitatis maximæ derivatur, cum Grotio dicimus *Jus Gentium voluntarium*: idque revera admittitur ab illis, qui Jus Gentium voluntarium impugnant, sed Jus aliquod externum interno, quod Jus gentium naturale est (§. 1088.), contradistinctum defendunt; ut ideo non tam de re, quam de nomine lis sit, etsi nec Grotius, nec ejus antagonista satis distinxerint, quæ revera sunt Juris gentium voluntarii.

§. 1091.

*De Jure
gentium
pactitio.*

Gentes etiam pactis jura acquirere & obligationes contrahere possunt (§. 1089.). Atque hoc jus, quod ex pactis oritur inter gentes diversas initis cum obligationibus respondentibus, vel adhærentibus, *Jus gentium pactitium* appellatur; consequenter cum pacta saltem obligent partes contrahentes (§. 438.), *Jus gentium pactitium nonnisi jus particulare est.*

§. 1092.

§. 1092.

Denique *Jus gentium consuetudina-* De Jure gentium consuetudina-
rium appellatur, quod longo usu inter
 quasdam gentes introductum & instar
 juris observatum; *quod particulare sal-* rio.
tem esse apparet: cumque nullo expres-
 so consensu nitatur; *non diutius obligat,*
nisi donec gens contrariam voluntatem
expresse declaravit.

CAPUT II.

DE

OFFICIIS GENTIUM ERGA SE- IPSAS ET INDE NASCENTIBUS JURIBUS.

§. 1093.

Conservatio gentis consistit in dura- De con-
 tione confociationis in civitatem. serva-
 Quamobrem cum singulis obligentur tione
 universi prospicere sufficientiæ vitæ gentis.
 ipsorum, tranquillitati & securitati
 (§. 975.), qui finis nisi salva confociatio-
 ne obtineri nequit; *quælibet gens se con-*
servare obligatur.

§. 1094.

Perfectio gentis consistit in aptitudi- De per-
 ne finem civitatis consequendi; ac ideo fectione
status gentis perfectus est, si in eo nihil gentis &
deside- status
ejusdem.

desideratur, quo ipsa ad eam consequendum indiget. Quamobrem cum in civitatem coeuntes sese sibi invicem obligaverint ad hunc finem conjunctis viribus prosequendum (§. 972.); gens quaelibet obligatur ad se statumque suum perficiendum.

§. 1095.

De obligatione ac jure inde flante.

Quoniam gens se conservare (§. 1093) & perficere obligatur (§. 194.); omne quoque periculum interitus a se avertere, & vitare debet ea, quantum in potestate est (§. 60.), quæ perfectionem ipsius atque status ejusdem quomodocunque impediunt, aut ipsam vel statum ejusdem imperfectiorem reddunt, consequenter cuilibet genti competit jus ad ea, quibus periculum interitus avertere, & sine quibus se statumque suum perficere, aut imperfectiorem sui statusque sui præcavere nequit, consequenter si alterius gentis ope, aut auxilio eo sine indiget, de eo cum eodem pactiones inire debet (§. 1091.).

§. 1096.

De gloria.

Gloria est consentiens laus bonorum & peritorum, seu bene judicantium (§. 127.); consequenter sine virtutibus intellectualibus & moralibus veram gloriam

erga seipsas & inde nascentibus &c. 685

riam nemo consequi potest, & gloria maxime excellit, qui virtute plurimum præstat (§. 125.). Atque hinc gloria gentis consistit in laude, quæ consensu bonorum & peritorum eidem tribuitur cum ob perfectionem, tum ob facta ex virtutibus intellectualibus & moralibus profecta.

Cumque a singulis in universam gentem deriventur, & de ea prædicanda sint, quæ de maiore parte gentis, vel pluribus in certo vitæ genere prædicanda; facta quoque singulorum, ac inprimis plurimorum, aut saltem multorum in eodem vitæ genere ex virtutibus intellectualibus & moralibus profecta ad gloriam gentis faciunt. Ita e. gr. gens dicitur docta, quæ abundat viris dictis, dicitur iusta, in qua plurimi iustitiæ dediti, & ita porro.

§. 1097.

Cum quivis homo operam dare De gloria gentis promovenda. debeat, ut laude dignus sit (§. 125.), consequenter gloriam mereatur (§. 127.); gens quoque quælibet operam dare debet, ut gloriam mereatur. Unde sequitur, ut singuli quoque actiones suas ad gloriam gentis suæ referre debeant, & Rector ipse civitatis actus regios (§. 1096.), consequenter sibi cavere, ne faciant,

faciant, quæ genti suæ dedecus inferant. Atque hinc porro patet, *gentes quoque doctas & cultas esse debere.* Dicuntur nimirum *gentes doctæ*, quæ virtutes intellectuales colunt; consequenter doctrina excolunt animum; & *cultæ* vocantur, quæ moribus ad normam rationis & suavitatem compositis utuntur. Opponuntur illis *barbaræ* atque *incultæ*.

§. 1098.

*De jure
res sibi
æquo
pretio
ab alia
gente
compara-
randi.*

Quoniam homines sibi invicem obligantur ad dandum, prouti unusquisque re alterius, qua ipse carere potest, indiget (§. 329.), nemo autem alteri gratis dare tenetur, qui vicissim dare potest (§. 473.); *genti cuilibet competit jus ad res, quibus indiget, ab aliis gentibus, quæ iisdem opus non habent, æquo pretio sibi comparandas, non vero jus res suas apud aliam gentem vendendi sine consensu ipsius, consequenter si qua gens nolit res certas peregrinas in regionem suam transportari, genti, a qua veniunt, injuriam non facit (§. 87.).*

§. 1099.

*De com-
merciis.*

Commercium dicitur jus emendi vendendique invicem res quascunque mobiles ac moventes. Dicuntur autem
Com-

Commercia interna, quæ exercent, qui eidem imperio civili subsunt, seu cives inter se; *externa* vero, quæ exercentur cum gentibus aliis, aut cum peregrinis. Cum commercia interna hunc habeant usum, ut unusquisque habere possit ea, quæ ad vitæ necessitatem, commoditatem & jucunditatem requiruntur, & ut eadem pecunia continuo ab uno in alium transferatur & in plurimorum commodum convertatur; *externa* vero, ut quæ genti uni defunt, ab alia comparari possint; *tum singuli in civitate sibi invicem* (§. 975.), *tum gentes inter se commercia exercere obligantur* (§. 1098.). Quamobrem cum pactione jus perfectum acquiratur (§. 1089.); *gentes pacta commerciorum inire debent.*

§. 1100.

Jus meræ facultatis dicitur, quo quis uti potest & non uti, prouti visum fuerit, liber ab omni coactione externa. Quamobrem cum *actus meræ voluntatis* dicantur, qui unice a voluntate nostra dependent; tales *sunt actus omnes ad juris meræ facultatis exercitium spectantes*, veluti emere merces, ubi volueris. Quoniam itaque ex actibus
meræ

*De jure
meræ fa-
cultatis.*

meræ voluntatis colligi nequit, quod quis renunciaret juri suo sic & non aliter agendi, in gratiam alterius; *jura meræ facultatis præscribi nequeunt* (§. 452.), *nisi ex quo tempore intercesserit prohibitio, vel coactio, eique paritum est, cum sufficiente consensus significatione.*

§. 1101.

De præ-
scriptio-
ne com-
mercio-
rum.

Cum *jus commerciorum* perfectum non acquiratur nisi pactione (§. 1099.), consequenter per se sit *jus meræ facultatis* (§. 1100.); *id præscribi nequit, nisi ex quo tempore intercesserit prohibitio, aut coactio, eique paritum est, cum sufficiente consensus significatione.*

§. 1102.

De jure
potenti-
am au-
gendi.

Ad perfectionem gentis requiritur, ut sit *potens*, hoc est, ut vi aliarum gentium, qua vel ipsa, vel res ejus impetuntur, resistere possit (§. 1094. 972.). Quamobrem *gens quælibet studere debet, ut sit potens*, consequenter ipsi *jus est ad ea, quibus potentiam suam citra injuriam alterius gentis* (§. 87.), *augere potest* (§. 46.). Quamobrem *si qua gens minus potens fuerit ad se tuendum adversus injurias aliarum gentium, cum per pactiones acquirantur jura*

erga seipsas & inde nascentibus &c. 689

jura perfecta (§. 1089.), *genti cuidam potentiori se certa lege, de qua conventum, subdicere potest, & jura utriusque partis metienda sunt ex pacto subjectionis (§. 317.). Quod si ergo gens, quæ tutelam debet, sibi plus juris arrogat in minus potentem, quam ex pacto habet, cum tunc huic injuriam faciat (§. 87.); vi resistere & alienum auxilium implorare licet (§. 90.).*

§. 1103.

Domicilium dicitur habitatio aliquo in loco constituta perpetuo ibidem manendi animo. *Qui itaque negotii cujusdam causa alicubi quantocunque tempore commoratur, domicilium ibidem non habet.* Quoniam vero libertatis naturalis unicuique permissa est voluntatis mutatio (§. 78.); *domicilium mutari potest.* Vocatur autem *domicilium naturale*, quod quis nativitate consequitur ibidem, ubi pater domicilium habet; *adscititium* vero, quod quis propria voluntate sibi constituit. Quamobrem *domicilium naturale tamdiu quis retinere censetur, quamdiu propria voluntate sibi nullum constituit, aut illud non derelinquit.*

(*Wolfii Instit. J. N. & G.*) Xx §. 1104.

De domicilio.

1103. §. 13. ad municipalem.

§. 1104.

§. 27. §. 2. De va-
gandi ga- un-
pal. dis.

Vagabundus vocatur, qui nullibi domicilium habet. *Vagabundi* igitur *nunc hic, nunc alibi commorantur, nullibi tamen animum perpetuo manendi habent.* Et si autem plerumque vagabundi sint, qui scelestum vitæ genus sequuntur, aut certe parum honestum; non tamen repugnat, ut etiam sint vagabundi, qui honestum sequuntur.

§. 1105.

§. 7. §. 16. De pa-
triæ inter-
dict. et ejus
relegat. amore.

Patria dicitur locus, nimirum terra vel urbs, in qua parentes, dum quis nascitur, domicilium habent; respectu habito ad gentem, vel certam quandam de gente universitatem, cujus terra, vel urbs ista est. Differt a patria *locus nativitatis*, in quo quis natus est, cum etiam extra patriam quis nasci possit. Cum *locus nativitatis* spectetur sine respectu ad gentem; nato quoque *nullum tribuit jus.* Patet vero, ex parentibus *vagabundis natos patriam nullam habere* (§. 1104.). Quoniam subditi speciali obligatione amandi universos tenentur (§. 1085.), consequenter *quilibet gentem suam amare debet* (§. 974.); *patriam quoque suam amare debet.*

§. 1106.

§. 1106.

Exul dicitur, qui ex urbe, vel terra, ^{De exu-} ubi domicilium habet, ejicitur, vel disce- ^{libus.} dere cogitur absque infamiae nota. *Exilium* etiam poena esse potest (§. 1048.). *Exilium invitum* vocatur, si quis sententia judicis vel jussu superioris discedere cogitur: *voluntarium* vero, quando quis poenae, aut calamitatis subterfugiendae causa sua sponte ex loco, ubi domicilium habet, discedit. Quoniam habitatio concedenda sedibus expulsis & receptum quærentibus, nisi rationes singulares obstant (§. 312.); *exulibus perpetua habitatio a gente concedenda in terris suis, nisi obstant rationes singulares*: de quibus cum judicium sit penes gentem (§. 1089. 78.); *si receptus denegetur, id ferendum.*

§. 1107.

Permissio exilii voluntarii dicitur *Jus De jure emigrandi.* Facile autem patet, *jus emi-* ^{emigrandi.} *grandina*sci vel ex pacto, aut lege *fundamentali, vel a voluntate superioris dependere.* Spectat huc etiam pactum, quo civitates constitutæ, & cui non derogatur nisi per pacta alia particularia,

692 P. IV. C. III. De officiis gentium

ad quæ etiam referendæ ipsæ leges fundamentales.

CAPVT III.

DE

OFFICIIS GENTIUM ERGA SE INVICEM
AC INDE NASCENTIBUS JURIBUS.

§. 1108.

Officium
generale
gentis
erga
alias.

Cum jus naturæ ad Gentes sit applicandum (§. 1088.); gens quælibet alteri cuicunque debet, quod sibi, quatenus altera id non habet in potestate sua, ipsa autem citra neglectum officii erga seipsam hoc alter præstare potest (§. 133.), consequenter quæ ad conservationem ipsius, vel ejusdem ac status ipsius perfectionem conferre potest, conferre debet (§. 1093. 1094.). Jus tamen ad ea genti alteri imperfectum est, jus autem petendi perfectum, nec ea impediri potest, quominus petatur, citra injuriam (§. 82. 87.).

§. 1109.

De amore,
gloria &
commerciis.

Ob eandem rationem gens quælibet alteram amare ac diligere debet tanquam se ipsam (§. 136.), etiam inimicam (§. 137.), atque studere, ut gentes etiam aliæ gloriam mereantur (§. 1097.), & unamquamque tanti existimare, quanti meretur, tantumque laudis tribuere, quan-

erga se invicem ac inde nascentib. &c. 693

quantum meretur (§. 142.), ac ideo quoque pro virili conferre, ut fiat docta & culta. Huc etiam pertinet obligatio cum gentibus aliis commercia exercendi (§. 1099.).

§. IIII.

Cum jus perfectum commerciorum non nisi pactione acquiratur, & ex ea æstimandum sit (§. 438.); commercia re-
stringi possunt ad solam emtionem, vel res
certas emendas, aut vendendas, & ad cer-
tum tempus, & pactis commerciorum ad-
jici possunt conditiones quæcunque &
clausulæ commissoriae: quod si vero gen-
tes sibi invicem saltem permittant, sive
tacite, sive expresse commercia, ea vero
pacto nullo firmanur, pro lubitu revo-
cari possunt.

§. IIII.

Quoniam naturaliter unicuique gen-
ti competit jus ad commercia cum qua-
cunque gente exercendi (§. 1099.); nul-
la gens prohibere potest, ne qua alia cum
gente quadam commercia exerceat, pa-
cisci tamen cum ea potest, ne hoc fiat
(§. 337.). Et cum pacta sint servanda
(§. 438.); ex pacto negativo de commer-
ciis parti alteri nascitur jus non patiendi,

*Quomo-
do de
commer-
ciis con-
veniri
possit.*

*De com-
merciis
non im-
pedien-
dis &
pactis
negati-
vis.*

ut pars altera cum gente quadam commercia exerceat, vel ea ultra restrictionem conventam extendat.

§. 1112.

*De lucro
abrupto
& mono-
poliis.
gentium.*

Quoniam genti unicuique liberum est cum alia quacunque commercio-
rum causa pacta inire (§. 1099.); *si com-
mercia exercendo, quæ ante non exercue-
rat, lucrum alterius gentis abruptit, jure suo utens, huic injuriam non facit, nec per consequens facit, si cum altera gente contrahit, ut sibi soli res certas vendat, quæ aliunde nisi ab ea haberi possunt & easdem deinde aliis, quæ iisdem indigent, vendit. Naturaliter equidem tum res istæ vendendæ sunt pretio æquo; ne fraudi locus admittatur (§. 286.): cum tamen domino permittendus sit juris sui abusus (§. 202.); nulla committitur injuria, si pretio parum æquo vendatur (§. 87.).*

§. 1113.

*De stu-
dio com-
mercii
promo-
vendi*

Cum per commercia commune bo-
num gentium promoveatur (§. 1099.),
ad quod promovendum gentes sibi in-
vicem obligantur (§. 1108.); *gens quæ-
libet pro virili conferre debet, quæ ad mu-
tua commercia promovenda faciunt, con-
sequenter nullo modo ea impedire, sed
quæ*

erga se invicem ac inde nascentib. &c. 695

*quæ iisdem obesse possunt, remove-
re. Quamobrem curæ habere debet, ut res,
quæ in commercium veniunt, commode
ac secure importari & exportari, suoque
loco facile commutari possint, & ut tutus
sit navibus atque plaustis accessus atque
discessus, nec mora teneat importantes,
vel exportantes, ne nimii ab iisdem in-
pendendi sint sumtus, ut lites inter mer-
catores ortæ sine mora dirimantur, ut ni-
hil committatur, quod juri ex pactis quæ-
sito contrarietur, & quæ sunt alia hu-
jus generis plura.*

§. III4.

Quoniam vero nemo alteri gratis præstare quid tenetur, qui vicissim dare potest (§. 473); mercibus transeuntibus vel importatis, aut exportatis vectigal imponi potest in ratione onerum commerciorum causa sustinendorum, tum etiam lucri ex earum venditione percepti, non tamen imponenda sunt onera, quæ nul- lum respectum ad illas habent (§. 1057.).

§. III5.

Emporia dicuntur loca commerciis continuis inter gentes destinata. In ea igitur merces venales quovis tempore im- portare, & emtas ex iis exportare licet.

Xx 4

Cum

*De vecti-
gali
merci-
bus im-
ponendo.*

*De em-
poriis.*

Cum per ea commercia facilitentur; *emporia erigenda & quæ commoditati commerciorum in iisdem conveniunt, constituenda sunt* (§. 1113.). Huc etiam pertinet, ut *privilegia ad commercia promovenda utilia concedantur, veluti de perpetua habitatione, de rerum immobilium possessione, de libero religionis exercitio, de juris patrii inter se usu, de immunitate a solvendo vectigali, vel solutione ordinario minoris, & ita porro.* Atque hinc patet, ad quænam gens una alteram per pacta obligare possit.

§. 1116.

De portubus.

Ad commercia maritima promovenda faciunt *Portus*, qui sunt loca conclusa ad litora maris, in quibus navibus importantur merces & inde exportantur. Ut securitas præstetur mercantibus, ad versus vim hostilem; *muniendi sunt.* Huc etiam pertinet, quod securitatem præstent navibus adversus vim tempestatum.

§. 1117.

De jure stapule.

Jus stapule dicitur privilegium, prætereuntes cum mercibus in flumine publico sistendi, necessitate vendendi injecta, aut, si vendere nolint, tributum solvendi: quod cum libertati com-

mer-

erga se invicem ac inde nascentib. &c. 697

merciorum maxime obstat; non concedendum, nisi singulares prorsus rationes, a bono publico promovendo defuntæ, id urgeant (§. 1113.).

§. 1118.

Consules dicuntur personæ, quibus *De consulibus.* in emporiis maritimis, seu portubus demandatum est, ut privilegia & jura nationis, seu gentis suæ custodiant & lites mercatorum definiant. Manent consules subditi constituendis; cum fungantur officio ab eodem in ipsos collato: in territorio autem recipientis considerantur tanquam peregrini, negotiorum suorum causa in eodem commorantes. Et facile patet, jus perfectum consules constituendi & obligationem eos recipiendi ex pactis venire (§. 1089.), atque in iisdem conveniri posse, quæ e re partis utriusque visa fuerint.

§. 1119.

Quoniam naturaliter genti nulli *De nomine ac titulis R.c.* prærogativa & præcedentia competit (§. 1089.); utraque aliter acquiri nequit nisi per pacta. Et vi libertatis gentium cuilibet genti liberum est, quo nomine Rectorem civitatis suæ appellare velit, & quosnam honorum titulos eidem tribue-

re, ab aliis vero gentibus id impetrandum. Enimvero si gens jus perfectum pacto acquisivit, ut Rector civitatis suæ hoc nomine compelletur & hi tituli ipsi tribuantur; posthac absque injuria denegari nequeunt (§. 87.).

§. 1120.

De jure
æquali-
tatis non
violando.

Cum gentes omnes natura æquales sint (§. 1089.), & Rectores civitatum gentem suam repræsentent (§. 994.); quilibet Rector civitatis Rectorem alterius civitatis spectare debet tanquam sibi æqualem: quod jus auferri nescium cum sit (§. 74.), si quis verbis, vel factis contrarium declarat, injuria committitur (§. 87.). Hinc omnes actus, qui ver-
gunt in contemptum, vel contumeliam Rectoris civitatis, injuria sunt.

§. 1121.

De læ-
sionibus
gentium.

Gens nulla alteram lædere debet (§. 1089.), consequenter nec jure ejus violare (§. cit.). Quamobrem cum ex hac obligatione partis unius nascatur alteri jus eidem respondens (§. 89.); genti cuilibet competit jus non patiendi, ut lædatur ab alia, ac per consequens jus non patiendi, ut alia quædam gens regimini suo sese immisceat: id quod etiam liber-
tati

erga se invicem ac inde nascentib. Sc. 699

tati gentium repugnat (§. 1089. 87.).
Hinc sequitur, ut, si Rector civitatis sub-
ditos suos nimium oneret, aut eos nimis
duriter tractet, Rector alterius civitatis
vi resistere nequeat. Cum tamen quæli-
bet gens perfectionem alterius promo-
vere debeat, quantum potest (§. 1108.);
pro iis intercedere licet.

§. 1122.

Cum jus circa sacra aliquod etiam
superiori competat (§. 1064.), & eidem
curæ esse debeat, ut subditi colant De-
um (§. 1024.); *gens nulla alteram vi adi-
gere potest ad religionem suam ample-
ctendam (§. 1120.), consequenter nec jus
habet religionis causa gentem aliam sibi
subjiciendi, immo nec missionarios, hoc
est, personas, quæ propagandæ alius re-
ligionis causa adveniunt, admittere te-
netur, ideoque si abire jussi discedere no-
lunt, eos punire potest.*

§. 1123.

Et quoniam officia gentis erga
gentem non supponunt identitatem
religionis, sed in humana natura fun-
dantur (§. 39.); ob diversitatem religio-
nis gens alteri officia humanitatis, quæ
gens genti debet, denegare non potest.

Quam-
vicem.

Gal. vi, 10.

Quamobrem in officiis humanitatis præstandis nulla habenda est ratio diversitatis religionis. Multo minus itaque diversitas religionis liberat ab obligatione perfecta contracta (§. 80.).

§. 1124.

De concordia gentium.

Denique cum gentes sint veluti cives civitatis maximæ (§. 1090.); inter se concordēs esse debent (§. 1087.), consequenter discordias & ea, quæ discordiis causam dant, sollicitè vitare.

CAPUT IV.

DE

DOMINIO GENTIS.

§. 1125.

De origine domini gentis & territorii.

Si gens regionem vacuum occupat, cum occupatione rei nullius acquiratur dominium (§. 210.); omnis terra & quæ in ea sunt, in dominio ipsius sunt, loca etiam deserta & sterilia, aut inculta, atque jura, quæ terræ quasi adhærent (§. 214.); cumque jam de singulis pro lubitu disponere possit (§. 195.); quæ in singulos non dividuntur, aut in communio- nem mixtam cætuum quorundam particularium non deducuntur (§. 197.), ea uni-

universorum manent. Quoniam vero genti cuique competit imperium civile (§. 979.), sive id per se, sive per aliam exerceat (§. 982.), consequenter dubitandum non est, quin etiam in ea regione, quam occupat, seu in terris, quæ suæ sunt, imperium habere velit; *imperium in regione occupata simul occupat, sicque tota regio fit territorium ipsius.*

Dieitur namque *Territorium* locus, in quo quis imperium habet. Atque hinc patet, *imperium*, quod quidem jus populi est, *quasi inhærere districtui terræ, quem inhabitat*, consequenter *peregrinum, quamdiu in regione ista, tanquam in territorio alieno, commoratur, imperio illius gentis subiectum esse.* Et propterea Rector civitatis *Dominus territorii* appellatur, item *Dominus regionis.*

§. 1126.

Si familiæ segreges in regione quadam cohabitent & fundos privatos possident, cum ab initio idem fuerint occupati (§. 210.), in iis dominium habent: sed loca cetera, utpote quæ ab ipsis occupata non sunt, in communione primæva relicta (§. cit.). Enimvero si familiæ segreges sedem fixam non habeant, sed per

*De fami-
liis se-
gregi-
bus.*

incut-

incultas solitudines errent, cum in id tacite consensisse intelligantur, ut fundi in ea regione, in qua sedes pro lubitu mutant, usui singulorum inservientes sint communes, ideoque regionem quoad istos fundos conjunctim occupasse intelligantur (§. cit.); fundi, qui ipsorum usui inservire possunt, in communione mixta sunt (§. 197.), ceteris, utpote non occupatis, in communione primæ va manentibus (§. 210.). Enimvero cum familiæ istæ naturæ liberæ sint (§. 77.), & libertas in vitis auferri nequeat (§. 74.); imperium quoque in familias segreges, siue sedem fixam habeant, siue non, occupabile non est, sed eidem subjici nequeunt nisi sua voluntate.

§. 1127.

De accessione territoriorum originalia.

Quoniam cum dominio imperium simul a gente occupatur (§. 1125.); si gens insulam, aut terram inhabitatam, vel partem quandam maris terræ contigenti adjacentem occupat; quæ occupantur territorii istius gentis accessorium sunt, quantocunque intervallo ab eodem distent (§. 1125.).

§. 1128.

De divi-

Quæ facta occupatione in communio-

munione primæva relicta sunt, JCrīs ^{sione re-}
 Romanis dicuntur *Res communes*; quæ ^{rum.}
 in communionem mixtam gentis toti-
 us deducta sunt & in ea manserunt, *Res*
publicæ; quæ in communionem mix-
 tam certorum cœtuum particularium
 venerunt, *Res universitatis*; quæ deni-
 que dominio singulorum subjecta fue-
 runt, *Res singulorum* appellantur. Cum
 dominus dominium rei suæ ea, qua
 ipsi visum fuerit, lege in alium transfer-
 re possit (§. 314.); *quilibet ex re sua rem*
universitatis sive directe, sive indirecte
talem facere potest, vel simpliciter, vel
certa lege. Atque hic est modus acqui-
 rendi res universitatis derivativus.

§. 1129.

Cum res universitatis non modo sint ^{De pa-}
 eorum, qui nunc vivunt, sed pertineant ^{tria &}
 quoque ad eos, qui in locum mortuo- ^{ejus}
 rum successive succedunt (§. 1128.); ^{amore.}
res universitatis ab universitate alienari, aut
oppignorari pro lubitu nequeunt, nisi in-
dispensabilis adsit necessitas, quæ legem
non habet, aut manifesta universitatis
utilitas id suadeat; cum tunc nihil fiat in
 præjudicium posterorum. Quoniam ta-
 men Rectori civitatis competit cura eo-
 rum

rum, quæ ad utilitatem publicam spectant (§. 1075.), atque dominium eminens in ipsis quoque rebus universitatis (§. 1065.); *alienatio & oppignoratio fieri nequit sine ejus consensu*. Et quia dominium excludit ceteros omnes (§. 195.); *rebus universitatis nemo uti potest, qui extra eandem est, nisi consensu ipsius*.

§. 1130.

*De rebus
publicis.*

Quia *res publicæ* in communionem mixtam gentis totius deductæ sunt (§. 1128.); *in dominio totius populi sunt, omnibus vero indifferenter usus earum competit, non aliter tamen quis ea uti potest, quam ne usui publico, aut omnium communi noceatur* (§. 197.). Et quia dominus *jus*, quod in re habet, in alium transferre potest (§. 314.); *in Rectorem quoque civitatis dominium rerum publicarum transferri potest, cui non modo imperium in locis publicis competit, verum qui etiam dominium eminens in rebus publicis habet, usu vel omni, vel saltem aliquo manente apud populum, de quo, prouti communis utilitas exigit, disponendi jus est superiori* (§. 976.).

§. 1131.

§. 1131.

Vi juris innoxiae utilitatis ex commu- *De jure*
 nione primæva residui (§. 311.), peregrini- *transi-*
 nis & mercibus eorundem concedendus *tus &*
 est transitus per terras & flumina domi- *commo-*
 nio subjecta, concedendum quoque pere- *ranti in*
 grinis, ut ob justas causas ibidem com- *territo-*
 morentur (§. 312.). Enimvero cum *rio alie-*
 vi libertatis gentibus competentis *no.*
 (§. 1089.), genti unicuique, seu ei, qui
 jus ejus habet, permittendum sit, ut ju-
 dicet, num transitus sit sibi innoxius &
 num ex eo, quod peregrinus commoretur
 in suo territorio, nocumentum metuen-
 dum sit Reip. eoque standum sit (§. 78.);
 non sine expresso, vel tacito consensu domi-
 ni territorii transire, vel in eo commorari
 licet. Ex eadem ratione patet, a volun-
 tate domini territorii pendere, sub qua
 conditione idem permittere velit. Quon-
 iam itaque aliter id permittere non in-
 telligitur, nisi expressa voluntate aliud
 significetur, quam ut legibus loci sub-
 sint peregrinorum actiones (§. 1125.); pe-
 regrini, quamdiu in territorio alieno ver-
 santur, aut commorantur, ad ea facienda
 & non facienda obligantur, quæ civibus
 isto tempore sub iisdem circumstantiis fa-
 (Wolffii Instit. J. N. & G.) Y y cien-

cienda, vel non facienda essent, nisi quatenus leges particulares de peregrinis aliud insinuant. Immo si saluti Reip. parum convenire videatur, ut pateant terræ peregrinis; sub pœna prohiberi potest, ne quis peregrinus territorium ingredi audeat (§. 976.).

§. 1132.

De peregrinis puniendis & eorum controversiis definiendis.

Cum peregrini, quando in territorio alieno versantur, subsint legibus loci (§. 1125.); si in territorio alieno delinquant, juxta leges loci puniendi, & si inter ipsos & cives, vel duos etiam peregrinos oriantur controversiæ de jure, eadem per judices loci juxta leges loci definiendæ. Hinc etiam sequitur, ut peregrinus puniatur ob injurias civi, vel peregrino alii illatas, & ad contractum adimplendum cogatur.

§. 1133.

De injuria civis in civem alienum.

Quoniam factum alienum nemini imputari potest (§. 26.); si gentis unius civis civem alterius gentis lædit, seu injuriam facit, id genti imputari nequit. Quoniam vero imputari potest, si ad id quomodocunque concurrat, veluti rati habendo, aut approbando (§. cit.); si injuriam factam sive expresse, sive tacite rati habeat, imputari potest. Non hic at-

ten-

tenditur, an in territorio gentis facta fuerit injuria, an extra idem in loco quocunque.

§. 1134.

Sed quia gens nulla gentem nullam (§. 1089.) & homo nullus hominem nullum lædere debet (§. 88.); *Rektor civitatis ferre non debet, ut quis subditorum civi alterius gentis damnum det, aut injuriam faciat.*

De non ferendo, ut subditi alieni lædantur.

§. 1135.

Cum gens quælibet & dominium & imperium habeat in regione, quam inhabitat (§. 1125.), ac ideo regio sit sua (§. 195.); *gens quælibet alteri, vel subditis ejus jus quoddam in territorio suo constituere potest, veluti concedere jus piscandi in flumine, vel jus fortalitium habendi in solo suo, aut præsidium in certo munimento, vel emendi ac possidendi prædia (§. 260.).*

De jure genti alteri jus constituendi in territorio suo.

§. 1136.

Ob eandem rationem cum nemini jus suum auferri (§. 100.), aut contra idem quid fieri possit (§. 86.); *genti nulli competit jus alteram ex regione, quam incolit, expellendi, ut sedem ibidem figat, nec*

De jure non competente in territorium & in territorio

gentis alterius. nec jus imperii fines propagandi, hoc est, idem extendendi in loca gentis vicinæ ultra limites territorii sui, nec gentem sibi subjiciendi, quia inhabitat regionem antea nobis incognitam, aut loca quædam in iis occupare & jus quoddam sibi in iisdem arrogare, immo in genere gens nulla, nec privatus ullus peregrinus jus quoddam sibi arrogare potest in territorio alieno.

§. 1137.

An in territorio alieno versantes mancant cives gentis suæ.

Cum peregrinus in territorio alieno versans, vel commorans non mutet domicilium (§. 1103.); civis manet gentis suæ, consequenter si injuriam facit concivi suo, vel damnum dat, redux ad suos ibidem puniri & ad damnum resarciendum adigi potest, & si testamentum condit, id secundum leges in loco domicilii præscriptas facere tenetur: quatenus tamen gens una jurisdictionem alterius agnoscere obligatur (§. 1120.); testamentum valet ut judiciale, si in loco judicii ubi factum fuerit, depositum.

§. 1138.

De jure albini.

Quia peregrinus in territorio alieno versans, vel commorans civis manet gentis suæ (§. 1137.); si in eodem moritur,

tur, hæres ipsi existit, qui secundum leges patriæ succedit. Cumque Rector civitatis non nisi in eas actiones peregrini jus habet, quæ respectum quendam ad finem civitatis habent, ne nocumentum afferatur civitati (§. 1131.); bona quoque, quæ secum habet, sunt ejus, qui ipsi in patria hæres existit, consequenter non cedunt fisco, nec testamenti factio eidem adimipoteſt. Quamobrem cum Jus albinagii dicatur, quo exteri jure successionis in bonis defuncti civis, vel peregrini privantur; & per consequens nec in testamento institui possunt hæredes, nec legata iisdem relinqui; id non modo juri gentium parum convenit quoad peregrinum in territorio alieno mortuum, verum etiam, cum superiori in bona civium non competat nisi dominium emi-nens (§. 1065.), quoad cives, seu subditos.

§. 1139.

Cum usucapio & præscriptio sit juris *De usu-*
naturalis (§. 463.); ea etiam valet inter *capione*
gentes (§. 1088.) *& præ-*
Quoniam tamen in- *scriptio-*
ter gentes plures sunt causæ, cur silen- *ne.*
ne, etiam si quæ norit rem suam inju-
ste detineri ab alio; ob silentium diutur-
num derelictio inter gentes, quæ ad usu-

Y Y 3

capio-

capionem & præscriptionem inde secutam requiritur (§. 451. 452.), *non tam facile præsumitur, quam inter privatos.* Et quoniam non qui possidet, sed qui rem petit, dominium probare debet (§. 262.), id quod fieri nequit, si *possessio fuerit immemorialis*, cujus scilicet initii memoria non extat; *præscriptio immemorialis inter gentes admittenda.* Enimvero quia gentes de iis, quæ ad communem utilitatem spectant inter se pacisci possunt (§. 1091.); *si gentes vicinæ de præscriptione inter se conveniunt, eo modo valebit præscriptio, quo conventum fuit.* Atque ut fiat, maxime convenit fini civitatis maximæ.

CAPUT V.

DE

FOEDERIBUS ET SPONSIONIBUS.

§. 1140.

Potestates quænam dicantur.

Potestates summæ dicuntur personæ, quæ imperium summum in civitate habent; *minores* autem, quæ partem quandam imperii dependenter a summa & ejus nomine exercent, veluti magistratus & belli duces.

§. 1141.

§. 1141.

Fœdus dicitur pactum a ſummis po-
teſtatibus boni publici cauſa in perpe-
tuum, vel longius ſaltem tempus inter
ſe initum. Pacta vero, quæ præſtationes
transitorias, ſeu non iterandas conti-
nent, *Pactionum* nomen retinent. Cum
vero perinde ſit, ſive quis aliquid faciat
per ſe, ſive per alium; *fœdus* facere po-
ſunt, qui *mandatum a ſumma poteſta-*
te habent (§. 551.). Ex nozione fœde-
rum patet, ſi *ſummæ poteſtates*, veluti
Reges, *inter ſe pacifcuntur de rebus ad*
privatam ipſarum utilitatem ſpectanti-
bus, vel poteſtas ſumma cum privato quo-
dam, pactum hoc fœdus non eſſe.

§. 1142.

Quoniam fœdera pacta ſunt (§. 1141):
de fœderibus eadem tenenda, quæ de pa-
ctis demonſtrata ſunt atque promiſſis
(§. 438.). Cum ex fœderibus acquira-
tur jus perfectum (§. 380.); *violatio fœ-*
deris injuria eſt (§. 87.), conſequenter
fœdera inire non licet fœderibus cum alia
gente jam contractis contraria (§. 86.).
Atque ideo *fœdera priora*, hoc eſt ante
contracta, *præferuntur poſterioribus.*

§. 1143.

Defæ-
deribus
amicit-
iæ.

Cum gens nulla alteram lædere debeat (§. 1089.); *fœdera de non lædendo*, quæ *fœdera amicitie* vulgo dicuntur, *inire necesse non est*. Enimvero si gentis cujusdam ea sit opinio, quasi gentes externas pro lubitu lædere liceat, *fœdera de non lædendo recte panguntur* (§. cit.).

§. 1144.

De
æquali-
tate &
inæquali-
tate
fæde-
rum.

Fœdera æqualia dicuntur, in quibus paciscentes sibi invicem eadem, aut æquivalentia promittunt: *inæqualia* autem, in quibus eadem, aut æquivalentia non promittunt. Sunt vero *inæqualia ex parte digniori*, si qui plus præstare valet, præstationes gratuitas, vel majores promittit: *inæqualia ex parte minus digna*, si qui impotentior est, aut præstatione aliqua nimium oneratur, præstationes vel gratuitas, vel majores, vel tales, quæ eum valde gravant, promittit. Et hæc vel fiunt *cum imminutione imperii*, si pars quædam imperii potentialis quoad exercitium, vel substantiam transfertur in partem digniorem, aut saltem jus in omnes actus ad exercitium juris istius spectantes; vel
sine

ſine imminutione imperii, ſi pars minus digna ſaltem ſeſe obligat ad certum quid faciendum, vel non faciendum, quod alias vi ſummi imperii, vel libertatis naturalis, aut juris qua genti ſibi competentis non facere, vel facere licebat. *Fœderum æqualium & inæqualium æquitas ex officiis gentium erga ſe invicem dijudicanda* (§. 1108.). Enimvero cum a voluntate juſ transferentis unice dependeat, num & quomodo idem transferre velit (§. 314.), & quod quis verbis ſufficienter ſignificat, id contra ipſum pro vero habetur (§. 318.); *fœdera valida ſunt, ſi in modopaciſcendi nihil vitii hæret, non attenta eorum æquitate, vel iniquitate*. Quoniam tamen lex naturæ urget etiam in gentibus officia (§. 1108.); *gentes in pangendis fœderibus æquitatem ſervare naturaliter obligantur*.

§. 1145.

Gens tributaria dicitur, quæ quotannis certum tributum ſolvere tenetur alteri. Cum gentes naturaliter liberæ ſint (§. 1089.); *gens tributaria fieri nequit niſi pacto* (§. 677.). Quoniam in gentem tributariam parti alteri non

De gente tributaria.

Y y 5

aliud

aliud competit jus nisi tributum exigendi, tanquam a debitore suo (§. 336.); *gens tributaria facta summitatem imperii propterea non amittit* (§. 981.).

§. 1146.

*Defæ-
dere rea-
li & per-
sonali.*

Cum fœdus personale ad personas paciscentes restringatur (§. 400.), non autem reale (§. 401.); *fœdus personale non est, si nomina paciscentium saltem fuerint adjecta, ut demonstretur, a quibusnam fœdus factum fuerit.* Hinc etiam intelligitur, *fœdus reale esse, quod sit in perpetuum, aut ad certum tempus, aut cum eo, cum quo agitur, & ejus successoribus, vel etiam ob utilitatem civitatis manentem, aut si adjicitur, ut factum sit in bonum regni.* Similiter *fœdus reale est, quod sit cum populo libero: & quoniam mutata Reip. forma populus idem manet, quippe quem consociatio facit* (§. 974.), non modus exercendi imperium, *mutata Reip. forma subsistit, nisi (quod per se patet) causa fuerit statui populari propria.*

§. 1147.

*De obli-
gatione
ex fœde-
re & pa-
ctis Re-*

Quoniam Rex jus populi habet (§. 982.), consequenter jure populi fœdera pangit (§. 1141.); *fœdus, quod cum*

cum ipſa gente initum intelligitur, et- ^{gum na-}
iam populum obligat & Regis ſucceſſo- ^{ſcente.}
res, & in hos quoque juſ ex fœdere qua-
ſitum tranſit, niſi personale fuerit
(§. 1146.). Inde etiam ſequitur, ut, ſi
Rege mortuo populus fiat liber, aut ſi
Rege expulſo, vel deſiſto fiat liber, vel
Regem alium eligat, fœdus ſubſiſtat, niſi
id perſonæ ejus defendendæ cauſa fuerit
initum; cum tunc ſit personale (§. 400.).
Eadem etiam intelliguntur de pactioni-
bus aliis Regum, ſeu Rectorum civitatis.
Quamobrem ſi Rector civitatis Reip.
cauſa etiam a privatis ſuſcipit æs alie-
num, ſucceſſores quoque & populus ad id
luendum & uſuras conventas ſolvendum
obligantur.

§. 1148.

Quia fœdera panguntur de iis, quæ ^{De fœ-}
ad conſervationem & perfectionem ^{dere cum}
gentis faciunt (§. 1141), eandem vero ^{gente}
naturaliter ſibi obligantur promovere ^{alius re-}
qua gentes (§. 1095.); fœdera inire licet ^{ligionis}
cum gente alii cuicumque, immo nulli re- ^{inito,}
ligioni addicta, immo etiam contra gen-
tem ejusdem cum nobis religionis.

§. 1149.

Quando a fœdere diſcedere liceat, ^{De gua-}
patet ^{rantia,}

patet ex superioribus (§. 442.). In securitatem autem fœderis a tertio fit *Guaranda*, sive, ut alii loqui amant, *Guarantia*, quæ est promissio fœderato utrique, vel alterutri facta, conventa servatum iri; consequenter *Guarandus*, qui promittit, *auxilium ferre obligatur contra eum, qui conventa servare non vult, si alter eodem indiget, ideoque non tenetur, nisi id impleretur.* Unde patet, quale pactum tacitum contineat *guarantia*. Dicitur autem *Guarantia generalis*, si præstatur de iis omnibus, de quibus in fœdere fuit conventum; *specialis* vero, quæ saltem de nonnullis, aut uno, vel altero convento. Et *Pactum guarandigiatum* dicitur, ad quod *guarantia* vel *generalis*, vel *specialis* accedit. Cumque *guarantia* saltem respiciat utilitatem ejus, cui præstatur; *præstari potest, inscio ac inconsulto eo, contra quem præstatur, & si plures fœdus in eunt, singulis universi guarantiam præstare possunt.* Haud difficulter vero patet, a *guarantia* differre *fœdus* quo quis *auxilium* promittit *contra eum, qui jus quoddam suum eidem auferre conatur, & fidejussionem pro gente alia, qua promitti-*

mittitur, a ſe præſtitum iri id, quod gens altera debet, niſi ipſa præſtiterit (§. 569.). Denique cum nemo alteri jus ſuum auferre poſſit (§. 100.); guarantia non intelligitur præſtita, niſi ſalvo jure tertii.
 §. 1150.

In fœdere quoque, vel alia pactione, cum oppignoratio fiat in ſecuritatem debiti (§. 697.), pignore caveri poteſt, conventa ſervatum iri. Cum vero oppignorari nequeant niſi res ſuæ, pro alieno tamen etiam debito (§. 700.); non modo oppignorari poſſunt, quæ ſunt in domicilio gentis, veluti urbes, certæ territorii partes, integræ provinciæ, jura genti competentia, res pretioſæ, quæ ſunt civitatis; ſed Reſtoris quoque civitatis res propriæ, ſive privatiæ pro debitis gentis. Enimvero ſi integra provincia, aut certa territorii pars in ſecuritatem crediti, vel quacunque de cauſa debiti traditur; pactum antichreſticum ad oppignorationem accedit. Eſt enim Antichreſis jus re oppignorata utendi fruendi loco pecuniæ creditæ, in compensationem ſcilicet uſurarum. Quoniam vero pactis conventis ſtandum (§. 438.); jus ex pacto antichreſtico quæſitum æſtimandum eſt ex iis, quæ conventa fuerunt. Quamobrem
 ex

De oppi-
gnora-
tione in-
ter gen-
tes &
pacto
anti-
chreſti-
co.

ex eo patet, utrum imperium simul fuerit oppignoraturn, nec ne. Per se autem liquet, *oppignorationem & antichresin finiri, præstito eo, cujus causa oppignoratio facta, quamvis res oppignorata pro alio quoque debito retineri possit (§. 706.), nisi aliter fuerit expresse conventum (§. 337. 342.).*

§. 1151.

De obsidibus.

Obsides dicuntur personæ, quæ traduntur in securitatem debiti, scilicet conventum servatum, vel debitum præstitum iri. Obsides igitur revera oppignorantur (§. 697.), tamdiu retinendi, donec præstitum fuerit, quod debetur. Quamobrem accipienti competit jus obsides custodiendi, quantum sufficit, ne aufugere possint, nullum autem jus ad præstandas operas eosdem cogendi, cum hoc esset idem ac pignore uti (§. 702.). Quoniam vero nemini competit jus in vitam alterius (§. 411.); vita obsidum oppignorari nequit, consequenter non nisi libertas (§. 77.), non tamen propterea sunt servi (§. 947.), sed fiunt servi, non præstito eo, cujus causa dati (§. 697.), aut saltem captivi detinendi, interfici vero nequeunt. Et ideo obsides tales esse desinunt, si dans fidem

dem fallit. Cumque obſides revera ſint pignora; in unam cauſam dati in aliam retinere poſſunt, niſi expreſſe aliter fuerit conventum (§. 1150.). Et quia impenſæ neceſſariæ in pignus factæ a conſtituente reſtituendæ (§. 703.), ac debita ſolvenda ſunt (§. 751.); qui obſides dedit, reſtituere tenetur impenſas in alimenta eorum factas, & obſes debita, quæ contraxit, ſolvere debet, antequam dimittatur.

§. 1152.

Cum qui obſidem dat, obligetur ad id præſtandum, cujus cauſa obſes datur, & ad obſidem liberandum (§. 1151.); *ei, qui datur, ſe obligat ad eundem liberandum*, conſequenter cum ſervus fiat, vel ſaltem ut captivus detineatur, ſi fides fallitur (§. cit.), *ad eum redimendum.* Et quia obſidem ire onus eſt, quod boni publici cauſa fertur, conſequenter ad quod civis quivis obligatur, non ſaltem is qui obſes datur (§. 1037.); *civitas aut ejus Rector incommodum obſidi, quod patitur, aut cognatis ejus repenſare tenetur. Quod ſi vero obſes datus fuerit vel expromiſſor, vel fidejuſſor, vel ſponſor* (de quo mox dicitur); per ſe

De obligatione, qua dans obſidi tenetur.

se patet, *non præstito eo, cujus nomine datur, eum ex proprio facto teneri.*

§. 1153.

*De sanctitate
fœderum.*

Sanctum in Jure Gentium dicitur, quod ab omni violatione immune esse jubet publica, vel communis gentium salus. Quamobrem cum fœdera pangantur boni publici causa (§. 1141.), & non modo sicuti pacta cetera sint servanda (§. 438.), verum etiam gentium maxime intersit ut servantur; *fœdera sancta sunt & gentibus sancta habenda*: cumque in pangendis fœderibus non attendenda sit religionis diversitas; *sanctitas fidei nullum respectum habet ad religionem gentis, cum qua fœdus initur.*

§. 1154.

*De fide
tacita.*

Quando de negotio aliquo convenitur, in cetera omnia, quæ requiruntur, ut id constare possit, tacite consentitur. Quamobrem *sine quo id, in quod consensus est, constare non potest, id tacite conventum, vel promissum intelligitur.* Ita omni contractui beneficio inest indemnitas ejus, qui alteri gratis quid præ-

præſtat, ut qui ſalva obligatione, qua nemo locupletior fieri poteſt cum damno alterius (§. 271.), conſtare nequit. Dicitur autem *Fides tacita*, quæ conſenſu tacito nititur: & quæ ideo *non minus ſancta eſſe debet, quam expreſſa*, quæ nimirum expreſſo conſenſu nititur.

§. 1155.

Poteſtate minores cum juſ omne a ſumma habeant (§. 1140.); *nomine ſummæ nil promittere poſſunt, niſi vel expreſſo mandato, vel intra fines præpoſitionis ſuæ, nec aliter eos, quibus præpoſiti ſunt, vel etiam poteſtatem ſummam aliis obligare poſſunt.*

§. 1156.

Sponſio eſt pactum de re publica ſine mandato poteſtatis ſummæ, nec intra fines præpoſitionis factum. Facile autem intelligitur, ſponſorem promittere ſe effecturum, ut poteſtas ſumma id, quod promittitur, ratum habeat, conſequenter ad hoc ſe obligare (§. 380.). Quoniam nemo alterum tertio obligare poteſt abſque voluntate ſua (§. 385.); ſponſio ſummam poteſtatem non obligat, niſi eandem ratihabeat, vel expreſſe, vel tacite, faciendo nimirum, poſtquam ea ipſi (Wolſii Inſtit. J. N. & G.) Zz in-

innotuit, quod ad aliam causam probabiliter referrinequit; multominus itaque, si dissensum suum expresse declarat. Quoniam vero sponsor factum proprium promittit, non tantum alienum; ratihabitione non secuta, sponsor tenetur ei, cui sponpondit, ad id, quod interest (§. 415.), consequenter pro eo ipsi obligata sunt omnia sponsoris bona (§. 705.), ipsa etiam libertas (§. 950.), ut scilicet si ex bonis satisfacere non possit, ipse dedatur in servitutem. Quod si vero sponsor certi quid promiserit ei, cui sponpondit, præstare, si potestas summa sponsionem ratihabere recusaverit, ultra id eadem non tenetur (§. 317.).

CAPUT VI.

DE

MODO COMPONENTI CONTRVERSAS GENTIUM.

§. 1157.

De controversiis & gravaminibus gentium.

C*ontroversiæ Gentium & Rectorum civitatis sunt contentiones eorundem de juribus sibi competentibus, aut injuria facta. Gravamina vero sunt querelæ de jure manifesto, sibi ab altera gente, vel Rectore civitatis denegato, vel*

componendi controversias gentium. 723

vel de injuria quacunque sibi facta, aut facienda. Unde facile patet, quænam gravamina sint justa, quænam injusta. Patet etiam *gravamina tolli, si genti alteri jus suum tribuatur, de injuria facta satisfiat, a facienda desistatur, aut, quando fides suspecta est, sufficienter caveatur: cumque unicuique jus suum sit tribuendum (§. 86.), nec gens ulla alteram lædere, seu injuriam facere (§. 88.) debeat (§. 1089.); gravamina tollere gens quælibet obligatur, si qua adversus ipsam quædam alteri sint. Quoniam tamen jus suum quilibet remittere potest (§. 342.); Gens quoque si velit, gravamina sua remittere potest. Et quia gentes inter se utuntur jure naturali (§. 1088.); controversiæ gentium eodem modo componendæ, que lites privatorum in statu naturali finiuntur, consequenter vel amicabiliter, vel per transactionem, vel per mediationem, vel per arbitrium, ac propterea conventus celebrare & in colloquium venire tenentur, aut decisio sortis committenda (§. 790.).*

§. 1158.

Enimvero *si quis in nullum istorum modorum consentire velit, vel facile præ-* *De bello trans- actionis*
ZZ 2 videa-

causa li- videatur, eo modo controversiam termi-
cito. natum non iri; offerenti competit jus bel-
 li in acceptare nolentem, quo hic ad trans-
 actionem adigatur (§. 790.).

§. 1159.

An con-
troversi-
æ vi ar-
morum
decidi
possint.

Bellum per se non esse modum aptum
 decidendi controversias, eodem modo
 patet, quo idem de duello ostendimus
 (§. 789.). Oppido igitur falluntur, qui
 sibi persuadent, Regum seu gentium
 controversias vi armorum esse deciden-
 das, & ultimam victoriam æquivalere
 sententiæ a iudice latæ.

§. 1160.

De jure
talionis
& jure
puniendi.

Cum justalionis naturale nullum sit
 (§. 156.), gentes autem inter se utantur
 jure naturali (§. 1088.); talio quoque
 inter gentes illicita. Enimvero cum gen-
 tibus competat jus puniendi adversus
 injuriam factam (§. 1089.); si gens alte-
 ri a se læsæ de injuria irreparabili satis
 facere nolit, aut satisfactum iri spes nul-
 la videatur, læsa jure puniendi uti pot-
 est, adimendo scilicet res vel corporales
 vel incorporales, veluti jura ad certos
 actus in territorio læsæ (§. 1048.).

§. 1161.

§. 1161.

Retorsio juris dicitur constitutio, qua in subditos alterius gentis decernitur jus, quo ipsa utitur in subditos nostros seu est usus juris in subditos alterius; gentis, qua ipsa utitur in nostros. Cum unicuique genti liberum sit statuere, quantum juris alteri concedere velit in territorio suo, prouti e re civitatis esse videtur (§. 976. 978.); *cui libet genti liberum est jus retorquere.*

*De re-
torsione
juris.*

§. 1162.

Quoniam gentes inter se spectantur tanquam personæ singulares (§. 977.); *bona omnia singulorum simul sumta respectu gentium exterarum habenda pro bonis gentium*, ac propterea obligata sunt promiscue pro debitis civitatis (§. 705.), consequenter etiam bona privata Regis (§. 1012.).

*De bonis
civium
pro debi-
to civi-
tatis ob-
ligatis.*

§. 1163.

Cum gentibus idem competat jus, quod singulis in statu naturali (§. 1088.); bona autem omnia singulorum simul sumta respectu gentium exterarum habenda pro bonis gentium (§. 1162.); si qua gens rem suam, vel civium suorum

*De jure
repressa-
liarum.*

ab alia gente, quæ eandem detinet, vel alio quocunque modo debet, consequi non potest, seu gens hæc illi, vel civibus illius jus reddere denegat, expletio juris inter gentes licita, & rem civium quorumcunque eo fine capere licet (§. 793.). Hæc ablatio bonorum civium alterius gentis, vel Rectoris civitatis expletionis juris causa dicuntur *Repressaliæ*. Quamobrem patet, *repressalias inter gentes esse licitas, & jus repressaliarum non competere nisi gentibus, aut iis, qui jus gentis habent, Rectoribus scilicet civitatis, consequenter privatum jure repressaliarum uti non posse, nisi permissu Rectoris civitatis.*

§. 1164.

*De an-
drole-
psia.*

Cum in bonis civium contenta sit etiam eorum libertas naturalis (§. 207.); *libertas quoque civium singulorum, seu personæ ipsorum, quibus hoc jus inhæret, obligatæ sunt pro debitis civitatis (§. 1163.), consequenter si gens alteri, vel subditis ejus jus denegat, pignorationis causa etiam subditi alterius capi possunt: cumque capiantur eo fine, ut gens ista permoveatur ad jus reddendum; capi possunt personæ meritis, vel dignitate*
in

componendi controversias gentium. 727.

in civitate eminentes, sexus cujuscunque, earumque liberi. Hæc civium captura pignorationis loco facta cum Androlepsia, seu Viricapio dicatur androlepsia inter gentes licita. Quoniam vero non nisi civium libertas oppignoratur pro debitis civitatis; si gens permoveri nequit ad jus reddendum, eodem modo, quo de obsidibus (§. 1151.), patet, captos aut servos fieri, aut tanquam captivos in carcere detineri posse, non autem interfici, aut pæna corporis afflictiva affici.

§. 1165.

Quoniam repressaliæ (§. 1163.) & androlepsia licitæ sunt (§. 1164.); si quis executioni repressaliarum & androlepsiæ resistit, in eum eadem licent, quæ defensori licita sunt (§. 90.). Vis igitur in eo causa æstimanda non ex eo, quod debetur, sed quod ad vim injustam; qua resistitur, depellendum sufficit.

De eo, quod licet in resistentem repressaliis & androlepsia.

§. 1166.

Cum naturaliter quilibet damnum datum rescarcire teneatur (§. 270.); qui causam dedit repressaliis, damna iis rescarcire debet, quibus eam ob causam aliquid decedit, atque ut damnum datum rescarcire debeat.

De damno per repressalias dato concivibus rescarciendo.

ZZ 4

rescar-

do.

resarciatur, superior curare debet. Nemo scilicet civium pro altero solvere tenetur.

§. 1167.

*Quando
id de pu-
blico fie-
ri de-
beat.*

Cum Rector civitatis jure populi agat (§. 982.), consequenter populus per eum facere intelligatur, quicquid qualis facit; *populus factum Rectoris civitatis qua talis pro suo agnoscere tenetur*, adeoque etiam id, quo injuria infertur *exteris*. Eadem nimirum ratio est obligationis, quæ ex maleficio, quam quæ ex fœderibus nascitur. Quamobrem si facto suo, sive privatus jussu ipsius *representatis causam dedit, damnum iis, quibus eam ob causam aliquid decedit, resarciendum est de publico* (§. 1166.).

§. 1168.

*De re-
pressa-
liorum
& an-
drole-
psie ef-
fectu.*

Quoniam repressaliæ in expletione juris consistunt (§. 1163.); *per repressalias dominium rerum captarum acquiritur iis, quorum causa factæ, nisi quod restituendum, quod abundat* (§. 793.). Et cum repressaliæ (§. 1163.) & *androlepsia* licitæ sint (§. 1164.); *parti adversæ justam belli causam non dant* (§. 98.). Ex adverso autem cum per ista media justum consequi debeas, quod a parte
ad-



adversa tibi denegatur (§. 1163. 1164.); si per repressalias & androlepsiam justituum consequi non potes, scilicet ut injuria facta reparetur, aut ob irreparabilem tibi satisfiat, quæ illas licitas faciunt, justa belli causa sunt (§. 98.).

CAPUT VII.

DE

JURE BELLIGERENTIUM.

§. 1169.

Bellum publicum dicitur, quod geritur inter gentes, seu auctoribus iis, qui summum imperium habent: *privatum* vero, quod geritur inter privatos propria auctoritate. *Mixtum* denique est, quod una ex parte est publicum, ex altera privatum, veluti si Rector civitatis bellum gerit cum subditis rebellibus. Vocatur autem *Bellum offensivum*, quod inferitur ei, qui de bello inferendo non cogitabat: *defensivum* vero, quo quis se defendit adversus eum, qui ipsi bellum infert. Offensivi quædam species est *punitivum*, quo pœna sumitur ab altero; & *vindicativum*, quo jus nostrum & id, quod nobis debetur, consequi studemus.

De belli divisione.

ZZ 5

§. 1170.

§. 1170.

*Quando
bellum
offensi-
vum, pu-
nitivum
& de-
fensi-
vum lici-
tum.*

Cum justa belli causa non sit nisi injuria facta, vel facienda (§. 98.); *bellum offensivum tum punitivum, quam vindicativum licitum est, si jus tuum fuerit certum, at de injuria irreparabili manifesta alter satisfacere nolit, nec id aliter consequi possis, & si id infertur alterum ad transactionem compellendi gratia in causa dubia (§. 1158.), bellum vero defensivum licitum est, quo adversus eum, qui bellum injustum infert, te defendis (§. 1989.).*

§. 1171.

*De bellis
utilita-
tis solius
causage-
stis.*

Sola igitur utilitas justa causa belli non est (§. 1170.). Quamobrem cum rationes suasoriae dicantur, quæ desumuntur ab utilitate, seu quibus evincitur e re nostra esse, ut bellum suscipiatur: in oppositione ad *justificas*, quæ desumuntur a jure ad bellum in calu dato nobis competente; & inter eas mediæ sint *quasi justificæ*, quæ, si rite expendantur, justificæ non sunt, sed saltem videntur; *injustum est bellum, quod ob rationes suasorias solas & quasi justificas suscipitur.* Quia naturæ humanæ repugnat nocere alteri commodi sui causa (§. 44.),

(§. 44.), consequenter ea immanitas, qua bellum per se delectat, cum tot hominum innocentium cædibus & laniationibus rerumque vastationibus conjunctum, humanam naturam repellit; *bellum humanum modum excedit, si quis nec rationibus justificis, nec suasoriis motus in bella fertur*, atque ideo *ferinum* dicitur. Sunt autem *rationes suasoriæ æquæ, quæ a fine civitatis desumuntur* (§. 976.).

§. 1172.

Quoniam genti cuilibet jus est augendi potentiam suam (§. 1102.), nec qui damnum dare potest, ideo dare vult; *potentia crescens vicinæ gentis & metus ex vicina potentia justa belli causa non est* (§. 1170. 1171). Quamobrem cum *Æquilibrium inter gentes* dicatur gentium plurium secundum potentiam ad se invicem relatarum status, quo potentia unius præpotentis, vel quarundam conjunctæ potentia conjuncta aliarum æqualis est; *sola conservatio æquilibrii inter gentes justa belli causa non est, ea tamen rationibus suasoriis accensenda, si de bello justo suscipiendo consultatur* (§. 1171.). Quodsi ergo gens poten-
tia

De metus ex vicina potentia & conservatio ne æquilibrii.

tia confisa manifesta consilia agitet de gentibus sibi subjiciendis, aut injustis armis securitatem publicam gentium turbare non veretur, cum quælibet gens se conservare debeat (§. 1093.), & gentibus universis competat jus cogendi turbatorem quietis publicæ, ne turbet (§. 1090.); communi securitati consulere potentiamque crescentem labefactare licet. Tum nimirum bellum hoc respectu defensivum justum est (§. 1169.).

§. 1173.

De sceleribus, atheismo & idololatriâ gentis.

Quoniam malum in se tale non est, ut puniri debeat (§. 1049.), nec ob errorem quis puniri possit (§. 1050.); *bellum punitivum in gentem licitum non est, quod jus naturæ immaniter violet, aut in Deum delinquit, vel quia atheismum, aut Deismum profitetur, vel idololatrâ est.*

§. 1174.

De militibus & jam recensendi militum.

Milites dicuntur personæ, per quas autor belli vim infert parti alteri, cum qua bellum gerit: *Arma* vero res omnes, quibus ad vim alteri inferendam, aut eam a se avertendam utimur. Cum *potestatibus summis* competat jus belli (§. 1066.); iisdem quoque *com-
petit*

petit jus militem conscribendi, atque hoc jus ad jura maiestatica pertinet (§. cit.), exercendum, prouti visum fuerit superiori, si nulla extet lex fundamentalis (§. 984.), ita tamen, ne bonum publicum aliquid inde capiat detrimenti (§. 976.). Quoniam singuli obligantur ad defensionem civitatis conferre, quod possunt (§. 972. 975.); in casu extremæ necessitatis operas militares præstare tenentur subditi omnes, ad ministerium bellorum apti (§. 60.), & vi potestatis eminentis, ad id, compelli possunt invitati (§. 1065.): ast quia præter operas militares ad commune bonum promovendum aliæ adhuc præstandæ sunt (§. 972.), & sumtus bellicos subministrare tenentur subditi (§. 1037.); *extra casum necessitatis milites conscribendi invitati non sunt, qui alias Reip. utiles ac necessarias operas præstare & ad sumtus bellicos contribuere possunt. Peregrini, qui sponte sua nomen militiæ dant, dicuntur Milites conductitii; atque horum obligatio ex pacto venit (§. 438.), quod Capitulatio dicitur; & in iis conventa sunt servanda (§. cit.). Cum vero jus conscribendi militem sit jus maiestaticum, quod ab externa gente violari*

violari nequit (§. 1136.); *in territorio alieno sine consensu domini territorii militem conscribere non licet*: cumque hic non locum habeat potestas eminens (§. 1065.); *nec concessa libertate conducendi militem invitos conscribere licet*.

§. 1175.

De plá-
gio.

Plagium dicitur surreptio hominis, qui alterius cujusdam potestati subiectus est. Quoniam hominem potestati ejus, cui subiectus est, subducit & sibi jus quoddam in eum asserit plagiarium; *plagium cum furto convenit* (§. 263.), atque ideo *furtum hominum recte habetur*. Quamobrem patet, *qui subditos alienos dolose surreptos ad ministerium bellorum cogunt, plagium committere, & potestatem eminentem ejus, cujus sunt, subditi, violare*, consequenter *huic injuriam facere* (§. 87.), ideoque *justam bello causam dare, nisi de injuria facta satisfiat* (§. 1170.).

§. 1176.

De sti-
pendiis
militum
& ho-
spitiis
militari-
bus.

Stipendium dicitur æs, quod pro ministerio bellorum solvitur. Cum qui militiæ operam dant, alio modo nil acquirere possint; *stipendi militibus præcise solvenda*. Ob eandem rationem *ipsis non*

non modo debentur vestimenta, verum etiam cum habitatione indigeant, si belli causa in campis non commorantur, hospitia personalia. Cum hospitia ista pertineant ad munera publica (§. 1057), consequenter ad onera Reip. (§. 1037.); *singuli ædium possessores personali hospitalio milites excipere obligantur pro modo facultatum (§. cit.): ne tamen subditi nimium onerentur; superior curæ habere debet, ne hospitia ista evadant nimis molesta, nec sint præter necessitatem sumptuosa, nec immunitas ab iisdem concedenda nisi personis, quibus ea in partem salarii, vel in præmium meritorum in Remp. imputari potest; utpote privilegium non nisi boni publici causa concedendum (§. 1047.).*

§. 1177.

Cum obligationem naturalem, qua *Milites* cives, quam peregrini tenentur (§. 1174.), parum capiant milites homines plebei, vel illiterati; *jurato promittere tenentur, quod ministerium bellorum a se susceptum deserere nolint (§. 380. 446.), & tanquam perjuri & perfidi gravius puniri possunt.* Patet autem, qui desertores clam abducit, aut celat,

*De defe-
sione
militum.*

lat, plagium committere (§. 1175.), consequenter qui quomodocunque ad desertionem concurrit, plagii participem fieri (§. 26.).

§. 1178.

De præfectis militum.

*Præfecti militum dicuntur, quibus a potestate summa certum imperium in milites tributum & certæ functiones bellicæ demandatæ sunt. Duces autem excellenter dicuntur illi, quibus imperium in integrum exercitum tributum, seu summa belli commissa est. Sunt igitur præfecti militum potestates minores, quorum alii aliis subiecti & a potestate summa longius remoti, alii vero eidem propiores pro diversitate juris, quo pollent: duces autem excellenter dicti summis potestatibus proximi. Cum *jus militare* dicantur leges, in quibus disponitur de iis, quæ a militibus eorumque præfectis fieri, aut non fieri debent, aut quæ iisdem permittuntur; in eo quoque agitur de *jure præfectorum militum*, summorum etiam ducum eorumque officiis.*

§. 1179.

De auxiliis & subsidiis.

Auxilia, vel etiam copiæ auxiliares, immo absolute Auxiliares dicuntur copiæ tam pedestres, quam equestres, quas genti

genti bellum gerenti mittit gens alia, cujus bellum non est. *Pecuniæ subsidia* dicuntur, quæ genti bellum gerenti solvuntur a gente alia, cujus bellum non est, ut illa sumtum in rem militarem facere possit. Dicuntur etiam hodie simpliciter *subsidia*. Naturaliter gentes obligantur auxilia & subsidia mittere genti bellum justum gerenti & quocunque modo juvare eam in bello, quantum datur (§. 1108.), ut vero jus perfectum ad ea acquiratur (§. 1089.), fœdera pangenda sunt (§. 1141.), utpote sancta inter gentes habenda (§. 1153.). Patet vero, tum jus partis unius & obligationem alterius æstimari debere ex iis, quæ in fœdere conventa fuerunt (§. 317.).

§. 1180.

Fœdera belli *offensiva* dicuntur, si auxilia & subsidia saltem promittuntur in bello offensivo; *defensiva*, si saltem in defensivo; *offensiva & defensiva* simul si in utroque. *Casus* autem fœderis vocatur concursus circumstantiarum, sub quibus fœdus initum, sive expresse fuerint dictæ, sive tacite suppositæ. His igitur simul existentibus, *casus fœderis* existit, & facile patet, non nisi eo existente (Wolfii Instit. J. N. & G.) Aaa præ-

De speciebus
fœderum
belli &
casu fœderis.

præstanda esse, quæ in fœdere promissa sunt (§. 318.). Quamobrem si bellum geratur manifesto injustum, vel si conventa præstare debet, ipse iisdem indiget, casus fœderis non existit; cum uterque in omni fœdere tacite exceptus intelligatur.

§. 1181.

*De iis,
qui in
bello me-
diis sunt.*

*In bello medii dicuntur, qui neutri belligerantium parti adhærent; consequenter bello sese non immiscent. Dicuntur etiam vulgo *neutrales*; & ipsorum terræ vocantur *Terræ neutre*. Quamvis vero vi libertatis naturalis (§. 1089.), *genti unicuique permittendum, ut sit in bello media* (§. 78.); ut tamen jus perfectum acquiratur ad neutralitatem, *fœdera cum belligerantium vel uno, vel utroque, prout casus tulerit, pangenda* (§. 1141. 1153.), quæ *Fœdera neutralitatis* appellantur, & præter id, sine quo fœdus istud concipi nequit, scilicet *ut in eo promittatur, quod, qui medius in bello esse vult, nolit partem adversam in bello juvare, ipsius autem, cum quo fœdus pangitur, nullo modo impetire motus, in iis etiam conveniri potest de aliis, quæ pars utraque e re sua esse judicaverit. Quoniam vero fœdus neutralitatis non ex-**

ten-

tendendum ultra limites suos & ea, de quibus specialiter conventum; qui *neutrarum partium sunt*, utrique belligerantium parti debent, quæ jure gentium debentur extra bellum, veluti utriusque partis belligerantium militibus & subditis aditum in territorium suum & transitum per terras suas tutum concedendo, & ut justæ negotii causa in eo commoretur & res, quibus indigent, æquo pretio sibi comparent permittendo (§. 1131.), nisi expresse aliter conventum, scilicet ut utrique belligerantium parti non sit concedendum, quod alias erat permissum (§. 667.).

§. 1182.

Quoniam transitus ob justas causas *De trans-* per terras alterius est jus ex communio- *situ cum* ne primæva residuum (§. 312.); gens *copiis* una *militaribus* gentis alterius *bus.* transitum sibi innoxium & transeuntibus tutum permittere debet, Cum tamen judicium de eo, an sit innoxius, sit permittentis (§. 1089. 78.); transitus petendus, & quia innoxius non est, *sime-* tuendum, ne is concedenti bellum inferat, *tuendum*, vel sedem belli in terra pacata figat, aut alio modo noceat, contra quem concedi-
tur,

tur, denegari potest. Et eadem de causa, pro iis, quibus transiturus indiget, cum per se pateat, quod ea transeunti denegari non possint, justum is pretium solvere tenetur, quamvis transitus ipse, utpote naturaliter debitus, gratis sit concedendus. Cum vero damna data sint resarcienda (§. 270.); si transeuntes incolis damna dederint, is, cui transitus concessus, ea resarcire tenetur, & Rector civitatis curare debet, ut resarciantur iis, quibus data. Ac ideo transitum concedens, si metuit, eum non fore innoxium, aut prestationem estimationis damni, si quod detur, ægre obtentum iri, eum concedere non tenetur nisi sufficienter a transeunte caveatur.

§. 1183.

*De belli
denun-
ciatione.*

Denunciatio belli est actus, quo parti adversæ significatur ab altera, quod jus suum vi armorum persequi velit. Dicitur etiam a nonnullis Clarigatio, quamvis ea apud Romanos ab illa erat distincta, ita ut parte adversa satisfactionem negante demum sequeretur denunciatio, quæ ideo clarigationi saltem eventualiter inerat. Est autem denunciatio vel conditionata, qua declaratur,

tur, bellum illatum iri, nisi res reddatur, aut de injuria facta satisfiat; vel *pura*, qua absque conditione significatur, bellum illatum iri. Naturaliter *opus non est, ut conditionatam sequatur pura*; cum per se pateat, altero jus denegante nobis aliud medium id consequendi non superesse, quam bellum. Satis etiam liquet, *in bello offensivo opus esse denunciatione, non vero in defensivo* (§. 1169.). Enimvero *si is, cui bellum denunciandum, nec legatos admittit, nec sit occasio mittendi epistolam, in bello quoque offensivo denunciatio omittenda* (§. 60.). At *talio, utpote in se illicita* (§. 156.), *non est justa causa omittendæ denunciationis*. Denique quia bellum denuncians parti adversæ non indulgere tenetur moram sibi damnosam (§. 269.); *nisi bello denunciato statim offerantur æquæ pacis conditiones, operationes bellicas sine mora inchoare licet*.

§. 1184.

Cum bellum publicum geratur inter *De hostibus & rebus bellicis.*
gentes (§. 1169.); *si Rector civitatis unius bellum indicit Rectori civitatis alterius, publicum bellum indictum intelligitur toti genti a tota gente.* Quamobrem

cum *Hostes* dicantur illi, quibus inter se bellum est, & eorum *Res hostiles*; *partis utriusque belligerantium subditi*, consequenter etiam *fœminæ, pueri, infantes, sunt numero hostium, eorumque res hostiles, quocunque in loco fuerint.* Cum tamen *hostes* non sint peregrini in territorio hostili commorantes, utpote non subditi hostis (§. 1137.); *res peregrinorum in territorio hostili deprehensæ hostiles non sunt*, sed cum probandum sit, eas esse peregrinorum, *hostiles præsumuntur, donec contrarium fuerit probatum.* Et quia *res etiam incorporeales hostium hostiles sunt, consequenter etiam jus ad ea; quæ hosti debentur ab eo, qui hostis non est, eadem in numero rerum hostilium sunt.*

§. 1185.

De iis,
qui hosti
se associant.

Qui hosti meo se associat, veluti auxilia aut subsidia mittendo, aut eum quocunque modo in bello adjuvando, cum ad bellum ipsius concurrat, & ideo ejus particeps fiat (§. 26); hostis meus est & res ejus hostiles sunt, consequenter quando bellum denunciatur, idem simul denunciatum intelligitur omnibus iis, qui hosti meo se associaturi sunt. Quamobrem si eidem bel-

bellum inferre velis, denunciatione opus non est.

§. 1186.

Publicatio belli est significatio ejus ab eo facta, qui bellum suscepit, potestati- bus summis aliis atque subditis suis; con- sequenter publicatione opus est tam in bello defensivo, quam offensivo. Cum pu- blicatio non uno modo fieri possit, a voluntate publicantis unice dependet, quemnam eligere velit. Publicari potest aliarum gentium Reſtoribus vel per mi- nistros, quos publicans habet in aulis exteris, vel per litteras ad eos miſſas, ſubditis autem vel per præcones, vel per reſcripta, immo utriusque per ſcriptu- ram typis expreſſam.

De pu- blicatione belli.

§. 1187.

Scriptura typis expreſſa, qua bellum offenſivum publicatur, dicitur Mani- feſtum; qua bellum defenſivum Antima- niſteſtum. Quamobrem cum nemo vide- ri nolit ſine juſta cauſa bellum gerere; in maniſteſto exponendæ ſunt rationes ju- ſtificæ, in antimanifeſto eadem refutandæ (§. 1171.). Et quoniam ſuperior ſubdi- tis imperare poteſt, quæ durante bello ab ipsis fieri, aut non fieri debeant (§. 1043.);

De ma- niſteſto & anti- maniſteſto.

ea tam manifesto, quam antimanifesto simul inferenda. Quia expositio rationum justificarum saltem requirit recensionem factorum, et juris naturæ atque gentium applicationem, refutatio earundem demonstrationem falsitatis factorum, aut minus recte factæ juris applicationis; *a verbis & dictionibus, quæ odium & vindictæ cupidinem spirant, abstinendum.*

§. 1188.

De amore hostium.

Cum gens gentem etiam inimicam amare ac diligere debeat tanquam se ipsam (§. 1109.), & ab hac obligatione liberari non possit (§. 42.); *hostis quoque hostem amare ac diligere debet tanquam se ipsum.* Differt nimirum inimicus ab hoste (§. 137. 1184.).

CAPUT VIII.

DE

JURE GENTIUM IN BELLO.

§. 1189.

De absentia juris in bello inju-

Qui bellum injustum gerit, ei nulla justa belli causa est (§. 1170.). *Quicquid igitur in bello facit, id illicitum, consequenter si hostes occidit, latroni; si res hostiles eripit, invasori & prædoni equipara-*

paratur. Et quoniam qui bellum injustum gerenti se associat, nullum jus in bello habere potest, utpote agens nomine ejus, cui se associat; quicquid agit, pariter ad rapinas, invasiones & latrocinia referendum, aut ad actus, quibus ea promoventur.

§. 1190.

Bellum justum geritur juris sui *De jure in bello justo.* consequendi causa (§. 1170.). Quamobrem qui bellum justum gerit, illi in bello licitum est, sine quo jus suum consequi nequit. Quod vero ad hunc finem consequendum non facit, illicitum est. Vi autem libertatis naturalis judicium de eo, quod ad hunc finem consequendum necessarium, belligeranti relinquendum (§. 1089. 78.). Quoniam impensas belli, quas maximas esse constat, pars adversa vi injusta causa (§. 1189.), consequenter damna dat resarcienda (§. 269. 270.); bellum justum gerenti debentur impensæ in bellum factæ. Cumque vi injusta continuo dentur damna & injuriæ novæ committantur (§. 269. 87.); ob damna belligerator injustus tenetur justo ad restitutionem rerum ablatarum, si adsunt, aut ad præstandam æstima-

tionem earum, quæ non extant, & ob injurias in poenam (§. 1189.). Denique cum bellum, utpote post se trahens magnum malorum cumulum gentibus sit valde funestum, geratur propter pacem, & qui bellum justum gerit non aliud intendat, quam ut partem adversam adigat ad offerendas æquas pacis conditiones, prouti ex hæctenus dictis haud obscure colligitur; qui bellum justum gerit, ei etiam jus est ad ea, quæ hostem ad finiendum bellum permoveere possunt.

§. 1191.

De actibus & operationibus bellicis & hostilitatibus.

Quicquid hostis quomodocunque belli causa agit, *Actus bellicus* est: *actio bellica* vocatur actus bellicus, quo hosti vel rebus ejus vis actu inferitur, vel ad vim inferendam, aut arcedendam via sternitur. Operationes autem bellicæ, quibus hosti vel rebus ejus vis actu inferitur, *Hostilitates* appellantur.

§. 1192.

De jure in personis.

Cum qui bellum injustum gerit injuriam intentet ei, cujus justum est bellum (§. 1189.), consequenter huic competat jus se defendendi (§. 1089.);

jus

jus in personas in bello justo nascitur ex defensione sui & rerum suarum, consequenter æstimandum ex eo, quod necessarium est ad vim hostis depellendam (§. 90.). Quamobrem subditos eius, qui bellum iniustum gerit, quamdiu ab omni vi abstinent, nec animum vim inferendi produnt, interficere, aut alio modo in corpore eorum sævire non licet, neque in bello captos, vel sine conditione deditos licet interficere, nisi singulare præcesserit delictum, quo ad pœnam capitalem tenentur: multo minus itaque interficere licet vitam salvam paciscentes sive in prælio, sive in obsidione, nec repudianda hæc conditio. Idem tenendum de iis, qui in prælio arma deponunt. Et quia interfectio medium licitum non est, si ea facere videatur ad reparationem juris nostri, prouti ex dictis apparet; captivos, deditos, aut dedere se cupientes occidere, aut eorum corpora male tractare non licet, si terrore opus sit. Immo ex modo, quo ius in personam hostium nascitur, etiam patet, hostes interfici non posse, quod fortiter restitum sit, multo minus autem ea de causa interficere licet eos, qui ipsi non restiterunt. Quod si pertinaci resis-

Obsidione

sistentia damna fuerint data & injuria facta irreparabilis; *jus est ad alia, quibus nobis satisfiat, veluti in obligatione, ut vel sine conditione, vel durioribus conditionibus se dedere cogantur, ut certam pecunie summam solvant, ut urbes atque domus diripiendæ relinquantur.*

§. 1193.

De dimi-
nuendis
viribus
bellum
injustum
gerentis.

Cum in bello id agatur, ut pars adversa ab eodem desistere cogatur (§. 1190.); *quicquid facit ad imminuendas vires bellum injustum gerentis, id ei, qui justam bellandi causam habet, licitum, consequenter hostes quoscunque capere licet, tum quatenus quocunque modo reparationi juris sui resistunt, aut finem belli impediunt, tum per modum androlepsiae (§. 1164.), ac propterea capere licet non modo milites eorumque præfectos, verum etiam fœminas illustres atque virgines, viros dignitate conspicuos & administrationi Reip. vacantes & personas quascunque alias (§. cit.).*

§. 1194.

An ca-
ptivi
fiant ser-
vi.

Cum hostes capiantur, tum ne reparationi juris nostri resistent, tum ut pars adversa permoveatur ad bellum finiendum & jus nobis reddendum (§.

1192.

1192. 1193.), ad hoc vero sufficit, ut detineantur, donec a suis liberentur; captivi naturaliter non fiunt servi (§. 947.): intra pœnæ tamen meritum ob delictum in servitutem redigi possunt, ademta scilicet libertate (§. 1048.). Quodsi inter gentes belligerantes pactio- nes fuerint factæ de captivis redimentis, cum standum sit conventis (§. 438.), so- luto pretio reddendi.

§. 1195.

Vastatio rerum hostilium dicitur *De va-
actus, quo eas periendo hosti damnum statione
datur, nullum vero inde nobis obvenit rerum.*
lucrum. Ea igitur licita non est, nisi qua-
tenus sine ea jus nostrum consequi non
possumus, vel vires hostis inde diminuan-
tur, nostræ augeantur, aut si fiat in ju-
stam pœnam (§. 1170. 1193.). Hinc
agros hostiles corrumpere, fruges ac se-
getes in iisdem conculcare, ædificia di-
rui, hortos & vineas extirpare licet,
si castrorum metatio, obsidio urbium ac
prædia id exigunt: urbes autem, oppida,
pagos excidere, aut vastare, postquam in
potestatem nostram venerunt, non licet,
nisi ob delictum, quod talem pœnam me-
retur. Eodem modo intelligitur, demo-
litio.

litionem munimentorum licitam esse, postquam expugnata fuerunt, ubi ea derelinquere visum fuerit, ast sepulchrorum & monumentorum sepulchralium, rerumque sacrarum vastationem illicitam esse. Cum nobis nullum competat jus in gentem alteram propter religionis diversitatem, si vel maxime sit idololatræ (§. 1173.); nec res sacras vastare licet, quod superstitioni, aut idololatriæ inservire putantur.

§. 1196.

*De non
permissis
in terri-
torio pa-
cato.*

Quoniam in territorio alieno nemo sibi jus quoddam arrogare potest (§. 1121.); in territorio pacato hostes & res hostiles capere non licet, nec per istud captivos & res captas ducere. Pugnat idem cum fœdere neutralitatis, si quod initum (§. 1181.).

§. 1197.

*De iis,
qui ante
bellum in
territorio
hostile ve-
nerunt.*

Quia peregrinis in territorio nostro commorantibus permissus est aditus tutus, & ideo abitus quoque tutus concedendus (§. 1131.); quando bellum denunciatum, in publicatione peregrini, qui sunt cives hostium, intra tempus definitum discedere jubendi sunt, quo elapso pro hostibus habendi, consequenter tanquam

quam captivi detineri possunt (§. 1192.), sed quia nemo obligari potest ultra id, quod in potestate est (§. 60.); si quis vi majore impeditus, veluti morbo, quo decumbit, intra præscriptum tempus discedere non possit, mora ipsi indulgenda.

§. 1198.

Res hostiles mobiles in territorio suo cum capere liceat intra debiti ac pænæ modum (§. 1190.); confiscare licet, ac prohibere debitoribus hostium, civibus suis, ne creditoribus durante bello debitum solvant, immo imperare, ut die solutionis veniente sibi solvant.

De rebus mobilibus in territorio hostili.

§. 1199.

Cum peregrinus, qui bona immobilia possidet in territorio alieno, qua possessor eorundem sit subditus domini territorii (§. 1125.); bona immobilia a peregrino in territorio hostili possessa respectu domini territorii res hostiles non sunt, sed respectu ejus, cujus est civis, seu in cujus territorio domicilium suum habet.

De immobilibus.

§. 1200.

Quoniam bellum justum gerenti expensæ etiam debentur (§. 1190.), collatio autem pecuniarum aliarum

*De contributionibus militari-
bus.*

que

que rerum fungibilium ad sustentandum exercitum a subditis hostilibus facta contributiones militares dicuntur; bellum justum gerenti competit jus contributiones militares imperandi & exigendi, pro modo tamen facultatum eorum, qui eas præstare tenentur (§. 60.).

§. 1201.

De direptionibus.

Direptiones sunt ablationes violentæ rerum mobilium ex hostilibus ædibus vel locis aliis, in quibus asservantur, vel absconduntur, a militibus factæ. *Direptionis* igitur, si contributiones justæ non præstentur, cum fiant expletionis juris causa (§. 793.), licitæ sunt, itemque si fiant intra pænæ meritum (§. 1190.). Attamen in direptionibus urbium & domuum res, quæ direptionibus patent, vastandæ non sunt, nisi in justam pœnam (§. 1195.).

§. 1202.

De præda.

Præda dicuntur res mobiles hostiles in bello captæ a militibus; consequenter *deprædationes hostium in bello justo*, quacunque occasione oblata, licitæ sunt (§. 1200.), & quæ in direptionibus auferuntur, in præda sunt (§. 1201.). Quoniam vero in bello omnia fiunt jure summæ potestatis (§.

(§. 1169.); ejus quoque *præda est*, nec militibus, qui res hostiles manu capiunt, neque etiam eorum *præfectis*, immo nec copiis auxiliaribus jus ullum ad *prædam* competit. Quia tamen summa potestas de suo pro lubitu disponere potest (§. 195.); quidnam juris militibus, aut eorum *præfectis* in *prædam* concedere velit, in ejus arbitrio positum est, & de *præda* cum mittente auxilia convenire potest.

§. 1203.

Cum simulatio, falſiloquium & dissimulatio communi nomine *Dolus* dicantur; si dolo idem consequi datur, quod vi aperta licebat, quin is in bello licitus sit, utpote minus nocumentum afferens vi aperta, dubitandum non est, sed quia promissa sunt servanda (§. 388.); & contra promittentem pro vero habendum, quod promittit (§. 318.), non nisi extra sermonem promittentem. Quia *Stratagemata* sunt actus bellici improvisti, tam in vi, quam in dolo consistentes; eadem quoque *licita sunt*.

§. 1204.

Occupatio bellica est actus, quo vi armorum res hostiles, inprimis immobilia, veluti urbes ac terræ, rediguntur (Wolfii Instit. J. N. & G.) B b b in

*An dolus
in bello
licitus
& de
stratagematis.*

*De occupatione
bellica.*

in suam potestatem. Cum in bello justo res omnes hosti eripere liceat ob causas justas (§. 1190. 1193.); *occupatione bellica acquiritur dominium rerum hosti ereptarum: res autem mobiles non ante occupatæ intelliguntur, quam de iisdem pro lubitu disponi possit* (§. 200.); & quoniam imperium civile terris quasi inhæret (§. 1125.), & tanquam res incorporalis dominio quoque subijci potest (§. 206.); *urbibus ac terris occupatis imperium quoque occupatum est, consequenter qui in iisdem habitant fiunt subditi occupantis* (§. 996.), *hostes esse desinunt* (§. 1184.), atque ideo *nihil eorum licet in eos, quæ licita erant in hostem, sed ea saltem licita sunt, quæ jure imperii in subditos*. Ceterum cum imperium contineat dominium gentis (§. 1130.), & dominium eminens atque potestatem eminentem (§. 1065.); *occupatis urbibus ac terris acquiritur dominium gentis, seu quicquid in dominio gentis in istis est, una cum dominio eminente & potestate eminente*.

§. 1205.

Quale
imperi-
um in vi.

Cum imperium originarie sit res populi propria (§. 979.), in respectum

tum tale est, quale est in populo. Quamobrem si occupatione bellica imperium acquiritur, tale in victos acquiritur, quale est in populo, nisi pactione aliter fuerit conventum, qua standum (§. 438.). Æquivalet nimirum legi fundamentali qua imperium in Rectorem civitatis transfertur (§. 989.). Quamobrem si sine pactione imperium acquirit victor, formam Reip. pro lubitu mutare potest & de modo habendi imperium itidem pro lubitu disponere. Quoniam vero in regno herili subditi omnes subeunt servitutem personalem (§. 997.); imperio herili non subjiciuntur subditi nisi intra pœnæ justæ modum (§. 1194.).

§. 1206.

Qui vi hostis se non opponit, cum adversus eum nulla defensione opus sit (§. 90.), in eum quoque vis nulla hosti competit (§. 1192.). Quamobrem stupra violenta militibus non permittenda, præsertim cum & in se illicita sint (§. 862.), nec fantes veneno inficere licet, ex quibus etiam aquas haurire contingit eos, qui vi hostium se non opponunt.

Bbb 2

§. 1207.

§. 1207.

De hoste
veneno
interfi-
ciendo.

Cum vero in *hostem* quamdiu reparationi juris nostri resistit, tantundem liceat, quantum ad vim injustam depellendam sufficit (§. 90. 1192.); eum *veneno interimere licet*, consequenter *etiam in bello uti globis vel sagittis venenatis, immo aquas ita corrumpere sine veneno, ut bibi nequeant* (§. 1193.); cogerere nimirum licet hostem, ut a vi injusta abstineat.

§. 1208.

De explorato-
ribus.

Exploratores dicuntur, qui clam veniunt ad hostem, ut inquirant, quonam in statu sint res hostis & quidnam in nos moliatur: quod cum intersit nosse ad actus bellicos determinandos ad persequendum jus nostrum facientes; *exploratores mittere licet*. Ast cum noceant ei, ad quem mittuntur; *is cujus arma justa sunt, habet jus eosdem puniendi*.

§. 1209.

De percussori-
bus.

Percussor vocatur, qui mercede conductus ex insidiis & dolo hostem interficit. Quamobrem cum dolus in bello licitus sit (§. 1203.); *immissio percussore interficere hostem, naturaliter non illicitum* (§. 1192.). *Deprehensos autem in*
pœnam

pœnam interficere potest belligerator justus (§. 1189. 1048.).

§. 1210.

Cum jus belli sit summæ potestatis (*De hostilitatibus a privato susceptis.* §. 1066. 1169.); *subditis belligerantis hostilitates sine mandato, aut concessione summæ potestatis, saltem tacita, ut rati habitio recte præsumatur, qui quod fit in bello magnum momentum habet, permissæ non sunt, immo nec militibus sine jussu aut concessione præfectorum, qua intra limites functionis suæ imperare possunt.*

§. 1211.

Induciæ dicuntur suspensio actuum bellicorum ab utraque belligerantium parte intra tempus conventum. Fiunt itaque pactione (§. 438.), consequenter quæ de iis conventa, iis standum (§. cit.). Per inducias bellum non finitur, etiamsi ad longius tempus fuerint contractæ, & iis finitis hostilitatibus statim locus est, non vero nova belli denunciatione opus (§. 1183.). Ut de iis constet his, quorum nosse id interest; quamprimum de induciis conventum, eadem publicandæ sunt. Cum obligatio contrahentium veniat ex pacto; induciarum contractu

De induciis.

*perfecto contrahentes statim obligant: sed quod subditos obligare nequeant, nisi a momento publicationis, per se patet, nisi expresse fuerit conventum, a quod die incipere debeant. Dicuntur autem Induciæ universales, quibus omnes actus bellici suspenduntur; particulares vero, quibus saltem certæ. Cum omne jus in bello sit summæ potestatis (§. 1066. 1169.); induciæ universales pangi nequeunt nisi a summis potestatibus; ast pangi possunt a minoribus intra fines functionis suæ (§. 1155.). Cum factum privati, nisi fiat jussu summæ potestatis, aut ab eadem ratihabeatur, ei imputari nequeat (§. 26.); inducias non rumpit, privatus tamen puniri debet & res raptæ restituendæ sunt; cum alias ratihabere-
tur. Quia induciæ securitatem præstant tam personis, quam rebus; induciarum tempore ire & redire ultro citroque licet, non vero loca incustodita occupare. Ast cum loca derelicta hostis amplius habere nolit (§. 203.); ea occupare licet. Denique quia tempore induciarum omnia manere debent in eo statu, in quo sunt, consequenter nihil fieri in præjudicium hostis, quod fieri non poterat induciis non*

non pactis; *durantibus induciis nec vallum tormentis hostis labefactatum reficere, nec auxilia aliaque necessaria urbi laborandi mittere, intra suos autem fines cum exercitu interius recedere, mœnia reficere & militem conscribere licet.*

§. 1212.

Commeatus dicitur jus secure hinc inde eundi, concessum vel personis, vel rebus: cuius concessio privilegium est (§. 1047.). Quoniam privilegium personæ datum ultra eam non extenditur (§. 400.); *commeatu* personæ dato uti nequit alia persona, nec patri datus filium & uxorem comprehendit, ideoque cui venire permissum, is alium mittere nequit. Quia vero perinde est, per quem res deferantur; si *commeatus* rebus datus, eadem per alium, quamcujus sunt, in locum destinatum transferri possunt. Quia *commeatus* totus pendet a voluntate concedentis, idque finis, cuius causa datus, indicat; cui abire vel transire datum, non & redire, & cui negotii cujusdam causa concessa securitas, ea concessa intelligitur, donec negotium fuerit finitum. Similiter si itineris causa conceditur *commeatus*, in ea etiam compre-

De commeatu.

benditur reditus, & sub eo etiam comprehenduntur res, quæ solitæ sunt ad iter assumi & famulus unus alterque, sine quo ire indecorum foret. Sed ne de eo lis oriatur, consultius est, ea in literis, quibus commeatus datur, diserte exprimi.

§. 1213.

De pretio redemptionis.

Cum quilibet ius suum pro lubitu in alium transferre possit (§. 314.); pretium quoque redemptionis captivi in alium transcribi potest. Et quia pacta servanda (§. 438.); conventio de pretio rescindi nequit, quia captus intelligitur locupletior, quam credebatur. Cumque non occuperetur, quod captus clam penes se habet, aut ipsi non admittitur, ideoque ejusdem manet (§. 1204.); id in pretium redemptionis imputari potest. Quoniam vero datur pro liberatione captivi; si captus moriatur, pretio nondum soluto, antequam facultas abeundi data, vel in itinere, si ad hostes conducendus fuit, pretium non debetur: aut debetur, si in libertate moriatur, aut si in securitatem debiti tantummodo detineatur, pignoris instar (§. 697). Denique cum captivum pro certo pretio dimittens tantummodo præstare tenetur securitatem reditus ad suos; *scilicet post-*

postquam ad suos rediit, denuo capiatur ab alio, pretio redemptionis nondum soluto, id bis debetur.

§. 1214.

Restitutio rerum & personarum ab hoste captarum & in potestatem gentis suæ venientium in statum pristinum *Postliminium* vocatur. Cum summa potestas subditos suos eorumque jura contra vim externam hostium defendere teneatur (§. 972.), nec injustus belligerator occupatione bellica naturaliter jus ullum in rebus captis & in personas captas acquirere possit (§. 1189.); *si res & personæ vi injusta ab hoste captæ ad suos redeunt, in statum pristinum utique restituuntur.* Atque hinc apparet, quatenus postliminium sit juris naturæ; quatenus vero sit juris gentium, mox dicetur. Enimvero *qui se, vel sua hosti dederunt*, cum eo ipso promiserint, se ejus esse velle, vel sua ejus esse debere, ideoque ius eidem acquisitum auferri nequeat (§. 100.), *postliminio carent, itemque res, quæ fuerant ipsorum.* At *si personæ dimittantur, & res debitæ ab eodem deferantur*, cum eo ipso significet hostis, se eas habere nolle, jure

De postliminio, quatenus juris naturæ.

ipſius non amplius obſtante; *poſtliminium habent.*

§. 1215.

*De jure
gentium
volunta-
rio in
bello.*

Cum negotia inter gentes exitum habere debeant, uterque autem belligerantium prætendat cauſam juſtam ſibi eſſe belli, & vi libertatis naturalis gentibus competentis (§. 1089.) a gentibus aliis permittendum, ut ſuo quælibet ſtet judicio (§. 78.), immo in cauſa plerumque dubia, id facile definiri non poſſit, ipſum autem bellum non ſit aptum ad hanc controverſiam decidendam (§. 1159.), multoque difficilius definiri queat, an belligerator licet juſtus jure ſuo in bello non abutatur (§. 1190. & ſeqq.), ac propterea id relinquendum ſit conſcientiæ ipſius (§. 78.); ideo neceſſe eſt, ut bellum ab utraque parte quoad effectus habeatur pro juſto, ut uterque ſcilicet eodem jure utatur, & ideo quoque uniuscujuſque conſcientiæ relinquatur, qui ad conſecutionem juris ſui neceſſarium videatur. Atque in hoc conſiſtit Jus gentium voluntarium in bello (§. 1090.).

§. 1216.

§. 1216.

Quoniam gentium, quæ nullius in bello partes sequuntur, nullum jus est decidendi de causa belli, vel num hæc, ^{De postliminio jure gentium.} vel ista in bello jure fiant, aut non fiant (§. 1215.); *gentes, quæ bello sese non immiscunt, facta utriusque pro justis, seu jure factis admittere tenentur*, ac ideo quoque *apud gentes pacatas jure gentium voluntario postliminium non est* (§. 1214.). Eodem autem jure *idem intelligitur commune utriusque belligerantium parti.*

CAPUT IX.

DE

PACE ET PACTIONE PACIS.

§. 1217.

Pax dicitur status, in quo nobis cum ^{De pace colenda.} nemine bellum est; consequenter quia cum nemine per vim certandum (§. 98.); *in pace jure nostro quiete fruimur*. Cum gens nulla alteri injuriam facere debeat (§. 1089.), & curæ habere, ut controversias sine vi armorum componat (§. 1157.), consequenter nullam causam bello dare (§. 1158.); *gentes pacem inter se colere naturaliter obligan-*

ligantur. Et quia homines in civitatem coivere, ut jure suo quiete fruantur, & tuto ab alio id consequantur (§. 972.); Rector quoque civitatis & subditis suis, & quatenus ipsa natura gentes in civitatem maximam redegit (§. 1090.), gentibus aliis hoc naturaliter debet, ut pacem omni modo conservare studeat, consequenter non modo ipse bellum vitare debet, quantum potest, verum etiam dare operam, ut dissuadeat aliis, ne temere bellum suscipiant. Ex ipsa autem definitione pacis liquet, induciarum tempore pacem non esse (§. 1211.), pace autem facta bellum finire.

§. 1218.

*De turbatore
quietis
publicæ.*

Turbator quietis publicæ dicitur, qui bellis temerariis atque injustis laceffit gentes alias. Gentibus igitur quibuscumque competit jus turbatores quietis publicæ cogendi, ne turbent (§. 1090.). Quamobrem si qua gens a turbatore quietis publicæ sibi metuit, tempestive fœdera belli pangere debet cum aliis (§. 1180.).

§. 1219.

Quamdiu bellum con-

Cum bellum justum geratur juris sui consequendi causa (§. 1170.); tamdiu id

id continuare licet, donec jus tuum fuerit consecutus, consequenter donec in causa dubia alter vel transactionem offerat, vel oblatam acceptet (§. cit.), contra turbatorem vero quietis publicæ tamdiu, donec securitati futuræ sufficienter fuerit prospectum (§. 1218.). Quodsi vero belligerator unus ad offerendum, vel acceptandum æquas pacis condiciones permoveri nequit; per se patet, bellum esse continuandum, donec is totaliter fuerit victus, ne scilicet resistere diutius possit.

§. 1220.

Cum bellum sit summarum potestatum (§. 1169.); *pacem pangere nequeunt nisi summæ potestates*. Cum vero Rex infans, vel impubes, aut imminutus mentis, veluti furiosus, vel mente captus administrationem imperii non habeat; ideo *pacem pangere nequit*, consequenter *pacem facere eorum est, quibus imperii administratio competit*. Quoniam invasor imperii, si ei fidem dederunt subditi, imperium summum habet, ac gentes extræ stare tenentur iudicio gentis alterius (§. 1089.); *cum invasore imperii, si ei fidem dederunt subditi, pacem facere*

*tinuare
liceat.*

*Quinam
pacem
facere
possint.*

cere licet. Cum de regno patrimoniali Rex disponere possit pro lubitu (§. 986); *si regnum fuerit patrimoniale, Rex captivus pacem facere potest.* Ast cum per captivitatem Regi adimatur liberum imperii exercitium, sitque verendum, ne in præiudicium gentis suæ promittere cogatur, quæ liber promissurus non erat; *si regnum patrimoniale non fuerit, Rex captivus pacem facere potest per eos, quibus administrationem imperii commisit, aut, ubi de ea nihil dispositum, qui proximam succedendi spem habet.* Et quia de re sua privata pro lubitu suo disponere potest (§. 195.); *pacem quoque facere potest promittendo rem suam privatam simpliciter, seu pure, publicam vero sub conditione ratihabitionis.*

§. 1221.

*Quomodo, pax
pangi
possit.*

Quoniam rigori iustitiæ convenit, ut cuilibet ius suum tribuatur; si in pangenda pace is observari deberet, de iustitia belli gesti sententia foret ferenda, & bellum iustum gerenti præstandum foret debitum, cuius causa bellum gestum, restituendæ impensæ in bellum factæ, ob iniurias in ipso bello

bello factas ipsi satisfaciendum (§. 1190), quæ vero a belligeratore iusto ultra modum debiti occupata, alteri restituenda, & de iniuria abusu juris facta foret satisfaciendum (§. 271). Facile apparet, si hoc modo pax fieri deberet, negotium nulum exitum habiturum. Quamobrem *pax aliter fieri nequit, nisi per transactionem* (§. 764.); ideoque *in pactione pacis nec causa belli deceditur, nec deciduntur controversiæ, quæ de factis in bello moveri poterant, neutra parte alteram iniustitiæ damnante, & rationes potissimum suasoriæ attenduntur*. Quoniam amnestia est injuriarum & offensionum antea factarum in sempiternum sancita obli-vio (§. 1056.); ea quidem *naturaliter per se inest omni pacis pactioni, ut ta-men perfecte debeat, de eo primo omnium loco conveniendum* (§. 667.).

§. 1222.

Cum in transactione standum sit eo, quod convenitur (§. 764.); *in pactione pacis conveniendum, vel ut omnia restituantur in eum locum, quo fuerant ante bellum, vel ut maneant eo, quo sunt loco, vel ut quædam in bello capta restituan-*
Quomodo in pactione pacis conveniri possit
ur,

tur, alia retineantur, & ut quædam alia præterea præstentur. Unde sequitur, ut, de quibus nihil dictum, ea maneant, quo sunt loco. Enimvero quia negotium exitum non haberet, ubi etiam res mobiles restituendæ forent; si conventum fuerit, ut capta restituantur, sub iis mobiles non comprehenduntur, nisi de quibusdam expresse fuerit dictum.

§. 1223.

*Ad quæ
amnestia
extendi
nequeat*

Quia amnestia saltem pertinet ad ea, quæ in bello facta sunt (§. 1221.); quæ ante bellum debita fuerunt, nec non injuriæ ante idem factæ, sed ob quas bellum non fuit gestum, aut etiam debita durante bello aliunde contracta, vel injuriæ extra bellum factæ, & quæ tempore belli privatis ex contractibus vel maleficio deberi cæperunt, per pacem remissa non intelliguntur.

§. 1224.

*De fructibus
restituendis.*

Cum pactione pacis facta statim incipiat ius eius, cui aliquid restituendum, nisi restitutio ad certum diem restricta (§. 438. 317.); si res vi pacis restituendæ, restituendi quoque sunt fructus a die concessionis (§. 228.).

§. 1225.

§. 1225.

Quia res talis restituenda, qualis in bello capta (§. 1222.); si res vi pacis restituenda, jura quoque rei coherentia restituenda, ideoque ante restitutionem munimenta, quæ erant, cum occuparentur, demoliri non licet. Et, si vi pacis quædam restituenda in eum statum, quo fuerant ante bellum, status ultimus intelligitur, qui erat, cum inciperet bellum; cum de eo cogitasse intelligantur paciscentes (§. 810.): nisi is ad certum annum referatur (§. 438.). Quod si in pactione pacis relatio fit ad alias præcedentes, cum id brevitatis tantummodo causa fiat; ea valebunt, quæ in his de re conventiona expressius dicta sunt.

Nonnulla circa rei restitutionem notanda

§. 1226.

In regno patrimoniali Rex disponere de imperio potest pro lubitu (§. 986.), consequenter Rex tam totum, quam partem ejus sine populi consensu alienare potest. Ast quia in usufructuario proprietas imperii penes populum manet (§. cit.); ad alienationem requiritur populi consensus, & quia universi obligantur parti ad ea, quæ ad salutem ejus promovendam faciunt (§. 975.); consensus (Wolfii Instit. J. N. & G.) CCC ejus

De alienatione imperii per pacem & rerum privatarum.

ejus partis, in quam fit alienatio, aut saltem ejus ratihabitio, quæ factis declaratur, dum populus novo acquirenti sine ulla contradictione homagium præstat. Enimvero si jus pangendi pacem sine ulla restrictione in Regem translatum, populi consensum non demum requirere tenetur; nulla scilicet lege fundamentali extante, ad cujus observantiam obligetur (§. 984.). De rebus autem privatis & personis vi dominiis eminentis & potestatis eminentis, prout casus tulerit, convenire potest (§. 1065.).

§. 1227.

De effe- Cum transactione facta prætentio re-
ctu pacis. novari nequeat & a lite discedatur (§. 764.); pace facta, bellum finitur, nec propter eam causam, ob quam bellum gestum est, denuo bellum suscipi potest.

§. 1228.

*De sociis
in bello.*

Quoniam cum sociis eorum, qui pacem pangunt, idem fuit bellum, quod inter hosce, de bello autem finiendo transigitur (§. 1221.); in pactioe pacis comprehenduntur etiam socii, consequenter amnestia ad ipsos quoque pertinet (§. 1223.). Enimvero si cum ipsis pecu-

peculiare fuerit bellum, cum ipsis quoque pax expresse pangenda.

§. 1229.

Pactio pacis, utpote utilitatis publicæ manentis causa facta, fœdus reale est De obligatione ex pactione pacis veniente. *(§. 1146.), ac propterea populum quoque & successores obligat. Enimvero paciscentes statim obligat, quamprimum perfecta; cum ex pacto veniat obligatio (§. 438.): subditos vero & milites, quamprimum iisdem fuerit publicata; cum de ea ante publicationem ipsis certo constare non possit.*

§. 1230.

Pax rumpi dicitur, si pactio pacis non servetur, hoc est, si quis quid facit, quod vi ejusdem facere non poterat, nec debebat, aut non facit, quod vi ejusdem facere debebat ac poterat. Eodem sensu in genere fœdus quodlibet rumpi dicitur. Rumpit igitur pacem, qui ob eandem causam, ob quam bellum gestum fuerat, vel ob ea, quæ in eodem facta fuerunt, vim bellicam infert (§. 1227.), etiam sociis in ea comprehensis (§. 1228.): non vero, si ob novam quandam causam utpote ad quam pax non pertinet (§. 1221.) De ruptura pacis.

1221.), consequenter *nec rumpitur, etiamsi post hac alii te associes, qui bellum ei, cum quo pacem fecisti, infert*; ob rationem eandem. Ex ipsa quoque definitione patet, *pacem non rumpi, si per te non stet, ut in pace promissum adimpleas*, veluti si ipse bello implicitus auxilia vel subsidia promissa mittere nequeas, aut res, quæ dari debebat, interierit. *Articuli pacis* dicuntur singulæ conventionis partes, quibus distinguuntur ea, de quibus sigillatim quidpiam fuit conventum. Sunt autem vel *connexi*, in quibus convenitur de rebus ad eandem causam pertinentibus; vel *diversi*, in quibus convenitur de rebus ad diversam causam spectantibus. Unde facile intelligitur, *si pax rumpitur in articulis diversis, eam in ceteris durare*: ex adverso autem, *si rumpitur ab uno in articulis connexis, nec alterum pacem servare amplius obligari* (§. 442.). Ast quoniam factum alienum nemini imputari potest, ad quod is non concurrat (§. 26.); *si subditi tui sine consensu tuo, vel subsecuta rati habitatione faciant, quod est contra pacem pacis, pax non rumpitur*: ex adverso autem *rumpitur, si subditi tui*
con-

contra articulos pacis læduntur a parte altera.

§. 1231.

Publicatio pacis est factum, quo tam militibus, quam subditis significatur, pacem esse factam; consequenter bellum finitam (§. 1227.). Quamobrem *militibus sine mora publicanda* (§. 1174.); necessitas vero, quæ obtinet ex parte militum, cum non sit eadem ex parte civium; *subditis publicari potest, quando commodum visum fuerit.*

De publicatione pacis.

§. 1232.

Rebelles dicuntur subditi, qui arma injusta sumunt adversus Rectorem civitatis, nimirum ut eundem vel imperio exuant, vel ad certas condiciones acceptandas cogant. Atque is status *Rebellio* vocatur.

De rebellionē.

§. 1233.

Differt a rebellionē *Bellum civile*, quo iusta arma adversus Rectorem civitatis sumunt subditi. *Licetum* igitur est *in omni casu, in quo Rectori civitatis resistere licet* (§. 1079.).

De bello civili.

§. 1234.

De tu-
multu.

Differt a rebellionem & bello civili *Tumultus*, in quo turba confluens vim infert magistratibus, aut aliis potestatibus minoribus, vel earum rebus, tum etiam privatis eorumque rebus, aut saltem inferre minatur. Cum per tumultum securitas publica lædatur; *delictum publicum* sive *crimen* est (§. 1030.). Quamobrem *tumultum excitantes, vel foventes, eidemque sese immiscentes*, cum sint criminis rei; *pro diversitate circumstantiarum puniri possunt* (§. 1030. 1048.).

§. 1235.

De pro-
missore-
bellibus
& tu-
multu-
antibus
servan-
do.

Quoniam *potestas summa rebellibus & tumultuantibus rebellionis aut tumultus sedandi causa promittens*, cum salvo jure suo in rebelles & tumultuantes promittere non possit, jus suum remittere intelligitur (§. 337.); *si qua promittit, ea servanda sunt* (§. 388.). Eodem modo patet, *hosti, prædonibus & latronibus promissa servanda esse*. Quamobrem *si amnestia promissa sit, nullos eorum, quæ in rebellionem & tumultu facta sunt, accusari, neve mulctari potest* (§. 1056.).

CAPUT



CAPUT X.

DE

JURE LEGATIONUM.

§. 1236.

Legati dicuntur personæ, quæ agen- *Legati*
 te una, seu ejus Rectore, ad gen- *quinam*
 tem aliam, seu Rectorem ejus publici *sint.*
 negotii causa mittuntur. Quamobrem
legati naturaliter sunt mandatarii gen-
tis suæ, seu Reſtoris civitatis (§. 551.),
Et jus mittendi legatos summis potesta-
tibus competit (§. 1140.), etiam inæ-
quali ſœdere junctis (§. 1144.).

§. 1237.

Agentes appellari solent personæ, *Agentes*
 quæ negotia privata Reſtoris civitatis, *quinam*
 vel etiam ſubditorum ipsius ejusdem *sint.*
 nomine apud gentem aliam curant.
 Cum a voluntate conſtituentis depen-
 deat, quænam negotia iis committere
 velit; nil obſtat, quo minus etiam nego-
 tia quædam publica minoris præſertim
 momenti Agentibus committantur.

§. 1238.

Genti unicuique competit jus per- *De jure*
 ſectum petendi ab altera gente officia *mittendi*
 Ccc 4 huma- *et obli-*

gatione
admit-
tendi le-
gatos.

humanitatis, nec impediri potest citra injuriam, quo minus perantur (§. 1108.): competit etiam jus pactiones ineundi cum alia gente, si ope & auxilio ejusdem indiget (§. 1095.), conjunctis viribus se statumque suum perficiendi (§. 1090.), ac ideo fœdera faciendi (§. 1141.). Obligantur quoque tollere gravamina, & controversiæ componendæ (§. 1157.), nec ad bellum, ad controversias decidendum per se minus aptum (§. 1159.), procedendum, aliaque media violenta (§. 1163. & *sqq.*), quamdiu nondum constat sine violentia injuriam factam reparari non posse (§. 1158.). Pangenda quoque sunt fœdera belli (§. 1180.), & in bello emergunt casus, in quibus pactiones ineundæ, vel pars una alteri voluntatem suam significare tenetur. Immo ut a bello decedatur, pactiones pacis faciendæ (§. 1227.). *Legationes igitur necessariae sunt & gentibus competit jus perfectum mittendi legatos ad gentes alias: quod cum citra injuriam denegari non possit (§. 100.); legati admittendi sunt ab eo, ad quem mittuntur, consequenter si non admittantur, mittenti injuria fit (§. 87.), nisi id fiat in causa manifesta collisionis*

nis officii erga seipsam & erga gentes alias, veluti si legatus mittatur ad perturbandum civitatis statum, vel is fuerit criminis perduellionis reus.

§. 1239.

Legati assidui dicuntur, qui per plures annos in aulis exteris resident. Quoniam negotia gentium, ob quæ legationes necessariae sunt (§. 1238.), nec quotidiana, nec continua sunt, legati præterea assidui quasi exploratorum numero sunt (§. 1208.); *jus habendi legatos assiduos in aulis exteris nec jus gentium necessarium* (§. 1088.), *nec voluntarium est* (§. 1090.), consequenter *legationes assiduæ*, nonnisi moribus quarundam gentium introductæ, *ad jus gentium consuetudinarium pertinent* (§. 1092.), ideoque *si non admittantur, mittere volenti injuria non fit* (§. 87.).

§. 1240.

Cum Rector civitatis quilibet Rectorem civitatis alterius spectare debeat tanquam sibi æqualem (§. 1120.), legati autem mittantur, ut negotium tractent vel cum Rege ipso, vel cum primariis ejus ministris, quibus hæc cu-

De legatis assiduis.

Quales legati mittendi.

ra demandata est, nomine mittentis (§. 1236.); *legati mittendi sunt, qui dignitate eminent in Rep. mittentis* (§. 54. 55.). Atque ita Jus naturale gentium consulit dignitati ejus, ad quem mittuntur.

§. 1241.

Quomodo excipiendi.

Ob eandem rationem *legati honorifice excipiendi & tractandi*, cumque hæc obligatio a lege naturæ veniat (§. 1240), consequenter nemo ab ea se liberare possit (§. 42.), *etiamsi veniant ab hoste. Quoniam itaque legatis ab hoste missis, vel etiam ab eo, qui hostis non est, contumeliæ non imponendæ, nec iidem contumtui habendi* (§. 146. 51.), *ne quidem prætenso*, utpote quod nullum est (§. 156.), *jure talionis; contemptus ideo legatorum & multo magis contumeliæ ipsis impositæ injuria sunt* (§. 87.), *nec impune ferri debent* (§. 93.). Atque ita Jus naturale gentium consulit dignitati mittentis.

§. 1242.

De characterē repræsentativo.

Character repræsentativus legati dicitur signum repræsentationis mittentis apud eum, ed quem mittitur. Cum naturaliter legati sint mandatarii Reſtoris civitatis, a quo mittuntur (§. 1236.);

jure

jure naturæ character repræsentativus consistit in facultate nomine ac jure potestatis summæ, a qua scilicet mittitur, negotium aliquod publicum apud aliam potestatem summam gerendi, consequenter jure naturæ legatus non est quasi eadem persona moralis cum mittente, ita ut perinde sit ac si mittens ipse esset præfens & is, ad quem mittitur, eundem spectare debeat tanquam personam sibi æqualem. Et quoniam characteris repræsentativi, qui consistit in facultate personam mittendis ferendi, nulla est necessitas sive ex negotio gerendo, sive ex dignitate mittentis, quæ sine eo salva esse potest (§. 1241.); nec character repræsentativus ultra naturalem extensus juris gentium voluntarii est (§. 1090.), & per consequens si moribus introductus, juris gentium consuetudinarii (§. 1092.), si pactis, pactitii est (§. 1091.). Quamobrem quæ ex characterē isto deducuntur de legatis per necessariam consequentiam, ea nec juris naturæ, nec juris gentium voluntarii sunt, & multo minus ea, quæ gratis ad eum ampliandum adjiciuntur. Ac propterea gens nulla eum agnoscere tenetur, nisi ex pacto.

§. 1243.

§. 1243.

*De jure
legati
quoad
actus pri-
vatos.*

Cum legati non repræsentent mit-
tentem nisi quoad actus ad negotium,
cujus causa missi, spectantes (§. 1242.);
*quoad actus suos privatos spectari aliter
nequeunt, quam tanquam peregrini in
territorio alieno verjantes, consequen-
ter jure peregrinorum naturaliter cen-
sentur. Ac ideo quoad actus privatos
cum comitatu & vasis seu rebus jure gen-
tium naturali subsunt jurisdictioni loci
tam civili, quam criminali (§. 1132.),
nec ulla adest ratio, cur jure gentium
voluntario in his quicquam immutari
debeat (§. 1090.). Exterritorialitas ita-
que, qua legati cum suo comitatu & va-
sis finguntur extra territorium sitæ, ju-
ris gentium naturalis & voluntarii non
est, consequenter nec, quæ inde in-
fertur, sanctitas, seu inviolabilitas legati
quæ consistere debet in independentia
legati ab imperio ejus, in cujus territo-
rio commoratur, multo minus itaque, ut
habeat jurisdictionem in suum comita-
tum & ædibus, quas inhabitat, adhæreat
jus asyli. Quamobrem istiusmodi ju-
ra aliter acquiri nequeunt quam pacto si-
ve expresso, sive tacito (§. 1089.), salva
tamen*

tamen exceptione in casu collisionis cum officio ejus, ad quem missus est legatus, erga gentem suam (§. 64.).

§. 1244.

Quoniam peregrini æquiparantur *De in-* civibus temporariis, quamdiu in ter- *violabi-* ritorio alieno commorantur (§. 1125.), *litate le-* nec Rector civitatis ferre debet; ut *gati.* quis subditorum iis damnum det, aut injuriam faciat (§. 1134.); *legati, qua-* tenus spectantur tanquam privati & *tanquam peregrini in territorio alieno* commorantes, tuti sunt ab injuriis *communi peregrinorum* (§. 1028.) & *communi gentium jure.* Quoniam vero ut consulatur dignitati mittentis, *legati* qua tales honorifice excipiendi & tractandi (§. 1241.), ideoque injuria in ipsos illata gravior est in alium peregrinum illata, quatenus ea derivatur in mittentem; *ab injuriis quoque tuti sunt jure speciali legatorum.* Ac in eo *sanctitas legati naturalis* consistit (§. 1153.).

§. 1245.

Literæ credentiales dicuntur, quas *De lite-* mittens dat legato ad eum, ad quem *ris cre-* mittitur, & in quibus eum legatum *dentiali-* *bus,* suum

suum declarat. Quoniam cum eo tractanda sunt negotia certa (§. 1236.), consequenter ei, ad quem mittitur, constare debet de voluntate mittentis; *legatus literis credentialibus instructus esse debet.*

§. 1246.

*Jus pactitium
& consuetudinarium.*

Si quæ gentes de certis juribus legationum & de modo honorifice tractandi legatos inter se convenerint, vel quædam moribus introduxerint, cum ea nonnisi juris pactitii (§. 1091.), vel consuetudinarii sint (§. 1092.); nonnisi paciscentes obligant, vel eos, quorum longo usu introducti sunt hi mores, quamdiu voluerint (§. 444. 1092.).

F I N I S.





CONSPECTVS INSTITUTIONUM JURIS NATURÆ ET GENTIUM.

PARS I.

DE JURE NATURÆ IN GENERE ET OFFICIIS ERGA SE IPSUM, ERGA ALIOS ET ERGA DEUM.

- CAPUT I. De Actionum humanarum differen-
tia, earumque imputatione. 1
- CAPUT II. De Obligatione, Jure & lege, ac
Juris naturæ principio. 18
- CAPUT III. De Obligatione & Jure hominum
universali in genere. 36
- CAPUT IV. De Officiis hominis erga seipsum
& cum iis connexis juribus. 55
- CAPUT V. De Officiis hominis erga alios &
juribus cum iis connexis. 74
- CAPUT VI. De Officiis erga Deum. 87

PARS

CONSPECTVS.

P A R S II.

DE DOMINIO ET JURIBUS ATQUE OBLIGATIONIBUS INDE NASCENTIBUS.

CAPUT I.	De communione primæva & origine dominii.	101
CAPUT II.	De modo originario acquirendi rerum dominium.	117
CAPUT III.	De Obligationibus & Juribus ex dominio oriundis.	138
CAPUT IV.	De Jure ex communione primæva residuo.	161
CAPUT V.	De modo acquirendi derivativo.	167
CAPUT VI.	De animi sui sensis alteri significandis.	183
CAPUT VII.	De modo sese alteri obligandi, seu promissis & pactis in genere.	199
CAPUT VIII.	De usucapione & præscriptione.	240
CAPUT IX.	De actibus mere beneficis in præsens absolutis.	250
CAPUT X.	De pretio rerum & pecunia.	265
CAPUT XI.	De actibus beneficis obligatoriis, seu contractibus beneficis.	277
CAPUT XII.	De actibus permutatoriis, seu contractibus onerosis.	321
CAPUT XIII.	De contractibus, qui aleam continent.	386
CAPUT XIV.	De quasi contractibus.	403
CAPUT XV.	De jure in re aliena constituto, seu pignore & servitutibus.	411

CAPUT

CONSPECTUS.

CAPUT XVI.	De dominio utili, ac inprimis feudo.	433
CAPUT XVII.	Quomodo obligatio ex contractu tollatur.	456
CAPUT XVIII.	De modo finiendi lites in statu naturali.	470
CAPUT XIX.	De interpretatione.	500
CAPUT XX.	De mortuis & nondum natis.	513

P A R S III.

DE IMPERIO ET OBLIGATIONIBUS ATQUE JURIBUS INDE NASCENTIBUS.

SECTIO I.

DE IMPERIO PRIVATO.

CAPUT I.	De imperio & societate in genere.	522
CAPUT II.	De matrimonio, seu societate conjugali.	535
CAPUT III.	De cognatibus & affinitatibus.	548
CAPUT IV.	De societate paterna & potestate patria.	553
CAPUT V.	De jure hæreditario, seu testamentis & successione ab intestato.	569
CAPUT VI.	De servitute & societate herili.	585
CAPUT VII.	De Domo.	593

(*Wolfii Instit. J. N. & G.*)

Ddd

SE-

CONSPECTUS.

SECTIO II.

DE IMPERIO PUBLICO, SEU JURE CIVITATIS.

CAPUT I.	De origine civitatis & imperii publici.	597
CAPUT II.	De diversis Rerump. formis.	607
CAPUT III.	De Rep. constituenda.	624
CAPUT IV.	De Juribus majestaticis.	644
CAPUT V.	De theoria naturali legum civilium.	665
CAPUT VI.	De officio superioris & subditorum.	670

P A R S IV.

DE JURE GENTIUM.

CAPUT I.	De Jure Gentium in genere.	679
CAPUT II.	De officiis gentium erga seipsas & inde nascentibus juribus.	683
CAPUT III.	De officiis gentium erga se invicem, ac inde nascentibus juribus.	692
CAPUT IV.	De dominio gentis.	700
CAPUT V.	De foederibus & sponsonibus.	710
CAPUT VI.	De modo componendi controversias gentium.	722
CAPUT VII.	De Jure belli Gentium.	729
CAPUT VIII.	De Jure Gentium in bello.	744
CAPUT IX.	De pace et pactione pacis.	763
CAPUT X.	De Jure legationum.	775

FINIS CONSPECTUS.

INDEX.

INDEX.

Numerus §. designat.

A.

Abdicatio juris, [341.](#)

[342.](#) liberorum,

[925.](#) officii, 1063.

regni, 1007. 1081.

Abolitio accusationis, vel

inquisitionis, [1055.](#)

Abrogatio legum, 846.

1045. 1068. 1074.

Absurda in interpretatio-

ne vitanda, [804-813.](#)

Abusus domini, 202, ju-

ris, [66.](#) rei locatæ 622.

Academia scientiarum, ar-

tium 1024.

Acceptans in cambio, [656.](#)

Acceptare, accipere, 316

conditionem, [817.](#) ad

deliberandum, ad rati-

habendum, 769.

Acceptatio, [3. 6. 317. 319.](#)

honorarii, [525.](#) pro-

missionis, [381. 384. 386.](#)

[425. 428. 431. & seqq.](#)

Acceptilatio, 754

Acceptio indebiti, [693.](#) sine

causa, quasi sine causa

695

Accessio, naturalis, artifi-

cialis, mixta, [242.](#)

territeriorum origina-

ria, 1127

Accessorium, [242.](#)

Accidentalialia feudi, [737.](#)

Acquiescentia in providen-

tia divina, 173.

Acquisitio bonorum, [134.](#)

dominii rerum nullius,

[209.](#) & seqq. rerum in

dominio existentium,

[317.](#) ex derelictione

presumpta, [448. 450.](#)

dominii universalis,

917. imperii & domi-

nii gentis per occupat-

tionem bellicam, 1204.

1205. juris hæredita-

rii & hæreditatis, 917.

juris successionis in ræ-

gno, 1015. pecuniæ,

507. [508. 511.](#) rei alienæ

per possessionem,

[448. rei derelictæ, 219.](#)

per servum, 954. pos-

sessionis, [191. 294. 455.](#)

Ddd 2. præ-

I N D E X.

- præcedentiæ inter re-
 ges, 1119. inter so-
 cios, 840. servitutis,
710. 743. per sortem,
670. 671. 672. titulo-
 rum inter reges, 1119.
 tutelæ, 908.
Actio appetibilis per se,
 averfabilis per se, 15.
 bona, 12. in se, 13.
 coacta, 4. culpofa, 18.
 deliberata, 5. dolofa,
 18. externa, 1. inde-
 liberata, 6. per se in-
 differens, 13. interna,
1. 1050. invita, 5. hu-
 manarum determinato
 quot modis fieri poffit,
7. determinatio per at-
 tributa divina, 160. di-
 rectio ad perfectionem
 mundi, 162. liberæ 1.
11. quatenus rebus in
 dominio exiftentibus
 æquiparantur, 225.
226. mala, 12. in se,
13. naturalis, neces-
 faria, 1. pofitiva, pri-
 vativa, 2. fincera, 319.
 voluntaria, 5.
Affor, 774.
Actus (pro ferviute) 712.
- plenus, minus plenus
 ibid. bellici, 1191. be-
 nefici, mere tales, obli-
 gatorii, 466. 668. com-
 pofiti, 465. com-
 municatorii, 467. &
 feqq diremtorii, 467.
468. 473. meræ vo-
 luntatis, 1100. per-
 mutatorii, 467. regis
 regii, 1012. 1097.
 1167. privati, 1012.
 fimplices, 465.
Additio in diem, 608.
 pura, conditionata,
608. debitoris in fer-
 vitudinem, 950.
Adjectus, 661. 758.
Aditio hereditatis, 916.
Adplumbatura, 236.
Advenæ, temporarii, 1020
Adulteratores moneta,
 1036.
Adulterium, 859 860.
 871.
Ædificatio, 237.
Ædificiorum in civitatæ cu-
 ra, 1035.
Ænigma, 354.
Æqualitas in contractibus
 onerofis observanda,
 580.

INDEX

580. 668. 678. in per-
 mutatione, 584.
Æqualitas naturalis gen-
 tium, 1089. hominum,
70. inter Rectores ci-
 vitatis, 1120.
Æquilibrium inter gentes,
 1172.
Æquitas, 86. fœderum,
 1144.
Æquum, 83.
Ærarium publicam, uni-
 versitatis, 1083.
Aes alienum inter bona,
207. hæreditaria, 918.
 919. reipublicæ causa
 contractum, 1147.
Æstimatio nummorum mu-
 tuo data, 535. 536.
Affectus, compescere, re-
 gere, sedare, 110.
Affinitas, 884.
Agentes, 1237.
Aggressor, 268.
Agnati, 875.
Agnitio Dei, 163. prolis,
 872.
Agri assignati, limitati,
 arcifinii, 252.
Alienatio bonorum pu-
 pilli, 903. b. servi,

957. domaniorum,
 1040 feudi, apertu-
 ræ proximi, 744. ku-
 kuum, 683. imperii
 per pacem, 1226. ju-
 rium, 257. jur. super-
 ficiei, 734. rei, 257.
 rerum communium,
330. per contractum
 libellarium acquisita-
 rum, 732. oppigno-
 ratarum, 697. 698.
 permutatarum, 585.
 privatarum per pa-
 cem, 1226. promi-
 sarum, 413. rer. uni-
 versitatis, 1129. sui
 ipsius in servitutem,
 948.

Allegoria, 354.
Allodium, 736.
Alluvio, 251. & seqq.
Alveus derelictus, 246.
 ex agro factus, 248.
Ambiguitas in loquendo,
353.
Amicabilis compositio, 763.
 & seqq. 790.
Amicitia studium, 138.
Amicus, 137. 826.
Amissio juris per mortem,
 Ddd 3 818.

I N D E X

818. possessionis, 291. 296.
- Amnesia*, 1056. in pace contenta & conventa, 1221. 1222. 1228 rebellibus & tumultuantibus promissa, 1235.
- Amor* aliorum, 136. complacentiæ, 169. 170.
- Dei ibid. gentium exterarum, 1109 hostium, 1188. liberorum, 893. parentum, 894. patriæ, 1105. populi, 1077. proprius, 132. rectoris civitatis et populi mutus, 1085.
- Amphibolia*, 803.
- Anatocismus*, 651.
- Ancilla*, 947.
- Androlepsia*, 1164. 1165. 1168.
- Animus* deliberatus, indeliberatus 386. gratus 474. novandi, 758. 759.
- Annonæ* difficultas, 307. 1021.
- Antichresis*, 1150.
- Antimanifestum*, 1187.
- Apertura* feudi, 744.
- Apocha*, 654. 775.
- Apprehensio*, 320. 322.
- brevi manu, 323. longa manu, 324.
- Aptitudo*, 80.
- Aquæ* ductus, haustus, 712. pecoris ad aquam appulsus, 712.
- Arbiter*, 770. 772. 773.
- Arbitrator*, 770.
- Arbitrium*, 770. 771.
- Arcana*, committere, prodere, 358.
- Aristocratia*, 992. annua s. temporaria, 1001. herilis, 997. electiva, laxa, perpetua strictior successiva, 1001.
- Arma*, 1174. in prælio deponentes, 1192.
- Arrba*, 619. sponsalitia, 865. arrhæ datio, 619. 865.
- Articuli* pacis, connexi, diversi, 1230.
- Artifex*, 634.
- Asscuratio*, 679.
- Asscurator*, 679.
- Assertio* nuda de dando & faciendo, 383. 385. 389.
- Asserve-*

INDEX

Affeveratio, [361. 367.](#)
Assignatio, [760.](#)
Assignator, [760.](#)
Assignatus, [760.](#)
Affociantes se civitati,
 1086. hostibus, 1185.
 1189.
Attentionem conservare,
 108.
Auskommen, das nöthige,
 reichliche, [486.](#)
Avtochiria, [112.](#) 105 L.
Autoritas patris & matris-
 familias, 969.
Avulsio, [245.](#)
Auxilium in acquirendis
 bonis, 134. 892. in bel-
 lo, [152. 1179.](#)

B.

Bacilla fissa, [777](#)
Bellum, [98. 99. 102](#) an
 sit aptum ad controver-
 sias gentium deciden-
 dum, 1159. quamdiu
 continuandum, [12. 9.](#)
 ejus finis, 1217. 1227
 bell. gerere [102. vitan-](#)
 dum, [790. 791.](#) 1217
 civile, 1233. defensi-
 vum, 1169. 1170. fe-
 rinum, 1171. in iustum

1189. 1190. iustum,
 1190. [1192.](#) & seqq.
 1215. ob metum ex
 vicini potentia, 1172.
 mixtum, 1169. offen-
 sivum, 1169. 1170.
 privatum, 1169. ejus
 exercitium in republi-
 ca, 1028. 1029. publi-
 cum, 1066. 1169. pu-
 nitivum, 1169. 1170.
 propter scelera gentis,
 1173. transactionis
 causa gestum, 790.
[1118.](#) vindicativum,
 1169. 1170. utilitatis
 causa gestum, 1171.

Benefactor, [470. 826.](#)

Beneficiarius, [470. 474.](#)

Beneficium, [470.](#) & seqq.
[reddere; 474. 822. 894](#)

Benemeriti, [482. 826.](#)

Blasphemia, [166.](#)

Bodemeria, [681.](#)

Bona, [207.](#) animi, [104.](#)

cenfuita, 733. conju-

gum, 866. 867. 943.

corporis, [104.](#) defun-

cti, [819. 820.](#) 933. ec-

clesiae, 1026. emphy-

teuticaria, [724.](#) fortu-

D d d [4](#) nae

I N D E X.

- næ*, 104. liberis prospicienda, 892. 896. gentis, 1162. naufragorū, 222. pupillorum, 903. regis regia, privata s. propria, 1012. 1162. societatis, 642.
Bona fides ad præscriptionem requisita, 461.
Bonitas divina, 170. intrinseca actionum, 14. 15. monetæ, vid. *Moneta*.
Bonum, 12 bon. commune civitatis, 972. societatis, 837.
C.
Calculus Minerva, 843.
Calumnie, 142.
Calumniator, 150.
Cambium, manuale, 655.
 siccum, 657. traffatum, 656.
Campsarius, 656.
Campsor, 656.
Canon emphyteuticus, 725. 726. a vasallo præstandus, 739.
Capitulatio cum Rectore civitatis, 989. cum militibus, 114.
Captivi, 1192. 1194. quoniam ducendi, 1164. 1193.
Castigationes paternæ, 889.
Casus contingens in com-
 modato, 520. 521. in
 deposito, 541. in mu-
 tuo, 537. in locatione
 conductione, 633. &
 seqq. in pignore, 702.
 in quasi usufructu, 719.
 in usufructu, 716.
Casus excipiendi, 816. ta-
 cite excepti, 815. ca-
 sus fœderis, 1180.
Cavillationes, 801.
Cause belli justæ, 98. 447.
 1168. 1170. 1172. &
 seqq. causam dare pro-
 missio, 405. c. debendi
 in chirographo, 653.
 in donatione, 475. in
 promissione expressa,
 407. caus. libera actio-
 nis, 3. renunciationis
 mandati justa, 568.
 causa non secuta, 694.
Cautio de restituenda re
 quasi usufructuaria,
 720. de restituenda re
 consumibili, 740 de se-
 ju-

INDEX.

<i>judicio</i>	<i>fistendi</i> ,	<i>Civitas</i> ,	972. 973. maxi-
	1033.	ma,	1090.
<i>Cedens</i> ,	338.	<i>Clarigatio belli</i> ,	1183.
<i>Celebratio nominis divini</i> ,		<i>Clausula commissoria</i> ,	609.
	174.	vid. <i>L. commissoria</i> .	
<i>Censualis</i> ,	733.	<i>Coactile agere</i> , pati,	4.
<i>Census</i> , constitutus, re-		<i>Cognati</i> ,	875. 897. 930.
servativus,	733.	<i>Cognatio</i> , directa, collate-	
<i>Ceremoniæ in cultu divino</i>		ralis, 878. ex concubi-	
	180.	tu illicito natorum, 883	
<i>Certatio per vim</i> ,	98.	<i>Cognitio aliorum</i> , sui ipsi-	
<i>Cessio juris</i> , 338. 342. ne-		us,	105.
cessaria, 757. in depo-		<i>Cohabitatio</i> conjugum,	
sito, 541. in fideiussio-			866.
ne, 570. ex mandato		<i>Coitus</i> licitus, illicitus,	
arcano, 53. in mutuo			854.
rai alienæ, 530. in no-		<i>Collecta</i> ,	1058.
variatione, 758. ex pro-		<i>Collisio damnorum</i> , 283.	
missione tertio facta,		legum, 63. 64. 65. offi-	
433. juris retractus,		ciorum ibid. erga con-	
	611.	iuges, 869. erga libe-	
<i>Cessionarius</i> ,	338.	ros, 893. vid. <i>Officia</i> .	
<i>Character representativus</i>		paëtorum, 816. pigno-	
legati,	1242.	rum,	705.
<i>Charta blanca</i> ,	775.	<i>Collybista</i> ,	655.
<i>Chirographum</i> ,	652. 653.	<i>Collybus</i> ,	655.
	654. 758. 775.	<i>Colonus</i> , 620. partiarius,	
<i>Civiliter æquum</i> , iustum,			696.
	83.	<i>Comitia</i> ,	1000.
<i>Civis</i> , 974. civium nume-		<i>Commeatus</i> ,	1212.
rus,	1018.	<i>Commendare</i> ,	551.
		Ddd	5
			Com-

INDEX.

- Commercium*, interna, externa, 1099. 1101. 1113
 gentium exterarum, 1109. 1110. in terris
 neutris, 1181.
Commissum, 609. feudum,
746. 747. regnum, 1081.
Committere, 551.
Commixtio, 235.
Commodum rei emta, 613.
614. 615.
Commodans, 515.
Commodatarius, 515. 517.
519. 520. 521 547.
Commodatum, 515. & seqq.
523 famuli, 962 rei
 alienæ, 530.
Commorari in terris alie-
nis, 312. 1131.
Communicatio operarum,
327. rerum & facto-
 rum, 469.
Communio, 186 bonorum
 inter conjuges, 867.
 incidens, 692. mixta,
197. negativa, 191.
 positiva, 196. 254.
345. primæua, 186.
191. 194. 301. & seqq.
 334.
Comadia, 1027.
Compensatio, 756.
Compositio causæ dubiæ,
790. litis, 765.
Compromissum, 770. 790.
Concludere, 843.
Conclusum, 843.
Concordia, 847. civium,
1086. gentium, 1124.
 sociorum, 847.
Concubitus promiscuus,
 855.
Concurfus ad actionem al-
terius, 26.
Conditio casualis, 315 con-
 ditiones copulative ad-
 jectæ, 399. disjunctive
 jectæ, 399. honesta,
315 melior 608. mix-
 ta 315. negativa, 315.
 resolutive, 315. 609.
 potestativa, 315. 400.
 quæ per se pacto inest,
439. suspensiva, 315.
 tacita in aditione hæ-
 reditatis, 919. in gva-
 rantia, 1149. si res ma-
 neant, quo sunt, loco
814. turpis, 312.
Condominatus, 995. 996.
Condonatio offensa, 157.
 Con-

I N D E X.

- Conductor* operarum, re-
rum, 620. 621.
- Confirmatio* tutorum, 1023.
- Confiscatio* bonorum, 1039. 1053. rei particularis, 1039. rerum hostilium, 1198.
- Confusio* rerum propria-
rum & alienarum, 235.
debiti & crediti, 761.
- Conjuges*, 858. novorum
cura circa liberos prio-
ris matrimonii, 871. c.
obligatio & jus, 858.
pacta successoria, 942.
successio, 943.
- Consecratio*. rerum, 1025.
- Consensus*, 9. expressus, 27.
præsumtus, 27. 30. 459
686. 689. tacitus, 27.
curatoris, 905. domini
in contubernium ser-
vile, 959. parentum in
matrimonium libero-
rum 912. præf. in fide-
jussionem, 570. socio-
rum communis, 841.
tutoris, 905.
- Conservatio* æquilibrii in-
ter gentes, 1172. cor-
poris, 112. generis hu-
mani, 854 gentis, 1093.
salutis societatis, 847.
- Consiliarii* rectoris civita-
tis, 1076.
- Consilium*, 561.
- Consociatio*, 197.
- Constituarius*, 660.
- Constituens*, 660.
- Constitutio* civitatis, 972.
feudi, 736. habitatio-
nis, 723. juris censiti-
ci, 733. emphyteu-
seos, 727. pignoris,
679. superficiarii, 734.
reipublicæ, 1017. ser-
vitudinis, 710. subfeudi,
741. ususfructus 713.
usus, 721.
- Constitutum*, 660. 661. 758
- Consules* in emporiis mari-
timis, 1118.
- Consultatio*, 6.
- Contemptus*, 146. legatorum
1241. rectoris civita-
tis, 1120.
- Contestatio*, 375.
- Continuatio* belli, 1219.
societatis negotiatoriæ
648.
- Contractus*, 514. 667 æsti-
matorius, 658. 659.
aleam

I N D E X.

- aleam continens, 668.
 avertendi periculi, 59
 chirographarius, 652
 censualis, 33. com
 positus, sive mixtus, 696
 do ut des, do ut facias,
 facio ut facias, 607.
emphyteuticus, 725 727
 exercitatorius, 665 feu-
 dalis, 73. 739. fœne-
 bris, 650. fœnebris,
 nauticus, quasi nauti-
 cus, 680. institorius,
662 & seqq libellarius
732. lusorius, 6-8 me-
 tallicus 683. onerofus,
 580. pignoris & hypo-
 thecæ. 704. fortis ele-
 cticis 670. divisorix,
671. attributricis, 672.
 subvafalli. 741. super-
 ficiarius, 734. tra e-
 ctitii, 680 vitalitius,
 682. usurarius, 650.
Contributiones militares,
 1200.
Controversia de dominio,
548 in ecclesia, 064.
 eas inter gentes com-
 ponendi modus, 1157.
 1159.
Contubernium, 919.
Contumelia, 146.
Conventio, 437. tacita in
 omni negotio, 1154.
Conventus sacri, 179.
Convocatio comitiorum,
 1000.
Copia, 775. vidimata 775.
Copiæ auxiliares, 1179.
Copula carnalis, 863.
Corporis alieni cura, 141.
Correges, 995.
Correi credendi, debendi,
 promittendi, stipulan-
 di, 424.
Corruptio, 437. rei com-
 modatæ, 519.
Creditor, 528. jus ejus ad
 bona defuncti, 820.
 chirographarius, 652.
 pignoratitii plures, 701
Crimen, 1030. ambitus,
1062. læsæ majestatis,
 1082. perduellionis,
 1082.
Culpa, 17. 19. 21. per leges
 civiles determinanda,
 1072. in commodato,
520 & 21. in concursu
 ad factum alienum 26.
 conductoris, 613. 34.
 deponentis, 542 depo-
 sitarii,

I N D E X.

litarii, 541. *plurium*
depositorum, 546.
locatoris operarum,
 634. *mandatariorum*,
 558. *media*, 22. in pi-
 gnore, 702. *servi*, 954.
tutoris, 904.
Cultus divinus, *externus*,
 178. 1024. *idololatri-*
cus, 182. *internus*,
 178. 1064. *supersti-*
tiosus, 182.
Cupiditas vindictæ, 155.
Curator, 898. 905. 907.
Custodia legis, 58. 846.
 D.

D*ammum* dare, 269 in
 bello injusto, 1190.
 casuale, 269. *coloni*
partiarum, 696. *ex con-*
silio doloso, 561. in
 contractibus, 560. *cul-*
posum, 269. *ex depo-*
sito, 541. 542. *dolosum*
f. voluntarium, 269. in
 ludo extraordinarium
 678. *contingens in re*,
 vel usu rei locatæ, 633.
ex mandato, 557. 568.
per electionem officia-
lis publici, 1062. in
operarum præstatione

634. in ludo ordina-
 rium, 678. *præponen-*
tis, 662. in pignore,
 702. in promissione,
 405. *d. resarcire*, 270.
per repressalias, 1166.
a servo datum, 954. in
 societate negotiatoria,
 640. *societati datum*,
 852. *per transitum*
cum copiis militaribus
 1182. *a turore*, 404.
vitio rei emtæ, 618.
Dare, 258. *dandi obliga-*
tio, 329.
Datio, 258. 331. 468. *arr-*
hæ sponsi & munerum
sponsalitorum, 865.
ob causam 694. *con-*
ditionata in diem, 332.
gratuita, 470. in solu-
 tum, 77.
Dati repetitio, 331.
Debitor, 336. 528. *chiro-*
grapharius, 652. *princi-*
palis, 569. 760. in servi-
 tute redigendus 950.
Debitum, 49. 72. 336. *chi-*
rographarium, 652.
civitatis, 1162. 1164.
conjugale, 871. *defun-*
cti,

I N D E X.

- Ati*, 820. exigibile, 503
hostium, 1198 illiquidum, 756. 767. imperfecte tale, 336. in exigibile, 503. liquidum 756. 766. perfecte tale per leges civiles, 1069. 1071. per pactum, 667. privatum regis defuncti, 1012. reipublicæ causa contractum, 1147.
Decernendi modus in societate, 851.
Decisio litis, 765. decisio provisionalis, controuersæ in ecclesia, 1064
Decorum, 54. 115. 116.
Dedecus 54.
Deditio hostium, 1192.
Deductio æris alieni, 207
 918. *impenfarum*, 284
Defectus reilitudinis actionis, 17.
Defensio, 90. 158. 789. *possessionis*, 289. 1029
 reorum, 1031. rerum suarum, 266. 1029.
Defraudatio, 286.
Delatio hæreditatis, vid.
Hæreditas imperii, 982
 985. 988. 979. 1007.
juramenti, 783. *juris*, 339.
Delegans, 759.
Delegatarius, 759.
Delegatus, 759.
Delegatio, 759.
Deliberationes, 769. *comitiales*, 1000.
Delictum, publicum, privatum, 1030. in Rep. puniendum, 1030.
Demeritum, 153.
Democrita, 990 999.
Denegatio debiti conjugalis, 871. officiorum, 59. transitus cum copiis militaribus, 1182.
Denunciatio belli, conditionata, pura, 1183. 1185. 1211.
Deponens, 539 542 547.
Depositarius, 539 541 542
Depositum, 539. & seqq. rei alienæ, 543.
Derelictio, 458. 460. *kuckuum*, 683. rei, 203. 208. 450. *regni*, 1081
Desertio conjugum malitiosa, 871. *militum*, 1177.
Destina

INDEX.

- Destinatio rei ad certum usum*, 226.
Deterioratio rei alienæ, 277. 278. commodatæ 519. feudalis, 743. locatæ, 633.
Dies festi, 1024. dies emptioni venditioni, 605. promissioni adjectus, 393. 395. solutionis, 751. 752.
Dignitates civiles, 992. 1061.
Dilectio aliorum, 136. sui, 132.
Diligentia, 21. depositarii 541. mandatarii, 551. negotiorum gestoris, 690. servi, 956.
Dimissio ab officio, 1063.
Discessus a civitate, 1019 a pacto 442. 443. 619. a societate, 852. 853 a loc. negotiatoria 647. a transactione, 764.
Discordia, 847.
Dispensatio, 1046.
Dissensus, 10. 28 444. expressus, præsumtus, tacitus, 28
Dissimulatio, 349 350 359
Dissolutio compromissi, 770. mandati, 567. matrimonii, vid. *Divortium*. pacti, 444. 609. 750. societatis negotiatoriæ, 648. sponsaliorum, vid. *Repudium*.
Distractio pignoris, 697.
Direptiones in bello, 1201.
Divinatio, 669.
Divisio communium, 343. 344. hæreditatis 926. imperii 983. 1009. 1010. divisio lucris & damni in societate 645. 646. redituum exkubus 683.
Dives, 486. 508. 1019.
Divitia, 486. 504.
Divortiorum, 871.
Doctores publici in ecclesia, 1024.
Dotus, 17. 19. 21. bonus, malus, 24. in bello, 1203. in commodato, 520. 521. in concursu ad factum alterius, 26. conductoris, 633. creditoris pignoratitii, 702. in deposito, 541. 542. 546. mandatario-
 rum,

I N D E X.

- rum, 558. ex proposito, ex re, [25](#). fervi, 954. tutoris, 904.
- Domania*, 1040.
- Domestici*, 964.
- Domicilium*, naturale; adscritum, 1103.
- Dominium*, [195](#). [198](#) [202](#). [334](#). ex communium divisione, 343. directum, [724](#) eminens, 1065. 1130. futurum, [589](#). [gentis](#), [1125](#). plenum, minus plenum, [198](#). regis in fundos privatos, 1065. rerum [incorporalium](#), [206](#) rerum oppignoratarum, [698](#) publicarum, 1130 universale, 916. utile, [724](#) in ædibus superficialiis, [734](#). dotis, 913 morgengabæ, 915 dominiorum certitudo, [457](#). translatio, vid. *Translatio domini*.
- Dominus*, [195](#). [198](#). 947. census, [733](#). [directus](#), [724](#). emphyteuseos, [725](#). feudi, [736](#). fundi, [734](#). [subfeudi](#), [741](#). utilis, 724.
- Domus*, perfecta, imperfecta, 964. & seqq.
- Donans*, [475](#). [617](#).
- Donatarius*, [475](#). [476](#).
- Donatio*, [475](#). & seqq. [639](#). conjugum, 874 mortis causa, [479](#). 481. 482 reciproca, [483](#). remuneratoria, [482](#). [617](#). propter nuptias, 914 inter vivos, [480](#). [481](#).
- Donum*, [475](#).
- Dos*, 913.
- Duellum*, [787](#). [789](#).
- Dux*, (belli) [1178](#).
- E.
- Ebrietas*, [114](#).
- Ecclesia*, particularis, universa, 1026.
- Educatio liberorum*, 855. 890 909. post mortem parentum, 897.
- Egestas*, 487. 504. [513](#). 1021. 1022.
- Electio Regis*, legitima, illegitima, 1006.
- Eleemosyna*, 488. & seqq. 1022. 1058.
- Emphyteusis*, 723. & seqq.
- Emphyteuta*, [725](#).
- Emphy-*

I N D E X.

- Emphyteusis*, 731.
Emporia, 1115.
Emtio venditio, 587. & seqq. emtio per aver-
 sionem, 592. sub con-
 ditione emtoris pin-
 guioris, 607. sub reso-
 lutiva, 606. 607. 609.
 suspensiva condit, 607.
 in diem & ad tempus,
605. emtoris causa,
604. generis, 595. sub
 lege commissoria, 609.
 ad mensuram 591.
 missidium occupando-
 rum, 685. operis ab
 alio perficiendi, 635.
 sub pœna pœnitentiæ,
606. rerum extituta-
 rum, 590. rei gustu
 probanda vel inspici-
 enda, 614. spei, 684.
Emtor, 587. 628. pin-
 guior, 608.
Epistola, 775. promissio
 per epistolam, vid. *Promissio*.
Ergastula, 1022.
Erogatio pecunia, 508.
Error, 33. non punien-
 dus, 1050. externus,
 (*Wolfii Instit. J. N. & G.*)
113. in emtione com-
 missus, 604. circa jus
 naturæ in legibus civi-
 libus vitandi, 1074. in
 religione, 1050. in so-
 lutione pretii rei em-
 tæ, 602.
Etymologia, 799.
Evictio juris, rei, 617.
Eurythmia, 1117.
Exceptio, 63. cedit, vin-
 cit, ibid. tacita intro-
 ductioni dominiorum
 adhærens, 304. 310.
Exclusio ex civitate, 1050.
 ex societate, 853. ex
 loc. negotiatoria, 648.
Excusatio tutorum, 901.
*Excussio granorum ex spi-
 cis*, 227. 232. debito-
 ris principalis, 569.
Executio, 1043. pœnæ,
1033. 1048. sententiæ
 judicis, 1029.
Exemplum, bonum, ma-
 lum, 139. 890. exempl.
 instrumenti, 775.
Exercitium juris, 66.
Exercitor, 665.
Exercitorio nomine agere,
665.
Ecc Exc-

I N D E X.

- Exequia*, 824.
Exhereditio liberorum, 928. in regno patri-
 moniali, 1009. paren-
 tum, 928.
Exilium, invitum, volun-
 tarium, 1106.
Existimatio, 125. 822.
Expensa extraordinariæ,
 inutiles, necessariæ, or-
 dinariæ, voluptuariæ,
 utiles, 506. 508.
Explicio juris, 793.
Exploratores, 1208.
Expositio liberorum, 886.
Expromissio, 579.
Exterritorialitas, 1243.
Exul, 1106.
 F.
Facere, 327. facere gra-
 tis, 470. faciendi ob-
 ligatio, 329.
Factum, f. factum com-
 missionis, factum
 omissionis f. non fa-
 ctum, 2. temerarium,
 360. turpe, 563.
Fallere, 356.
Falsiloquium, 348. 350.
 356. 357. 368.
Falsitas moralis, logica,
 348.
Fama, 126. an tuta per
duellum, 789. aliena,
 142. 150. 822. alie-
 nam diminuere, 142.
Familia avi, patris, stipi-
 tis, 877. familiæ se-
 greges regionem in-
 habitantes, 1126.
Famulus, 960. & seqq.
Felicitas, 118. subdito-
 rum, 1024.
Felonia, 747.
Fenestræ luciferæ, pro-
 spectivæ, 712.
Ferarum occupatio, 217.
Ferminatio, 236.
Feudum, 736. quomodo
 committatur, 746.
 apertum, aperturæ
proximum, 744. de ca-
 vena, 740. datum,
 738. fœmineum, fran-
 cum, 739. habitatio-
 nis, 740. ligium, non
 ligium, masculinum,
 mixtum, 739. obla-
 tum, 738. oppignora-
 tum, 739. pecuniæ,
 soldatæ, 740.
Fideicommissum, familiæ,
 particulare, universa-
 le,

INDEX.

- le, 941. in imperio delato, 988.
- Fidejussio*, 569. & seqq. 660. 758 sub conditione, in diem, 571. per epistolam, 578. pro facto alieno, 576. pro gente, 1149. indefinite facta, 579. pro invito, 570. jurata, per ministrum, 578. pro præsente & patiente, 570. in scripturam redacta, 578. pura, 571.
- Fidejussor*, 569. & seqq. 758. 760. indemnitas, indemnitatis fidejussoris, 575. succedaneus s. subalternus s. vicarius, 574.
- Fidelitas* feudalis, 735.
- Fides*, 389. bona ad præscriptionem necessaria, 464. expressa, 1154. de pretio habitata, 597. rebellibus hosti prædoni, latroni servanda, 1235. fidem adstringere, dare, 389. fallere, 389. 442. juratam, 446. emtoris sequi, 597.
- Fiducia in Deo*, 173.
- Finis societatis*, 836. civitatis, 972. domus, 965. nullo fine fieri, 360.
- Fiscus*, 1039.
- Fœdera*, 1141. 1142. 1144. 1147. æqualia, inæqualia ex parte digniori, minus digna, cum vel sine imminutione imperii, 1144. amicitiae, 1143. belli offensiva, defensiva, 1180. neutralitatis, 1181. priora, 1142. personalia, realia, 1146. rumpe-re, vid. *Ruptura*.
- Fœminarum* captivitas, 1164. 1193. testimonium, 779. successio in regna, 1011. 1013.
- Fœnus nauticum*, quasi nauticum, 680.
- Fœtura*, fœtus, 233. 827.
- Fornicatio*, 854.
- Fortuna*, 130. liberorum, 892.
- Fraus*, consilii, eventus, 286. 604. 667. fraus legi, vel pacto facta, 812.
- Eee 2 Fru-

I N D E X.

Fruſtuarius, [713.](#)
Fruſtus conſumti, extan-
 res, industriales, natu-
 rales, pendentes, per-
 cipiendi, [224.](#) perce-
 pti, [224.234.](#) ex feu-
 do, [742.](#) operarum,
[226.](#) per pacem reſti-
 tuendi, 1224. rerum,
 228. [229. 232.](#) uſu-
 fruſtu finito, [715.](#)
Fundus liber, optimus,
[ſervus, 709.](#) viſlumi-
 nis imminutus, [244.](#)
Fur, [263. 267. 268. 269.](#)
Furtum, manifeſtum, non
[manifeſtum, 263. 264.](#)
 poſſeſſionis, [263.](#) uſus,
[263. 264. 522. 539.](#)

G.

Gebalt (de moneta,) [534.](#)
Generis humani conſerva-
 tio, 854. generis pe-
 cuniæ mutuum, [535.](#)
Gens, 974. barbara, culta,
 docta, inculta, juſta,
 1096. 1097. potens,
 1102. tributaria, 1145.
Gestio pro herede, 916.
Gewicht (de moneta) [534.](#)

Gloria, [127.](#) 1096. gloriæ
 divinæ illuſtratio, [161.](#)
 obſcuratio, [165.](#) gen-
 tis, 1096. 1097. 1109.
Gradus cognationis in linea
 recta, 879. ſuperioris
 & inferioris ordinis,
 880. in linea obliqua,
 882. familiæ, 881.
Gratiarum actio, [174. 474.](#)
 Deo debita, [174.](#) mor-
 tuis, [822.](#)
Gratitudo, [474. 476.](#) libe-
 rorum, 894.
Gratuitum, 470.
Gravamina, 1157.
Guaranda, *guarantia*, ge-
 neralis, ſpecialis, 1149.
Guarandus, 1149.

H.

Habilis ad officium publi-
 cum, 1062.
Habitatio, 723. advenis,
[312.](#) exulibus conce-
 denda, 1106.
Habitator, 723.
Habitus, [106.](#)
Hæreditas, [916. 918.](#) ejus
 aditio, 916. 920. dela-
 rio in linea recta, 923.
 in linea obliqua, 933.

fi

I N D E X.

- si deficiat hæres, 934.
 repudiatio, vid. *Repudiatio*. susceptio, 916.
Hæres, 916. 919. defuncti
 in alieno territorio,
 1138. ab intestato, 931.
 933. 936. faus, 921.
Herba emissaria, 240.
Heterogenea, 493.
Herus, *hera*, 960. 962.
Homicidium, culpofum,
 dolofum, 141. 156.
Homonymia, 803.
Honestum, *honestus*, 49.
Honorarium, 525. depofi-
 rarii, 540. tutori dan-
 dum, 906.
Honor, 125. 128. civilis,
 1041. 1061. Dei, 172.
 humanitatis, 823. le-
 gatorum, 1241. mor-
 tuorum, 822.
Hora subfeciva servi, 954.
Hospitia militum persona-
 lia, 1057. 1176.
Hostes, 1184. tempore pu-
 blicationis belli in ter-
 ritorio verfantes, 1197.
 in territorio pacato,
 1196.
Hostilitates, 1191. priva-
 tæ, 1210. 1211.
- Humare mortuos*, 824.
Hymni, 176.
Hyperocha, 697.
Hypocryfis, 167.
Hypotheca, 697. conven-
 tionalis, 704. 705. ge-
 neralis, fpecialis, 704.
 folutio, 707.
- ## L
- Factatio rei fuae*, 204.
 208.
Facturam fui facere, 269.
Idololatria, 181. gentis
 num caufa belli, 1173.
Id, quod intereff, 415. 416.
 vid. *Intereffe*.
Ignominia, 154. 1041.
Ignorantia, 32. fimplex,
 compofita, 33. circa
 folutum pretium rei
 emtæ, 602.
Ignoscere, 157.
Illicitum, 49. 72. per le-
 ges civiles, 1069. 1071.
 per pactum, 667.
Illustratio gloriæ divinæ,
 161.
Imbreviatura, 775.
Immissio in poffeffionem,
 322.
Immutatio rei, 256. feu-
 dalis,

I N D E X.

- dalis, [743.](#) rei ex libel-
 lario contractu, [732.](#)
 locatæ, [636.](#)
Impartialis, [768.](#)
Impedimentum inevitabi-
 le, insuperabile, [418.](#)
Impensa, [279.](#) in bellum
 justum, [1190.](#) in rem
 commodatam, [526.](#)
 impensas deducere,
[284.](#) in rem deposti-
 tam, [542.](#) [550.](#) in rem
 locatam, [636.](#) in nego-
 tium mandatum, [557.](#)
 mixtæ, necessariæ,
[279.](#) negotiorum ge-
 storis, [690.](#) in pignus,
[703.](#) in rem sequestra-
 tam, fructuosam, [550.](#)
 impensas tollere, [282.](#)
 tutelæ causa, [907.](#) vo-
 luptuariæ, earumque
 prædominium, [279.](#)
 ad usufructum pertinen-
 tes, [721.](#) ab usufru-
 ctuario factæ, [717.](#) uti-
 les, [279.](#)
Imperare, [833.](#)
Imperium, [833.](#) [834.](#) [838.](#)
 absolutum, [983.](#) [984.](#)
 civile, [979.](#) [980.](#) in do-
 mo, [966.](#) in familias fe-
 greges, [1126.](#) gentium,
 s. universale, [1090.](#) he-
 rile, [955.](#) [1205.](#) limi-
 tatum, [983.](#) maritale,
[870.](#) patrimoniale,
[986.](#) plenum, minus
 plenum, precarium,
[983.](#) in societate, [838.](#)
 summum, [981.](#) [984.](#)
 temporarium, [983.](#) in
 territorio, [1125.](#) vica-
 riorum regni, [1005.](#)
 in victos, [1205.](#) usu-
 fructuarium, [986.](#)
Imperfectio, [10.](#) appetitus
 & facultatis averfandi,
[109.](#)
Impietas, [167.](#)
Impletio modi, [404.](#)
Impotentia utendi, [20.](#)
Improvidentia, [21.](#)
Imprudentia, [21.](#)
Impudicitia, [862.](#)
Imputatio, [3.](#) [4.](#) [5.](#) [6.](#) [17.](#)
[20.](#) [26.](#) [34.](#) [60.](#) [557.](#)
 injuriæ a cive gentis
 unius, alterius civi fa-
 ctæ, [1133.](#) factorum
 a parentibus & liberis,
[873.](#) moræ, [418.](#)
Inadi-

I N D E X

- Inedificatio*, [237.](#)
Inequalitas in contracti-
 bus onerosis, [580.](#)
[581.](#) hominum, [70.](#) in
 permutatione, [584.](#)
Incarceratio delinquentis,
 testis, [1033.](#)
Incendia, [1035.](#)
Incogitantia, [21.](#)
Incola, [974.](#)
Inconsiderantia, [21.](#)
Inculpatus, [1032.](#)
Incuria, [21.](#)
Indebitum, [693.](#)
Indecorum, [54.](#)
Indemnitas in contracti-
 bus beneficiis, [1154.](#)
 curatoris, [907.](#) in man-
 dato, [557.](#) [565.](#) [566.](#)
 tutoris, [907.](#)
Indigenæ, *Indigenatus*,
[1020.](#)
Inducia, [1211.](#) [1217.](#) par-
 ticulares, universales,
[1211.](#)
Infamia, [148.](#) [1048.](#)
Infelicitas, [118.](#)
Inf feudatio rerum, [736.](#)
[740.](#) imperii, [987.](#)
Inhabilitas tutorum, [901.](#)
Ingenium, [354.](#)
Ingratitudo, *ingratus*, [474.](#)
Inimicus, [137.](#)
Iniquitas, [861.](#)
Iniquum, [83.](#)
Injuria, [87.](#) [88.](#) [97.](#) civis
 in civem alienum,
[1133.](#) gentis per con-
 temtum rectoris civita-
 tis, [1120.](#) privata, [1029.](#)
 specialiter dicta, realis,
 verbalis, [143.](#) [144.](#)
Injustitia, [85.](#) [86.](#)
Injustum, [83.](#)
Inobediens, [835.](#)
Inquilinus, [620.](#)
Inquisitio, *Inquisitus*, [1031.](#)
Institor, [662.](#) [663.](#) *instito-*
rio nomine agere, [662.](#)
Institutio *heredis*, [935.](#)
Instrumentum, originale,
[775.](#)
Insula ab agro facta, [247.](#)
 in mari vel flumine
 nata, [250.](#)
Intellectus, [108.](#)
Intentio, [23.](#) directa, in-
 directa, mediata, im-
 mediata, [23.](#)
Interesse, [415.](#) [416.](#) adje-
 cto præstandum, [661.](#)
 in contractibus, [560.](#)
 Ee [4](#) in

INDEX.

- in emtione venditione, 594. in fidejussione pro facto alterius, 576. in operarum, 623. rei vitiosæ locatione, 637. in mandato, 557. 566. 568. moræ 419. 616. propter rei promissæ interitum, 420. propter promissionem non impletam, 416. *Interitus* debiti, 820. rei, 243. mutuatae, 537. oppignoratae, 707. promissæ, 420. speciei, 243. *Interpellatio*, 752. Dei, 175. debitoris, 752. *Interpretatio*, 794. & seqq. ex antecedentibus & consequentibus, 805. authentica, 1044. extensiva, 811. 812. juramenti, 370. latior, 808. legum civilium, 1073. ex motivis voluntatis, 806. pacis, 1222. & seqq. pacti, 796. & seqq. recta, 797. regulæ generales, 810. restrictiva, 813. strictior, 809. ex verbis cum relatione ad alia sumtis, 807. *Interregnum*, 1005. *Introductio dominiorum*, 194. 304 310. *Invasio*, 263. 265. *Invasor*, 263. 265. & seqq. invasor imperii, 1083. 1084. 1220. *Inventarium*, 902. 919. *Inventionis premium*, 285. *Invocatio Numinis*, 175. *Inviolabilitas legati*, 1243. 1244. *Inundati agri*, vid. *Jus inundationis.* *Jocus*, 677. *Ire, iter*, 712. sub ita quando reditus, 1212. *Judices*, 1028. 1029. 1030. 1060. 1132. *Judicium* de se & statu suo, 129. judicia sinistra de aliis, 147. *Juramentum*, 361. & seqq. 446. *ejusdelatio*, 783. recusatio, relatio, 784. 785. remissio, 786. in animam alterius, 373. assertorium, litis decisorium,

INDEX.

forium, 782. fidejussoris, 578. necessarium, promissorium, purgatorium, 782. scriptum, 372. suppletorium, 782. temerarium, 367. testium, 778. voluntarium, 782.
Jurandi formula, 364.
Jus, 46. absentis, 844. abolendi, 1055. abrogandi leges civiles, 1045. accrescendi hæredum & legatariorum, 939. acquirendi jus perfectum ab alio, 97. 1089. acquisitum, 100. in actiones alterius, 76. ad ædium extructionem, 116. æqualitatis, 1120. aggratandi, 1054. alienandi, 257. 724. feudum, 748. alluvionis, 251. & seqq. antichreticum, 1150. in arborem vicini, 241. arenæ fodienda, 712. avulsionis, 245.
 - belli, 98. in bello injusto, 1189. in justo,

1190. 1192. in causa dubia, 790. & seqq. 1158. in civitate, 1066. gentium naturale, 1089. voluntarium, 1215. pacitium, 447. propter possessionem, 790.
 - calcis coquenda, 712. cenftricum, 733. ad cibum, 114. civitatis, 1020. civium universorum in singulos, 975. & seqq. collectandi, 1058. comitorum, 1000. commorandi in alieno territorio, 312. 1131. 1181. comparandi sibi res æquo pretio, 307. 1098. 1181. commune ad actus, 189. commorandi, habitandi, transeundi, 190. ex communione primæva residuum, 300. & seqq. connatum, 74 95. conferendi jus ad actum vi domini licitum, 250. dignitates civiles, 1061. 1062. officia publica, 1060.
 Eec 5

INDEX.

1060. constituendi al-
 teri genti jus in territo-
 rio suo, 1135. consules
 constituendi, 1118. con-
 tra jus fieri, [83](#). contri-
 butiones militares exi-
 gendi, 1200. contro-
 versiam in ecclesia pro-
 visionaliter decidendi,
 1064. item de succes-
 sione in regno, 1016.
 controversum, [762](#).
 convocandi comitia,
 1000.
- Jus dandi rem*, [258](#). de-
 fendendi alios, [151](#). se,
[90](#). gentibus compe-
 tens, 1089. res suas,
 268. in republica,
 1029. pudicitiam &
 virginitatem, 862. de-
 struendi res, [184](#). di-
 mittendi ab officio pu-
 blico, 1060 dispensan-
 di circa leges, 1046.
 domini in servum, 951.
 & seqq. donandi, [477](#).
 eligendi regem, 1006.
 emigrandi, 1107. emi-
 nens, 1065.
 futurum, [589](#).
- gentium, consuetu-
 dinarium, 1092. inter-
 num, s. necessarium, s.
 naturale, 1088 1089.
 pactitium, 1091. con-
 suetudinarium & pa-
 ctitium quoad legatos,
 1246. voluntarium,
 1090. gladii, 1048.
 glandis legendæ, [712](#).
 hæreditarium, 916.
 917. heri, 960 961.
 in hostium personas,
 1192 & seqq. 1206.
 immutandi leges ci-
 viles, 1045 fundamen-
 tales, 984. societatis,
 846. rem, [256](#). imper-
 fectum, [80](#). incolarum,
 indigenarum, 1020. in-
 fautes exponendi, oc-
 cidendi, 886. infini-
 tum, [94](#). innoxie uti-
 litatis, [311](#). interce-
 dendi pro subditis alie-
 nis, 1121. interpre-
 tandi leges civiles,
 1044. inundationis,
[249](#). juvandi alios in
 exercitio juris punien-
 di, 151.
 - lapi-

I N D E X.

- lapides cædendi, [712.](#)
- leges ferendi, vid. *Potestas legislativa*. legatos mittendi, [1236.](#)
- [1238.](#) [1239.](#) legati quoad actus privatos, [1243.](#) [libellarium, 732.](#)
- liberorum ex concubitu illicito natorum, [945.](#) lignandi, [712.](#)
- Jus* majestaticum, [998.](#) [1042.](#) & seqq. ad medicamenta, [114.](#) meræ facultatis, [1100.](#) militare, [1178.](#) militem conscribendi, [1174.](#) monarchæ, [1002.](#) monetam cudendi, [1059.](#)
- naturæ, [39.](#) [56.](#) hominum & brutorum commune, [56.](#) natura datum, [81.](#) necessitatis, [308.](#) & seqq. non pariendi, ut impediamur, [50.](#) [1069.](#) ut gens se regimini immisceat, [1121.](#) nondum natorum, [827.](#)
- obligandi sibi alterum perfecto, [97.](#) genti competens, [1089.](#)

obligandi liberos [889.](#) fœdum, [951.](#) in obsides, [1151.](#) [1152.](#) officia humanitatis petendi, [82.](#) [1108.](#) onera imponendi, [1057.](#) [1114.](#)

- pacem pangendi, [1220.](#) paciscendi cum gentibus, [1067.](#) parentum in liberos, [887.](#) pascendi, pedamenta fumendi, [712.](#) perdedi rem, [255.](#) [269.](#) in peregrinos in territorio, [1132.](#) circa perfectionem animæ, [107.](#) [111.](#) perfectum, [80.](#) personale, [400.](#) pignoris, [697.](#) possessionis, [287.](#) & seqq. [299.](#) [334.](#) possidendi, [200.](#) potentiam augendi, [1102.](#) potestatum minorum, [1155.](#) ad potum, [114.](#) prælationis inter plures creditores, [701.](#) [758.](#) privilegia dandi, [1047.](#) prohibendi commercia, [1111.](#) proprium, [101.](#) [102.](#) [194.](#) [195.](#) hominum proprium,

I N D E X.

- prium, quorundam
aut unius, 56. propo-
nendi in comitiis,
1000. protimiseos, 611.
puniendi, 93. in repu-
blica, 1048. delicta,
1029. 1030. explora-
tores, 1208. furem,
267. gentium, 1089.
1160. liberos, 889.
percussores, 1209.
servum, 951. societati
competens, 846.
Jus quæsitum, 340. ex
fœdere, 1147. ex pro-
videntia majorum, 831.
1115.
- ramos aridos colli-
gendi, 712. rectoris
civitatis, 982. regis
electi, 1007. regis in
regnis legitimis, 1005.
reluendi, 699. ad rem,
perfectum, imperfe-
ctum, 335. in re, 334.
in re sua constitutum,
262. in rem quæ usu
consumitur, 187. rem
in futurum usum as-
servandi, 185. remo-
vendi ab officio, 1063.
repræsentationis, 921.
923. 926. in successio-
ne in regnum, 1011.
repressaliarum, 1163.
resistendi impedire co-
nanti, 50 superiori,
1079. 1080. genti,
1102. 1121 retractus,
conventionale, legale,
611.
- sacrorum, f. circa sa-
cra, 1064. secundum
jus fieri, 83. securita-
ris, 89 sepulturæ, 824.
specificandi, 256. sta-
pula, 1117. succeden-
di liberorum & paren-
tum, 924. 926. cognato-
rum collateralium,
930. 933 in regno,
1011 1013. & seqq.
superficieci, f. superfi-
ciarium, 734. suppli-
candi, 1080. suspen-
dendi ab officio, 1063.
- talionis, 156. 1160.
in territorio & in terri-
torium, 1136. transi-
tus per territorium
alienum, 312. 1131.
cum copiis, 1181 1182.
ad

INDEX.

- ad transactionem ad-
gendi, 767. 790. 1158.
transmissibile, non
transmissibile, 819. 821.
828. tutoris, 908.
Jus venandi, 712. ven-
dendi rem apud aliam
gentem, 1098. 1112.
ad vestimenta, 115. vi-
cariorum regni, 1005.
rem suam vindicandi,
262. 264. vires hosti-
um diminuendi, 1193.
vitæ & necis, 1048.
universale, 68. 69.
utendi, fruendi, 198.
Justitia, universalis, parti-
cularis, 85. 86. in Rep.
administranda, 1028.
Justum, 83.
- K.
- Korn*, (de moneta) 534.
Kuckus, 683.
- L.
- Labor*, 124.
Lacus, 253.
Lesio, 88. 89. 97. 143.
1072. præcavenda, 91.
92. gentium, 1121.
subditorum alieno-
rum, 1134.
- Logium*, 655.
Laudemium, 728.
Laudum, 770. 772.
Laus, 125. 128. divina,
172. mortuorum, 822.
Legata, 929. 931. 935.
939. 943.
Legatarius, 929.
Legati, 1236. 1240. affi-
dui, 1239.
Lex. divina, humana, na-
turalis, positiva, 39. ci-
viles, 1041. 1068. &
seqq. civ. permissivæ,
1069. civiles in civita-
te maxima, 1090. lex
commissororia in genere,
& in specie in emtio-
ne, 609. in delatione
imperii, 1007. 1081.
in locatione condu-
ctione, 628. in pactis
commerciorum, 1110.
leges domesticæ, 967.
fundamentales reipu-
blicæ, 984. 1043. 1044.
1064. 1079. 1107. lex
naturæ, 40. seqq. 67.
1070. 1045. 1046. de-
cori, 55. perfectiva,
permissiva, præcepti-
va,

I N D E X.

- va, prohibitiva, [47.](#) & seqq. legi nat. adversa in republ. [1046.](#) [1069.](#)
 lex oblivionis, [1056.](#)
 societatis, [846.](#) successionis in regno, [1008.](#)
 suprema civitatis, [976.](#)
Libellus famosus, [149.](#)
Liberatio hypothecæ, [699.](#) a jure naturali, [42.](#) a jure gentium necessario, [1088.](#) oblidum, [1152.](#) ab obligatione, [452.](#) [661.](#) [749.](#) & seqq. tutoris vel curatoris, [907.](#)
Liberi legitimi, spurii, vulgo quæsi, [861.](#) liberorum successio, [921.](#)
Libertas naturalis hominis, [77.](#) [78.](#) [835.](#) gentium, s. civitatum, [977.](#) [980.](#) [1089.](#) civilis populi, [990.](#) societatum, [850.](#)
Licentia, [84.](#)
Licitum, [49.](#) [72.](#) per legem civil. [1069.](#) per pacta, [667.](#)
Linea cognationis, recta ascendens & descen- dens, obliqua, [876.](#) æqualis, inæqualis, [882.](#)
Lis, [762.](#) & seqq. [1072.](#) litis compositio, decisio, [765.](#) [789.](#) a lite gratuito decedere, [763.](#)
Litera advisoriæ, [656.](#) cambiales, [656.](#) creditiales legati, [1245.](#)
Litigare, [762.](#)
Locatio conductio, rerum, operarum, [620.](#) & seqq. [664.](#) [723.](#)
Locator operarum, rerum, [620.](#) & seqq.
Locus natiuitatis, [1105.](#)
Locupletatio ex re aliena, [271.](#)
Locupletiolem fieri, re alterius, ex re alterius, [271.](#)
Logice verum loqui, [347.](#)
Lotaria, [673.](#) [674.](#) [1021.](#)
Lucrum, [414.](#) [560.](#) [646.](#) abruptum, [1112.](#) cessans, [414.](#) certum, incertum, [414.](#) primum, secundarium in ludo, [678.](#)
Luctus mortuorum causa, [826.](#)

INDEX.

826. naturalis, voluntarius, 826.
Ludus, 677. 1021.
Lutitio pignoris, hypothecæ, 699.
Lusores, 1021.
Luxus, 509. nimius, 1021.
Macula ex illegitimo concubitu natorum, 873.
Magister navis, 665.
Magistratus, 1060.
Majestas, 998.
Majores, 832.
Maleficium, 1030.
Malitia intrinseca actionum, 14. 15.
Malum, 12.
Mandans, 551.
Mandatorius, 551. & seqq. quod occasione mandati eidem obvenit, 556.
Mandatum, 551. & seqq. 664. ejus adimpletio ex bono & æquo, 552. in forma specifica, per æquipollens, 564. mandatum arcanum, generale, cum libera, sine libera, manifestum, 552. 553. speciale, 552.
tacitum, 555. turpis facti, 563.
Manifestum, 1187.
Manumissio, 958.
Maritus, 858.
Manustupratio, 854.
Materfamilias, 964. 969.
Materia durabilis pecunie, 501.
Matrimonium, 856. & seqq. inter collaterales, 946. inter parentes & liberos, 895. matrimonii indissolubilitas, 944.
Mediatio, 768.
Mediator, 768. 769.
Medicamenta, 114. eorum cura in civitate, 1034.
Medii in bello, 1181.
Melioratio feudi, 743. rei, 279.
Membra societatis, 836.
Mendacium, mentiri, 351. nobis ibi, 352.
Mendicitas, 487. 488. 489. 504. 513. 1021. 1022. temporaria, 487.
Mercēs, 500. 524. æqua, 627. in affecuratione, 679. in commodato, 524. in deposito & sequestro,

INDEX.

- questro, 540. 550. in locatione, 626. 627. 630. in focida, 638.
- Meretrix*, 854.
- Meritum*, 80. meritum pœnæ, 153.
- Merx*, 587. 681. vid. *Commercia.*
- Metalla*, 714.
- Metus ex vicina potentia*, 1172.
- Milites*, milites conducti-
tii, 1174.
- Mineralia*, 714.
- Minister*, acceptandi, 426.
432. obligationis con-
trahendæ, 426. 433.
promittendi, 429 430.
- Miser*, 492.
- Misericordia*, 492.
- Missilia*, 685.
- Missionarii*, 1122.
- Moderamen defensionis*, 158.
- Modus* acquirendi domi-
nium, 295. derivati-
vus, 313. rerum uni-
versitatis, 1128. ori-
ginarius, 210. 448. jus
perfectum, 97. posses-
sionem, 294. 320. do-
minium utile, 724.
- Modus* conferendi in so-
cietate negotiatoria,
644. componendi gra-
vamina & controver-
sias gentium, 1157.
1159. computandi gra-
dus cognationis, 882.
constituendi feudum,
739.
- - decernendi in socie-
tate, 841. 842. dispo-
nendi de imperii trans-
latione, 982.
- - finiendi lites in statu
naturali, 762.
- - habendi imperium,
986.
- - instituendi heredem,
935.
- - obligandi se alteri
perfecte, 380. 381.
obligandi sibi alterum,
97.
- - pangendi pacem,
1221. 1222. pangen-
di fœdera commercio-
rum, 1110. privilegia
dandi, 1047. publica-
tionis belli, 1186. pro-
pagandi genus huma-
num, 855.

Modus

I N D E X.

- Modus* relinquendi legata, 935.
 - succedendi ab intestato, 933. hæreditarius in regno, 1011.
 - testamentum facienti, 932 935 936.
 - tradendi rem, 322.
 - transferendi dominium, jus quoddam, 314.
Monarchia, 991. 1002.
Moneta, 502. moneta proba, reproba, 534. monetæ bonitas intrinseca, extrinseca, 534. cura circa eam in Rep. 1036. 1059.
Monogamia, 857.
Monopoliæ gentium, 1112.
Mora, in mora esse, 417. & seqq. 541. 753.
Moraliter falsum loqui, 348. invincibile, vincibile, 17. necessarium, possibile, impossibile, 37. m. verum loqui, 347.
Morbus, 113.
Morgengaba, 915.
 (Wolfii Instit. J. N. & G.)
Mortis, causa capio, 484. donatio, 479. mortis effectus quoad jura & obligationes, 818.
Motivum, 35.
Munera publica, 1057. sponsalitia, 865.
Mutatio capitulationis rectoris civit. 989. debiti, 758 domicilii, 1103 legum civilium, 1045 fundamentalium, 984 rei conductæ, 636. testamenti, 927.
Mutuus, 528.
Mutuataris, 528.
Mutuum 528. & seqq. rei alienæ, 529.
Mutuum adjutorium, 848. 869.

N.

Nati ex ancilla, 959.
Naturalia feudi, 737.
Nauta, 666.
Negligentia, 21.
Negotiatio questuaria, 662.
Negotium bilaterale, unilaterale, 775. negotium gerere alicuius causa, 560.
 Fff Neg.

I N D E X.

Negotiorum gestio, [690.](#)
Neutralitas, [1181.](#)
Nexus feudalís, [747.](#)
Nondum nati, [827.](#) & seqq.
Nosocomia, [1022.](#)
Novatio, [758.](#) [759.](#)
Nummularius, [655.](#)
Nuptiæ secunde, [871.](#)

O.

Obedientia, [168.](#) [835.](#)
 Deo præstanda, [168.](#)
 liberorum, [889.](#) servo-
 rum, [956.](#) subditorum,
[1079.](#) [1084.](#)

Oblatio conditionis, [753.](#)
 debiti, realis, realis nu-
 da, solennis, verbalis,
[753.](#)

Obligatio activa, [35.](#) acces-
 soria, [569.](#) commu-
 nis, [101.](#) connata, [74.](#)
 contracta, [100.](#) de-
 rivativa, [62.](#) fortior,
[65.](#) hominum mutua,
[44.](#) imperfecta, [80.](#) na-
 turalis, [36.](#) [38.](#) passiva,
[37.](#) perfecta, [80.](#) per-
 sonalis, [402.](#) primiti-
 va, [62.](#) principalis,

[560.](#) propria, [101.](#)
 realis, [402.](#) universa-
 lis, [68.](#) [69.](#) voluntaria,
[377.](#) [378.](#) obligatio-
 nem tollere, [135.](#) [749.](#)
 - - admittendi legatos,
[1238.](#) excipiendi &
 tractandi legatos, [1241.](#)
 excipiendi milites ho-
 spitio personali, [1176.](#)
 feudalís, [747.](#) ex fœ-
 dere, [1147.](#) hæredis
 pro debitis defuncti,
[820.](#) regis, [1012.](#) [1147.](#)
 jurantis, [368.](#) ex lege
 permissiva, [1069.](#) mi-
 noris partis sociorum
 per majorem, [843.](#) in
 civitate, [978.](#) ex quasi
 contractu, [687.](#) reci-
 piendi consules, [1118.](#)
 singulorum & univer-
 sorum in civitate, [975.](#)
[835.](#)

Obscuratio gloriæ divina,
[165.](#) [166.](#)

Obsides, [1151.](#) [1152.](#)

Obtentus, [349.](#)

Obtestatio, [374.](#)

Obtrektor, [150.](#)

Occupatio, [210.](#) [212.](#) &
 seqq.

INDEX.

- seqq. hæreditatis, 934.
 territorii, 1127. 1136.
 bellica, 1204. 1211.
Odiu, 155.
Oeconomia, conjugum, 866.
Offensa, offensio, 154. 157.
Officia, 57. 103. erga alios,
 57. 59. 73. erga Deum,
57. 160. 177. erga mor-
 tuos, 822. erga poste-
 ros, 832. erga seipsum,
57. 103 erga se & alios
eadem, 131. huma-
 nitatis, 61. 73. 79. huma-
 nitati debita, 869. in
 domo exercenda, 971.
 famuli 961. gentium,
 1088. 1123. generale
 gentium erga *se* invi-
 cem, 1108. conjugum
 mutua, 869. libero-
 rum erga parentes,
 894. 911. parentum
 erga liberos, 890. &
 seqq. 911. mutua in-
 ter Rectorem civitatis
 & subditos, 1024. 1085.
 servis debita, 952.
Officium publicum, 1060.
Olla fortuna, 674. 1021.
Onera matrimonii, 868.
 onus promissioni adje-
 ctum, 409. 435. Reip.
 ordinaria, extraordina-
 ria, 1037. 1057. 1114.
 rei feudalis, 743. in
 usufructu obvia, 717.
Opera eadem pluribus lo-
 cata, 630. operæ fer-
 viles, 953. usufructua-
 rii, 717. operatum
 communicatio; 327.
Operationes bellicæ, 1183.
 1191.
Oppignoratio, 697. 698.
700. 701. bonorum
 gentis pro debitis civi-
 tatis, 1162. bonorum
 mariti pro dote uxoris,
 913. bonorum sponso-
 ris, 1156. tutoris pu-
 pillo facta, 904. do-
 maniorum, 1047. in-
 ter gentes, 1150. na-
 turalis, 705. necessa-
 ria, 792. rei alienæ,
700. rerum universi-
 tatis, 1129.
Optimates, 992.
Opulentus, 486.
Oratio, 175.
 F ff 2 *Orga-*

I N D E X.

Organa corporis humani
 sensoria externa, interna,
 motoria, vitalia,

112. 141.

Ornamentum, 117.

Orphanotrophia, 1022.

Ortus civitatis, 972. imperii,
838.

P.

Pactiones 438. gentium,
141. de redimen-

dis captivis, 1194.

Pañum, 438. 816. 817.

pañta donationi, 734.

478. emtioni vendi-

tioni, 605. 734. loca-

tioni conductioni ad-

jecta, 628. relocationi

adjecta, 631. exinter-

vallo adjecta, 608. qua-

tenus legi assimilatur,

8 6. expreßum, taci-

tum 439 tempora-

rium, æternum, 440.

juratum, 446. antichre-

sticum inter gentes,

1150 commerciorum,

1110. III. pañta dota-

lia, 913. guarandigia-

tum, 1149. cum inva-

fore regni, 1084. 1220.

liberatorium, 755. de

non petendo, 755. de

redimendo, 612. reso-

lutivum ex nunc & ex

tunc. 610. de retrahen-

do, 611. de retroven-

dendo, s. retrovendi-

tionis, 612 in scriptu-

ram redactum, 445.

successorium, 942.

Paderastia, 854.

Parere, 835.

Parentes, 880. parentes

in liberis punire, 1053.

parentum jus in libe-

ros, 887.

Partes imperii potentiales,

983. subjektivæ, 1010.

Pars metallica, 683.

Partium studiosus, partia-

lis, 768.

Paterfamilias, 964. 969.

Patria, 1105.

Patrimonium, amplum,

tenue, 207. 208 quo-

modo æstimandum,

503. dilapidare, 208.

Paupertas, 487. 504. 513.

Pax, 99. 1217. 1227.

1228. 1229. pacis fa-

ctio, 1220. & 149.

Pecca-

I N D E X.

Peccatum, commissionis,
omissionis, 58.
Pecudes ferreae, 638.
Peculium servi, 954.
Pecunia, 424. 501. 507. &
seqq 527. 740. allo-
dialis, feudalís, 740.
fœnebris, 650. pecu-
niæ mutuum, 53535.
536 nautica quasinau-
tica, trajectitia, qua-
si trajectitia, 680. nu-
merata, 503 subsidia-
ria, 1.79. usuraria, 650
Pejoratio, 371 376.
Pellex, *Pellicatus*, 860.
Pensio, 620.
Perceptio fructuum inchoa-
ta, consummata, 224.
Percussores in bello, 1209.
Perduellio, 1082.
Peregrini. 974. in civita-
tem recipiendi, 1020.
in alieno territorio
commorantes, 1125.
1131. 1132. 1137. de-
linquentes, 1132. tem-
pore publicationis bel-
li in eo versantis, 1197.
Perfectio in genere, 9. ac-
cidentalís, essentialis,

11. alterius, 140. ani-
mæ 106. hominis, 112.
intellectus, 108. vo-
luntatis & noluntatis,
109. corporis, 112.
gentis, 1094. 1095.
status gentis, 1094.
societatis, 851.
Perfidia, 390.
Periculum debiti oblari,
753. fructuum in feu-
do, 742. in re commo-
data, item depõsita re-
mittenda, 547. rei em-
tæ, 613. 614. 615. in
mandato, 562. 567. in
focida, 838 vitæ, 131.
Perjurium, 371.
Permutatio, 582. & seqq.
rei alienæ, 585.
Persona certa, 325. mo-
ralis, 96. 850.
Personale, 400.
Pictura, 239.
Pietas, 167. rectoris ci-
vitatis, 1077.
Pignus, 697. conventio-
nale 704. 705. pigno-
ris capio, 792. pigno-
ris solutio, 707.
Plagium, 1175. 1177.
Fff 3 Plan-

INDEX.

- Plantatio*, 238.
Plumbatura, 236.
Pana. 93. ejus condonatio, 157. emendatrix, exemplaris, 93. legibus civilibus additæ, 1043. 1048. 1049. promissioni adjecta, 410. 758. 809. genere, 1048. capitalis, 1048. parentum, liberorum, conjugum ob facta mutua, 873. 1053.
Pœnitentia in emtione venditione, 606 607. promissis 427. in tractatibus, 769.
Pollicitatio, *pollicitator*, 382. 385. 389. 390.
Polygamia, 857. successiva, 871.
Ponderatio votorum, 843.
Populus, 974.
Portus, 1116.
Possessio, 200. 320. 448. 291. 79. absentis, 292. amissa, 205. clandestina, furtiva, violenta, 290. immemorialis, 1139. iusta, injusta, 456. rerum mobilium & incorporalium, 293. titulata, 295. possessionis defensio, 289.
Possessor, 200. bonæ & malæ fidei, 201 230. 272. & seqq *re alienæ*, 229.
Posteri, 832. tui, ibid.
Posthumus, 931.
Postliminium, 1214. 1216.
Potestas. 833. civilis, 979. 1078. dominica 947. 951. 955. eminens, 1065. legislatoria in societate, 846. in Rep. 1043. maritalis, 870. patria, 888. 910. 911. summa, minor, 1140. in potestate nostra esse, 60. 200.
Præcedentia, 75. civilis, 1041. 1061. gentium, 1089. 1119. sociorum, 840.
Præcipitancia in agendo, 21.
Præda, 1202.
Prædium, urbanum, rusticum, dominans, serviens, 709.
Præ-

I N D E X.

Prædo, [263.](#) [267.](#) [268.](#)
[269.](#) 1189 1235.
Præfæcti militum, 1178.
Prælegata, [938.](#)
Præmium orantibus propo-
 situm, [675.](#) inven-
 tionis, [285.](#)
Prænumeratio mercedis,
 pecuniæ, [694.](#)
Præponens, [662.](#)
Prærogativa, 71. gentium,
 1089. 1119. fœcii. [839.](#)
Præscriptio, 451. [452.](#) [463.](#)
[464.](#) 1100. 1101. in-
 ter gentes, [1139.](#) juris
 commerciorum, 1101.
 juris meræ facultatis,
 1100.
Præsentans in cambio,
[656.](#)
Præstatio, [328.](#) mutua,
[442.](#) transitoria, [1141.](#)
Præsumtio, [27.](#) 30. [353.](#)
[78.](#) absoluta, condi-
 tionalis, hominis, ju-
 ris, juris & de jure,
[453.](#) consensus ex si-
 lentio, [459.](#) derelictio-
 nis, [450.](#) [458.](#) [460.](#) &
 seqq. ex silentio gentis,
[1139.](#) in negotiis hu-

manis, & pactis, [449.](#)
 pro possessore, [455.](#)
 pro protocollo, [775.](#) in
 successione regni du-
 bia, 1008. pro teste
 jurato [778.](#)
Præteritio collateralium,
 930. liberorum in te-
 stamento, [931.](#)
Prætextus, [349.](#) [350.](#) [359.](#)
Precarium, 333.
Preces, [175.](#)
Pretium rerum & opera-
 rum, [493.](#) 498. 1021.
 redemptionis captivo-
 rum, 1213. rei in em-
 ptione spei, 684. in li-
 bellario contractu,
[742.](#) rerum immobi-
 lium, [1057.](#) rei vendi-
 tæ, [600.](#) & seqq. rei
 emtæ per lotariam at-
 tribuendæ, [673.](#) sche-
 dularum in olla fortu-
 næ, [74.](#) æquum, [499.](#)
 in commerciis, [1112.](#)
 derivativum, [497.](#)
 eminens, [495.](#) 587.
 iniquum, [499.](#) primi-
 tivum, [497.](#) in sensu
 strictiori, 500. taxatio-

F ff [4](#)

nis,

I N D E X.

- nis, venditionis gratia
adjectum, 659 vulga-
 re, 493. 495.
Principium Juris natura,
 43.
Privilegiarius f. privilegia-
 rus, 1047.
Privilegium, 1047. com-
 merciorum, 1115. fa-
 milia, 1047. immu-
 nitatis ab hospitio mi-
 litum personali, 1176.
Probatio per bacilla fissa,
777. per instrumenta,
775. per juramentum,
781. per testes, 778.
792. dominii, 266.
Procurator, 551.
Prodigalitas, 509.
Profanatio rei sacrae, 1025.
Prolem agnoscere, 872.
Promissio, 379-385. & seqq.
407. absenti facta,
403. coram tertio, 433
 ob causam ante debi-
 tam, 408. conditiona-
 ta, 393. 398. & seqq.
 sub certa, 395. impos-
 sibili, 392. 411 L. pote-
 stativa, 396. resoluti-
 va, 397. suspensiva,
396. turpi conditione,
391. sub pluribus con-
 ditionibus, 399. in
 diem, 393. 395. 398.
 per epistolam, 428.
431. errantis, 405 sub
 facto turpi tertii, 394.
 hostibus rebellibus,
 tumultuantibus facta,
 1235. mere liberalis,
 425. per ministrum,
429. & seqq. onerosa,
425. personalis, 400.
 pluribus conjunctim
 facta, 423. pœnalis,
410. pura, 393. 398.
 realis, 401. reialienæ,
412. ejusdem rei bis
 facta, 421. rei futuræ,
 420. vi vel metu extor-
 ta, 406. vires nostras
 transcendens, 411.
Promissor, 379-405. 416.
 quid, si promissione se-
 mel invalida stare ve-
 lit, 436.
Promissum pœnale, 410.
 servare promissum,
388 latroni, prædoni,
 1235.
Promulgatio legis, 67.
Pro-

I N D E X.

Propagatio finium impe-
rii, 1136. religionis,
1122. scientiarum,
artium & virtutum ad
posteror, 832.

Proprietarius, *Proprietas*,
198. restricta, 724. 727

Prorogatio societatis, 647.
termini solutionis,
758. 572.

Protocolum, 775.

Providentia parentum circa
educationem libero-
rum in casum mortis,
896.

Ptychotrophia, 1022.

Publicatio belli, 1186.
1187. induciarum,
1211. pacis, 1231.

Pudicitia, 862.

Pugna, 787.

Pupillus, 898. pupilli ius,
905.

Pulchritudo naturalis, ar-
tificialis, 117.

Pulchrum, 117.

Punctatio, 775.

Purgatio moræ, 418 758.
reorum, 782.

Q.

Quantitas canonis em-
phyteutici, 726.

census, 733. debiti in

chirographo expri-

menda, 653. donatio-

nis propter nuptias,

914. dotis, 913. elee-

mosynarum, 489. fœ-

noris nautici, 680. ho-

norarii, 525. lagii in

cambio manuali, 655.

laudemii, 728. lucri &

damni in societate neg-

oriatoria, 645. mer-

cedis in assecuratione,

679. mercedis, 627.

item pretii tacite con-

venti, 598. moralis,

physica rerum, 493.

496. onerum publico-

rum, 1037. pœnarum,

93. 1049. redituum

vitalitiorum, 682. ve-

tigalium, 1114. usu-

rarum, 649.

Quasi affinitas, 885. quasi

contractus, 686 & sqq.

quasi emptio, 691. quasi

feudum, 740. quasi

locatio conductio, 691.

quasi maleficium, 1030

quasi mutuum, 691.

quasi pactum inter tu-

tozem

F ff 5

INDEX.

- torem & pupillum, 908. quasi possessio, 298. quasi sine causa acceptum, 695. quasi usus, 722. quasi usus fructus, 719. & seqq.
- Quittancia*, 654.
- R.
- Rapina*, 263. 267.
Ratihabitio, 29. 31.
 mutuationis rei alienæ, 529. quod per mandatum arcanum actum, 553. pro quo sponfor spopondit, 1156.
- Ratio*, 493.
Rationes belli justificæ, quasi justificæ, suasoria, 1171. ratio legum civilium, 1073.
- Rationem reddere*, negotii gesti, 559 administrationis tutelæ, 903.
- Reatus*, 153.
Rebellio, 1232.
- Receptio legum peregrinarum*, 1068. peregrinorum, 1020.
- Rectitudo actuum*, 16. 52. 53.
- Reclor civitatis*, 982 1076. 1077.
- Rectum*, 52.
Recuperatio possessionis, 289
Recusatio juramenti, vid. *Juramentum*.
Redemptor, 620.
Redemptio captivorum, 1194. 1213. obsidum, 1152.
Reditus, annui, statii, variabiles, 565 602. vitalitii, fructuarii, pecuniarii, 682. kuckuum, 683.
Reflexio, 108.
Refutatio feudi, 748.
Regimen, bonum. malum, 107. regimini gentis se immiscere, 1121.
Regum, 994. æsymneticum, 1002. electivum, 1005. 107. herile, 917. Laconicum, 103. legitimum, 1004. patrimoniale perfecte, imperfecte tale, 1009. successorium, 1008. si committatur, 1081.
- Religio*, 1024 apud gentes alias propaganda, 1122. religionis cura in civitate, 1044 diversimodè

I N D E X.

veritas inter gentes
non attenda, 1148.

1123. 1153.

Relocatio, expressa, tacita,

631.

Remissa in cambio, 656.

Remissio census, 733. de-
biti, 337. 766. felonix,

747. gravaminum gen-

tis, 1157. juramenti,

vid. *Juramentum*. juris,

337. 342. mercedis,

633. pensionis, 637.

pignoris, 707. pro-

missionis tertio factæ,

433. 434.

Remittens in cambio, 656.

Remotio ab officio, 1063.

Renovatio pacti, 441. ta-

cita, ibid. contractus

emphyteutici, 727.

Renunciatio arbitrii, 771.

debiti 766. evictionis

præstationis, 617. ju-

ris succedendi in re-

gno successorio, 1015.

juri suo, 340. 342. li-

bertatis naturalis in

subjectione, 835. lo-

cationis, 621. manda-

ti, tempestiva, intem-

pestiva, 568. pacti,

441. pro nondum na-

tis, 830. societatis,

648.

Representatio populi in

aristocratia, 992. in

monarchia, 991. in

regno, 994. repræ-

sentationis jus, vid.

Jus representationis.

Repressulæ, 1163. 1165,

& seqq.

Repudiatio hæreditatis,

920. 939. juris, 339.

342. juris ad nondum

natos transmissibilis,

830. juris succedendi

in regno, 1015. legati,

939.

Repudium, 864. 865. 871.

Res, 121. alienæ, 199.

277. 278. 448. 529.

530. 543. 585. 593.

700. amissæ, 220. arti-

ficiales; 181. certæ,

325. communes, 186.

1128. conjugum, 867.

consumtibiles, 523.

quando quasi incon-

sumtibiles, 740. cor-

porales, 121. & seqq.

earum

I N D E X.

- earum ufucapio, [451](#).
 derelictæ, [203](#). [219](#).
 domesticæ, 866. dubiæ
 in usufructu, [714](#). ec-
 clesiasticæ, 1026. an
 subsint dominio emi-
 nenti, 1065. emphy-
 reuticæ, [725](#). exitura-
 rum emptio, 590. feu-
 dales, [736](#). [743](#). fru-
 ctuosæ, 228. 550. fun-
 gibiles, [527](#). furtivæ,
[264](#). hostiles, 1184.
 1196. & seqq. jactæ,
[221](#). immobiles, [211](#).
[213](#). 1199. incorpo-
 rales, [121](#). & seqq.
[206](#). [214](#). earum usu-
 capio, [451](#). industria-
 les, [121](#). limitari &
 defendi nesciæ, [303](#).
 litigiosæ, [548](#). [762](#).
 mobiles, [211](#). [212](#).
 1198. 1204. 1222. se-
 moventes, [211](#). 218.
 necessaria, [121](#). [305](#).
[306](#). nullius, [191](#). [209](#).
[246](#). 250. [251](#). princi-
 pales, [242](#). profanæ,
[1025](#). publicæ, 1128.
 1130. pure naturales,
- [121](#). raptæ, 264. fa-
 cræ, 1025 an subje-
 ctæ juri eminenti,
 1065. an eas vastare
 liceat, quod supersti-
 tiosæ videntur, 1195.
 singulorum, [191](#). 1128.
 steriles s. infructuosæ,
 228. suæ, [195](#). [206](#).
 universitatis, 1128.
 1129 voluptuariæ,
[121](#). usus inexhausti,
[302](#). in usum futurum
 allervandæ, 185. uti-
 les, [121](#).
Rei vindicatio, [262](#). 448.
Rescisso contractus, [581](#).
[602](#).
Reservationes mentales,
[355](#). [800](#).
Resignatio, [752](#).
Respectus personarum, [772](#).
Respublica, 973 mixta,
 993.
Restitutio, arrhæ, [619](#) arr-
 hæ sponsalitiæ & mu-
 nerum sponsalitorum,
 865. quod datum post
 discessionem a pacto,
[443](#) fructuum, [274](#).
 & 199. 1224. fr. ex re
 de-

I N D E X.

- deposita vel sequeſtrata fructuoſa, [550](#) impenſarum, 281. [283.](#) [285](#) vid. *Impenſa*. in debite ſoluti, [693](#). rei in genere, item in ſpecie, [515](#). rei alienæ, [261](#) [530](#) [541](#) [543](#) & ſeqq [593](#). rerum fungibilium, [527](#). rei mutuatae, 528. [531](#) [532](#). [537](#). [538](#). rei ſequeſtratae, [549](#) [550](#). ſine cauſa vel quaſi accepti. [695](#). ſpoliati, [288](#). reſt. per pacem, 1222. 1225. pecuniæ mutuatae, [536](#) quod plus acceptum in contractibus oneroſis, [581](#). item per explecionem juris, [793](#). item per repreſſalias, 1168. quod plus minusve in emtione ſolutum, [602](#). pretii emtione commiſſa, [609](#). item ob vitium rei emtæ, 618.
- Retentio* pignoris in aliud debitum, [706](#). inter
- gentes, 1150. poſſeſſionis, [291](#) [293](#).
- Reticentia*, [351](#). [352](#).
- Retorſio juris*, 1161.
- Reverentia* erga Deum, [172](#). filialis, 894.
- Revocatio* commerciorum juris, 1110. delega-tionis, [759](#). domaniorum, 1040. donati-onis ob ingratitudinem, [476](#) donati-onis mor-tis cauſa, [479](#) [482](#). donati-onis remunera-toriæ, [482](#) feudi, [748](#). mandati, [565](#) privile-gii, 1047. promiſſi, [427](#) [428](#) [432](#). & ſeqq. teſtamenti, 927.
- Reus*, [773](#). convictus, [778](#). debendi, [424](#). promittendi, [424](#).
- Rex*. 994. electus, 1007. quomodo priuatus fiat, 1081. per eum capti-vum pax facta, 1220.
- Rogare*, [551](#).
- Ruptura* induciarum, 1211. fœderis, pacis, 1230.
- S.

INDEX.

- S.
- Servire in servum*, [955](#).
Salarium pro officio
publico, 1034. tuto-
ris, 906.
Salus civitatis, 972. so-
cietatis, 837. 847.
Salvus conductus, 1033.
Sanctitas fidei, fœderum,
1153. [1154](#). legati,
1243. 1244.
Sanctum, 1153.
Sanitas, [113](#) subditorum,
1034.
Satio, [238](#).
Scelera in Rep. punienda,
1052. gentis in causa
belli iusta, 1173.
Schrot (in moneta), [534](#).
Schola, 1024. pauperum,
s. piæ, 1022.
Scortatio, 854.
Scriptura, 239. in pactis,
445. in fidejussione,
[578](#).
Sectio cadaverum, 825.
Securitas, [89](#). civitatis,
972.
Senatus, 999.
Sepultura, [824](#). 1051.
Sequester, 548.
Sequestrum, necessarium,
voluntarium, [548](#). &
seqq.
Serium, [677](#).
Servitia feudalia, [739](#).
Servitutes rerum, reales,
personales, affirmati-
væ, negativæ, 708.
prædiorum rustico-
rum s. prædiales, item
urbanorum, [709](#). in
feudo, [743](#). servitus
altius non tollendi,
tollendi, aquæ edu-
cendæ, cloacæ habен-
dæ, cloacæ immitten-
dæ, luminum, ne lu-
minibus officiat,ur,
oneris ferendi, pro-
jiciendi, prospiciendi
s. prospectus, ne pro-
spectui officiat,ur, ster-
quilini habendi, stil-
licidii avertendi vel
recipiendi, non aver-
tendi, tigni immit-
tendi, [712](#).
Servitus, perfecta, im-
perfecta, 947. volun-
taria, 948. coacta,
950. captivorum in
bello,

I N D E X.

- bello, 1194. obsidum, 1151. sponforum, 1156.
Servus, 947.
Signare pecuniam, 507.
Significatus etymologicus, 799. figuratus, 809. proprius, 798. 799. varii gradus, 802.
Silentium, vid *Præsumtio*.
Simulatio, 349. 356 359.
Socida, 638.
Societas, 836 & seqq. societates quomodo spectandæ, 850. bonorum, omnium bonorum vel fortunarum f. universalis, generalis, particularis, 641. composita, 839. conjugalis, 855 855. herilis, 960. illicita, 849. inæqualis, 839. leonina, 640. negotiatoria, 639 640. 647. patris, 909. scientiarum, 1024. simplex, 963.
Socius, 836. ejus exclusio ex societate, 853. testimonium in causa focii, 779. focii in bello, 1228. in societate negotiatoria, 639. ejus exclusio e societate, 648.
Sodomia, 854.
Solarium, 734.
in Solidum teneri, 422.
Solvendo esse, 503.
Solum, 237.
Solutio, 751. canonis emphyteutici, 726. debiti adjecto faciendæ, 661. debiti liquidi, 756. particularis, 751. pecuniæ, 596. pretii rei emtæ, 596. 602. 609 solarium, 734. indebiti, 692.
Sors, in oppositione ad usuras, 643.
Sors, electrix, attributrix, divisoria, divinatoria, 669 ejus usus in causa dubia privatorum, 790 gentium, 1157. in debitis illiquidis, 767. circa vota paria, 843.

Spa-

I N D E X.

- Spatium* atmosphæricum, 241. deliberandi in
 expletione juris, 793.
Species, 227. interitus
 speciei, 243.
Specificatio, 226 227. 231.
Specificatio jurata, 919.
Spes dubitum iri, 396.
401. spes jus per na-
 tivitatem acquisitum
 iri, 829. lucri & da-
 mni, 668. 678.
Spolium, 288.
Sponsa, *Sponsus*, 864.
Sponsalia, 864.
Sponsio contractus, 676.
677.
Sponsiones, 1156.
Spurius, 861.
Stagnum, 253.
Status, externus, inter-
 nus, 8. moralis, na-
 turalis, 96. origina-
 rius, adventitius, 102.
 popularis, 990.
Stipendium militum, 1176.
Stripes in cognatione,
 communis, masculi-
 nus, fœmineus, 875.
Stolones, 240.
- Stratagema*, 1203.
Stuprum, 854. 872 vio-
 lentum, 862. 1206.
Subditi in civitate, 996.
Subemphyteusis, *subemphy-*
teuticatio, 731.
Subfeudum, 741. 743.
Subinfeudatio, *subinfeuda-*
tus, 741.
Subjectio liberorum, 910.
 gentis genti, 1102.
 peregrinorum, 1125.
 potentiae utendi, 192.
 rectoris civitatis & po-
 puli mutua, 985.
Subiectus, 835.
Sublatio impensarum, sine
 detrimento rei, 282.
 obligationis, 749.
Sublocatio, 624.
Subscriptio instrumento-
rum, 775 chartæ blan-
 cæ, 776. testamenti,
932.
Subsidia in bello, 1179.
Substantia feudi, 737.
Substitutio hæredis, vel
 legatarii, 940.
Subvasallus, 741.
Successio in bona defuncti,
916.

I N D E X.

916. in bona regis pri-
 vata, 1012. conjugum,
 943. in feudo, **743.** 745.
 ab intestato, 931. 933.
 liberorum, 921. 931.
 parentum, 922. in re-
 gno dubia, 1008. in re-
 gno patrimoniali, 1009.
 hæreditario, 1011. li-
 nealis, agnatica, cogna-
 tica, 1013. plures pos-
 sibiles, 1014.
Successor feudal, **743.**
Sufficientia vita, 972. 1021.
 1022.
Suffragium, **842.**
Summa pecunie mutuo data,
 535. 536.
Summitas imperii, 981.
 984. 1145.
Superficiarius, **734.**
Superficies, **237.**
Superfluum, item respectu
 rerum, 485.
Superior in civitate, **996.**
Superstitio, **182.**
Supplicatio, Deo facta, **175.**
 superiori, 1080.
Suspensio ab officio, 1063.
Suum, 195.
 (*Wolfii Instit. J. N. & G.*)

Sylva cæduæ, non cæduæ
 in usufructu, 714.
Symbola metallica, **683.**
Symmetria, **117.**
Systema, 62.

T.

Talis, **156.** in poenis,
 1049. inter gentes,
 1160.
Templum, 1024. eorum
 cura in republica, ibid.
Termini technici, **802.** eo-
 rum explicatio fidejus-
 fori, **578.**
Terræ neutra, 1181.
Territio, 1032.
Territorium, civitatis, 1010.
 gentium, 1125. pacat-
 um tempore belli,
 1196. territorii accessio
 originaria, 1127.
Testamentum, 927. 931.
 936. 937. nuncupati-
 vum, scriptum, **932.**
 in alieno territorio con-
 ditum, 1137. 1138.
Testimonium, **780.**
Testis, auritus, falsus, in-
 G g g reger

INDEX.

teger, juratus, oculatus, in propria causa, suspectus, verus, 778.

779.

Thesaurus, 223.

Timor Dei, filialis, servilis, 171.

Titulus, 295. justus, falsus, lucrativus, onerosus, putativus, verus, 454.

Tituli civiles, 1041. 1061.

*Rektor*um civitatis, 1119.

Tolerantia religionis, 1064.

Tortura, spiritualis, 1032.

Tractatus, 769.

Tragedia, 1027.

Transactio, 320. & seqq. 518.

582. 596. 598. ad certum usum, 518. longa manu, 324. brevi manu facta, 323. symbolica, 326.

Transactio, generalis specialis, 764. 765. 766.

767. 790. 1158.

Transgressio legis, 58.

Translatio domini, 316.

317. 320. 329. domini futuri, 589. domini in

contractu estimatorio;

659. in emtorem, 597.

inter focios facta, 642.

in actu missilium, 685.

translatio imperii, 982.

985. 988. 997. translatio juris, 316. in nondum natos transmissibilis, 827. 828. translatio servitutis usus, 721.

Transmissio bonorum et iuris defuncti, 819. et seqq. 917.

Transitus per alienum territorium, 312. cum copiis militaribus, 1182.

Trapezita, 655. 1036.

Transiens, in cambio, 656.

Transatus, 656.

Trasla, in cambio, 656.

Tributum, 1057.

Tumultus, 1234.

Turbatio communionis primæ, 193. possessionis, 297. verbalis, realis, 297. quietis publicæ, 1172. 1218.

Tutela, testamentaria, legitima, dativa, 898.

900. 903. 910. 911.

1057.

I N D E X.

1057. cura in civitate
habenda, 1023.
Tutor, 898. 899. 901. &
seqq. administrator, edu-
cator, inspector, infe-
riores, superior s. ho-
norarius, 900.

V.

Vagabundus, 1104.
1105.

Valuation der Münz-Sorten,
2 534.

Valuta, 656.

Vasallus, 736.

Vastatio rerum in bello,
1195. in direptionibus,
1201.

Vestigal, 1057. mercibus
imponendum, 1114.

Venditio, 587. liberorum
in servitutem, 949. alii
facta, quam cui pro-
missa, 594. bis facta,
ibid. rei alienae, 593.
rerum alternativa, 614.
rei locatae, 628. 629. rei
oppignoratae, 697. &
seqq. sui in servitutem,
948.

Venditor, 587. 988. 601.

Veneno hostem interficere,
1207.

Verba in pactis interpre-
tanda, 796. & seqq. ma-
gis attendenda, 817.
temeraria, 360. 367.
aperta, tacita, 355. a
paciscentibus adhiben-
da, 798. a testibus, 780.

Veriloquium, 347. 350. 352.

Veritas moralis, logica, 347.
eam celare, 352.

Verum contra loquentem ha-
bendum, 318.

Via, 712. viarum publica-
rum cura, 1034.

Vicarius, 899. vicarii re-
gni, 1005.

Victor in pugna, 788. in-
ter certantes de premio,
675.

Victus in pugna, 788. to-
taliter, 1219.

Vigilantia, patris & matris
familias, 968.

Vindicatio rei, 262. 448.

Vindicta, 155.

Vir bonus, 772.

Virginitas, 862.

Viricapio, vid. *Androlepsia*.

Ggg 2 *Vir*.

INDEX.


- Virtus*, 85. ad eius culturam liberi perducendi, 890. servi, 952. subditi, 1024. virtutes rectoris civitatis, 1077.
- Vis* compulsiva, expulsiva, turbativa, 297. in bello licita, 159. in personam hosti non competens, 1206.
- Vita* commode ac jucunde transigenda, 119. vitæ genus, 891. honesta, 49. vitæ privatio inter pœnas, 1048. vitam salvam in prælio pacifcentes, 1192.
- Vitium*, 8. ab eo liberi, 890. servi, 952. subditi avocandi, 1024. vitia fœda in republica punienda, 1052. rei emtæ, 618. locata, 637.
- Vituperium*, 146.
- Universitas*, 197.
- Voluntatis* determinatio generalis, 164. voluntatis ab intestato defuncti præsumtio, 933.
- Voluptas* innocua, 118. transitoria, 120.
- Votum* affirmativum, negativum, 842. decisivum, 843. vota consentientia, diversa, unanimitia, majora, minora, paria, 842. meliora, 843. absentium, 844. votorum inæqualitas naturalis, 845.
- Usurarius*, 721.
- Usucapio*, 451. 463. 464. inter gentes, 1139.
- Usufructuarius*, 713.
- Usura*, 649. mordentes, 649. ordinariæ in contractibus trajectitiis, 680.
- Usuraria pravitas*, 649. a republica arcenda, 1021.
- Ususfructus*, 713. & seqq.
- Usus* domini, 202. imperii rectus, 1078. iuris sui, 66. iuris donandi, 477. vsus loquendi communis, 346. vsus profanus, sacer, 1025. vsus rei, 721. sibi innoxius, 310. vsus rerum

INDEX.

rum necessarius, [183.](#)
 communis in commu-
 nione primæva, [187.](#)
 188. proprius in com-
 munionem primæva, [192.](#)
 in extrema necessitate,
 dominiis introductis,
[305.](#) [306.](#) [307.](#) rei de-
 positæ, [539.](#) rei loca-
 tæ, [622.](#) rei locatæ
 dominio necessarius,
[628.](#) [629.](#) rei publicæ
[1130.](#) rei universitatis

[1129.](#) pignoris, [702.](#)
 prædii rusticus, urba-
 nus, [709.](#)
Usus (pro servitute), ple-
 nus, minus plenum,
[721.](#)
Utilitas in contractibus,
[560.](#) domini in nego-
 tiorum gestione, [690.](#)
 sola belli causa non est,
[1171.](#)
Vulgo questus, [861.](#)
Uxor, [858.](#)

FINIS INDICIS.



100

100

LIBRARY OF CONGRESS

Im Wintersemester 1766

von 9 bis 10. d. Logique.
von 10 — 11 d. Natur
von 11 — 12 d. Institut.
von 1 — 2 d. Jurisprudenz
von 4 — 5 d. Jurisprudenz
von 8 bis 9 d. Jurisprudenz

Im Sommersemester 1766

von 8 bis 9
von 9 — 10
von 10 — 11
von 11 — 12
von 1 — 2 d. Jurisprudenz
von 2 — 3 d. Physik
von 3 bis 4
von 4 — 5

Im Wintersemester 1766

von 8 bis 9 d. Pandecten
von 9 bis 10 d. Natur
von 10 — 11 d. Pandecten
von 11 — 12 d. Institutionen
von 1 — 2 d. Jurisprudenz
von 3 bis 4 d. Jurisprudenz
von 4 bis 5 d. Jurisprudenz
von 7 bis 8 d. Jurisprudenz

von 5 — 6
von 6 — 7 d. Jurisprudenz
Im Sommersemester 1767

Im Wintersemester 1767

von 8 bis 9 d. Jurisprudenz
von 9 bis 10 d. Pandecten
von 10 bis 11
von 11 — 12 d. Jurisprudenz
von 1 — 2
von 2 — 3 d. Physik
von 3 — 4
von 4 — 5
von 5 — 6 d. Jurisprudenz

Pandecten
Pandecten
Institutiones
Ius naturale.
Historiam Juris
Physic
Mathesis puram
Transcend. f.
S. Graßmann's

1	-	
0	-	
2	-	
3	-	
4	-	
5	-	

$$\begin{array}{r} 1000 \\ 1000 \\ \hline 2000 \end{array}$$



32101 041262161

Theodorus
Theodorus Platanus Nicholai Platanus II
Jacew in Anglii 1534 in Orleanis in Paris
Theodorus 548
Theodorus 548
Theodorus 555

